

中華文史叢書之五十  
清、道光刻本影印  
王有立主編

僊屏書屋初集年記  
(全)

清、黃爵滋撰

華文書局股份有限公司印行

自序

吳門友人既為予鑄仙屏書屋  
初集詩錄復攬予篋中所為年  
記自丙子迄丙午凡若干卷又  
碎錄若干卷謂當並付刷氏俾  
輔詩錄以行爰錄之曰記之言


志進已志也年出也亦進也三十  
年為一世之中泰百年之  
一具天時人事之變死生離合  
之故則夫出處之間交遊之際  
為可感矣凡若鈔撮畧備存考  
其或因事綴人因人綴言或前

後五綴或首尾分綴故非著書  
初無定律徒以中處之身藹焉  
與世混濁日月易逝脩名不立  
飄風過而萬籟散油雲萃而衆  
陰合俯仰之修聊自遣適而已雖然  
美玉韞匱奚諱席上之陳良琴在

御詎秘房中之奏徇君之請亦無

惡焉

道光己酉長至 樹齋黃霽滋



僊屏書屋初集年記卷之一

嘉慶丙子○徐東松初遊廬山記

嘉慶二

鄉試事畢與宜黃余學閩敬中黃爵滋德成  
 南豐李覺牧臣東鄉艾暢美中約遊廬山八  
 月廿五日晡時發舟次日吳鹿洞書院  
 九日午達南康遂捨舟陸行至白松風謾  
 宿焉書院四圍岡阜羅繞前瞰迴溪松風謾  
 謾水聲潺然若鳴環珮院中多名人石刻撫  
 朱子手植桂慨然懷仰前賢凌晨起行至三  
 峽橋水石喧歷萬雷般地誠如蘇子瞻詩所  
 狀橋邊古樹槎枒俯蔭深澗森沈可怖更行  
 至棲賢寺飯後登樓觀舍利又求觀宋漫堂  
 中丞玉帶已不可得予與李艾黃三君往登  
 五老峯余君仍畱寺行三里許道旁居民言  
 適頃二虎過此皆慄然有戒心乃覓人導途  
 山麓迤迤漸高過廬岳祠以上則峻崖峭壁

長江書

初集年記一

一

一

徑窄阻如縷如螺旋如蛇屈將至歡喜亭予  
俯睨足下懸臨數千尺精搖神眩足軟不能  
步憩焉良久稍定又行至山額迤北途忽仰  
忽夷及萬松坪已曛黑矣投小寺甚庫陋無  
題額僧云九屏寺也寺負五老峯之背明日  
飯後僧修傳為導扳蘿緣磴前者之趾正壓  
後者之頂踰時乃造巔雲海盪胸江湖縈帶  
尺吳寸楚皆在煙霧中東望饒州思鶴舫先  
生不得同來此為悵然嚮自棲賢望五老峯  
近若在一二里間意謂併高不過五六里易  
達及至此正不下三十里也夾道多茅栗多  
楮飢即取食石上往往見前人擘窠書杳不  
聞鳥聲修傳言從此西往黃龍寺僅十餘里  
予欲往或言余君獨在棲賢難久待遂返過  
昨所憩處乃知其高尚是三之一耳迨至棲  
賢亦已暮明日過萬杉寺早飯西行一里至  
秀峯寺即古開先寺寺後有南唐中王讀書  
臺下有泉名聰明泉王陽明於此磨崖紀功

西出數十步過漱玉亭臨青玉峽題壁者甚  
 衆瀑布自巖來蜿蜒千丈下注一壑跳波  
 濺沫仍飛流斜激亂石間曲折出山真天下  
 之奇觀也寺僧言登黃巖絕頂觀瀑布乃益  
 奇咸恍其路險不往遂往瞻雲寺古名歸宗  
 寺之大為廬山最相傳王右軍所捨宅徘徊  
 養鷺池久之予欲偕諸君從此遂循山北諸  
 勝不果乃仍返秀峯宿是夜大雨明日觀瀑  
 布更壯僧出宋中丞像請題各為二章午後  
 雨止回南康約七里是夜宿舟中早起解纜  
 翌日畱吳城又二日至省是為九月月初七日  
 計往返共十四日是行也計於廬山未歷其  
 十之五然山之南已略得梗概他日補遊蓋  
 非窮一二月之力不足盡其勝也四君請予  
 為記遂名之日又記予既為遊廬山記諸君  
 初遊廬山記之日又記復謂宜繪圖於是使寫  
 真人萬琦作子五人始往時舟行將達南康  
 之勢琦曾過南康見廬山者故於山之南景

初集年記一

二



象能得其似而於予五人亦能粗傳其形神  
 焉五人並坐浮槎上其坐槎頭右手向廬山  
 作指點勢者艾至堂也坐坐艾君後以左手拍  
 其肩者黃樹齋也槎尾坐左手執靈芝者為  
 李嶺南坐次李君右手執蕉葉扇者余一齋  
 中坐左手燃鬢微笑則余也予謂此圖當何  
 名黃君曰廬山九十九峯五老峯最奇前日  
 遊亦於五老峯最暢同遊適五人請對五老  
 為言而名曰遊廬山少圖可乎余君年雖及  
 又宜亦可以少概之予曰可哉蓋余君今年  
 方五十予與李君年並三十有四艾君三十  
 黃君二十有四為最少至四君之性情才  
 已見予所贈四君詩前同宿秀峯寺時作也  
 今附錄於左方若子則錄錄者耳子永豐縣  
 人姓徐名湘潭字仲華父別字東松號蘭臺  
 又即所居地名為號曰金溪四君名字則見  
 遊記茲所稱者皆其號也四君鄉里及遊之  
 歲月緣起皆見前記故先錄於圖後而此記

次之圖共五頓人各執一頓他日可各求當  
 世能言君子題詠而人事無常後或一展玩  
 而悄然懷思此勝會且傳之子孫亦使世  
 知吾五人交契之厚而想見其意態於髣髴  
 矣○贈四君詩猶龍尚守雌莊生貴匏落我  
 愛余君靜冲襟散林壑早悟元牝門艾年顏  
 沃若他日名業藏相從問大藥李侯柱句多  
 時與唐賢偶虛衷貪集益傾契於我厚休戚  
 朋友關忠義風騷首紛紛輕薄子奈何期不  
 朽乳虎能食牛天馬難搏鼠小大才固殊變  
 化惟龍子侷矣艾生概縱往無可禦勿謂我  
 為貴要須聖不手黃子廟廊姿韶顏抗令辭  
 苔岑本舊因愛若瓊樹心信誓終不移張鶴  
 湖水深瀾瀾與子結同心昔蘭亭羣賢竹溪六  
**舫先生廬山紀遊序**  
 在昔蘭亭羣賢竹溪六  
 逸漢上題襟之侶西園  
 雅集之徒同人於野則志通其應江山之助  
 則詩如有神矧廬山者六五岳四三山秀出

南斗遠涵東匯天下所仰實在鄉國眼中之  
 人又萃一時則有襄公天備之哲裔江夏隴  
 西之華貫與夫石麟胄美並皆金馬材儲而  
 乃五鳳數符羣鹿呦叶忽馳思五老峯頭遂  
 同拍八月槎上天水同浮空翠異應風日既  
 適少長咸慙目無畱眩腋有虛翥霞嵐落於  
 吸杯魚龍靜其翼楫曾不淹宿輟舟而陸則  
 夫蘿逕苔磴之登頓重巒古木之虧蔽石雷  
 瀑雪虎咆鶴叫雨花風葉丹閣紺樓天漢側  
 其帽影星斗爭其腹彩閒闔萬干陰霽倏忽  
 窈窕曠曠莫可殫悉詩略見之敘尤率爾已  
 使輞川減圖黃嶽讓秩停杖而雲猶飛還舟  
 而僊尚望君等躡跡追古題遊廬五少圖詩  
 者焉野夫敘意濡翰云爾  
 我過廬山數未入廬山遊山靈應笑我為底  
 羸白頭褰褰五少者高氣凌九州指顧南康  
 城翩翻同輕舟一葉水雲盪九屏空翠浮色  
 映南斗秀思借東林幽沆瀣若迷適導之羣

白鷗五老遙相招五少前相投想見心飛時  
 不知足繭愁石壁立黑鐵泉瀑走白蚪逞哲  
 跡甚多時睹題名畱僊藥覓丹竈佛鐘聞竹  
 樓長嘯寥天一驚起鶴後秋卻憶試罷初江  
 城忙未休幾人抽身閒好事兼句謀五少吾  
 識二黃生鏗琳瑯徐郎乃吾甥多年夸驍騮  
 其三艾李余聞亦皆俊流相將絕頂上追逐  
 御風儔快哉醉筆攄塵絕天機適異時雖巖  
 廊山澤儀可求恨吾張麗生詩攬勝必造匡  
 不與茲後遊當共不張麗生詩盧巖千年瘦  
 骨高撐天昨泊南康阻公事當頭五老空招  
 延章門忽豁看山目天外吹來圖一幅峭壁  
 全封嶺雲白孤根倒插湖水綠白雲蘊山水  
 浸麓雲水迷茫鋪滿軸諸君各結山靈緣布  
 襪青鞋趁晴旭徐生意氣蒼煙高俯瞰埃蓋  
 皆兒曹黃生詣我若不值噓氣直欲飛秋濤  
 艾余李亦皆佳士欬唾未援神先交我展斯  
 圖增鬱陶當日諸君發清興惜不結伴同遊

初集年記一

四

遨朝登九疊屏暮踏三峽橋飛泉萬丈莽奔  
 注如雪如練如狂蛟生平此景入夢寐得遂  
 夙願宵非豪良遊後約儻郭羽可詩廬山秀  
 能踐一解俗吏風塵朝郭羽可詩廬山秀  
 鍾迴峯疊嶂環當萬古壯觀幾名士斯遊  
 絕羨五人同勝情勝具縱跌宕欲揭日月摩  
 蒼穹空光盪胸杳無際大江澎湃如斯五  
 老峯頭五少遊高歌韻雜雲霞氣索險長教  
 山鬼驚鑽幽每使山君避憶共章門載酒過  
 秋風殘客獨歸槎凡心未斷俗緣重無由躡  
 寫隨雲車不辨廬山真陳伯芝詩矮屋瑟縮  
 面目展圖南望生吞嗟陳伯芝詩與不豪朗  
 吟思入廬山高忽攜笠屐挾巾卷雋遊三兩  
 皆吾曹五老蒼顏開一笑何來嶽奇五年少  
 白袍念不到塵埃青山態自供吟嘯五君詩  
 思湧層雲雲海茫茫覆八垠試從絕頂一憑  
 眺衆峯徒覺蟻蛭紛南康城下走一舸風利  
 不泊如迎我扶筇履石費攀躋挹袂拍肩隨

右左奔濤濺雪當風颺陰晴百變聲雷碾雲  
 飛水立浩洶湧洗出人閒冰雪腸歸來好夢  
 落何處煙巒窈窕留佳句青髻未先蒲柳凋  
 酖顏都藉畫圖駐展圖我倏憶藏園一翁五  
 季遊差肩詩筆名山同譚桐舫詩匡廬三度  
 不朽至今人呼老謫僊譚舫詩過面目未  
 看真復此辜良約能無歎夙因鄉山最佳處  
 我輩不羈人五老應招手芙蓉萬古新八面  
 若環翠一艇如朵雲載同秋夢去歸及菊花  
 芬結習餘清眺披圖證舊聞後遊應綴隊先  
 此約**盧籟亭詩**采藥僊人神氣殊手攜奇物  
 匡君**盧籟亭詩**朝京都近來吏隱臥荒郭偕  
 朋共入廬山圖廬山頭天似幌廬山山下  
 浮雙槳自稱約踐三生前跌宕風流成一往  
 五老棲遲雲霧巔大呼君等真如僊前身與  
 我共同甲今日相看還少年爾時捨舟氣飛  
 越不造峯頭勢不歇拄杖倒攀猿鶴巢牽衣  
 直沒熊羆窟忽然振臂當層空僊風吹響環

靈瓏俯看萬里淨纖翳一聲狂嘯天濛濛至  
 是五老駭且顧特遣山靈往防護山靈飛檄  
 召豐隆出沒深林引歸路噫吁此人與此山  
 洵有緣分非等閒不然談虎已色變誰能歷  
 探煙雲關斯關若為斯遊設如此險絕且奇  
 絕合以一峯屬一人多一則贅少則缺獨怪  
 畫工作畫時不畫絕嶺瑰奇姿本向廬山出  
 面目翻臨鄱水傳鬢眉得毋寓意別有在既  
 遊未若初遊快抑或神采艱描摹故借波濤  
 助光怪究之形迹何須求其人其事宜干秋  
 君看西江少年輩吳梅梁師詩一杖筇竹萬  
 幾人堪去廬山遊吳梅梁師詩一杖筇竹萬  
 山舊夢符夜半蒼龍助吟嘯天風吹下古松  
 圖側身如鷗向霄盤絕頂江湖放眼寬九十  
 九峯雲氣盡恰畱真面與人看雲中五老自  
 精神五少重來面目新百尺峯頭同指點手  
 邀明月照前身嶽色河聲氣象開盤空硬語  
 出天才龍門奇氣青蓮骨都自名山閱歷來

昔年曾洗箏琶耳三峽泉邊聽玉鳴今日圖  
中看飛瀑虛堂猶作萬雷聲十年風雨在巖  
阿好爲蒼生一運柯曾向僊  
匡採靈藥出山期爾濟人多  
吳仲昀前輩詩  
我間廬岳七千有餘丈蓮花雙劍不可上峯  
橫嶺側鎖元氣中見日月相摩盪誰其遊者  
五少年凌霞直踏香鑪煙雲中抗手迎五老  
比似夢中顏色好不知身外浮雲淨但道白  
盡青山頭少年若不得快意堂堂歲月將安  
求東林齋磬西林鐘侯溪虎溪秋色濃麝囊  
花開不知處但見水簾倒卷干銀龍此時遊  
興苦不足導以山僧繼以燭猿啼孤松暮雨  
綠吟過清谿三百曲圖中五人識一人蹤跡  
近與黃公親六詩三筆蔚奇秀山色奪得青  
嶙峋可憐江上芙蓉花春風冷落生歎嗟升  
茵落溷尋常事權豔泡珠且須置不如遊詠  
逐歐蘇白蓮一片尋初地期爾  
祁春浦前輩  
僊匡采藥來微妙同參鐵如意

初集年記一

二



寸影斗想廬景賀暗髮年登倒光一余詩	楚光盈當山一蔗相朱客高萬入紙徐	人景衣振圖失農召顏眉盪條湖雲黃	煙變裙策虛誰前應宇心雪懼煙黃	無減下凌能輩釣應局目練天想君	傲無視絕展摹詩竿大笑促尺龍低真	然須鳥頂玩黃窺我昔擢可攜便欲從君學頭擢	長與背斥奇樹齋有狂氣解囊眇我	嘯浮八絕尺幅萬里煙霞鋪	風雲入極尺幅萬里煙霞鋪	雨九驅隘九區上摘星	俱派香鑪直接石梁	瀑白鑪直接石梁	流練紆尺吳	倒紆尺吳	挂一
------------------	-----------------	-----------------	----------------	----------------	-----------------	---------------------	----------------	-------------	-------------	-----------	----------	---------	-------	------	----

千丈飛來好句如穿珠同遊艾徐與李余鬢  
 眉清妙容顏臞雲中五老拍手呼何來人閒  
 五年少三千年前此履吾歸來覓舟尋舊途  
 水中拍拍雙鷗鳧回視煙鬟窈窕如縮之一  
 紙綽有餘擲筆大笑山在此山歟人歟兩不  
 孤我今局促轅下駒夢魂夜繞匡廬九十里  
 九峯峯畔居何處顧萊塘詩不聽東林鐘足  
 年探險償宿逋顧萊塘詩不聽東林鐘足  
 真面未曾識徒令長江萬里蟠心胸嘗聞巖  
 頭有五老時常白雲披絮帽自交淵明與樂  
 天不肖傾心事年少我從夙昔夢見之笑我  
 草閒哦惡詩布颿一片風引退比似方壺員  
 嶠遊無時我思謝靈運亦豈錄錄者慧遠屏  
 之白蓮社老人拒我何足詫何以暗中卻與  
 五少期呼猿引鶴相娛嬉磐陀與之偈息蘿  
 葛爲之提攜瀑泉千丈供濯髮松間倒拄白  
 接羅是豈襟期寮曠百倍我而彼刮目相視  
 煩金鏡或言五老不必皆老翁多年變化顏

聖  
 年  
 詩  
 卷

初集年記一

二

如童侵晨呼舟渡彭蠡翻身跳上青芙蓉樵  
夫牧豎認作是遊客謂與五老人相追從今逢  
黃叔度佳篇落吾手持問五老人便可塞其顛  
口他時若過匡山前必將五峯一一摩其顛  
問渠當初何鄙我簡夢巖詩匡廬秀矗東南  
遲我來遊十二年簡夢巖詩匡廬秀矗東南  
緣慳登天無階地可縮突兀遊廬圖一幅不  
知當時五老峯幾人曾見少年容世上容顏  
不可恃胡爲千載萬載猶老翁老翁忽然變  
年少少少少少少少少少少少少少少少少  
信今人皆古貌畫中調其道今人繼古人誰  
面目真相當梯雲躡絕頂石作人語詩通神  
我思匡廬之峯九十九至今五老人常稱首正  
如遊廬億萬百千人五少遊後斯無偶五人  
最少推黃君軟紅塵土時閉門披圖指點故  
山好豈獨徐余艾李嗟離羣欲遊吾未能欲  
歸君未得章貢迢迢峯厯厯宦成龔介三詩  
他日早歸來莫遣匡君笑頭白

我家峩眉東之東愛山不作買山翁但願好  
 山日日送青至煙雲萬壘填心習西行曾覽  
 太華勝北遊更睹恆嶽雄五嶽遊二三未到  
 欲騎白鹿隨赤松偶來索米長安地泥沙堆  
 面塵緇袂故山猿鶴笑人忙棘刺沐猴緣底  
 事黃君酒豪詩更豪相逢一笑成故交為言  
 夙有煙霞癖曾從匡廬尋盧敖爾時同遊稱  
 五少逸情直上凌丹霄新詩一卷出相示放  
 懷作者劉與曹不識廬山真面目身在山中  
 猶在麓今我一卷覽已周如此臥遊真麗矚  
 子平婚嫁何時完有山不到心懷慙詩成陳  
 寄君君記取他日相逢朗誦白雲青嶂閒陳  
 聲叔詩吾聞匡廬之秀甲天下臨彭蠡影  
 寒綠朝來故人忽叩關袖中圖畫開煙鬟恍  
 然坐我迴厓杳嶂紫翠閒可惜軟紅十丈都  
 踏遍不逐五星飛湖面五星厯落羣真儔家  
 與廬山近好作廬山遊明湖萬頃拭青黛紅

詩	俯	成	香	不	珠	眉	展	高	湧	闕	鑪	山	巨	霞
作	仰	白	對	盡	璫	詩	儻	浪	出	帝	鬱	靈	鰲	朝
餐	身	頭	此	霞	下	塵	成	我	山	樞	翠	愛	背	日
霞	十	丹	增	光	天	氛	六	亦	頭	金	煙	人	昔	齊
客	丈	青	牢	霧	末	莽	逸	宵	月	碧	銀	須	三	弄
五	吹	凹	愁	氣	風	莽	許	有	手	光	河	夙	神	態
少	為	凸	名	多	飄	無	從	名	擊	迴	翻	緣	山	僊
翻	秋	長	山	奔	笙	時	君	山	南	旋	落	蓮	采	槎
翻	凜	在	有	流	鶴	休	手	癖	斗	大	青	花	藥	飄
同	然	眼	約	我	來	詭	輪	會	動	呼	冥	石	使	然
此	不	何	非	非	滄	不	君	著	清	謫	天	鏡	天	凌
遊	敢	當	曠	曠	洲	數	結	阮	唱	僊	西	爭	風	碧
乘	開	與	士	士	陰	崑	伴	家	五	濯	南	明	迴	虛
槎	雙	爾	耽	耽	晴	崑	廬	幾	嶽	僊	石	媚	舟	白
意	眸	同	百	百	眾	崑	山	兩	真	骨	門	東	不	鸞
氣	陳	冥	憂	憂	壑	崑	雲	蔡	靈	雪	雙	南	能	尾
凌	小	搜	薰	薰	裏	崑	爾	爾	駕	波	雙	香	至	拂

滄洲踏徧丹崖與翠壁望窮楚尾又吳頭披  
 圖快讀諸君句字字凌風欲飛去就中觀瀑  
 賦尤奇我愛澄懷黃叔度石梁三疊傾怒濤  
 其源湛湛流滔滔五老連臂近可招快哉石  
 背騎金鰲銅陵碧澗吾鄉有不讓奇峯九十  
 九十年隨宦客天涯有山不歸太孤負詩成  
 擲筆心依依東松久別牧臣歸他張亨甫詩  
 日江船尋九派俊遊再約余與艾張亨甫詩  
 五老在雲中蒼然開秀色似迎采藥人尋雲  
 去何極絕頂瞰深壁下峙千仞黑是有萬玉  
 龍傾瀉秋河側君時放高歌四友○素堂師  
 詫神力至今山水奇遊者獨相憶○素堂師  
**題渡江圖詩** 星槎曾犯斗牛客瓜步洲前揚  
 片席江空積氣浩漫漫湧出金  
 焦兩點碧古人破浪乘長風今人快意將無  
 同況子抱負非儔黨盛年婉嬾才豪雄招琴  
 高兮赤鯉飛來淵客兮珠璣貽聊乘興兮蓬  
 瀛島僊之人兮不我違怒濤萬丈忽山立一

葉凌空風力急高唱大江東去辭魚龍起舞  
 鬼神泣箕坐船頭與容與白蘆紅蓼秋千里  
 落帆斜日海門高吳澈翁詩鐵甕城高夕照  
 煙翠空濛鐘梵起吳澈翁詩開旗邊畫鼓沸  
 春雷乘風萬里原奇氣覽勝三山要異才重  
 過酒樓惟白髮舊遊詩褐遍蒼苔願君早踏  
 金鼇背隻手湯茗孫詩年少狂歌到海濱吳  
 狂瀾挽獨回吾道南來今幾人天地長留鞭  
 東去古如此吾道南來今幾人天地長留鞭  
 月手波濤喚起臥雲身卽今邱壑看圖畫風  
 葉蕭蕭歐陽詩樵詩划船齊唱大江東寸碧  
 如有神歐陽詩樵詩划船齊唱大江東寸碧  
 流不盡茫茫人海又孤篷文章一例挽狂瀾  
 萬卷撐陽江樣寬爭似騷人塵劫洗才名直  
 渡到壽泉兄詩一幅長江畫迢迢是去程孤  
 長安壽泉兄詩帆天際影雙眼望中情到此  
 胸襟闊全無風浪生明珠攜萬斛快意及茲  
 行作客幾千里長途逐好春鶯花三月榴琴

劍上京人遠樹分瓜步微波漲菊塵妙高臺  
下路流覽賦詩頻憶昨南歸日新秋此又過  
江湖兩兄弟道里幾關河海水碧無盡焦山  
青更多年華容易得吾意感蹉跎羨子最年  
少才名衆所希曾從

金殿上得謁

聖顏歸意氣何豪邁文章漸細微分襟各努力

莫使尺書稀

吳詩觀瀑句原註樹齋舊有夢遊廬山觀瀑  
詩第五首原註壬申三月隨芝軒師至三峽

橋觀第六泉

顧詩末句原註丁丑邱南屏侍郎擢按江右  
約余同往後調山右遂不果行





僊屏書屋初集年記卷之二

嘉慶丁丑○壽泉兄手札不覲便已隔歲轉飢

惟與居轉勝為慰兄自去臘以來未及旬日

而兩遭叔祖孚兄之喪心緒鬱鬱無可言者

入春後稍稍甯帖然遙羨吾弟閑署優暇蝴蝶

蝶上階不啻霄壤矣筠巖先生月課曾擬作

詩賦二題今錄瀛洲亭歌一首以相賞析詩

云我聞蓬瀛方丈稱神僊滄海湧出三青鬢

奇葩異草互光怪列僊所宅非人間又聞唐

太宗禮賢文學館玉堂兩壁繪風濤一時豔

羨登瀛選郡城西有瀛洲亭茫茫幾度山花

青當年取號良不偶要當放古搜遺經章奉

常林直院三館同居復相見分符持節追舊

歡飛蓋相隨敞清燕公餘覽眺時徘徊高談

往事心顏開銅陵諸嶂出雲表往往嵐翠浮

金疊鳴鳩戲燕各有態點綴檐檣隔無纖埃神

僊宮闕正如此况復兩公先後皆從瀛洲來  
嘉定至今幾百載欄楯就廢垣墉頽羊角石  
擬峴臺游人蠟屐披蒼苔茲亭足備郡中勝  
亟須締構還封坏我今讀舊記長歌磨麝煤  
醴綠之酒新潑醅薦以杞菊秋風催金柅舊  
址復何在忍令名賢遺跡同蒿萊自謂此作  
音節頗佳未審弟以爲何如也盧生雪詩佳  
極無半毫煙火氣未易才也此時會垣之行  
得意必多有詩亦望錄寄春寒伏冀眠食自  
愛不具正月七日

僊屏書屋初集年記卷之三

嘉慶戊寅○顧筠巖師手札

展閱大作竊窺作

不踏恆徑然按之實理較欠不能打動閱者

心坎闡中即恐難遇知己僕學無根柢惟就

師友緒論所及謬為品評未見即是足下虛

懷善受不妨精益求精况學問之事往往以

力求進境轉涉退機其實退處正是進處甚

有入魔境界一旦豁然開悟則有進而無退

矣本年鄉試

恩科已奉明文僕擬由廣信赴建郡科試約在

四五月之交維時有近作再見示一二可也

外君子貞而不諒成文一篇吳古餘先生僕

鄉試座師戊翰林其文雖似墨裁至今尚

足為金科玉律鈔呈誦玩場屋文并可類推

矣又札臆見出之未必盡合足下久應獲雋

而每遭屈抑誠恐視此事為過難場屋中一  
 題到手幾不知何道之從此最易亂人意要  
 之科名有無遲早總有一定窗下功名之念  
 最切場中功名之念要忘凡題認定真解就  
 白文上下文并註義一涵泳尋釋真解自  
 見發筆須愈勉中肯不可有閒句閒字嫩句  
 嫩字總要意義精透詞氣圓足勉勉不令閱  
 者費解作難自然投無不利科場中只當作  
 文會還其三篇佳文一首佳詩二場經毋錯  
 認題目毋誤領上文毋侵犯接連下文三場  
 毋含糊誤對毋自出新樣擡頭○徐東松詩  
 斯為人事安盡得失聽之而已  
 黃樹齋學博屬贈德配李荃君夫人三十生  
 日詩盈盈金屋桂為梁來自瑤宮阿母旁早  
 羨工吟濟道韞更憐得婿駕王昌簪花手熟  
 朝臨帖繡佛龕嚴夜燭香欲送紗帷親受業  
 左家嬌女伴平陽神僊不慕李騰空信有人  
 間福慧鍾共說南宮兒是虎本來元禮女乘

龍蘋繫德茂昭彤管  
擬將躬詣祝可應未許步障籠○樹齋又屬  
余自代內作一首以贈比邑聯交誼從知淑  
問詳工書憐李妹擇婿得黃香象服宜金紱  
餘才到酒漿雞鳴資  
戒旦白首永相莊



僊屏書屋初集年記卷之四

嘉慶己卯○余東才手札

素堂先生得吾子一圖敍一詩敍可以傳

矣楷以井蛙之見土蚓之吟焉足以揚盛德而壽高人耶既承命題搜索枯腸聊以塞責林節母徵詩啟以闡幽發隱之才寫玉骨冰心之事已足備列女之傳登

國史之編愚又何容贊一詞拙作圖鑰雖非可傳之書然借重鼎言亦可以示我後嗣儻毋賤木桃之投而吝瓊瑤之報也則幸甚幸甚承來佳什莊誦一過又得里言四句日浣薺被露時迷五色雲朗吟

○盧籟亭詩

己卯二月二十

渾不覺齒頰有餘芬  
四日夜夢中得樹齋夫子書云明月在樹梅  
花滿山相賞者十有二人皆吾宜川子來乎  
自腰以上著半素要令與花月一色也喜極  
易衣而出遙見樹齋夫子步月而至忽大風



吹檐瓦墮地作聲  
也悵然久之覺書詞朗朗可舉因成長句一  
首寄呈連宵風雪未登門底事魚書入遠邨  
滿樹梅花開白曉亂山明月出黃昏驢橋續  
訂千秋約馬帳潛通一夜魂十二  
僊人齊縞袂不知何處倒銀樽 ○徐東松

題麻姑像詩  
綽約雲衣插鬢花猶思狡獪擲  
丹砂長生但乞葫蘆藥背癢甯

貪僊爪爬蓬萊清淺欲揚塵不老常留玉色  
新試問餘杭酒熟否相從一醉話干春君本

金華僊客喬天假一官姑嶺隈此  
圖不是人間筆親向僊壇請得來李牧臣詩

五銖被服絢輕霞點點星眸灼灼花我向麻  
姑山下任僊風親覲蔡經家薄宦盱江幾度

春重闌歸侍薦清芬莫言官  
况淡於水攜得姑山一角雲

僊屏書屋初集年記卷之五

嘉慶庚辰○吳梅梁師手札

讀小啟如畫草蟲  
栩栩生動寶而藏

之謝謝兩詩體物瀏亮冷布三聯涼棚  
三聯甚警晚放月為家則化工之筆矣



僊屏書屋初集年記卷之六

道光辛巳同李石渠徵掩藎枯骨作啟蓋蓋不棄

愛及羣生衣冠有靈尚歸窀穸况於傷心同類觸目遺骸者乎竊見京畿郊坰內外空地不少古墓實多世遠代湮風飄雨泊子孫式微犬彘為虐遂使暴脛荒墟拋醜蔓野雖彭殤齊錄俱付法輪而身首既枯復遭慘劫夫射聲創祠骸之舉頤山流發粟之澤企茲古風豈無興起爰藉同人籲求長者飲之泉布以便瘞藏勒之貞珉以昭核實考除飀之義原無背乎前經恢掩骼之仁實有承於昔訓庶幾洛陽之鬼罷哭天陰無名之靈仍安冥漠云

○陳石士先生仁術堂記君子之為仁也苟勢所可

爾行雖所處下而必奮雖所事細而勿懈惟設厥誠以究所成以為其術之可推也遑曰吾

初集年記六

責不在是歟掩骼埋胔官政也紀於月令或曰是周公之所經營也而呂氏竊之以為名故明堂陰陽記特載於劉向別錄焉大夫官政之所舉有司之事也倡義之所矚士大夫之仁術也官政之所舉曰順生氣云爾顧官聯之所不及曷嘗不通於四時士大夫之仁術曰致吾不忍之心云爾就間見之所及而思以釋其患亦足以佐乎官政士庶民能為是猶引而進之也矧其為士大夫乎嗟夫俗之偷也細民之役於利也聞有受募直以應役者或取骨畜產以售給或剖暴朽樁以報塞人物羸錯神鬼恫怨倡斯義者樂其名而不察其欺則欲以造福也而禍且及於其身余聞姚秋農尚書朱虹舫閣學言浙中之軼事而痛之是故貲既釀矣任其事者必擇夫醇厚之士事既任矣稽其實者必竭其考核之才吾有誠而人能同其誠斯行之無疚於成也斯議也倡於宜黃黃樹齋編修而釀貲之厚

則夏森圃觀察之力爲多既買屋置產以爲  
瞻斯事之具而復構堂以居任事之人余亦  
與於斯議者以編修之屬爲記乃詳言其利  
病之所在以示後之人且以交儆夫今之任  
事者潘穀士手札去歲在張君寓見有善會  
也誠爲樂善之舉鄙意以猶有須附此而行者  
京師之陸地慈航負輓以牛九城內外無力  
之家或殤折幼孩地方告諸牛車載出城外  
爲之掩埋其家給錢若干始事者實爲仁人  
之用心但日久成弊名實不符曾在西河沿  
見車內重疊交加有有衣服者有寸絲不畱  
者有用紙包草裹者惻然不堪屬目訪諸同  
人以爲近日載慈航者一出城外往往剝取  
衣服是以其家自行脫去遂以赤體付之且  
堆擲一坑之內草率了事至爲禽犬拋毀骨  
殖并有全不入土竟用火焚云取其灰別有  
所用果爾則殘慘之狀尤不忍聞皆由積日

既久咸視為奉行之官事無人肩查察之任  
 小人遂以此為利大負當時創善之意殊堪  
 歎惜也鄙意以吾兄素多善行是以不揣冒  
 昧敢請遍告同官同年暨諸相好議一良法  
 捐貲設局輪司其事另僱一誠實之人厚給  
 其值仿慈航之式載諸城外給與小柳木棺  
 擇官地一區妥為分埋厚覆以土毋許堆積  
 一坑之內並禁剝取衣服以期行諸久遠其  
 如何設立章程之趣高明者自能詳盡如不  
 以鄙言為贅請試議而行之足徵吾兄暨諸  
 公不忍之一念上洽天和下及枯骨雖不計  
 佛氏功德之說而善根結善果亦造物自然  
 之氣化也他日出寄封疆入為宰輔舉  
 此心而推廣之所沾被益無涯矣 ○李  
 牧臣詩札 辛巳長至寄黃樹齋吳補之京邸  
 三宿前何遲一別遽何易浩浩溥  
 沱冰尙滯羈人淚今年居窮山浪漫得所寄  
 天子重賓賢多士會騰吹我友黃與吳修佩振

連綫鯽生復何人向日眼獨昧豈不鑒茅茹  
 稟氣匪其彙亦思求友馨集木乃其義劒合  
 會有時著鞭君莫遲○附去冬答東松詩東  
 松使來訊問歸否并以前時亢旱有傳山東  
 道中丐飲甚難多暍斃者作詩寄懷伯芝樹  
 齋與予三人聞伯芝已歸新城惟樹齋遠隔  
 宜黃尙未得耗余因述近狀以畚得五百字  
 下第吾何思所思故山址憶當孟夏時觸熱  
 辭京邸五六七月交早暎尤無比控馬血盡  
 汗烘川水勝火促棹渡江淮兼程馳橋李遠  
 愒定陽城偃伏龜藏尾奄忽逾五旬連縣方  
 載兩暑退前來歸已恰秋中矣我歸復何如  
 小妾聲垂俵頻年聞號咷總在入門始此事  
 亦無曹早喚趨庭鯉長者性雖頑作字粗成  
 體其次爲時文下筆半篇解婉婉七齡者亦  
 復窺書几以此且自慰更效牽羊禮貧女嫁  
 誠難儘罄百金使我背有蕙僕屢叩君居止  
 方因送衛艱轉去充綱紀我懷遽莫達君使



旋先抵開緘緬故情細字如屯蟻觸緒必周  
詳因端竟纖委下泊婦孺愚中極親交夥安  
否訊拳拳真誠據壘壘豈不惜詞煩要當會  
面耳因思昨歲冬累幅君先啟我苦作會難  
君言是不爾聚會非可恆接談賴有此儻薄  
賣菜傭曷罄相思旨已復誦君詩琅琅聲并  
起歲旱天和違土灼水泉死病喝本尋常况  
竝行旌駛此語自齊東竊嘅人生幾昨者鄰  
郡生一蹶盱江泚再及吾鄉譚凶耗傳河濟  
窀穸委路途神魂隔鄉里嗟哉失志人濩落  
將胡底爾我况夙歡感念知何已所愧浩然  
身不疑復空在陳君亦後先短札今同遞遠  
隔鳳山前獨憶樹齋子或共式微歌抑尙燕  
臺邇天意有深持斯人甯異視檢點篋中編  
兼寄金溪涖匪當雜佩酬願借他山砥明年  
藥榜開章貢澄秋水看君萬斛舸一泛長風  
颺庶共對牀眠再躡青雲履虎變會有期何  
必終蓬累春酒想細縑春花亦蓓蕾因風寄

遠音遙祝膺多祉○東松原詩昔者堯崩年  
奇寒間鶴語今秋

龍

天馭遐大旱數千里四海喪考妣

或愆窮民閒無俚未聞公車客枕藉病暍死

傳說容未真流言恐有以循思甚傍惶坐臥

十數起知交尤厘念可否已歸里異郡聲息

隔寄書難逢鯉落第亦尋常惟祝平安耳  
李詩昨者四句原注聞寧都州楊某卒於南  
城道上同邑譚君廷獻卒於濟寧州



僊屏書屋初集年記卷之七

道光壬午○郭羽可贈詩

真郎三十作生日郭  
生潦倒四十八壯心

耿耿已如冰華髮蕭蕭欲成雪當年猶憶灌  
嬰城徐生招我廬山行神僊福氣我何有五  
少之一君英秋風入戰柳生肘坐笑雞棲  
馬如狗誰知一顧識孫陽塞驢幸逐驂雖長  
即今共踏長安塵看花卻被花笑人頭雖長  
低氣肯屈閒愁萬斛澆清樽扶輪大手終輸  
子壇坫相看追燕許為君拔劍歌莫哀任笑  
枋榆嚇鴟鼠天生神俊豈偶然淒涼白眼看  
浮雲相君未合蓬蒿老玉鞭終拂三山煙吁  
嗟乎人生交際徒逐逐雨覆雲翻愴幽獨黃  
生愛我如醇醪我愛黃生若荆璞逢君初度  
為君祝願君不朽功德言從今修到古之賢  
又詩邇來十日不畫梅坐令心眼生塵埃黃郎

作書苦死催新詩沁我冰雪懷安得生絹長  
 十幅抽出千竿萬竿玉喚將春色指尖回開  
 放三枝兩枝梅世無吳道子繪我二人者旁  
 添怪石著黃香老子婆娑坐其下梅香幽幽  
 竹蕭灑三萬六千日連札日來外間雜症甚  
 牀不識人間炎與涼札多祈善調攝近服  
 藥想更平復矣清明上河圖細接查江邨消  
 夏錄此圖有之或係明時名手摹倣然已巧  
 妙矣中有書鋪未繪據實不止如此長此圖  
 乃三分之一耳價當值數十金之間然亦無  
 有過而問價者只是展觀日不暇給頗厭其  
 煩急著人送還希查存拙作想蒙正定乞擲  
 去手帶下連日忙不暇來奉看初八九當來  
 胗脈更方也今日自許同年趨同倦甚只欲  
 臥明日又擬往東頭送場也半  
 月來未得一隻字賦事愧事  
 ○陳少香和

闡中詩

殘月官槐欲曙天都堂納卷各忽然  
 昨宵酣戰風吹急飄瞥將軍下瀨船

入又手敲舊超羣脫腕還能巧蓮斤一樣高  
 吟餘勇在教人心怖岳家軍佛座曇花手慣  
 拈四圍新綠已垂檐蓬山此去無多路樓閣  
 清虛印玉壺春陰幾日擁書眠中酒情懷似  
 散僊願得與君相約  
 ○簡夢巖詩  
 脫終朝混  
 定看花時節杏花天  
 醉醒病憐身有用狂惱藥無靈樹老蟬聲苦  
 雨多天意冥莫嫌朋問少欹枕誦黃庭誰信  
 汝南客居鄰病亦同交須生死寄義等桂薑  
 玳小極情原適長吟氣自雄家山相望遠併  
 入夢魂中  
 陳詩脫腕句原註君時患手疾

竹房記

--	--	--	--	--	--	--	--	--	--

僊屏書屋初集年記卷之八

道光癸未○謝向亭先生詩

樹齋大弟招集十

作吾鄉國土有黃童著我紅裳翠被中清影

曉激千顆露暗香輕颺一痕風蓮房蘊寶從

頭數藕節穿絲逐竅通病後三又詩中年百

年今最樂詩情不放酒杯空王曾經三日火栽松

不更細數分陰積幾多試延年藥秃筆能為返

日戈定想詩情凌大謝芙蓉江上卷秋波○

樹齋大弟以詩壽余生日和此以答其意○

艾至堂畫扇題辭嘉慶丙子與樹齋太史

聯廬山之遊囊雲作賦婦

石題詩後吟鶴和頗盡一時之興距今七年

聚首都門風雨燈前追溯舊遊光景如昨予

旋以下第就擢南旋太史亦將請假回籍扁

舟過颯湖山在眼舊遊可續跨鹿重來當不

臣

初集年記八



令山靈笑人也臨行前夕太史出素篋索畫  
因為作五老卜鄰圖以寄與太史雖當世有  
用才而泉石僊心未嘗一日稍忘匡山讀  
書颯頭白不歸來豈至為太史嘲乎哉 ○

徐廉峯前輩手札 前日失迓罪罪讀大著直  
似青蓮前身是匡山一老

後身乃是金粟如來也率賦三十韻以誌嚮  
往尚祈和章以開茅塞尊事作何布置後日  
擬過齋中約在未申之交  
幸勿他出即須旅社不盡

僊屏書屋初集年記卷之九

道光甲申○徐東松手札

客歲五月末閣館選報後即欲郵書奉賀

兼誇弟夙昔期許之不謬奈荒陬一時難得  
便人入京足下方壯得志前途遠大將來入  
管機樞出膺方面自意中事顧弟所企望于  
賢者亦非直以爵位之崇為交遊光寵而已  
蓋將求德業名稱無愧於古之大賢君子焉  
如貴郡之晏元獻王文忠貴邑之譚襄蔽皆  
前憲也比想衣錦旋歸上下集慶其樂可知  
弟偃蹇名場拮据困窶已為習苦不言非矣  
孰意去年更遭冢子之喪此子生而奇異方  
望充閭體又壯健殊常而一病不支悲痛摧  
傷非言可喻想足下聞之亦為我憫然也承  
欲晤枝臣及弟至堂書亦云然茲已屬枝臣  
專人持音造候欲約四月初十前一二日齊  
集尊庭若南豐則不獨弟前年應枝臣桐觴

墨子書卷

初集年記九

一

之招已兩至且弟擬至貴邑就往臨川訪紀  
慎齋先生卽下饒州若從建昌往更紆道不  
便耳聞紀公學問醇遠探蹟索隱窮遠知來  
今已致仕家居不可當吾世而不識此奇人  
饒州則鶴舫先生因修志假歸日前返署辦  
考臨行諄囑弟往也蒙許作拙集序而索稿  
拙詩初刻昔已入鑿續作今猶不及三百首  
必欲再斟酌置詞則有一部在牧臣覘此同  
與牧臣音中已僊屏書屋記城邑之與山林  
與商借付闕也難兩兼者也偏州僻縣因山以爲城塹險以  
爲固風習陋而人文衰彼都人士之所美者  
無有焉於是卽其山川草木煙雲之色態里  
巷室廬之形狀亦覺醜黜而不耀湫鬱而不  
舒夫如是又烏足樂而可謂之兼乎予行歷  
天下郡邑多矣所見能兼二者之勝趣則惟  
宜黃其城中大半皆山也岡巒起伏分支劈  
節磅礴雄奇往往一石爲一山石色或絳或

黝黑苔草點綴蒙披青鮮翠蒼宛若圖畫其俗交而有禮鼓而好事業詩書者多得所志以故士益衆且奮弦誦之聲洋洋然貴家華族率有閒軒別館爲藏修息遊之所又以接賓客暢性情極文藻唱酬之樂焉僊屏書屋者翰林黃君樹齋之所有也尊祖玉亭公始創尊父守垣先生兄弟析產得之而略加拓治君幼時隨父讀書及延他師俱于此正踞僊人石之半麓外垣與其家之後院相接僊人石者形法家以爲城內之主山也高可十仞橫廣數倍之皆一石之所爲故以石名而山名遂隱相傳宋時鄒提刑遇呂僊於山頂書屋所負颯平列如屏以是取名僊屏云君與子相好甚數數見招爲客兩次設榻於是門窗洞達櫺檻樸雅前榮俯瞰深池遊魚時潏潏可玩四圍藥欄花筵芬馥繚繞嘗於夜闌人靜與君攜手上僊石南睇軍峯北顧鳳岡左撫卓望右挹南華宜黃二水窈窕南來

折而東北以走臨川水光瀲灩月色晃朗萬  
 家飛甍廣廈閒厠竹籬茅齋高高下下錯列  
 于山罅石腋之內古木叢篁疎桐甘蕉風來  
 有聲露葉泥泥披襟納爽傾耳送籟兩人宵  
 然自得相對無言蓋其地擅山林之清超而  
 非同一邱一壑之枯寂具都邑之繁富而又  
 便巖棲谷飲之道遙信所謂塵寰之福地欲  
 界之僊都歟余與君約他日當來結鄰君謂  
 子既愛吾廬不可無言予乃為僊人石詩又  
 使為書屋之記夫昔之人曰地靈曰人傑兩  
 相致也亦兩相資以名於世古賢者偉人發  
 名成業雖其偶爾寄寓之地後人猶流傳尋  
 訪想像其風徽而况生長成學於是者耶是  
 雖一畝之宮環堵之室也吾知千百載下亦  
 且爭傳說為宜詩僊人石在宜黃城內傳為  
 黃之故事焉矣宋提刑鄒一翁極遇呂純  
 陽魁樹齋家於山麓山之腰為書室曰僊屏  
 吟榭館余其中因屬賦宜黃城西多石巒巖

瑰呈秀爭欲前鸞騫象步獅虎蹲其間一阜  
 尤奇詭懸厓平列如屏藩立鐵千尺橫蒼煙  
 上有僊人故迹存故人家住任僊石側呼吸靈  
 氣飲石液今生修到木天班前身合是蓬萊  
 籍尺書招我尋前約分占僊山青一角朝暮  
 翛翛風滿林几席蓬蓬雲可握我聞昔者鄒  
 一翁邂逅純陽於此峰婆心委曲常相從壁  
 上神僊有路通惜哉夫人太恩恩翻身入壑  
 去無蹤空餘畫印綵袖紅看君采藥道味濃  
 他日濟世告成功相期瑤草拾山中爲問金  
 閨當官容僊眷又詩樹齋庶常假歸以書招  
 原是李騰空此紀事故人別幾載平步策青  
 至堂未至賦副從舒夙抱殷遭逢異苗溷臭  
 雲深喜吾言副從舒夙抱殷遭逢異苗溷臭  
 味竝蘭薰展素知衷懇關山豈憚勤遊山思  
 舊侶把袂復隨肩李芑約不至銜杯翻無然  
 花開難共節  
 月缺又重圓

巨本  
 初集年記九

三

丹陛期聯步同

登位業僊

○李牧臣手札

來力由舍至郡知今番良聚更

勝昔年而弟有不能如願者前已縷述茲天  
 氣漸熱舉動良艱彼此又不能多需時日徒  
 使心懸兩地故甯風外向隅所恨虛諸公期  
 望之深心而弟又不得前來就教耳有近作  
 數首求正曩弟送長女于歸詩第二聯云我  
 自連城求趙氏人稱玉鏡下溫郎東松兄批  
 次句宜商弟當時以為作中表故實用耳豈  
 前月尾長女不幸竟為趙郎作讖語耶言之  
 心慟譚吳諸君詩弟向命兒輩鈔存因字畫  
 潦草且無副本尊處亦粹難寄回故未檢付  
 丙戌會試吾輩五人定當并萃此時譚吳亦  
 當褰裳連襪而至不更快耶聚散皆天緣當  
 其聚而散亦或散而忽聚且合前之未聚者  
 皆聚此亦倚伏自然之數矣弟近作皆東松  
 兄乙正者所存無幾首亦尚未鈔輯俟面呈  
 耳附譚吳音各一紙譚音前所云者弟亦有

所不解近世多尙虛謙竊意吾道所在當直  
則直如吾輩之以德義相與是也世道所繫  
當讓則讓如大官美邑好田宅不妨推以與  
人是也弟嘗有志于此而內顧德薄外無時  
位之可居故不能徑踐斯言耳東松先生奈  
何忽踵此腐習耶姑縷陳之以當面談果來  
遊麻源弟不難載酒攜稚相從此亦似不甚  
荒館課耳第初至炊宅居宿尅爲難也弟向  
只日中一造未會  
區畫至此姑俟之  
○盧籟亭啟  
一別門牆幾  
路渺知行切乎尊聞濂水波澄風月足乎吟  
弄望成連之短懼曲己三終泝宗慈之長風  
人應萬里恭惟老夫子大人流推第一品擅  
無雙禮樂備乎三千雲夢吞其入九一編夜  
校紅燃太乙之藜萬卷晨雝絳掩扶風之帳  
花燦麒麟筆底爛若雲霞毫揮鸚鵡筵中颯  
如風雨况復情深似解德峻於嵩春風汜以  
噓枯化雨滲其潤槁其有所試車駢鼓篋之



人何所不容屣倒抱琴之客而譏薄劣九荷  
 裁成漫為宰我之離大賜郢人之斲聽袁宏  
 之諷肄惠以清譚成孔闇之聲名丐之餘論  
 鼇戴山而覺重蟬抱葉以知溫所由瓣香敬  
 祝夫南豐而尊酒願隨夫北海也昔郭泰雷  
 巾之日正陸機入洛之年說自託夫一枝蘇  
 尚迷夫五邑滹沱木落三秋畱韋杜之天燕  
 蔚春深五載滯謝王之巷轉瞬榜開龍虎選  
 出青錢逾時池占鳳皇綰來  
 紫誥四圍瑋瑁坐玉宇以高寒萬檜玻璃泛瀛  
 洲而浩淼先生升矣允符銜鱸之祥小子識  
 之竟協蟠蛇之兆今者青騶遠控彩笳榮牽  
 出畫省以透遲一望故鄉而竊窾半舟綺旭離  
 袍與繡織齊輝一路彤霞玉佩及金花並耀  
 名堂作錦當年蠟鳳之場下馬如虹此日鳴  
 珂之里本欲祛衣以赴躡躑躅賀之班鞞  
 臆而前襪從入鷗迎之隊漫減懷中之刺投  
 去無由淒涼爨下之桐焦來益甚籃輿寡色

矜稱陶令之門生白酒無香愧作揚雄之弟  
子異日芙蓉幕下或當泛綠水而依此時蚰  
蝶階前惟有  
撥野芹以獻  
徐詩綵袖句原註純陽至提刑家一日畫桃  
源圖於壁翁身躍入以手招提刑從之夫人  
急挽止以袖拂壁袖上遂印一桃源圖云今  
尚存



僊屏書屋初集年記卷之十

道光乙酉○鄒曉江先生手札捧讀律賦十二首繆加圈點琪

花賦僊骨珊珊梅花獨造幾欲不讓廣平海棠秀絕一時蘭花幽香可挹白桃花淡雅

桃花帶雨嫣然可愛采蓮寫采字異樣出色花城四面烘託用思極細乞巧起結超絕中

亦層層工細乞餘嬉笑怒罵坡公復生雁賦煙水迷離令人舉頭天外醜雞南華妙諦六

韻試帖一卷又札蒙示試帖五卷不佞莊誦并繳祈查岐

趣溢於題中神流于言外自當今一二鉅公外難與抗手矣其中有疑數語另紙錄覽竊

謂付梓時每卷尤須從容自讀一過其有過鍊之趣悉宜改歸自然蓋此道非工力與作

者相並讚之議之均無當也又憶不佞自十四五時即喜吟詠先從七絕入手後來學律

氣格再不能振弱冠後究心試帖作之過多  
及爲五律便不能脫此面目惟七五言古直  
于四十二歲專用半年之功爲之質之同人  
頗謂能自立脚前小兒歸謂足下自言古近  
體學之甚遲今觀大集居然自出機杼無一  
語寄人籬下大抵紀遊之詩高于酬贈漢魏  
諸家題詞論斷平允是學識兼到之作丁氏  
女死一事古今所無得毋近于死傷勇乎故  
此題頗難著筆匯海序借刪三行未知當否  
中引雕龍及詩品似俱宜摘其要語數行否  
則詩品段太空于體裁或未合也又有請者  
國朝百八十餘年來詩人輩出特少佳選別裁  
而外近日名公專集亦復不少意欲足下試  
帖刻竣外專用數年搜羅之力無分南北無  
分存歿都爲一集其與唐宋人異同之處必  
將了然于心亦可補藝林中一段缺事也

僊屏書屋初集年記卷之十一

道光丙戌四月散館授編修○許滇生師手札

黔中於仲夏月下浣甫見散館名單欣悉年  
兄授職喜音為之抃躍頃從家兄信中獲誦  
惠札具徵拳拳之誼久而益深並知三次寄  
書兼有佳什想因僕倮直園居非若南城之  
近便以致為洪喬所誤耳年兄天資學力無  
不過人然僕所期于足下者當以名士為名  
臣一切馳騫聲氣之為固萬萬不足為足下  
慮而祕館清閒益當讀有用之書存利物之  
念他日因時展布方不致枝枝節節而為之  
大約

國史館最足增長識見亦須平日先將十七史  
披覽一過方有把握朱子綱目較易入手近  
人刊本中加切問齋文鈔最為平實多可見  
之施行亦望留意鄙見如此蒙諄諄延訪用

敢少罄其愚幸垂察焉僕自楚之黔道路中  
 惟以書遣日此閒士子極恂謹僕從不以夏  
 楚加人而歇法者漸少拙者之為政不過如  
 斯至不收棚規不包供應紅案等項掃除一  
 空則自前數任已然非僕好為此矯情干譽  
 之舉也瀛眷何日抵京長安居大不易可勝  
 翹切○余東才手札 邇來輯有家訓萬餘言  
 湯軍南先生鑒定賜有弁言今又輯成周易  
 交象註解五萬餘言稿呈桂山先生處容俟  
 領還再乞椽筆作序同家訓○吳子序手札  
 以傳兒孫寶而藏之何如  
 暫別殊增思念在道憶及諭訪椒山遺跡行  
 至北河有故祠堂在道旁下車瞻拜內有諫  
 草亭一區刻先生劾奏鈐山二十四大罪疏  
 草真跡凡六石嵌壁閒故縣令趙君失其名  
 所刻未立而去任後令朱文奎因崛地得之  
 始為建亭字跡端媚惜無好搦手為摹出數

本也 ○郭羽可手札

顧師之病苦被眾口所搗東家無主日更一醫天下

事為庸人所敗者往往如此可勝浩歎承大  
作過獎并欲分心及此末藝以足下天才何  
所不可如僕者直愚者干慮之得耳大抵此  
事可學而不可行此間知我信我者不過數  
人而已錢金粟先生於此 ○潘芝軒師思樹  
道亦明可引為知己耳

芳蘭圖題辭

嘉慶癸酉江右拔萃科得人最盛于撫得黃壽泉樹齋昆仲于

贛得徐孟舒柳臣昆仲芝蘭玉樹往往萃于一  
門心竊喜之今夏來都樹齋出思樹芳蘭  
冊屬題益歎雅人高致迥異恆流他時鑒別  
人材同心之臭相賞自有真也抑又聞之君  
子律已貴嚴而取人恆寬藥籠所儲不拘一  
格但令得器使之宜妙轉移之用雖蕭艾可  
化為芳蘭又况揭車與江籬  
乎是當為思樹者進一解矣  
陳石士先生序



樹齋編修有圖曰思樹芳蘭而屬予述其意  
 蓋古之志潔行芳者多取於蘭以自喻荀卿  
 子曰蘭之生於深林非以無人而不芳又曰  
 蘭槐之根是為芷其漸之溘君子不近庶人  
 不服其質非不美也所漸者然也故君子居  
 必擇鄉遊必就士所以防邪僻而近中正也  
 故束廣微興言於戒養羅端良引喻於慎獨  
 觀物考志語彌旨焉編修襲詩書之家世職  
 文史於巖廊跡拔乎深林而香可聞於十步  
 矣顧約旨卑思恂恂然切自考之念可不謂  
 善用其思與予安**陳伯游說**樹齋太史以淑  
 得不樂為之序也**陳伯游說**茂之資居蓬萊  
 之地振景拔迹邈焉靡儔夫文章乘旁薄之  
 會必審其所歸聲譽當赫起之時必原其所  
 受譬如蘭焉秀理內孕不特紫莖綠葉也和  
 氣先滋不恃光風湛露也與人常遠得天獨  
 厚內孕自腴故外見者非媚悅先滋既羸故  
 後加者無增損意謂太史靜安淡泊動忘榮

觀其諸有喻於此者吾聞蘭香清蕙香濁同  
 一卉也尙宜區別何論其他士大夫處世匪  
 特擇途而蹈恆致警於多歧卽先民是程猶  
 遲疑乎貌似用心良苦矣太史有圖曰思樹  
 芳蘭舉以見會賓谷前輩詩草橋二月花無  
 眇因爲之說能樹美人何處山中遠道勞君特延佇延  
 佇幾時思更深紅塵九陌少同心且將澹墨  
 寫高致風露李春湖前輩詩誰滋九畹作蘭  
 菲菲吹滿襟所便卻惜紅塵無地著還憑素手入圖傳靈  
 均豔摘詞曹選迦葉花拈靜者緣也似君家  
 山谷老未犀姚伯昂師詩太史清芬出翰林  
 香裏一參禪鮮新翡翠宜朝雨搖落芙蓉空碧潯天上種  
 來真得地人間看到總同心妙香甞試參禪  
 去借取蒲錢定廬前輩詩幽蘭似爲騷人出  
 團靜裏尋

我欲攜鋤從細覓林少穆前輩詩君何思兮  
 幾多芳草不知名佩搖落天為霜君何思兮  
 思空谷孤芳無人媚幽獨人閒桃李春可憐  
 眼中蕭艾徒紛然美人肯使怨遲莫為滋九  
 晚開香田開香田藝香祖此品羞為眾草伍  
 芳菲兮襲予情脈脈兮繫汝清風忽來紫莖  
 盛開猗猗東山油油南陔庭階玉樹相映發  
 當門之忌胡為哉同心兮有言僊之人兮手  
 陽春不采不自獻心清乃許香先聞君不見  
 秋江寂寞芙蓉老雨露沾濡須及早十步蹇  
 吳澈翁詩一蒲芳有幾人那知天意憐幽草  
 慧香多微笑拈花意若何能借畫禪參妙諦  
 老夫門下有鷗波九晚移根宿土深春風吹  
 送出中林人閒荆棘鋤徐廉峰前輩詩叢生  
 須盡慰取香山歲暮心欲取蕭艾拉雜摧燒  
 之芬藍布天地溪壑迴閒十蕙閒一蘭蕙族  
 尚別何况茅與荃我

春姿君抱濟世心畫圖託深意此意徒自芳  
 同心復誰契酌君金卮酒聽我歌南陔南陔  
 匪云遠相與娛春暉吳菊湖前輩詩嶽嶽清華品揚芬  
 願天外美人心君合叙秋佩吾將張南山詩  
 調素琴相思隔湘水展卷意彌深  
 三閩去後離騷在千載幽蘭香不改空谷蕭  
 然闕古芳有美人兮宛相待江夏無雙襟抱  
 清思之思之通精誠樹人要作百年計樹德  
 自具千秋情湘波灑水勞延佇紫莖細葉深  
 培護扇去暄和九畹風斟來沆瀣三霄露蒲  
 團習靜且拈花眼中桃李紛穠華國香願植  
 萬千本玉樹李牧臣詩我自長安來門不過  
 豈徒誇謝家五侯感君每存惠彼  
 美思麻邱籊雲君自遠息駕予何羞所恨共  
 源水忽分東西流英才會麟閣那得參獼猴  
 且圖燕市醉悻悻非子謀君思樹芳草  
 此志當千秋歸歟空谷去叙佩還相求張亨

甫詩

名園桃李爭春速國香零落多空谷美人不來采遺誰天寒歲暮芳馨獨披君

此圖足可思一拈花笑憐幽姿意中九畹好位置忍使風雨搖離披君言昨作荆楚游湘

根澧葉曾無留我家亦近建水頭素心昔貴今賤售萬物榮枯本天意棘徧難鋤種何地

縱戒當門或懼誅宛移入畫堪破涕此圖妙腕出女士墨痕到颯忘真似惜君孤坐擁蒲

團手無甘露灑芳藥無端感我莫歎嗟飄零級佩紛梗麻蓬萊水淺何人問周盡千年瓊

樹吳子顧詩宿雨初穿客土勻軒軒漫舞已華回春平生我最憐芳草不信同

心亦有人荒畦掩映漸離披珍重東皇與護持供養詩魂增定慧曉風吹送半開時淡若

無香解畏名不辭空谷委榛荆尋芳自是幽人事愛向煙中斷短莖種蘭有待圖先寫展

向蕭齋當故人百畝花田○二峯姪詩丙戌吾定辦乞君更化億千身

樹齋叔以詩贈行卽次韻爲別百尺庭槐綠  
蔭圓朝來忽已換鳴蟬人隨雁影過彭蠡夢  
醒雞聲別薊燕風月文章留韻事鱸魚鮭菜  
度殘年歸家尙及茱萸插好向登高憶遠天  
郭札旁註服僕藥僅三劑後多陽奉陰違自  
足下往視後弟亦辭歸矣○此病不能言終  
屬不治雖能言偏廢恐不能治急服養氣血  
之品而漸加以祛痰宣風之品或可作萬一  
之想柰庸庸者力破參地不可用不知高參  
何補於事真人參方可耳且藥有君臣佐使  
補瀉之分專執人參爲補然則人參敗毒散  
參蘇引參連丸俱不可用耶此不通之論聽  
之令人髮指人言半瓶醋此間竟半瓶醋亦  
不可得耶

吳詩畫禪二句原註浣雲女史子門人余芝  
衫配



僊屏書屋初集年記卷之十二

道光丁亥○張麗生手札

別後恩恩八年矣極

下而抗塵走俗心緒惡劣擗管復輟者數四  
每遇京師人來側聞先生蜚聲蓬苑摘藻木  
天遠道瞻依不能已已迺荷關心舊雨手教  
先頌足見文字之交不以貴賤易其情不以  
歲月弛其念也所賜萍迹圖序通篇無一俗  
調文筆蒼秀直入唐初諸公之室詩尤氣息  
雄渾佩服佩服孟滄近來詩不多作作必求  
合於道駢體文頗薄延陵而以雅存先生為  
近古拙著數十篇夢白都轉慙思付梓至今  
未果也前年至堂來饒州邀同鶴舫郡博為  
十日之飲狂叫酣呼聲徹戶外今至堂  
遠遊而郡博已歸道山感慨係之矣  
伯游詩朝旭空林透綺疏深情數社論三餘  
下牀自笑非佳客東觀難從讀秘書

卷之十二

初集年記十二

一



豈謂折梅傷歲暮漫勞翦韭約春初○張亨  
 城南鎮日思城北不厭頻牽大耳驢○張亨  
 甫詩史有重來結詩社之約今在道遇麤峯  
 家人言渠丁內艱南歸矣悵然有作並寄樹  
 齋蕭蕭匹馬去幽州夏別相逢約早秋遠道  
 竟過重九日故人已到十三樓寒雲蘄北天  
 仍暮殘月江南北自流傳語關河張奩在悲  
 歌塵土滿征裘○十月六日樹齋太史招同  
 黃僊嶠太史龔太民大令陳子鶴吏部吳子  
 顧工部三同年集飲寓廬有作萬里關河匹  
 馬回故人相見喜銜杯誰知歲月經憂患自  
 信乾坤任去來郭外風寒猶憶柳笛前花盡  
 欲催梅冰霜遲莫身顛顛青眼高歌幾異才  
 張詩十三樓句原註廉峯舊家揚州郭外句  
 原註五月出都樹齋送至右安門外時楊生  
 亦在攀條折枝泣然爲別

僊屏書屋初集年記卷之十三

道光戊子六月二十五日奉

命充江南副考官○蘇賓嶠詩

荷花生日黃樹齋太史招集同

人十刹海分韻賦詩次日太史奉江南典試

命卽以贈行我昔築室東湖濱頭街自署芙蓉

民揭來燕市苦馳逐夢魂長繞滄江縉玉泉

一 道漱寒乳奔流曲折穿城闌平湖十里浸

洲渚紅衣散亂波粼粼誰知咫尺有茗雲一

月悔不來干巡吾友樹齋發清興載酒招集

西園賓臨流草閣地虛敞四面涼翠侵衣巾

碧搖秋色水痕靜媚含曉露珠光勻香風襲  
襲沁癯骨但覺肺腑皆清醇尋常鷗鷺忽到  
眼如靚佳侶情逾親西山倒影落波底鏡中  
露出青嶙峋風光如此不一醉花亦笑我非

詩人碧筒芳冷酌復酌憑闌百感來紛綸我  
 聞此地昔繁盛名園臺榭東西鄰珠簾畫舫  
 日遊讌豪嘈絲管中流陳蛻庵遺老真才子  
 松風一闕歌朱屑流傳佳話幾百載舊迹空  
 向漁樵詢吾儕落落京國裏閉戶吟嘯耽天  
 真有時相聚亦非偶力追騷雅殊羣倫江山  
 風月本常物一經詞藻生鮮新此花此會豈  
 易得明朝有客催征輪皇華載道歌駢駢星  
 輶直渡橫江津此行不為秋風萼要為廊廟  
 搜奇珍棲霞山嶺秦淮滙六朝煙景登眺頻  
 回頭應念蕭閒身新詩先寄 **陳伯游詩** 玉河  
 憑修鱗如聽水調江南春 **陳伯游詩** 玉河  
 秋氣發微風清扇綠波活芙蓉舒英猶未歇  
 紅拖朝霞白凝雪橫驅蟬螻乘長橋仰望蓬  
 萊擁 **雙**  
 闕去天尺五託根近人世荒江黯孤月主人  
 壽花花意悅卻對金尊翻惜別來朝隔岸過  
 輶車葉上神龜早能決願祝主人強飲食往

與羣賢慰飢渴江南正直採蓮時落實取材  
 豈應渴蓮中惟蒨蒨中蕙比類都充藥籠物  
 主人與花互相壽盛事雷將後來說酒樓且  
 以消日永驛路何當塞木末坐客升沈各有  
 懷出門大張亨甫詩華國文章命世才星軛  
 笑冠纓絕初看出蓬萊三年名壓  
 僊班貴兩部歡迎使節來故事歌聲桃葉渡  
 新涼秋色雨花臺戟帷駐日登高近龍虎江  
 山照酒杯擊劍高歌每夜分交情三載比龍  
 雲棘闈有上應如我珊瑚網無遺久望君流水  
 東西今悵別大江南北昔能文孤寒尙說鄉  
 前輩一鸚凌秋果不羣好句梧門畏後生使  
 星雙耀石頭城  
 國家取士科名重吾道憐才意氣平擁傳一秋  
 添月色挂帆六代剩江聲再持玉尺尋常事  
 不負  
 溫綸首翼木民詩

詔提玉尺向南天  
六代雲山拂袖鞭  
江左文章開庾信

禁中才子出王淵  
驛程秋早爭吟月  
試院茶香

偶品泉豈有遺珠  
滄海歎可知門盡  
夜光懸

皇華聽唱出都門  
我正歸思滿故園  
白雪歌

成誰與和素衣緇  
化不堪言東西溝  
水流原

異上下雲龍念自  
存屈指他潘星齋  
詩承玉尺

恩時向京洛高文  
樽酒細重論潘星  
齋詩承玉尺

早星輶出鳳城文  
章關氣運經濟屬  
儒生秋

月懸空皎冰壺澈  
底明掄才期報

國端不負科名霄  
漢瞻佳士文壇藉  
主持胸懷

真磊落水况清奇  
握手三秋別傾心  
一字

師定知桃李盛潘  
紱庭詩如雲屯稍  
嫌尚浮

俱是拂雲枝論君  
為通儒學經史探  
淵源文

華根抵鮮討論君  
為通儒學經史探  
淵源文

彊讀未見伯起鈔  
分文一朝持玉尺  
千里采

荃蓀江淮水浩蕩  
烏蟾相吐吞皖歙  
山雄奇

象緯若可捫願拔  
器識士以酬

朝廷恩采采芙蓉花芳馨若相待香風猶繞襟

奎光倏騰彩輝輝星行烟烟冰心在平生

樹芳蘭思結不可解此去多汀洲秋波富蕙

茵朱弦寄遙情墨花時一灑訪璞喜登崑崙

蚌樂遊漸煎茶得金仙山前輩和詩真儒掄

新詩珠字貽百琲山前輩和詩真儒掄

才重科第立言本心著理緒幸未墜况兹江

南北蔚矣人文會涵濡百餘年

文教頌溥被山川秀氣鍾多士翹材異名榜湖

前賢我輩勉思繼慚余舊學荒藉君枕中秘

慎兹公正心和衷同策厲今歲始識君秋風

聯吟袂投我新詩篇真當三舍避鑄語本天

成思清絕纖壘兹游陶雲汀前輩詩闡填榜

幸不負秀奪江山麗重上至公堂慣聽鸞聲

日呈兩玉試作瑣闥重上至公堂慣聽鸞聲

食葉忙欲採棟梁儲奇文立扶三千牘香案

國用先舒挑李為公芳裳同顧曲西風回首廿

分排十八房曾是霓裳同顧曲西風回首廿

初集年記十三

三

年陳少香詩戊子秋客江南樹齋太史典試

詔書前度下蓬萊是邦撤棘後賦詩奉柬

三尺網六朝山擁過江來大江南北號古名邦

陳夏登壇氣未降君是涪川老居士要將宗

派溯西江冰壺玉鑑本虛清辛苦風簷十載

情記得青袍門外立文章同入汝南評畫舫

銀鏡水上樓照人明月又中秋故鄉此會應

傳說江左文星是黑頭霓裳齊唱大羅天

梓鸞皇盛事傳不識歐公門下士誰將衣鉢

效當年年少持衡自軼羣天香吹襲眾僊紛

秦淮兩岸紅紗裏不看郎君看使君飽看金

焦兩點山皇華采錄句親刪渡江圖上應添

寫九月秋風使節還作客樊川事可歎也思

西笑向長安故人已是王○吳子序詩樹齋

陽貴慚愧空彈貢禹冠○吳子序詩樹齋

枉談之餘以詩索和述感次韻仲容早日擅

家聲豈料窮塗勸步兵記說空齋訊枯草人

生由命復誰爭  
湘蘭澤芷且交遺  
黯墨相看  
半數奇讀帖品棋真強事更無聊賴又聯詩  
札承賜舍弟哀誅謹讀一過泣下不能自己  
何仰感高誼俯復追懷忽忽不悟世事天道  
可為纍紉足使薄植增重尙容庭謝  
○張

亨甫詩三月二十日黃樹齋太史龔木民大

麓考功陳子鶴程容伯兩同年三官堂看海

棠分賦前年送春曹魏間去年今日同燕關

年年春歸人未還有酒那惜醅朱顏故人黃

龔最豪宕到手不放金杯間僧寮海棠濕飛

雨太真粧淚紅關干朝光靜對風轉樹醉眼

偶覺雲如山細思萬物易變滅歲月且喜吾

堅頑鬻孤奔走亦天意如此痛飲緣豈又詩

慳但愁明年各江海看花誰與追離鞍

御溝積翠菴  
荷花生日分韻得佳字

卷拜書

初集年記十三

四



宮槐都暎紅衣冉冉佳花海光明開佛界水風  
 蕭曠動秋懷流年暗裏前朝換落日明邊一  
 驚借師友平生餘韻事碧筒送酒幾天涯  
 張詩孤寒二句原註乙酉陳石士閣學典試  
 江南搜落卷得江寧管君同通經術能古文  
 名下士也閣學于君為同鄉同館前輩梧門  
 句原註謂鍾仰山侍郎與君鄉薦先後出林  
 陳詩青袍二句原註燦與君鄉舉第四名出閣  
 采田師房衣鉢句原註為傳閣學衣鉢云  
 學張小軒先生門下以嘉賓與先生均有期親  
 吳詩黯墨句原註時嘉賓與先生均有期親  
 之喪  
 張詩師友二句原註吾鄉鰲峯書院蓮花頗  
 盛甲申是日恭甫師曾命作七律四首

僊屏書屋初集年記卷之十四

道光己丑○潘四農雲龍圖序讚

昔周公孔子以龍德教天

下非獨象君道蓋臣道亦有之乾初爻潛二爻見四爻躍皆是也叔世易學不深以龍喻士德者往往踰其實孔子謂老聃猶龍語出後人傳記吾猶未之信若荀之入龍李之四龍許之二龍王之九龍龍乎哉嵇康亦稱臥龍矣吾獨偉夫諸葛君之為臥龍也此乃克符龍之潛見與躍者也夫龍之威怒采色凌蒼穹薄日月不可端倪恆人所驚喜以為神而君子弗貴焉君子貴之者貴其能為風雨以澤物且屈信從時不自執也澤物功也不自執德也有不自執之德而後有澤物之功而不自功而後可以善其功故龍貴德也昔葉公喜畫龍乃畏見天龍人為其局於形似而不知德也故以之喻失士是又不盡然即

畫龍為龍偽也非德也即畫龍求龍此考德  
以去偽之學也不可一日廢也吾師樹齋先  
生于役江南得畫龍橫幅一愛其筆墨有古  
意裝池之盼同志師非用畫自娛者也將考  
驗厥德上以睇諸葛君之為人而下以求天  
下士惜乎輿之懷亦將深考易教以萬一副師  
也然區區之懷亦將深考易教以萬一副師  
之求不致為天下士所笑是貴乎懋其德也  
竊不勝嚮往爰取畫而讚之曰

聖

皇作萬物觀凡多士被靈雨咸變化升衙衙  
占龍德台上下庖義氏官以敘守正中善出  
處蟠空山潤下土順時運識通理畫小技義  
宏鉅管其義德施普佐吾艾至堂詩齋空夜  
君則園矩

明隄覺風雨昏燈青雷轟電閃起咫尺頽雲  
塞地天冥冥恍惚奔趨有百靈海波倒捲枯  
滄溟怪君何處得此通精神畫令我駭對頃刻  
迷陰晴我聞龍本至陽精屈伸變化無定形

九淵九天任潛躍出入有雲翳以行世人不知龍德貴謂可參擾殊不經誰其畫龍卽真龍前有僧繇後所翁此圖未知出誰手墨香一漬雲濛濛果有蜿蜒勢萬丈半露雲外藏雲中精靈盡出真宰泣尺幅神變誰能窮正恐乾坤有時要霖雨忽然飛去圖爲空龍兮龍兮我願招之復來入神功旣畢此堪張亨蝨老屋空山伴夜吟淋漓萬古雲猶溼甫詩故人昨持江左節有客贈以雲龍圖裝與我各有意氣東野竊比昌黎徒三年我苦困外患中有存者徒區區浮雲隨風落四野追思往事淚盈把憶我丙戌始識君其月仲冬地蘭若張衡名從公叔聞陳蕃榻爲孺子下依人作宦喜比鄰寒夜相過霜在瓦朔方歲暮天蒼涼白月出漢流清光醉呼秦青摘絃索起舞卻視雙魚腸是時太白亘西域匹馬欲縛休屠王漢庭無人薦賈誼萬錢一飲空

何人言  
二  
慨慷惡颿吹裂嚴城鼓並載或向車茵吐入  
春縱酒尤清狂花朝寒食花如雨何曾數日  
不相見童僕失笑無賓主亦常醉就酒家眠  
脫君黃金換清酤事殊興極憂思多端陽送  
我南渡河右安門外楊柳色有人折傍離觴  
歌太湖蕩蕩青浸山西湖森森紅覆荷扁舟  
到處感君意此意不盡如滄波滄波返載來  
時路京華握手秋已暮倉卒旋驅上谷車奔  
馳復冒南蠻霧近計及家正除夕望之慟哭  
門已素從此傷心住故鄉他鄉歡樂總非故  
去春人日吾北來二月見君爲我哀我行易  
京復四月五月再見稀銜枯六月送君持節  
去君歸我去隆冬催卽今南北復遠別回首  
百日千低徊古來良友悲聚散而我與君又  
同歎怨別豈惟蹤跡睽話舊轉傷酣嬉漫秋  
聲滿地送颿楫夜火照書卷簾幔我獨周旋  
團扇持君應寂寞殘碑看吁嗟浮雲無定蹤  
但願君子真爲龍文章光怪視鱗甲時事造

次惟雷風雨霖定慰蒼生望圖畫將徵黃閣功紛紛世人交態薄比似當時有葉公○

徐廉峰前輩詩三月二十八日偕黃樹齋江

稼軒寶辰管異之同郭羽可儀香顧兼塘翰

簡夢巖釣培馬湘帆沅張亨甫際亮譚桐舫

祖同令弟菊農祖勳潘紱廷曾綬汪孟慈喜

孫周雪樵仲暉李蘭屏彥彬龔定庵自珍潘

四農德輿徐榮生卓吳清如嘉淦盧籟亭謨

共十九人未至者潘星齋曾瑩蘇賓嶠孟陽

令弟雪堂廷梅三人分韻得朝字故人千里

別魂猶黯然銷春光似流波一去不可招茗

茗江翁亭高會延儁僚主賓盡東南和若竿

座調西山帶遙碟爽氣來僧寮織織蘆筍長

疎疎棘花飄濃綠如罨畫堂深晝擬朝題詩

滿苔壁殘墨蝸涎消秀語擢荒穢濁酒時一

澆百年歲月餞先後如奔潮追思古賢達身

世皆寂寥不朽惟令名所業患弗劭名亦身

後計內貞防外離何如屏國爵知足羣鷓鴣  
 青春去堂堂人事空喧囂今日且盡醉散髮  
 凌天馬湘帆詩韶景媚餘暉剪與百昌競空  
 一碧腴野曠萬綠迸嚶鳴况相召紅紫亦未  
 竟晞陽愛流景惜陰愜同性騁懷析詩律婪  
 尾議觴政飛蓋西園讌列坐蘭亭詠拾材感  
 春卿長物迎夏令風輪渺停蹟華簪有交慶  
 前旌戒東皇小酌醉中聖譚桐舫詩折篁吹  
 陶然澹忘歸秉燭後遊更譚桐舫詩作瑄中  
 有風自南萬彙如飲醇隨風已成酣新序有  
 故戀錢之月始三蘭卮集時彥江氏亭共探  
 西山如列枝倚閣交虛嵐亭後有積水一洗  
 逐熱慙造物毓羣秀草樹齊蘊含慕類今日  
 聚諸佛同一龕譬彼及時卉四照如雲曇彬  
 彬兩太史屬美成盍蓂夏辰入懷抱藻志古  
 所○徐廉峰前輩詩六月十六日樹齋招同  
 譚鄭雲麓杜尺莊簡夢巖

郭羽可馬湘帆周雪樵湯海秋蘇賓嶠張亨  
 甫張際唐張辛田邵左瀛潘星齋紱庭集後  
 門外海子上之先月樓看花爲歐陽文忠黃  
 文節兩公作生日分韻賦詩黃君好古人才  
 思辨而捷一口吸西江先賢力追躡筮日壽  
 歐黃溪毛薦玉樸豈惟敬桑梓兼亦會鞞鞞  
 因我寓洪都招之同鼓篋斯文喪五代廬陵  
 起衰茶豫章闢邪喋紹聖勢乃成羣賢類中  
 間黨論破邪喋紹聖勢乃成羣賢類中麗徙  
 蔡與貶宜從容處謗譎文章輝後先節義長  
 扶挾共此荷花天神來應安帖或疑二公生  
 相距旬幾浹今忽強合之神爽何由緦於黃  
 杯已殘於歐席若鷗縮鶴而企鳧此舉殊葑  
 攬顧我進一解議祀徵專輒當時眉山翁文  
 行光曄曄實出二公閒師友情兩協立朝不  
 同時一人與交接生申不同朝一日爲兼攝  
 君其繼前軌振轡縱馭論文賞不孤尚志  
 氣何懾如讀集古錄金石聚一笈如披詩派

醫子學書

初集年記十四

四



圖宗支無二牒道合則神同陟降宛承隄歐  
 蘇與蘇黃俎豆迄柔葉一笑泛碧筒清風謝  
 茗簡夢巖詩念前哲星香隔水盪塵拂感時  
 陽當宁襄密勿文章乃餘事末學賴湔祓後  
 起有涪翁天才信魁崛絕憐詩派尊未免卑  
 官屈兩翁焉時出志豈在簪紱指顧世代移  
 名字斗山屹中間蝨吾輩自顧增媿艷聲僑  
 同或然臭味譬豈不良辰況多暇招邀集僑  
 醉碧簫薦餘馨青天豁沈沕花光媚詩思神  
 靈來彷彿男兒生世間安得如願乞遣此半  
 日間敢笑勞生吃悠哉古人心醉矣杯中物  
 ○潘芝軒師詩六月二十四日仰山樹齋招  
 古一首寒蟬先秋鳴涼意在樹杪臥聞檐雨  
 聲起視瑣窗曉清風來不速引我至瓊島中  
 央一水亭四面萬花繞主人兩宗匠僊葩入  
 品藻坐我香世界煙波淩浩渺同遊皆俊才

蘭雪本詩老自云卅年前此地雷鴻爪風流  
 感曙星陳迹忽已杳及茲花生朝一壺共傾  
 倒珠露走翠盤游魚戲文沼飛來雙白鷺顧  
 影鬪清好一官掛朝簿世事常擾擾所欣半  
 日閒心逐冰壺皎歸來  
 吳澈翁詩六月花開  
 枕簟清香風滿懷抱  
 年壽酒澆百觚荷花一笑亦傾倒此日不醉  
 胡爲乎使者江南昨持節孫枝門下森成列  
 花天借取十分涼來與先生洗煩熱先生家  
 任采蓮涇花滿東西兩洞庭尋常一櫂穿花  
 去花氣侵人酒易醒蓬瀛再領羣僊籍咫尺  
 恩波分太液遠浦迴風萬葉翻高枝擎露干花  
 坼眠鷗浴鷺共低徊更就濃陰小泊來雲裏  
 丹青藏島嶼水邊金碧動樓臺酒酣爲說平  
 生事三轉橋邊舊遊地看山曾陟雨中樓踏  
 月徧尋湖上寺詩禪畫隱記同龕卅載清狂  
 老尙堪鏡湖許拜山陰  
 張亨甫詩歐陽文章  
 賜仍帶蓮花博士銜  
 世所無高

卷一  
 初集

初集年記十四

二

才弟子推曾蘇去年江左擁使節手采第一  
 瓊華附當時回手十刹海花花葉葉皆光采  
 固應重與作生朝待我追歡叔弼在雕闌翠  
 石波中央太液欲起秋風涼一擢登亭宛畫  
 舸萬枝照影垂明妝香雲曉靄空濛徧四面  
 樓臺金碧炫低徊白鷺靜不飛窈窕紅衣嬌  
 始顛是日浴海金鷗寒輕陰覆水還團團悠  
 悠潛鱗露蓋動蕭蕭過馬虹梁盤三壺隱度  
 神僊界北渚遙思帝子話坐來天上不知塵  
 憶到人閒真入畫行廚進食遞擢舟銜杯解  
 帶俱風流主客情懷盡一醉師友意氣誰干  
 秋我媿名公忘分位酣歌莫惜催歸騎明朝  
 掛席獨滄洲到  
 郭羽可題文衡山聽泉畫  
 卷詩  
 道氣滿空山真意誰能領待詔不可作妙畫  
 猶生氣挂君高堂中飄蕭足風味寒瀏隱涼

響亂山聳遙翠心跡壽泉兄詩高山鬱空翠

一客此危坐趣味何灑然曠觀慮已淡清聽

神自全我弟曾語我此畫真筆妙指點圖中

人恍若為寫照似乎不似閒相視應一笑昔

年挂素壁珍愛逾璆琅每當退直暇靜對雷

古香知仁有深契足使鶯塵忘○郭羽可題高侍郎指畫高

山流水圖卷詩琅琅天風高汨汨海水流萬

久不來一舸入煙霧知壽泉兄詩穹崖嵯峨

音良獨難撫琴悄延佇壽泉兄詩大虛深

魚龍出沒煙靄浮湛萬籟一以寂高人橫素

琴橫琴兮獨撫響空山兮誰與語託微尚兮

西華二年

初集年記十四

二

蕭索難冲夷樹齋寶此歷年所晴窗展玩同  
嗟咨我有綠綺琴囊之亦已舊古調不遇時

為君聊一奏  
○潘四農題思樹芳蘭第二圖詩  
雲白

覆幽蘭空谷誰晤語草盛霜露重錯雜和塵  
土美哉君子心延攬入庭戶愛奇招眾疑借

芳潔詎為殊異才自願深山中花對秋江開  
孤潔詎為殊異才自願深山中花對秋江開

一朝荷眷厚清風生庭階仁人珍護心曹良  
達士幽閒懷兩意交纏綿風塵誰等儕曹良

甫詩空谷足幽討蕭然蘿荔深芬芳自盈抱  
寂寞幾知音蓬閨得清氣匡廬添瘦吟

搜揚徧巖穴方不負初心參筆依  
禁頭銜第一官所思曠風露此地本高寒羣

卉向榮早孤根擢秀難三  
李海初詩  
右軍宅

生真沆瀣欣當國香看  
斑懷謝亭前畫意閒饒有芳情吟楚畹好從  
真面認廬山平泉清露時延佇空谷高風獨

在還卻愧瀛洲新綠草曾勞披采出榛菅湘  
 水湘雲接渺茫騷經註罷靜琴張凡葩未解  
 紉秋思幽賞非關媚國香竟體韻含詩味澹  
 同心交許酒樽狂請看謝砌亭亭樹低亞新  
 陰數秋心不可極幽思復如何天  
 切牆李四如詩外美人遠澤中香草多白雲  
 滿芳徑清露被崇阿共杜尺莊詞國香慢幾  
 有欣欣意春風方扇和箭湘煙把  
 國香管領江夏吟僊僊才早登蓬苑未長鬢  
 鬢已慣春衫紉佩要栽來盈畹還添三吳舊  
 遊地聽說星軺采遍蘅荃素心羞自獻憶家  
 山入夢禊渚清泉結芳延佇空谷誰譜冰絃  
 那料惛惛琴趣乍相逢人海喧闐顧蒹塘詞  
 何須感遲暮願託光風長寄幽妍  
 賀新年莫謂香能媚自當年三問去後無人  
 結佩幾箭盈盈抽碧玉誰與素心相對只江  
 夏風流未墜手把離騷纔註罷汲清泉九畹  
 勤澆漑方算得是真愛豈徒空谷憐憔悴便

而今蕭蕭曲徑也多蓬艾隔住幽花尋不得  
何必竟開石背看旦暮茫茫離見采品量羣芳  
誰第一有靈芬超出羣  
○鄒曉江先生手札

二月十七日接讀去冬十月二日舊縣驛次  
所寄手書并闈墨題名錄各一其文大抵沈  
深有骨與他省迥別不獨元墨望而知為名  
手也僕嘗謂學者得操文衡之柄上為

國家選拔人材下為士林振興幽滯苟以實心  
求之何患今人之不古若足下兢兢搜羅既  
能得士如此擴而充之雖古名臣用心何以  
加茲至僕衰朽不堪屢蒙垂念知交中殊不  
多見僕廿年不到都門所幸精神尚健他日  
得便來京與同鄉諸公暢敘疇曩未必非人  
生一大  
○湯茗孫手札  
且日增舊方多不能  
快也  
照服而沿途又無醫藥可覓糧船行走遲滯  
阻壩三十餘日冬至後始抵大江計臘盡春

初方可抵家彼時延醫調治未知尚能奏效  
否枯魚久泣于河干而春水遲生于江上是  
天益其疾也眷言惠好寤寐為勞惟有珍攝  
賤軀冀答仁施於萬一耳陳補生兄聞於冬  
初進京未知事體何如此事亦關氣數非吾  
輩所能任也舟中臥病終日呻吟得詩一百  
餘首寄呈曾賓谷先生處乞為作序如詩讀  
閣下欲憐而教之可向彼覷索覽也  
郡志寄樹齋編修三首吾郡稱名勝上應文  
昌躔豎儒務穿鑿駁詰千萬言不知昔賢用  
心覷誘迪後進殊拳拳文昌與文相感召其  
體雖廣心則偏此邦人文甲天下熊熊光可  
燭九天安知星氣所聚會不能獨注此山川  
以茲勸學詎誣誕奮興豪傑策儒頑文昌橋  
上試瞻望願與諸君同勉旃荆公誤國罪難  
逭頗聞史策多訛傳昔賢持論護鄉里往往  
曲詞欺過愆一美究難敵萬毀至今猶恨啼  
杜鵑辨姦一論大憤激吾徒孰與相周旋干



人所指無病死況復自傷其本根我輩多才  
盛意氣驕各所餘無足觀宰相居心要寬厚  
王臨川愧晏臨川翰林致相須臾事吁嗟吾  
子猶盛年我今一病莫能與盛時往矣悲填  
膺玉茗堂堂數大節不肖乃以詞孫稱頗識  
四夢用心苦每聽清歌輒涕零回憶京華舊  
冠蓋里人落落如晨星洪殂謝天吳復出知  
君顧影嗟伶俜日邊桑梓復誰是瓣香卻憶  
南豐 ○湯海秋詩 古人結交如天河秋空藹  
會

草霜嚴颯颯吹折倒春泥拍拍城西隈子車  
一旬八九來三杯醉掬青天月一盧兀倚蒼  
根槐或時抗韻鞭風雷快劍長戟森張開憑  
凌大叫鬼神遁追琢盡銳山岳摧忽憶金閨  
乍通籍我顏骯髒子輝赫往往相逢不下馬  
才人鄙落各有適人生貌敬有終離天下神  
交無驟獲鳥虡崇岡峭壁多覆車顛風急雨  
多頽葩奇人猛士多疵瑕青眼高歌一叔度

談詩說劍無舛差安得梧傾  
東海水長鯨呼吸天雲斜  
○王慈雨詩讀喜

樹齋大兄同年大集敬撰小詩以誌欽佩  
格超凡雅望清天機洋溢見和平端人學術

無旁騖名世文章有正聲厚福自能銷慷慨  
大才原不露聰明龍門一代存公論著作誰

當此  
席爭

張題圖詩自記此詩海秋不為然此外一二  
友朋亦罕以為佳然亮自以為篇中無一閒

字贖語殆合李杜蘇三家才力法度而為之  
蓋自乾隆以來近百年無此調矣平生交遊

除故鄉十餘人外惟桐城姚石甫及太史相  
知為最篤而與石甫相齟之歲月尤久屢欲

作一佳詩與石甫竟不得乃知此詩非惟情  
來實亦興來之作也篇中小註劇多以自有

全集可考書之于此則隔斷語氣故皆不註  
略識數語畱示太史諸子他日毋信人言以

爲此君此詩實尤長率漫也

才

僊屏書屋初集年記卷之十五

道光庚寅 ○曾賓谷前輩詩

正月二十日徐廉

絳庭招集龍樹院餞吳雪蘭刺史卽席作老夫雪中臥春氣忽然入有客治春酒叩門啓我蟄策馬殊凌兢拂衣半霑溼頭風過餘弄眼纈眩初日千林作龍舞一埕如鶴立其間有瑤樓遂與羣僊集西望藍田關勝遊無七賢南瞻聚星堂白戰無蘇僊此會不常有一笑三千年吳生忽告別去踏蠻溪煙蠻溪有何人儻見李宗傳爲我道相思幸寄湘中弦

○徐廉峯前輩詩

四月初九日同黃樹齋招集朱椒堂副尹彭荆田太

宇李方赤汪大竹兩比部龔定庵魏默深兩中翰湯海秋儀部陳登之通守周雪樵檢討簡夢巖潘四農兩孝廉潘星齋絳庭兩明經花之寺看海棠分韻得肉字作去年餞春城

南亭旌幟騷壇盡名宿今年三度訪花之十日海棠紅過屋風流裙屐復高會劇飲不用絲竹肉錦江春色萬里來北地燕支失膏沐東風昨夜猛如虎狼籍猩紅委溝瀆朝薰暮染得幾時勢閱繁華百年速綠章恨不通明奏永護名花照金谷天公笑我未作達世事榮枯等寒燠苔岑臭味懽今朝卻憶舊雨雲龍逐松門桃嶺懷郭震鏡水稽山思杜牧虎頭邇復縮半通蹤跡天涯塊然獨花開花落會有數絕似聚散常倚伏眼前吸盡金叵羅莫對殘紅朱椒堂詩節當清和樂無事城南掩愁目春雨濃幾家院落紛紅翠雙井南州詩酒豪傳箋招我遊蕭寺六街塵擾車馬忙一出城闌饒爽致到時花氣當午暄多少蠶媒兼蝶使僧言昨夜狂風來穠花一半爭飛墜示如亦嘉觥船屢倒聞談議愧余量不容三蕉出

席無言歌既醉耳邊忽聽桔槔聲龍堂翻起  
 波濤漬石溝屈曲水決渠蘭亭流杯差可擬  
 手掬紅瓣投清流牆外遙遙去如駟春來春  
 去年復年轉眼來春花又試惟有白頭老更  
 慵對此流光心轉憐爲感相邀醉醪釀潤我  
 衰顏得花意海棠一度吟一回分題歲月詩  
 堪汪大竹詩花之舊寺多海棠覆盜門高晚  
春盡兩株歲遠抱根深半月天  
 晴作花盛石庭蒼蘚掃不開爛醉朱軒向空  
 凭榦英鷲慰凝白煙疎蕊參差散頰暈前年  
 踏春江北時花壓湖船管弦靜紅萼飛黏重  
 繡衣紫綿低礙雙雲鬢驚心往事雁羽稀著  
 眼流光馬蹄迅涼風南陌行未歸落日西山  
 澹相映少游題柱久不聞昭諫移根復誰問  
 劫拈花能幾人陳登之詩去春臥病九十  
日妍暖孤負春  
 大雄鐘鼓君須聽  
 事嘉今年時序春最晚四月始見長安花揭  
 來古寺聯吟駟入門滿地飛香霞優曇一現

利那頃錦障恨不輕雲遮惱人昨夜困風伯  
天公幻戲真搏沙正須痛飲盡一石疎紅倦

戀猶含葩賓主磊落東南誇舊遊忽憶天一  
涯欲行不行空咨嗟明年看花定何處浮名

其問詩 潘四農詩 都會足春色草木疊綺繡  
籠紗 古寺城西南尋芳客輻輳

海棠三兩株根蔽松柏茂意不屑弄姿老幹  
蘊韶秀亦不學睡容明妝儼春晝臨風錦自

舒著雨脂獨透蘇英綴苔階嫣紅已消瘦猶  
可傲桃李漫山質凡陋無香眾香國清淨通

靈鷲宛然絕代人寒竹倚翠袖香案羣僊來  
借作藝文圍我非海棠顛聞名亦相就旅遊

惜春陰輕車曉馳驟華髮愧此花但 ○徐廉  
以芳樽侑綺語痛掃除詩心印蘭臭

峯前輩詩 九月十九日黃樹齋招集江亭送  
秋為展重陽之會同唐補卿朱唯

齋費佩青陸立夫李東原徐鏡溪嚴問樵陶  
松君陳雲心湯海秋黃架卿許賓衢顧靄亭

陳登之潘星齋絨庭未到者爲王香杜許魚  
 南吳遂甫戴雲帆三日不聽啼陰諧出門策  
 策驅疲騶江亭峩復高會濁酒聊用澆憂  
 懷秋容慘淡聞落木荒草衰颯餘寒芟西風  
 萬里遞征雁翼翼雲際如繩排是時天山方  
 用兵猛將鐵衣金鞞輟殷王槌伐豈不武花  
 門種類猶羊豺沙陲尺寸祖宗地誰敢叛議  
 捐珠厓絕徽艱危閔戰士木天嘯詠慙吾儕  
 當前景物亦清淑賓主況集東南佳風來忽  
 聽寒笳響枯蘆颯颯相劇揜夕陽揮鞭趁歸  
 騎永夜起歎歌愁空齋請纓投**徐鏡溪詩**秋色  
 筆一夫事醉歌笑我如秦俳**徐鏡溪詩**從西  
 來蒼然去何處登高回首望寒煙纂林樹我  
 生役大化與物推新故涉春櫻宿痾經秋擾  
 百慮斷雁遺哀音輕冰晤已涸霜風鍊丹心  
 耿耿懸秋曙預愁鏡裏顏星星髮吐素好友  
 幸無違良辰洽情慄高吟感夙抱臨○**汪寅**  
 觴不能御安得百丈繩長繫佳日駐



禾手札

春暮由舍弟芝楫寄到惠函仰蒙殷

深以泣樽自楚星奔情形想與舍弟比居閒

話自已略知大概無待贅陳所幸瑩兆山向

空利歲前已將窻窻舉行完妥可慰厯懷今

歲祇須作餽口之計適舍親有教讀一席聊

且就之以謀朝夕此萬不得已之計惟知已

可言也舍弟書來知同人作課甚力而閣下

作第二人想有文才而兼有文福者不能不

推閣下猶憶去夏按試衡陽時閱廷試題名

嘗與友人閒話及之偶占二語云已輸文柄

司江左更羨門生作狀頭合席為之歡羨想

閣下彼時顧而樂之喜更可知光河馨山時

晤及否雪橋詩酒之興豪邁何似皆切在念  
當摩厲以須之候伏案吟哦日不暇給不敢  
以寒喧擾之便為致聲南咳仁弟同  
年同荷賜賻叩感何極乞代為轉達

曾詩末四句原註永州太守曾有書來求敘  
其詩而近作未之見也



僊屏書屋初集年記卷之十六

道光辛卯○吳子序遊翠微山記

張際亮既讀書翠微山之

僧寺越八日其友黃爵滋吳嘉賓造焉明日  
際亮導以遊諸寺遂至山巔歷馳道左行入  
盧師谷下循澗窮日之力乃歸又明日將返  
順道視前所不至者際亮讀書之寺曰大悲  
寺當翠微山之半上西北為龍泉菴又上  
為香界寺觀明亮禪師像最高寶珠洞  
皇帝御座在焉洞嶺至山巔二百步其左峯為  
盧師兩谷相隱如袴褶谷中為證果寺寺後  
秘魔崖昔僧盧師講經二龍化為弟子即其  
處有潭今澗順下道以次而降日三山庵靈  
光寺長安寺公主塔在靈光寺右今坼其右  
建新塔自大悲寺以下皆今名往時西山嘗  
有四百餘寺今或為

上宮禁苑或已毀興廢之迹蓋不可勝道也西  
 山拱翼畿輔士大夫休沐所嘗至出郭門西  
 四十里抵翠微麓顧城垣宮闕如瞻列星圓  
 方厯厯可指獨余三人乃登其巔時天孟冬  
 烈風吹人西望皆重巖如劍戟雪被崖谷渾  
 河從砂石中流出盧溝橋迤東如帶南望良  
 鄉浮屠東望通州漕渠北望平谷薊門足不  
 易嚮而目已周窮睇滄海與天無際相與嚼  
 然太息以為士所至愈高則所見愈遠曠乎  
 知形與物化同盡寥乎知神與莽蒼同極如  
 是而蘄與世競旦夕之得失者其亦可以息  
 矣無所競于世則蘄有所得于己際亮方讀  
 書斯山以為何如也際亮始與徐寶善  
 江開遊作詩爵滋今繼為之嘉賓記 ○吳  
 梅梁師手札 仲春之望始得冬月書知與湯  
 儀部訂交以文章勳業互相砥  
 礪拊慰奚如聞有侍御之保入則朝陽鳴鳳  
 出則一車霖雨將於吾友卜之矣足下許僕

大過而所以規僕者則懸諸國門一字不易  
 者也矣以積漸持以悠久數語謹書座右以  
 誌徽言謝謝僕近狀略具河陽師書中謁見  
 時當能悉之讀書原不為溫飽處約若豐安  
 之有素亦不敢以官牘清簡遂托又札昨以  
 臥理也外覆香雪一書乞轉致之履祺並附鏡  
 壽辰錫之屏幃肅賤答謝祇候小春下泮祇  
 潭香雪諸公書到時乞分致也  
 奉朵雲伸紙神歡如親几席僕兒時誦梅邨  
 悲滕城詩潛然欲涕今讀磁州行江南行酸  
 徹心脾不知涕淚之何從也貴鄉山水清美  
 風俗素淳何乃盜筭盜牛漸為逋變化而  
 媿勵之守土者不得辭其責足下入臺在即  
 朝陽鳴鳳傾耳以聽方今所亟者  
 用耳人才耳理財需人誠如來示所云賞罰  
 明是非公未有人才不出者言官建白魏寒  
 松數語足以盡之鄴架上當  
 有敏果全集可備覽之耳  
 ○何礪渠手札

自丙戌謁別都門條更六稔每逢自燕來者  
 必詳諭起居形雖闕隔神實相通比者與都  
 中諸君子日以詩相酬答想精進無已大集  
 一出佇看價重雞林亦是千秋事竊謂閣下  
 餘事耳往歲持玉尺至金陵所選文深饜人  
 心藥籠所登之品實為一斑也閱邸抄欣悉  
 朝廷柱石之臣宦蹟已見  
 記名侍御刻下想已補缺矣  
 皇上耳目所寄一策之善蒼生即蒙無疆之休  
 立言即是立功且節義亦於是見又未嘗不  
 兼立德一舉而三不朽畢具行見鳳鳴朝陽  
 天下咸欽至瑞不獨攀龍附驥者之并舞下  
 風也閣下齒少於僕及時立德立名息息自  
 具千古有可信諸方寸則寤寐俱恬譬習禪  
 已登彼岸鍊師既到仙班此外爵秩之榮顯  
 陞遷之遲速非所計也憶昔款語時嘗從容  
 笑相謂曰人必有詩文佳集斯可以死矣此  
 語僕嘗愧之若閣下則非徒恃此區區者書

中勉以不隕獲不充詘二語大有古人贈言  
之義非泛爲寒暄之辭竊謂不充詘句閣下  
優爲之上句僕不敢不勉回憶自挑選後閒  
廢數年兩遊珠江一無所遇中更內難杵曰  
增悲現女兒鞠姑年長尙未爲相攸去夏偶  
僑韶郡續聘李氏女年十九矣婦翁曾任臨  
安遊擊左遷七閩此女生長甌越前冬始返  
籍意欲俟得缺後迎歸而前此屢書促娶彼  
此將不得如願所遭之拂亂如此因之筆墨  
荒蕪應酬疎懶究靈明之府不能無所用不  
得已流覽內經博涉岐黃以後著作去秋時  
多疾疫應手而愈者不少此則數年來所爲  
惜陰御窮之事也因思古人處貧賤原自有  
貧賤中之砥名礪行進德修業非空空安貧  
之謂如農之有所穫是之謂不隕穫僕所隕  
多矣庸有穫乎惟進而教之比歲不登薪桂  
米珠所遇雖齋尙不敢有所疾惡不敢以氣  
歉而卑此其所力持可自信亦可爲知己共



信者舊雨雲散芝衫分發山東彼處缺少人  
 多僕尚有一二相知如張元祥等班次在姑  
 衫前者尚未委署會來會試否趙直夫在姑  
 蘇想久已得缺艾至堂郭羽可應得聚首念  
 念僕選期在邇儻見選單祈即飛書示知禱  
 切禱切茲因敝相好邱靜齋孝廉入都之便  
 面懇袖呈伊與僕同舉茂才屈抑至今○邵  
 入比頗有專長會屬伊前席幸勿吝教  
**左瀛手札** 敬稟者榮洗自去秋拜別南旋  
 又一年矣今春蒙仰山夫子薦往  
 吳縣閱卷稍有潤色旋歸課蒙仍守君子固  
 窮之節耳吳中夏閒酷暑洗第以莊子一編  
 坐消長日久讀之後覺所言俱是過火一步  
 打從此處回頭一部四書更覺粉碎虛空平  
 沈大地雖境處崎嶇而浩然之氣更有獨往  
 獨來之樂此近日進境也壬辰會試仍思觀  
 光而盤費無出已懇仰山夫子致書吳縣熊  
 公囑其攜帶未知允否儻仰山夫子差巖回

京希晤言及之此數○陳登之手札手示敬  
 千里外區區之望也○  
 函所云於私心刺謬之處固絕不敢謂所選  
 之不精亦並非謂所選之不多必欲爭多則  
 全集具在何藉選為弟雖愚情豈不解此弟  
 所攘臂而爭幾至與吾兄大人誓以交道者  
 惟望吾兄大人以先師之文單集行世耳以  
 單集行世則雖所選不精不多先師亦可  
 目何況吾兄大人毫不孟浪從事慎之又慎  
 所選既不可謂不多而實精而又精則此集  
 一日不出先師之目誠一日不瞑也若必不  
 肯俯如所請置交道於不問竟欲牽連而及  
 使先師疑於因人而成名恐先師之目終無  
 瞑時矣吾兄今既毅然付梓特於付梓之後  
 遣一介之使以告我是巧於絕弟之爭者也  
 豈竟置交道於不問耶事已至此叻叻何益  
 而尚肆其叻叻者猶望吾兄大人遷思迴慮

墨 辛 書 卷

初集年記十六

四

萬勿牽連而及仍可使之單集行世耳如能  
 允弟此請於事既兩全又可全兩人之交道  
 幸甚幸甚吾師亦不得瞑目幸甚幸甚弟於吾  
 兄大人操選政必不肯使吾兄將先師牽連  
 而及弟所厚愛於吾兄者不可謂不誠蓋既  
 厚待吾師自不容薄待吾友俾弟兩無憾於  
 師友之閒幸甚幸甚一切隱衷尚俟走罄先  
 此筆爭文章千古事所望於吾兄者不在干古  
 不在一時而文字之事道義之交不容緘默  
 故敢盡言不避不弟之誅恕怨幸甚幸甚餘  
 不具 ○ 潘四農詩 孤竹生 嶰巖伶 采其音 瘦  
 具 ○ 潘四農詩 鶴入遙空偶 陪丹鳳 吟竹材  
 感知已根在滄江 煙鶴見秋鴻 飛愴然 歸故  
 林志氣一朝洽 風煙豈愁深 浩浩千 萬里相  
 思通瑤琴文章與氣運 百代共樞紐 視文與  
 政殊識短言自苟 夫子繼騷正 片語必持久  
 小生與有聞 敢落漢唐後 論文亦報  
 潛見貴無負 但得茲義明 何妨寄 畎晦出門

頻夢歸及歸心未豁豈有林泉娛尚恐簞瓢  
缺寒餓士常分求道患不徹祇為流亡悲江  
淮波浪闊萬戶舖不充一身計屑屑拯飢待  
羣公回首望

金

札

敬稟者輿所作時文數十首仰荷獎賞  
逾恆勤懇選擇賜之評語並昇諸劄劄

宣播通都師長大德為此生所僅遇五中銘  
感莫可殫述昨侍側之頃垂示大序反覆贊  
美尤不克當茲有請者輿嚮來作文雖多參  
傳註而祇以涵泳經文為主唯老夫子大人  
獨照鄙懷若將輿平生極不喜講章之意在  
賜序中更顯然添出一筆愈感激無似矣士  
遇知已自當罄竭懷抱然恃愛妄言瑣賣無  
已究非事長之道乞老夫子矜而宥之舊作  
散體文四帙不合義法者尤多茲特恭呈鈞  
鑒請逐加繩削為荷日來小發寒熱亨父處  
尚未能  
往晤也  
○孔宥函詩  
一鳥出林薄矯然曠無  
依萬里惜毛羽欲下還

卷四

初集年記十六

獨飛是物戀其生賴彼梁稻肥攫食懼非分  
 不食恆苦飢回翔睇大化九天高雲垂高雲  
 與飛鳥千載相徘徊南山當城郭上有高樹  
 林培長厯霜雨生意含古今豈惟眾鳥悅行  
 人愒其陰直榦在路衢斧斤恐見尋處世無  
 全策大木有本心物害母豫憂嘉蔭天所任  
 飲酒當飲醇漑木當漑根自養千金軀亮非  
 道所尊大田值儉歲民不如雞豚匍匐就城  
 闕流離遶朱門小子側人海窮達何足論一  
 愧餐飯飽再愧衣裘溫志士志溝壑心骨甘  
 悽悲青史賢達流誰識身安危仙佛怖老死  
 所見猶嬰兒吾道必有屬公其天下師步趨  
 望門牆草萊拙文辭文○簡夢巖詩黃樹齋  
 辭何足論肺肝輸所知  
 觀拙稿卽就行篋所攜錄百餘首呈政并繫  
 以詩意與所不屬風月空自妍草木本無知  
 下筆生趣傳固知詩人心因應任自然少賤  
 解吟哦積漸增歲年憶君下交始贈我瓊瑤

先奇情蔚光彩至味忘言詮是時朋酒讌出  
 入常比肩鳳凰鳴高岡瑟縮羞寒蟬中間別  
 緒煩相望雲情牽前春快執手倏忽時序遷  
 君時一紙書慰問勞殷拳預愁嶺海歸浮沈  
 魚雁箋使彙新舊作畱結文字緣茫茫身世  
 閒擾擾憂患纏冉冉去來境默默虛空禪當  
 其一字艱不覺萬慮捐水到渠驟浮生酒百斗  
 正圓多君嗜好同慧眼明鏡懸淨業詩百篇莫作故  
 紙看中有人焉 ○ 傳筍圃手札 年來精神意氣  
 尙不頹唐尙然健飯尙然鈔書於經詩古文  
 俱有訂韻略舉一二言之鐘鼓樂之讀以三  
 樂之樂卽與芼叶何必音其黍稷種稷禾麻  
 麥菽倒讀者必傳寫之訛雜佩以贈之贈當  
 作貽下民有莊嚴者係避改朱子古本係羊  
 牛下來相鼠能人立作拱揖狀介侯張父臺  
 謂是相州之鼠然則相亦讀平達註曰小羊  
 也予親見羊甚難產張謂是南邊之羊西邊

不然詩亦西邊詩父曰嗟子子為句叶下句  
 行役宿夜無已周頌唯清廟無韻韻之離奇  
 變化毛詩盡之惜筆唎刪補之蔽後學也楚  
 詞將突梯滑稽如脂如韋促訾慄斯啞  
 嚙俱八字綴四小韻韓文構櫨侏儒椳闐店  
 屑藍本於此老子知足不辱知止不殆已而  
 己而從政者殆而殆俱音始韓序窈而深廓  
 其有容林西仲注容同榮不叶又不解考  
 係案字讀森蘇記西山之缺係隙字之誤不  
 然不叶杜賦輓輓遠聽與雷霆乍驚叶誰得  
 而族滅者係族秦經書子史古諺歌謠俱有  
 韻語每以滑口冒讀失之予欲以詩經訂韻  
 附刻套板於同人堂朱註詩經之類以古文  
 之有韻者聚錄為一部百家姓今歲得舍表  
 姪自瑞金署歸蒙塾寫本係吳氏重纂未著  
 名號子取王晉升先生考略詳注之後又得  
 仁皇帝孔師闕黨孟席齊梁本但刻者稍有錯  
 誤又序未列名京師當有善本敢以就質幸

有指教書籍人材蒼萃京華不  
知夫子近所得者又將何如也  
○侯瘦鶴手

札都門談藝旋卽分襟然文字之緣以精神

次過訪尊寓不遇將行之前一日趨訪聞到

翠微山訪亨甫去矣逸情雅興可謂獨絕秋

冬之交山景慘澹昔人所謂尤難爲懷者然

吾輩作詩正須此時此遊想必得佳詠若干

亨甫臨行邀岸到山一遊已擬定期竟以天

道暴惡止此願可畱待來年償之岸抵家仍

須以黃卷作生涯但恨海鄉僻陋少友朋之

樂千里雲樹不勝渴想來年會期正不遠也

○湯海秋壽家君六十序

九江之涯廬阜之

飄其裾浩浩乎與造物爲徒而翌翌然不知

老之將至者此何如長者行也又有峨峨其

冠飄飄其裾洋洋乎簪筆於白玉之堂而光

光然播長者之神理福澤於不可以倖得者



此何如賢豪間也夫長者生賢豪天爲之賢  
豪承長者則不獨天爲之而人爲之也故天  
人半而后一家有昌大之氣機天人融而后  
文學大夫有不能已於稱美之著作曰我守  
垣年伯至寶不琢神功不鋤故其立已如泰  
山喬嶽而澄心如明鏡止水視時俗所爲巍  
科顯宦高宮室而美衣服泊如也然而珠玉  
之氣閱之愈久其發愈妍醇德之躬積之不  
已其後必大是用篤生我樹齋同年其氣味  
芝之馥而芙渠之鮮其聰明燭之照而泉之  
不滓其吐納萬有奔走豪俊山之深而谷之  
廣其詩襄陽輞川其賦長楊羽獵其在文學  
侍從之班朝之人景仰之其出使也江南之  
人歌之故曰天人半而后家有昌大之氣機  
也且夫一人一家之事而稱之於文學大夫  
文學大夫又以其事而筆之於著作然而有  
可已者不可已而已而稱之有學大夫之  
私也著作之偽也有所迫而稱之有所求而

稱之也。不可已。而不可已者。文學大夫之公也。
 著作之精也。以其理則足以稱。以其情則不
 忍於不稱也。今試觀草茅之中。狎漁樵。則野
 譚詩書。則迂執。有如我年伯之高。以嫺又試
 觀縉紳之徒。其勢利相要。狐之媚。而鼠之黠。
 其文字相輕。戈之橫。而刃之伏。其是非好惡。
 無定軌。雲之翻。而雨之覆。孰有如我樹齋同
 年之閔。以摯夫。非長者不生。賢豪非如是之
 賢豪。則亦不足以承長者。故曰。天人融。而後
 文學大夫。有不能已於稱美之著作也。於維
 重光。單闕之歲。為我年伯。六秩之慶。小子鵬
 將壽之。則沐浴秉筆。而為之文。以闡天人之
 奧。而揚眉壽之床。告於數十年輩。年李海初序
 家子咸起。而勞鵬日善哉。言乎。
 夫紫瀛雲麗。常添碧海之籌。丹滙春融。始註
 青城之籍。而芝田菊水。隱淳圍之清塵。金簡
 銀編。閱靈墟之真籙。則何若道腴。自味古趣
 克敦。方不藉乎九還。歌自永其三樂。如我太

芹	我	孤	握	忙	疆	屬	簡	又	之	嚴	荃	而	此	堂	彭	於	夫
管	夫	焦	懷	蘿	臺	振	芟	龍	作	禮	修	庾	箕	之	神	在	子
領	子	尾	誰	牽	步	阿	落	威	圭	義	度	非	衍	慧	采	孕	者
瀘	選	之	識	莫	穩	閣	葉	註	臬	之	已	甘	嚴	教	懋	鑿	定
谿	充	材	卞	補	名	之	蝨	秘	前	防	朱	貧	君	隨	扇	琰	川
之	拔	幾	和	蓬	顯	五	亦	雉	人	視	繩	彌	篋	機	朗	之	挹
風	萃	疑	之	萊	千	采	分	次	子	若	砥	潔	調	斷	月	協	潤
月	科	事	璞	在	佛	齊	香	探	玉	金	身	其	弱	法	入	久	靈
燭	重	本	椽	望	會	作	禿	奇	銘	經	白	蘭	弟	南	抱	著	谷
房	無	無	竹	輒	列	光	中	鏡	座	警	玉	膳	傳	山	馴	于	鍾
晚	憑	憑	寂	迴	眾	芒	山	燼	之	如	敬	田	家	之	風	方	英
課	解	解	知	徐	仙	固	之	餘	文	寶	持	荆	有	梓	被	孩	旗
催	難	難	音	福	而	宐	千	花	丹	鐸	功	篤	硯	書	人	固	鈴
詩	亟	亟	之	乃	健	健	毫	瑩	黃	茂	過	愛	負	受	泊	已	之
之	索	索	遇	槐	翻	未	未	能	舊	先	之	交	楹	乎	岐	微	
鉢	矣	矣	炊	踏	飛	劬	劬	能	義	勵	格	勉	無	平	嶷	早	
頻	迨	迨	桐	頻	高	彈	照	而	而	志	倍	其	當	北	夙	奇	

敲書按朝憑問字之裾閒捉太夫子用是歡

鸞

承垂白蹋倦軟紅

章先及于所生鳩杖爭扶於同氣樓花十丈

並放濃香池草五言不縈別夢春暉難老永

祝於親門秋蝶之階黃紙旋題雲助魚龍之

乍暖風閒蝴蝶之階黃紙旋題雲助魚龍之

浪結絲絢而入直被月玲瓏聽鈴索以趨班

木天虛敞金鏗口奏冰寫頭復玉攜尺度網作

之榮驗詒謀之穀也歟況復好出殊材於蒲

珊張搜秘豔於赫林江南秋好出殊材於蒲

天顏既覲諫府書名春雪秋霜特慎神羊之選

臺蘭廳柏坊聞瑞鳥之鳴凡我夫子之

異寵頻膺皆大夫子之大源克導所由瞻累德

之里翬翬母攷祥測歸厚之門溱溱集慶王祥

恭事繼母人無閒言蕭愿及見曾孫生有殊

福古稱修道養壽美意延年信有明徵知非

聖年書卷

初集年記十六

上

九	鳳	參	暉	忝	等	而	十	夢	牽	花
天	誥	差	愛	作	聽	麗	初	齡	鄴	之
之	雲	之	日	新	馬	峻	度	之	泉	萬
沆	呈	影	琪	陰	帳	歧	焉	界	月	樹
瀟	五	佇	花	祝	之	南	大	曰	滿	香
	色	荷	開	椿	笙	雲	瀛	為	葛	溢
	以	秩	次	蔭	歌	而	包	改	井	璠
	焜	增	第	之	久	普	幼	歲	流	階
	煌	之	延	欽	頌	頌	海	載	長	鍊
	還	枝	洪	碩	北	成	以	及	更	柏
	看	卜	侍	德	斗	淵	成	仲	分	實
	喜	算	萊	植	以	少	春	為	益	之
	酌	瞻	衣	鯉	開	室	為	我	壽	千
	鴛	星	之	庭	筵	傍	夫	夫	之	房
	漿	弧	璀	之	振	高	子	以	原	甘
	露	彩	燦	桃	李	嵩	四	協	以	盛
	浥	映	承	李					協	玉

僊屏書屋初集年記卷之十七

道光壬辰奉

命充會試同考官閏九月初一日奉

旨授福建道監察御史二十四日遞封奏一件

為江西毗連閩廣盜匪繁多請  
飭嚴切查辦以靖地方而安良善事臣聞廣東

福建積有會匪延及江西南安贛州吉安廣  
信建昌撫州一帶此外各府州縣凡山谷叢

曠之區郡邑交界之所隨處皆有賊巢無歲  
不有賊會擾害居民劫掠行旅其故由印捕

各官因循廢弛以查辦為具文或意在逢迎  
詡為安靜或計難籌畫姑事彌縫試思此等

匪類平時尚敢嘯聚若遇地方災歉必致愈  
加猖獗與其費力於事後曷若盡心於事前

但疲玩多年已成積重之勢非有深心大力  
 安能禁暴戢奸臣謹就管見所及敬為我  
 皇上陳之一嚴責甲長以專查報也查州縣地  
 方繁簡不一一邑之中有無習教為匪窩藏  
 盜賊有司未必即時周知全在甲長之查報  
 若甲長已屬不端必相隱護甚至同食其利  
 不顧地方之害今宜令各邨有品紳耆秉公  
 查明向來端正有業之戶方准保舉承充定  
 期更換設有盜匪不報迨經事後發覺將該  
 甲長從嚴治罪至營汛與保甲相為表裏應  
 由營弁慎選汛兵以資捍衛不得以羸弱充  
 數一酌移佐貳佐雜各官以資彈壓也查丞  
 倅佐雜各官原以貳郡邑之職而佐郡邑之  
 所不及而設治在同城或近城邨落者不無  
 閒冗之員應令酌量移駐扼要地界以專其  
 責如錯互接壤之區更多竊劫之案案情重  
 大彼此必互相推諉盜匪因益玩恣若於省  
 郡交界責成同知通判等官州縣交界責成

縣丞巡司等官一有盜匪立即會同兜捕儻  
 有疎縱牽制一併參處如此量為移設事不  
 紛更而各有責成矣一嚴諭士民勿被誘脅  
 也查盜匪聚眾作會竟有地方生監鋪戶送  
 禮預讌藉通往來方免戕害而山野鄉僻不  
 無殷實之戶盜匪則登門逼勒派歛錢文註  
 名入簿遂成匪黨甚至公然佔據威脅利誘  
 遂成窩家應令地方官嚴切曉諭實力訪查  
 如係劣生刁監與賊匪交通者從嚴懲治至  
 於懦弱愚民難當時被其逼脅事後即行首  
 報免其治罪予以自新使人畏官而不畏賊  
 則官法行而賊蹤斂矣一嚴禁州縣減估以  
 杜諱匿也查州縣遇有竊盜重贖往規避  
 處分從輕減估因州縣之減估遂有盜匪之  
 勒贖如事主先一夕被盜次日即有交通賊  
 匪之差役指引贖物勒贖取贖若事主報官  
 反添拖累不如聽從勒贖且便宜現在江  
 西南昌撫州臨江一帶此風盛行應嚴飭州



縣核實究辦官府不致諱盜則差役自不敢  
豢賊矣一嚴馭兵丁以防勾結也查贛州府  
為江廣咽喉向設重鎮以資防禦無如武弁  
廢弛營務以致兵丁交通盜匪凡局賭窩娼  
販食鴉片賣放私梟等事無所不為卽如今  
年贛州府有藉荒滋事聚眾闖堂之案風聞  
竟有各營兵丁在內平日約束不嚴於此可  
見應嚴飭武弁認真整頓隨時查究重辦一  
二以儆其餘庶兵丁不致交通盜匪以免貽  
患一嚴拿頭目以散黨羽也查盜匪頭目皆  
狡黠獷悍之人其設廠則在深山窮谷其散  
處則城市郵莊其黨則糾合至於數省且有  
不肖生監積蠹差役俱入會中每會則為首  
者冠服升座尙有小頭目十數人不等皆戴  
頂披紅執鞭侍立大衆皆羅拜階下有刑法  
有條約似此明目張膽地方官豈無聞見無  
如捕役營兵皆其耳目官府一有舉動盜匪  
早已先知包庇玩縱莫此為甚應令協同營

弁不動聲色竭力搜捕務獲眞正頭目加等  
 治罪不得指乙爲甲顯預塞責一嚴禁匪船  
 以靖梟販也查盜匪私梟本屬兩途今南贛  
 吉安一帶地方有私梟船隻架設松木礮沿  
 江拒捕迨私鹽賣畢撒手回空則四散搶劫  
 是私梟盜匪合而爲一矣若徒緝私梟則私  
 梟斂而盜匪且益縱今宜力捕盜匪則盜匪  
 散而私梟亦靖矣以上數條臣第能陳其大  
 略至於因勢立法隨時制宜相應請  
 旨飭下江西巡撫督率所屬詳細安議行以實  
 心責以明效勿以辦賊之吏爲好事勿謂縱  
 賊之吏可姑容庶不肖者不得阻撓而賢能  
 樂於自效臣愚昧之見是否有當伏乞  
 聖鑒謹奏

十月十七日遞封奏一件二十六日同祥安

奉

初集年記十七

命稽察銀庫十一月初六日遞聯銜封奏一件

為請  
命稽察銀庫理宜詳慎現當疲玩之秋尤亟

應振作之會查定例解官投批後戶部於三

日內咨庫驗收如逾限司付不到即令庫官

呈堂行文咨催司付到庫後定限五日劈鞘

儻有遲逾稽察科道參奏等因臣等查現在

司付到庫後劈鞘日期該庫官等尚不致逾

限而解官投批以後司付逾限不到往往遲

至旬日以外難保無胥吏從中勒索等弊相

應請

旨飭下戶部將因何遲擱之處核實查究嗣後

務遵定例於三日內咨庫如逾限不到經庫

官呈堂咨催再逾限三日即行參處又各官

生捐項向例按照每月逢十卯期交庫兌收

臣等前月三十日到庫候到申刻僅見有掛

號空冊並不將捐銀按期交庫實屬膽玩相  
應請

旨飭下戶部將因何遲誤之處核實查究嗣後

務於卯期先一日掛號按期交庫如銀色短

少驗明駁回歸併下卯兌收一有弊混即行

參處臣等為慎重庫項起見是否有當伏乞

聖鑒謹奏  
初十日有

旨撤回祥安放札札克三十九日聞大母訃請假

○吳子序手札頃閱鈔知吾丈已得言官敬

必能據其素抱以大白於時慰眾人之仰望

矣屬在下風翹首以俟竊謂方今進言非難

言之得其當為難

朝廷之用言官冀知其偏救其失使歸諸中道

而已昔者西門豹性急急故佩韋以求緩董安

于性緩故佩弦以自急言官者

歷年書卷

初集年記十七

四

朝廷之韋弦也如使為西門豹之弦為董安于

之韋則無貴乎能言矣嘉賓於時務略不通

曉故敢以斯說進不知有當萬一否意緒屬

窘不能暢陳惟祈察取其志有所啓觸乞賜

往復庶得盡其愚誠並 ○ 陳唐甫手札 竊查

候近體不宣嘉賓敬啓

欽定大清一統志體例一仍乾隆八年舊書而

皇圖益廓故編載綦詳迄今近七十年不但府

廳州縣併省改隸與舊制時有異同乾隆三

十九年

欽定日下舊聞考增入苑囿官署二門于京城

古蹟一一勘其所證驗有無又乾隆四十

二年

欽定滿洲源流考於疆域山川援引舊文考驗

地理乾隆四十四年

欽定盛京通志于

畱都掌故原志敘述舛漏及人名地名等因譚

失真竝詳為釐訂謹按

欽定三書皆成于一統志纂輯之後仰稟  
睿裁據見聞之實證訂史傳之訛詞而一統志

自不無沿襲舊文未經改定加以嘉慶初年  
勦平川楚苗匪恭逢

皇上聖武遠揚新疆底定茲復馴服山猺編查

戶籍兼裁汰各直省冗員一切因時立政建

聖制異宜應改纂成書恭載今制更有請者  
聖朝崇重名宦鄉賢兩祠于加意褒旌之中寓

嚴核名實之意而雍正間

特敕各府廳州縣建忠義孝弟祠節孝祠以風

厲彝倫扶翼名教乾隆四十一年

欽定勝朝殉節諸臣名錄頒示學校分尚諡通

諡祠祀三等子明季抗拒

大兵而死于流寇與死于燕王之篡立諸臣並

加表章逮及士庶尤仰見

聖人大公至正之心垂教萬世嘉慶中

纂昇書卷 初集年記十七 二

敕直省各府建昭忠祠以祀死綬蓋臣敵愾兵

勇凡此

殊恩曠典往古未聞弟愚以為一統志所載名

宦人物列女或與各該府縣學宮所祀互岐

應請就各項詳核各府州縣名宦鄉賢忠孝

昭忠節孝各名氏擇其事蹟尤為卓異者節

略編載其人物中奉

旨增祀學宮兩廡暨勝朝諸臣之仰邀

賜諡入錄竝

本朝大臣之准入祀賢良昭忠鄉賢與欽蒙

賜詩褒寵之耆壽臣民人等皆當敬查編入此

外尋常鄉邑之善則於祠廟門先列名宦鄉

賢等祠彙載名氏以錄嘉行而彰秩祀應由

各直省大吏將各屬現祀各祠男婦彙造姓

名清冊咨部送館核查其有經傳史冊灼有

可據之忠良賢節原書遺漏悉為查補仍咨

行各本籍添造牌面入祀鄉賢忠孝等祠而

原列寺觀內或有荒誕不經似天主天王堂

都	不	于	往	九	恐	介	著	滅	樹	亦	允	昭	有	新	正	一	名
枉	習	役	清	日	鬱	意	述	古	齋	與	則	紀	未	由	人	斟	號
賜	河	恩	江	至	鬱	亨	日	人	海	為	此	祀	詳	史	心	酌	及
佳	工	恩	委	江	有	甫	增	別	秋	不	疏	仰	未	官	以	損	謬
篇	藉	未	司	寧	傷	文	見	後	先	朽	必	叨	備	榮	厚	益	妄
途	此	違	筆	拜	生	戰	邸	瞻	生	矣	編		正	擢	風	不	若
中	得	定	札	謁	氣	利	抄	回	二	符	諸	昌	可	言	俗	特	天
亦	以	處	九	上	甚	否	未	猶	君	運	簡	言	昌	路	之	體	師
作	歷	俗	月	官	企	渠	與	然	史	手	首	陳	原	道	亦	更	字
五	覽	吏	初	具	念	近	校	神	席	狀	芳	之	書	亦	有	覺	樣
言	形	可	六	蒙	之	益	士	往	都	名	○	使	款	有	禪	謹	類
一	勢	笑	日	青	瑩	無	此	邇	門	姚	石	歷	目	神	益	嚴	概
首	不	如	復	眼	以	聊	亦	想	遊	甫	代	會	益	伏	惟	詳	行
奉	為	此	登	制	八	如	尋	起	處	詩	名	與	編	閣	瞻	剛	除
酬	無	然	舟	府	月	不	常	居	之	札	賢	編	摩	下	似	于	略
錄	益	生	北	令	二	獲	想	清	樂		光	所					
稟	出	平	行	借	十	雋	不	勝	不								



別呈媿不能工徒紀事實云爾江南為諸省  
下游諸省水災洪流奔匯江不能納是以漫  
溢又有久雨騰蛟故江揚被禍而洪澤高郵  
兩湖並漲馬棚灣決口水勢橫流東趨下河  
之泰州興化如皋鹽城諸州邑受淹尤眾崇  
明亦以海嘯城郭幾沒誠數十年來之所未  
有幸諸公撫恤之善災黎尚為安靖獨冒賑  
有民與刃生劣監包攬戶口阻撓地方官不  
容稽查胥役鄉保從而勾結分肥實在窮黎  
十裁五六稍欲認真則鼓眾肆闖尤可惡者  
中人之家未受災民始而強索為之魚  
肉繼更迫脅隨眾流徙致青年婦女衣履完  
潔焯然纏臂環亦雜還于中莫能自拔此  
與寇盜之驅掠何異而首糾之輒以災民  
二字挾持官長嚴察治之則道相傳以為  
不恤災民此種情事殊出意外幸小山先生  
洞燭其姦于此愬之中詰訊姦狀得實奏辦  
數人刁棍始知徹畏然後戶口可得而稽可

見天下鬼蜮甚多如老生常言徒爲姑息災  
民受害反益甚耳近聞道長陳言賑災專屬  
紳士不假官吏之手恐弊端仍復不少何則  
紳士公正者大抵長厚居多不肯結怨卽明  
知冒濫而無如尙其不肖者則更從而侵蝕  
矣方今帑項不足籌款甚難豈可更事虛糜  
乎惟曉事者乃可辦事亦惟曉事者可以言  
事耳昔之弊在上者今反在下弊一也而示  
民以小哉夫國家所與治民者長吏也刑賞  
豈大柄也出府藏百萬以賑饑民賞之尤  
巨者也今示民曰吾所使治汝者不可倚吾  
任汝自爲之則賞之大柄去矣民之倖賞也  
甚于畏刑賞有不得而刑可逃也賞之大柄  
既去而刑又可逃欲長吏持空刑以治民不  
玩則怨是刑之大柄亦去也刑賞兩亡民尙  
可得而治乎腐儒不知大體一以姑息爲仁  
陰解

皇綱之紐此其為害與貪污長吏無異可為長

太息者也馬棚灣決口在高郵運河北段因

洪湖上游水大五壩全啓高郵湖不能受是

以漫決今于決口外先築月壩以攔水勢回

空糧艘自上流出湖遶行壩外更從下流入

運河惟信壩尚未竣工清洩弱今制府親

往督工一面倒塘濟運似可無誤回空耳二

君子畱心時務皆有憂天下之懷故略論梗

概如此伏惟有以教之○南征紀事詩奉酬

沈飴原閣部同年黃樹齋編修湯海秋禮部

潘四農解元張亨甫學博江龍門秀才下吏

被命承乏之三吳官符夜促迫晨駕敢斯須南

方盛水潦事與往歲殊荆揚逮黔粵郡邑百

有餘鯨鮫鼓其浪原陸成江湖生民半魚鼈

白日慘不舒大吏急章奏羣公紛誡詒日者

勤西師征調竭儲胥金錢累千萬元老猶邊

隅前年畿輔震民氣未即蘇所賴財賦邦東

南實轉輸今茲同告祿何以濟時需  
聖心益軫念太息明訂謨吾民命方亟拯濟在  
須臾沒田賑爾粟漂舍葺爾居歎薄緩爾征  
災甚免爾租流亡爾其歸病疾爲爾扶有司  
以時發後者吾必誅憲臣往持節周歷巡災  
區務使遂奠又罔或遺一夫復念江淮間河  
患久未紓際此積潦後秋汛甯無虞河臣與  
督臣倉卒恐有疎郵災與刺姦籌計當何如  
司空職水土未可惜馳驅往哉布

王命

宵旰煩嗟吁我行旣云邁星使亦載途自慙位  
卑賤奉檄惟承趨平生好深念所至多崎嶇  
抗言陳得失輒已災其軀灰死今再然欲進  
還趨起  
皇輿大無外民生繁有徒樂利二百年數豈無  
乘除方今上下困所困在空虛仰給惟縣官  
大用安能敷水弱玩已久宵小時伏狙寬猛  
各有宜操切非良圖閭閻待撫字國用煩追

呼信義苟在民人心或不瘵重承君子愛贈  
我以瓊瑤賤子亦有懷臨歧三脚躡獻言匪  
云報君當憫狂愚遐哉  
○張亨甫贈詩

聖代馭宇宙于茲二百年媿非龍虎士不附風  
雲先公卿亦袞袞人百年罕一傳

國史綴姓名有若案牘填常觀三代後智者能  
因天綴馬固磊落豈必稷契肩管葛自有時  
賈生誰哀憐憶昔望隆中慷慨居園田太息  
天下事其言若湧泉長老喜且歎謂楫利濟  
川滔滔海水流自溺終茫然功名慨不就獨  
使歲月遷傍惶念述作疾苦紛相纏徒懷萬  
古心何補十載愆相逢年少子顧盼恆輕翩  
心欲勸彼學自反涕泗連才人如春華顏色  
豈得專風雨不自庇墮落隨朝煙妙舞雜粉  
黛豔歌陳箏絃賓客競酒食眺覽勞車船是  
皆才之賊旦夕爭因緣壯盛足意氣衰病悔  
已過去日不可追來日蹶且顛侵尋白日速

坐視歸虞淵古來遭逢聖猶恐勢不延所以  
 借寸陰家室屏流連吾儕竟何如俯仰慙安  
 便白髮未肯貸老至身無權後日誰能恃略  
 可觀其前記我始交君雖處豐亨四十弧重縣  
 已過困否嗟迤邐君編文豹必隱霧神魚  
 生平懷抱志寂寞對簡必惕乾進可活九  
 必畏筌賢者處必靜為學必惕乾進可活九  
 州退匪陋一塵勳業與文章自古孰兩全得  
 失本運會蹉跎乃棄捐尊常擁節鉞似執晏  
 子鞭韞線與斗筭補苴矜芟芟非君夙所慕  
 非我意所賢况君久有孫有父髮猶元有婦  
 如賓昔聞迴文篇門生見五世拜謁勤周  
 旋念此亦足快可以酣於筵醉吟城南句助  
 爾符郎虔吾方類孟郊未欲寒蟲蝮周南滯  
 太史每感述窮蟬長笑草莽閒蒿艾潘四農  
 蔽蘭荃霄漢露霜多歲晚識節堅  
 詩臣道貴者壽以德非以年登朝楸嘉績氣  
 疑形之先吾觀古老成風采少已傳如隄

障谿谷罅隙無弗眞卬園蒔林木防護完厥  
天持之數十載德尊無比肩今人誇麗眉衰  
落轉可憐乃繇建樹薄植禾無良田平居視  
時序忽如東行川卽踰耄壽平格豈其然  
嗟余志氣微坐聽歲月遷行年近大衍憂患  
紛牽纏不敢怨貧賤內咎多瑕愆憶昔少壯  
時逸興何翩翩計身躋雲霄躋躋則涕漣試  
問所執業何者能精專常恐日月去迅似飛  
雲煙焦琴抱孤拙力屏箏琶絃成連幾時來  
荒荒海無船倏然邁吾師鍼芥疑前緣頭白  
得知己有喜亦不遑獨快登匠門切直箴狂  
顛轉忝賓從未此量侔山淵京國盛文藻下  
士誰招延師每屬唱酬楮勺酣流連文席逞  
鄙議酒殊安便略分通襟懷考古商經權  
海內幾詩人燕坐高齋前豪氣劔離匣勁論  
矢在弦賤子與往復身世忘迤邐文章有眞  
采炯如白日縣豈能事藻飾盜竊資陳編一  
時若鞶帨千載同蹄筌師乎奮百代俯仰觀

墨 昇 書 臺 初 集 年 記 十 七 一	鳳 紀 初 元 會 眾 仙 開 樽 曾 此 樂 陶 然 流 暉 幾 易	亭 無 恙 大 雅 雙 扶 筆 有 權 珊 樹 都 撐 冠 蓋 地	銀 毫 孰 掃 火 雲 天 廣 陵 散 絕 年 華 逝 煩 爾 殷	曹 艮 甫 李 石 梧 陳 登 之 杜 稼 軒 諸 君	四 農 嚴 問 樵 王 慈 兩 艾 至 堂 黃 香 鐵 戴 筠 帆	亨 甫 馬 湘 帆 蘇 賓 嶠 李 禾 叔 溫 翰 初 明 叔 潘	消 夏 同 端 木 鶴 田 季 仙 九 許 珊 林 苗 仙 露 張	九 日 黃 樹 齋 太 史 偕 徐 廉 峯 太 史 招 集 江 亭	中 生 各 自 壽 常 保 金 石 堅 人 ○ 林 紉 秋 詩 二 十 月	朝 倚 柱 石 空 谷 容 蘭 荃 人 ○ 林 紉 秋 詩 二 十 月	蟲 連 蜚 山 澤 可 跽 伏 何 必 思 貂 蟬	首 夏 出 都 門 拜 別 徒 致 虔 仰 看 鳥 奮 飛 自 顧	蹉 跎 故 國 將 言 旋 中 春 單 車 遲 未 獲 升 華 筵	夕 問 太 元 或 鼓 曾 氏 瑟 詠 歌 先 聖 篇 行 藏 屢	幾 今 年 裁 四 十 聲 望 若 古 賢 思 載 侯 芭 酒 所	揮 百 家 文 陣 高 揚 鞭 進 而 立 功 名 卓 哉 非 淺	太 素 彌 不 全 神 斤 力 斲 削 俗 豔 微 必 捐 用 茲	坤 乾 長 笑 近 時 彥 如 賈 居 市 塵 美 富 信 足 珍
---	--	---	---	--	---	---	---	---	---	--	---	---	---	---	---	---	---	---



亦不惡離支萬顙懸虬珠眼前高會九州客	鷗挈鷺思吾徒楚山越水從追慕炎州風物	衣袂遽然一夢落江湖荒塍積潦叢蕪蘆提	銀屏一十二招邀羣賢入座中習習天風動	地片刻清涼亦快意玉堂仙客出人間手拓	冰取百錢將身暫入清冷淵此時道暑愁無	黃香鐵詩臺煙耳邊銅盃聲清圓呼童斲	羊心漫舉觴報與羣公吟不得同聲討魃召商	四歌深歎倬雲章晴窗熱眼艱行墨星雷愁	酒化天漿喫向原田救亢陽三炷重勞祈雨	壺園邃雅仙屏立盡在瓊筵客話中安能將	印雪鴻角技獵圍談海子迎涼詩社借江翁	花香氣佛堂通文章此會追風驥蹤蹟他年	菊部不知何處有雙鬟接袂龍華事頗同曇	照耀樽桑海詩酒淋漓視草班聞說都城新	灣勝會仍來千載士浩歌欲唱兩重山姓名	勤績舊緣餞春折柳記陽關銷夏尋荷又水
-------------------	-------------------	-------------------	-------------------	-------------------	-------------------	------------------	--------------------	-------------------	-------------------	-------------------	-------------------	-------------------	-------------------	-------------------	-------------------	-------------------

同向軟塵憶鄉國西山一角雲漢圖挂向空  
亭生畏色但看林頂冒煙光劇望磐頭翻水  
墨日長久坐雙眼慵哦詩相約招松風卽今

祈

齋宮農壇咫尺影正中沈雷隱  
曹良甫詩大

隱車隆隆歸向龍潭呼黑龍  
曹良甫詩大

駐曦輪鬱隆畏炎夏東華盛簪裾玉堂喜清  
暇避暑荷嘉招晨催僕夫駕逕登江翁亭凌

虛敞風榭開襟散鬱陶涼意入杯罈千章俯  
平林眾綠浩如瀉西山自峒堯雲氣不能下

沛然望甘膏秋收足禾稼經濟仰我師丹青  
蘊神化南臺肅霜稜雄緊責難謝憂樂天下

關高會漫誇詫詞臣職中秘清要世所崇觥  
觥壺園集肆好懷其風苔岑敦夙契菟圃傳

無窮感彼沈淪土賴此搜揚功小子媿荒落  
大雅開屯蒙寓居門巷近選日尊罍同登高

發遐想山色青蒼中故鄉豈不好蹤蹟嗟飄  
蓬金闈忝通籍筆札終難工勞生念八口儉

切美年記十七

二

歲咨三農江天渺○楊星山詩立秋前一日

音息極目南飛鴻韻譙集在城市山林何處

王述庵侍郎壁間韻莊濠社結槐陰屋車

高孤亭舊江墅一水即樹聽切螭雅迹誰

停荻港初開窗穿蛟蝶傍款款嘉客意陶陶

能繼良辰此又遭涪翁情款款嘉客意陶陶

友妙文宐會官閒興倍豪期還訂休暇地亦

避煩囂香列郇廚饌春沽燕市醪令如軍敵

項詩要句箋毛白雪心都賞青天首漫搔城

南酣嘯詠河朔杏嬉敖肯倚劉伶醉而忘屈

子騷昨宵墜桐葉秋籟爽蒲牢日下多仙侶

風流況我曹縱然鱸入夢不礙鶴鳴皋水部

班聯鷺瀛洲客釣鼈蛇盤花縣綬鵠立桂宮

袍喜雨觀魚躍聞風說虎韜豐年悲壤擊壯

歲習塵勞相助驅連轡同勝役警馨壺天長

景駐筆陣短兵鏢古壁殘篇和斜陽疊紙操

歸家涼月上陳登之詩朝來覺秋氣乘興一

清韻續吟毫

登高初上三竿日遙

臨百仞濠塵勞嗤俗駕夢遠隔遊舫且覓逖  
 巡麴還尋鱖劍劍虛窗敞空闊敗葦繞周遭  
 盤馬意飛動聞蟬思鬱陶勝遊聊復爾仙侶  
 尙能豪自笑詩吟苦憂讒口避囂人誰收夾  
 袋交孰飲醇膠局促爾雙足蹉跎見二毛逢  
 時心已冷感事首仍搔邊患擾回紇楚氛張  
 若敖攬槍同掃蕩騎驛敢驚騷但使閭閻靖  
 懸知肩鏑牢東南足水患租賦豁農曹早魃  
 又畿輔飢民徧隰皋天如哀澤雁帝必斬溟  
 鼈我滯毛生檄空拖別駕袍一枝慙健筆六  
 甲乏兵韜豈有封侯願徒殷報  
 勞眾中逢伯樂名下或孫馨晚嫁顏雖厚偏  
 國軍勇試鑿壯懷言外見古調酒  
 邊操淒絕四愁竟長歌吮勁毫  
 樹齋夫子畱飲卽事作卅年悲抱璞十獻九  
 遭別掩袂愁緇塵攬鏡愧黃髮譬如愆期女  
 論烟遲閣眼看新嫁娘迎門賦車牽東風  
 吹桃杏本願子同結感激薦士恩覲顏且往

初集年記十七

三

謁夫子西江彥古學勵前哲知交二三子亦  
 自鄙俗說論世趣已同通名心早折林宗行  
 誼高平子識議闊奇抱各有尚詭遇皆不屑  
 飲豪酒坵封坐久燭見跋祇因瑁臻來翻令  
 塊壘豁本來寒士寒不為熱腸熱自匪蛇憐  
 風詎望蟬知雪平生知己人制行盡高潔  
 此得師友因又詩樹齋夫子招飲席閒命題  
 之付窮達又詩畫龍障子紅日東升紫煙

九陸龍顏識

天子朝回召客舉春觴正報狼烽銷鹿耳回頭  
 壁上波連空衙衙頭角蟠雲龍滿堂動色訝  
 奇譎墨戲彷彿陳所翁鱗開甲舒裂帛去瞬  
 息風雷隨所遇酒腸詩膽爭攫拏徑欲騰身  
 入煙霧君不見去年早嘆環

帝闈連番封事陳諫臣

齋宮圭璧自孚應已見甘澤流浹旬太  
 平潤色非無本霖雨蒼生尚有人 ○張亨

甫詩余去年十月十五日夜在都下西山隱  
 寂寺得福建鄉試錄是日樹齋侍御偕  
 子序明經來山中視余畱宿因相與歎息今  
 年閏九月十五夜復以落解出都宿泰安得  
 福建鄉試錄時子序亦落解出居保定而余  
 與侍御相隔千餘里矣慨然感懷奉寄二君  
 東嶽當頭見明月西山過眼即前塵十年放  
 逐如殘夢四海升沈感故人可有豹皮畱不  
 死更無龍性鬱能馴平生知。林紉秋手札  
 己仙屏客差似當年賀季真。陳勾山先生等  
 再布者秀前見過王蘭泉陳勾山先生等  
 七人題橋亭卜卦硯詩阮芸臺秦小硯先生  
 等廿八人題永平磚詩奇正濃淡各體俱備  
 己卯在浙朱滄湄吳穀人先生等數十人題  
 文節號鐘琴得琴主人爲吳素江明經彼時  
 秀與端木子彝皆有詩此三集者當以謝琴  
 詩文多傑構卜硯集次之晉磚又次之蓋晉  
 磚無可議論宜諸公敷衍了事耳考据之精

又當以芸臺先生為壓卷其餘各出機杼皆不能盡佳也拙作岳硯詩亦援此以自文呵

呵。鍾仰山前輩手札兄一路叨庇順適已

科所轄入部落均極靜謐洋則去其太甚深承

風兄惟事則循乎舊章弊則藉藏鳩拙天氣奇

蕃部官員推許似肯相容冬何如冷法瘴

寒此時已著重裘正不知三兒輩在京尚

氣早晚有之中人即病衙齋小園林足供

吟眺惟坐無車公未免不樂耳史到班否

求教導之近來吾弟作何消遣挹取遠在塞

外得信太遲晤時為道想念草此報慰不

盡之言統容續寄四農書望索看不贅述

史梅裳手札承顧欲往答以近恙未能耳暇

者精神即以為題奉贈詞甚拙惟大雅教之

且索佳和奉上吟瓜一枚亦索詩好題目也

廉峯何似春時屢探其病久未見猶靜又札  
 養耶亦有贈言尚未往寄晤乞致意耳  
 惠而好我贈以瑤華浣手捧讀覺開合動盪  
 詞氣淳厚迥非近賢所及甚愧前投作之拙  
 耳容少暇奉報接計敬聞有大母憂晦日當  
 恭奠藉晤也仰山忽歸道山真出意外同調  
 又少一人想  
 亦為慨然耳  
 林詩起二句原註嘉慶丙辰廣陵句原註前  
 晤法時帆王惕甫張船山三先生今皆宿草  
 為之慨然  
 黃詩林宗原註謂郭羽可平子原註謂張亨  
 甫



併月書

一  
二

僊屏書屋初集年記卷之十八

道光癸巳二月二十五日同扎曉巖遞封奏一

件為請

旨飭議事竊臣等奉命稽察銀庫亟需整頓以慎防閑伏思法立於

簡明弊生於叢雜欲剔蠹而懲奸在芟繁而挈要謹就臣等管蠡所及現在庫內應行事

宜敬為我人簡則防範易周也查銀庫現在

除舞弊之一書吏丁役業經問罪外當差似屬

寥寥而暗中掛名之書吏局外插身之散役

人數至多不可究詰影射包攬弊竇叢生應

簿由稽察御史點卯查有濫充即行究辦即

如庫丁一項現在僅十數人足敷當差無庸

初集年記十八

添補經裁定後遇有懸額應令設法募充不  
准庫丁私行援引親故子姪以昭防範一事  
簡則辦理無誤也查銀庫解項劈鞘例有定  
期如遇有緊要放項例得展限庫官雖非有  
意遲延吏役不無藉端影射緣八旗兵餉及  
各衙門支領款項繁多或照總數彈兌或照  
細數分平辦理已不畫一分平既需時日劈  
稍遂致稽畱嗣後應令各處放項均按劄付  
總數彈兌由承辦官較平親身領出自行分  
給至外藩及在京之王大臣俸項亦宜遵照  
舊例搭放元寶以歸簡便一嚴禁銀號影射  
也查官生捐項例不准銀號包攬其有委係  
親友託令代交者亦所不禁前道光十一年  
議令銀號代交之項一律傾寫高銀戳用字  
記係為禁用成色起見並非准其包攬乃銀  
號藉端影射任意勒索有加至二十子者外  
間不知遂謂庫中非此等銀號之銀不肯收  
納情節殊為可惡應令五城司坊設法查禁

至卯期收捐臨時短數添平亦應禁止以杜  
 弊混一嚴禁奸徒勾串也查戴雲峯等舞弊  
 案內如邵理堂等侵蝕於前全煜等訛詐於  
 後皆由局外奸徒勾串同庫中蠹役釀成巨案  
 此等無賴之徒舞文弄法愍不畏死而吏役  
 中之刁狡者樂為結識良懦者苦於脅從此  
 而不禁弊何由去京師五方雜處奸宄易於  
 藏踪應令坊官營弁隨時查究以昭嚴肅以  
 上數條臣等為慎重庫項起見相應請  
 旨飭議施行并將歷年議定章程刊刻宣示以  
 昭法守至出納之認真則在庫官盤查之核  
 實則在每屆  
 欽派之大臣庫官認真則主守奉法而影射勾  
 串之弊可塞其源矣盤查核實則官吏畏法  
 而冒混虛假之弊可絕其流矣臣等愚昧之  
 見是否有當伏乞  
 皇上訓示謹  
 奏

六月初五日遞封奏一件七月二

十一日遞封奏一件為紋銀洋銀應並禁出洋務絕仿鑄之弊并嚴

科罪之條以崇

國法而裕民生事竊臣見鈔發浙江巡撫富呢

揚阿遵

旨體察錢賤銀貴情形籌議覆奏一摺內推銀

貴之弊由紋銀出洋律無治罪專條請

旨飭部定例通行曉諭俾知遵循私運米穀出

旨酌定具奏黃金白銀出洋均照私運內地人

洋例治罪臣詳查該撫原奏稱嗣後內地人

民與外夷市易准以貨易貨或以洋銀易貨

不准以紋銀易貨又刑部所定條例只概言

白銀並未指稱洋銀亦在禁例是紋銀出洋

有禁而未指稱洋銀亦在禁例是紋銀出洋

妨轉用出去而不知內地實積有仿鑄洋銀

之弊蓋自洋銀流入中國市民喜其計枚核

值便於運用又價與紋銀爭昂而成色可以

稍低遂有奸民射利摹造洋板消化紋銀仿

鑄洋銀其鑄於廣東者曰廣板鑄於福建者  
 曰福板鑄於杭州者曰杭板鑄於江蘇者曰  
 蘇板曰吳庄曰錫板鑄於江西者曰土板行  
 庄種種名目均係內地仿鑄作弊已非一日  
 流行更非一省則今日內地之洋銀即內地  
 之紋銀也既禁紋銀出洋又准以洋銀易貨  
 則商民知紋銀有禁而洋銀無禁將盡以紋  
 銀鑄為洋銀不過一鑪火轉旋之間遂可置  
 身法外是一面禁之一面縱之臣恐內地紋  
 銀且相率化為洋銀而紋銀自是益日少而  
 日貴也查紋銀出洋弊非一端全在大吏仰  
 體  
 聖心防微杜漸籌畫周詳使奸商黠吏無從使  
 其朦蔽方為盡善臣愚以為紋銀洋銀理合  
 並禁出洋洋銀百枚即照紋銀百兩科罪并  
 請  
 飭各省督撫實力稽查凡有仿鑄洋銀之犯即  
 照私鑄銅錢科罪庶紋銀可日積而漸多洋

皇清書畫

初集年記十八

三

銀無續鑄而自少至刑部新定黃金白銀出  
 洋治罪專條僅仿照偷運米穀出洋例擬未  
 允協查偷運米穀數至一百石以上歛迹非  
 易若偷運金銀數至百千兩歛迹不難且  
 鴉片煙等犯禁之物其藐法潛買者皆以銀  
 則便不以銀則不便在奸商黠吏祇圖貪利  
 營私覬法律之稍輕即詭謀之百出夫豈知  
 匱內地有用之財資外夷無窮之利實有關  
 國家萬年之計較之銅斤鐵貨可造軍器者所  
 係均干至重應請  
 飭下刑部再行酌擬比照從重科罪使奸徒不  
 敢輕蹈法網斯  
 國法崇而民生裕矣臣管蠡所及是否有當伏  
 乞

聖鑒  
 訓示謹

奏  
 二十三日奉

旨轉掌陝西道監察御史九月十三日奉

旨同蘇芳阿充武會試內簾監試官二十日奉

旨授兵科給事中十月二十四日遵

旨遞明白迴奏摺子一件十一月初六日遞封

奏一件為銀庫收捐易滋輕重之弊重收則累捐生輕收則虧

國帑請

飭嚴定章程以永杜弊端事竊臣前見戴雲峯

舞弊案內有復舊規五兩之說稱由各銀號

每捐項銀一千兩交庫時外給費銀五兩戴

雲峯等已分肥至一萬兩夫日舊規則非自

戴雲峯始可知也臣因細求其所以有此五

兩規費之故則由銀號藉此打點庫丁凡由

銀號代交者有此規費則上兌時平為倚輕

臣奉旨 初集年記十八



所用規費銀祇五兩而取償於輕收者且十  
 倍于五兩也其不由銀號者無此規費則上  
 兌時平為倚重所省規費銀祇五兩而被耗  
 於重收者亦十倍於五兩也是重收正所以  
 為輕收之地將驅捐生以盡歸銀號則入庫  
 之銀勢不至有輕收而無重收不止今以每  
 年常捐二百餘萬兩計之使輕收十成之一  
 虧短已為不少況值開捐之期為數不下千  
 萬兩使輕收十成之一虧短更屬不貲縱令  
 發覺窮治其罪而  
 國帑已虧會何補益與其詰於事後曷若禁於  
 事前臣因更細揣其所以能輕收重收之故  
 則法馬之以輕當重以重當輕尚易查察惟  
 上平時庫丁等潛使手法巧為高下望其衡  
 梁鉞管外若平允而其中之倚輕倚重者正  
 大相懸絕實有耳目所不及防夫銀數之輕  
 重專恃上平竟不可靠如此要在銀錠之分  
 量有準指定上平彼此互勘方能核實臣前

命自承

稽察銀庫以來每當收捐之時必先數定其

銀錠數目然後上平大抵其銀每錠以五兩

欠一三錢為率因約其輕重凡交銀一百

兩則先數取二十餘錠以上平相無幾再以

取二百一十餘錠以之或本日未能收完即補

零塊足之未有不合或本日未能收完即補

收於次日斷不敢稍從輕率然臣微察銀號

庫丁人等其辭色若不便於臣所為而此

行交捐者又甚便於臣所為因以知此

法為真可絕其輕收重收之弊特嫌其銀錠

並不依照樣銀頃成庫平五兩足數故為參

差希混查察則欲查銀錠之數目以審別重

輕必先足銀錠之分量使毫無添減茲當交

卸之後不敢委為臣責已了遂忘防弊之思

誠當籌立章程使後來者亦易于查核相應

請旨飭下戶部自後銀號交捐之銀查明委係親

初集年記十八

友託交並非包攬除照舊課面鑄載各銀號  
 牌記外每錠須照庫平傾成五兩足數鏤面  
 添載五兩字樣其兩足數鏤面鑄載五兩字  
 銀匠傾成庫平五兩足數鏤面鑄載五兩字  
 樣及各銀匠牌記惟所收之項不無一兩三  
 四兩零畸之數但以零塊足之不必鑄載數  
 目以免紛繁當先計其錠數然後上平再核  
 銀錠分量足否先計其錠數然後上平再核  
 其法馬然後註收則輕重必無可逃察即事  
 後亦有可勾稽若此後懲罰多則嚴行究辦  
 五兩之數少則立子懲罰多則嚴行究辦  
 蓋事若近于瑣碎而實關乎重大斷不可  
 存通融之見蹈疏忽之咎或謂如此辦不  
 生亦不便於傾銀號轉得利其包攬不  
 銀號銀匠二者原不相涉銀號須向銀匠  
 鑄捐生亦可自向銀匠鑄所費原屬無幾  
 且由此報數上平得免重收之累誰不樂從  
 是責令一律傾鑄之法正所以杜絕一切包

國攬之緣捐生既不以重收見阻  
帑更不致以輕收積虧再銀庫法馬銅質磨  
損字多漫漶難於辨識并請  
飭下戶工兩部會同驗明更換以昭平準臣為  
慎重庫項嚴絕弊端起見是否有當伏乞  
皇上聖鑒謹

奏二十八日遞封奏一件為楚北頻年被水謹  
陳江漢修防事宜以

國賦而衛民生事臣惟  
朝廷之經費有常閭閻之生聚不易故利國首  
在便民而病民必至妨國竊見楚北一省頻  
年以來屢被水災一經大吏飛章入

告仰蒙我  
皇上恩膏立沛凡撫賑蠲緩已不下百有餘萬  
且以民力拮据  
恩准借用帑項修築隄防楚北人民宜何如淪  
肌浹體伏查他省水旱偏災或數十年而一

奏屏書  
初集年記十八

見或數年而一見惟楚北水災年年如是下

游各省均受其患夫江防本非河防可比河

國

防之歲修重關出自民間然修之者民治之

者官得其法則民力易集不得其法則民財

既耗於無用而

國

賦且至於坐虧即如現在議蠲議賑已歲糜

帑金數十萬若不早圖維恐將來江漢之

閒盡為澤國更難措手臣就所見聞得其大

略敬為

皇

上陳之一隄工民修舊章宜變通也楚北隄

工有官徵土方延訪紳士領修者有民間自

為修理者有官督民修者三者俱不能無弊

而惟官督民修之弊為尤重蓋其例向於每

年勘估隄工後應需土方若干即按照合境

糧食分派刷印土單每里擇殷實老成之人

由州縣籤為董事使之按單照糧收土修隄

土之多少官估其數而分文不入於庫隄之

高厚民任其事而追呼不煩於吏立法未爲  
 不善乃積久弊生陋規層出每次籤點改換  
 等忒意需索而尤甚者莫如工房書吏改換  
 另籤有費給發土單有費具認承充有費於  
 是董事等所收土費已盡花散無餘之時糧  
 破產傾家以苟求訖事故每逢籤點之時糧  
 少之里糧戶無不視爲畏途其有糧多之里  
 則又有人鑽充頂替與工書表裏爲奸甚至  
 工書亦自包攬頂替蓋董事深知修隄之害  
 情願以重貲倩其包辦而該書等又可以所  
 收之土費盡供其慾壑每年除挽月外其有  
 舊隄並不加高培厚反將舊土剗創見新藉  
 掩耳目水愈長而愈高隄愈修而愈薄頻年  
 隄工之潰決其弊率由於此是楚北隄防木  
 以衛木境數十萬之民而先害數百無幸之  
 民及修築單薄不能抵禦終且合數十萬之  
 民而盡害之矣或謂改法不如剔弊不知現  
 在民修百弊叢生上有剔之之法下卽有避

立	工	民	之	至	閒	修	偏	查	胥	收	土	勘	不	收	州	專	之
子	現	矣	官	有	自	亦	災	察	猾	完	串	估	得	也	縣	責	之
嚴	例	一	修	拖	相	係	徵	豈	吏	竣	照	定	代	則	其	成	術
譴	在	宐	得	欠	收	照	收	得	不	以	例	後	估	任	分	其	斷
立	工	嚴	以	楚	取	糧	難	諉	免	便	定	實	代	之	段	徵	難
法	人	定	享	北	往	派	齊	為	有	興	夫	須	收	道	承	收	別
實	員	考	安	人	往	收	恐	胥	浮	工	價	土	徵	府	修	土	釐
為	安	課	閒	民	難	原	致	吏	冒	之	謂	收	若	年	一	責	盡
盡	善	則	程	利	不	收	另	誤	難	弊	州	務	干	土	一	責	似
善	江	予	以	斯	情	齊	有	要	防	此	縣	限	仿	方	輪	之	不
漢	二	超	勸	便	願	歸	之	款	如	則	全	徵	十	照	之	務	若
隄	隄	擢	懲	而	派	官	發	知	州	在	州	方	一	例	於	親	改
同	潰	也	非	以	方	徵	給	向	縣	州	方	一	例	於	親	其	為
屬	決	查	河	病	歸	自	況	來	設	縣	恐	律	刷	每	工	勘	官
賦	則	河	病	歸	不	民	民	遇	之	奸	徵	印	年	所	驗	之	修

命所關似應一律辦理  
帑修築之隄已不下數十處而每年所潰決  
者總係民修之隄員及工書等以無功過  
蓋民修之隄員及工書等以無功過  
是以忒意需索而州縣亦以毫無考成漫不  
經心如此辦理安能保固之責不能不親身駐  
領項承修有十年保固之責不能不親身駐  
工層土層砌修築堅實是以從無潰決之患  
然請項之隄只有保固並無議敘尚能如此  
盡心若改為官修嚴定考課之法必互相  
鼓舞工程定臻穩固應請倣照河工各例于  
三汛後是否安瀾督修及承修官應如何分  
別勸懲之處嚴定章程每年由道府核實加  
結轉報督撫專摺具  
奏請

旨州縣之自顧考成無論已卽汛員雖屬微末  
而既定勸懲章程亦無不愛惜身家奮志向  
上之理再楚北州縣所管隄工有數十者

歷屏亭

初集年記十八

人



有百餘里者且慮延至三百餘里者未  
 有鞭長莫及之慮應請將同知通判等  
 列間曹事務較簡者酌改為江漢二分  
 所屬州縣中宜隄工較後課均照州縣  
 一切修防事宜由州縣徵解如法分任  
 例惟土資得後矣不一豫備土法宜豫  
 北隄工修竣後並不一豫備土法宜豫  
 漲急須用土搶護而隄內或遇天雨流  
 潰居多於無土可取不得遇天雨流連  
 致頻遭潰決又無土可取不得遇天雨  
 費購辦柴料持護風浪該汛員等又盡  
 入已竣未見時加柴一風濤鼓盪則防  
 隄值盛漲之時講求今既擬改官徵之  
 自不可不豫為講求今既擬改官徵之  
 應於每年勘估時將土牛一併估計在  
 每座高二丈底寬二丈面寬一丈四圍  
 相距只許一丈不得過遠至柴料實為  
 相距只許一丈不得過遠至柴料實為

之要物楚北沿江濱漢均多淤洲蘆葦叢生  
 向例所納蘆課甚屬微細不若改徵柴束以  
 濟工用蓋風狂浪湧之時遇有坍塌油刷處  
 所以新土填上立即洗刷淨盡惟做照河工  
 塘風柴埽之法外高過柴紮或掘木樁能  
 貫插其中務須料堆之高於隄北州縣所  
 上自可免坍塌之患再楚隄並無人煙  
 隄工其延長者往往險數十里孤隄無  
 該汛員三等遇何處有險一每棚設隄正  
 嗣後每三里設立蘆棚一面即著保甲長充  
 人隄夫一月閒飭令上隄至霜後方許歸家  
 每年四五月間遇有險要處所隄夫賞情則  
 畫正巡防鳴鑼集夫勤則有賞惰則有罰而  
 隄護可以無虞矣一宜多開支河洩水勢  
 也江漢二水向有九穴十三口分洩水勢  
 元明以來江湮塞制名穴亦多無所考其  
 指名者惟初集年記十八渡穴石首之調弦

穴六監利之赤剝穴松滋之采穴潛江之南岸  
 尚可分洩三江以達洞庭湖而仍歸於江漢  
 水則向有一處亦係分洩漢水所近亦在九穴  
 容其澤口之中且其地亦多淤高水然不在九穴  
 十三口之陵且其地亦多淤高水然不在九穴  
 能灌入由江又復節節汚陽漢陽以達於江所  
 有各處引河復節節汚陽漢陽以達於江所  
 瀾漫此時若訪求九穴十三口故道而盡復  
 之無論工鉅費繁勢有年給且其地人盡徙  
 族而安居田廬墳墓歷有年所一且其地人盡徙  
 愚民安土重遷勢必議為紛擾似不若相徙  
 情形于內面近隄本有河港者因而開通之  
 原可分洩之支河如虎渡調弦二穴疏濬使之  
 其隄已潰口難以堵築者順勢利導之務使  
 水分其勢不得壅遏為患然後築隄以資  
 資抵禦蓋治水之法不外宣防二端宣防則  
 不知防禦則水有泛濫之憂徒防而不宣防則

川有壅潰之虞二者必不可偏廢也或謂開  
疏引河費用不貲此則全在大吏倡率地方  
官各就所屬如法勘量使百姓曉然知宣洩  
之利正所以為隄防之固楚北紳商富民向  
稱好義明立優敘章程剴切勸諭當無不踴  
躍輸助即有不敷籌款墊辦

皇

俯允所請此則一勞永逸之策而江漢二水可  
期順軌矣以上數條於楚北現在情形似為

旨

緊要相應請督撫如可採擇即議施行伏乞  
聖鑒謹

奏

○張叔淵畫廬山紀夢圖題識九屏寺居廬

背蓋取屏風九疊意寺當天未既曠且幽俯  
臨陡壑泉韻松聲皆在足底對蔡先生曩于  
嘉慶丙子秋同友人遊宿于此夜夢偉衣冠  
人授古松圖一失似靈相接皆屬精神感通

張叔淵畫

初集年記十八

子	樹	此	寶	湖	聲	負	百	煙	勇	與	好	年	少	故	畱	太	斯
保	應	稱	樹	山	忽	荷	尺	夢	登	廬	向	材	各	實	東	白	偉
榮	呼	神	鳳	邊	憶	豈	滿	中	其	山	東	大	無	無	林	其	衣
性	第	虎	雷	李	李	徒	秋	之	巔	結	林	早	不	不	以	人	冠
長	幾	頭	尾	海	海	嘯	雨	圖	多	後	去	儲	可	可	作	也	其
依	松	當	青	颿	颿	傲	干	誰	君	緣	要	梁	耳	耳	山	為	匡
	風	日	天	詩	詩	耽	霄	所	年	葉	葉	棟	中	中	中	性	裕
	霜	畫	龍	山	山	林	之	授	少	筠	筠	選	潘	潘	潘	形	先
	貞	蒼	化	中	中	泉	幹	定	具	潭	潭	歲	芝	芝	芝	外	生
	士	翠	鱗	初	初	因	迴	知	仙	前	前	寒	軒	軒	軒	領	也
	節	鬱	縱	地	地	君	青	早	質	輩	輩	常	師	師	師	意	歟
	冰	層	饒	夢	夢	作	天	拍	雙	詩	詩	保	詩	詩	詩	境	抑
	雪	峯	宏	日	日	繪	故	洪	屐	南	南	雪	五	五	五	表	陶
	夫	不	偃	下	下	偶	應	崖	踏	斗	斗	霜	老	老	老	此	靖
	夫	識	筆	後	後	有	棟	肩	破	誰	誰	古	蒼	蒼	蒼	圖	節
	容	夢	莫	彫	彫	觸	梁	虬	蒼	能	能	松	顏	顏	顏	節	李
	願	中	狀	身	身	資	資	資	巒	賈	拔	計	望	望	望	寄	寄

丹闕

艾至堂詩

君年廿四我三十記踏五老同

濤作龍泣偉衣冠者何神翁迎君一笑來夢

中授以圖畫古松滿霏煙滴雨青濛濛是幻

是真時未解今日重逢萬塵海君補作圖索

我題觸我遐心十八載是遊聯袂凡五人骨

與五峯爭嶙峍浩歌絕頂捫星斗各有英爽

通風雲君獨夢此必有故為君百測理難悟

作十入公亦等間浮榮豈足為君慕我輩生

世有靈根得氣乃在鴻濛先縮之一握縱萬

丈結華垂實堪千年願君大材早大用我石

功成天下重浩然返山續舊遊重後夢證

前夢煮石餐芝我能共嘉慶丙子秋同樹齋

侍御遊廬阜夜宿萬松坪侍御時夢神人授

以畫松今十八年矣此中誠不無因緣我願

為侍御了之也謹題如右然否幸轉有以相

教史梅叔詩神光麗崎兮仞積青張陽巖

初集 己十八 七

壞	十	此	馨	牀	雄	犀	千	君	圖	通	猶	結	因	丹	惚	疑	今
文	入	理	效	借	撫	神	齡	貞	礪	山	憶	其	緣	青	兮	危	冲
章	公	非	手	僧	景	清	他	本	碣	靈	五	靈	兮	我	切	幽	
世	嘉	無	授	寮	眾	證	年	性	皆	匡	君	郭	欲	不	雲	屏	
已	兆	謂	古	夜	妙	三	叩	亭	松	君	遊	羽	纒	名	兮	五	
驚	徵	生	松	半	會	生	石	亭	形	見	歲	可	兮	後	恍	峯	
樹	奇	具	圖	靜	先	張	張	為	豈	之	月	詩	縱	來	有	今	
立	異	棟	再	萬	生	開	甫	國	其	笑	飄	喬	九	妙	形	賓	
行	本	梁	拜	籟	杖	甫	詩	楨	十	謂	風	松	屏	應	獨	五	
共	性	材	神	忽	策	詩	詩	江	八	子	子	抱	蠹	元	授	賓	
轅	況	應	人	聞	遊	詩	詩	湖	公	非	非	霜	層	中	圖	二	
斯	後	為	賜	呼	探	詩	詩	而	為	凡	英	節	漢	經	今	五	
圖	彫	廟	展	孔	勝	詩	詩	廊	子	英	授	不	萬	寶	通	之	
作	歷	堂	卷	賓	歷	詩	詩	廟	兆	夢	君	復	古	而	子	精	
左	刳	器	費	仙	諸	詩	詩	遊	夢	君	少	世	撐	秘	誠	合	
券	長	不	沈	靈	界	詩	詩	蹤	徵	咳	咳	間	空	之	神	而	
戶	不	見	吟	接	支	詩	詩	傳	願	嘯	嘯	情	青	傳	之		

得見泰岱初集年記十八	十年來仰慕之心一朝而慰昔之人以於山	門洞裏叩三彭○符雪樵手札	東坡師抱樸朱元精合下僧牀倒屣迎不似	材是支離叟本元精合下僧牀倒屣迎不似	雕枉費才會得匡君授圖意前身應是棟梁	臥遊餘葉拱以獸吾將黃香鐵詩	緒師肯秘以獸吾將黃香鐵詩	九州塞毋言悅忽閒神仙偶奇跡斯理有傳	夢短神風長覺寐此骨力幽幽九屏寺正氣	老蒼至寶不致敢畜參天入方寸絕爨標節目	然古之直根柯炯圖畫鱗鬣輔劣削匡君契	潘四農詩天地飛夢萬松顛更挽銀河濯詩骨	說神物知君飛夢萬松顛更挽銀河濯詩骨	覺肝肺生杈枒昔遊五少今華髮卷裏雲煙	真氣滿潘星齋詩屏風九疊羊變化入君夢頓	牖滿潘星齋詩屏風九疊羊變化入君夢頓
------------	-------------------	--------------	-------------------	-------------------	-------------------	---------------	--------------	-------------------	-------------------	--------------------	-------------------	--------------------	-------------------	-------------------	--------------------	-------------------

三



則爲生平之幸今綸之所遇殆猶是焉惟自  
 愧匪材耳且重以桑梓之誼旣獲常聆緒論  
 食之何陋之言乃每食引不獲依別後  
 以開拓鄙陋之胸每引不獲依別後  
 於五月十日始抵蘭山寄食門人初無佳趣  
 以主固風雅廉吏及諸子亦英秀出  
 以非棄材心竊安之謹有啟者吾郡文昌橋  
 爲往來利濟已久所關甚重閱橋志中間亦  
 每爲上流木排所損時造大費周張計所  
 間竟至全橋傾圮釀金重造始告竣此先  
 費十萬餘金諸君勞心日久未暇遠謀  
 生所知者當諸君木排仍繫於橋上流木  
 而在郡貸木諸寅春夏苦雨於橋上流木  
 金坡一帶歲庚寅春夏苦雨於橋上流木  
 纜斷自上游橫掃而下堵塞橋端與水梗  
 水與橋鬪濤聲徹數里外綸時客居臨川  
 聲往視洶涌澎湃橋勢動心殊惴惴兩岸  
 居民出沒水中上下其手者以萬計利其木

不

居

三

可為己有從而攘之舍命爭首非必有意護  
 橋也橋幸因此獲全然已破損數處矣蓋木  
 排之為橋害也如此臨邑昔年在局董事諸  
 老成襄橋之成而此不忍見其廢因通書各邑  
 會同其呈請於府縣憲將千金坡所繫木排  
 擇橋之下流遷之俾木商無損橋之憂而橋  
 亦藉以永固其勢難已其事甚便乃商人壟  
 斷是私昧於大計又有二寡廉鮮恥之徒  
 為之關說其時郡守郭松崖先生廉明公正  
 府順輿情即頒令限遷而臨川縣令某以不  
 學無術之身膺司牧民社之寄內為幕客門  
 丁所蠱惑外為不肖紳士所把持延推諉  
 竟有不必遷之議在彼玩愒郡公事貽害良  
 終不免身敗名裂而誤吾郡公事貽害良非  
 淺鮮即如吾宐連年荒歉穀食不足有川不  
 家斂貲向他處糴取以備賑濟路經臨川不  
 軌之徒從而攔阻搶散過半而彼置若罔聞  
 赴愬甚急乃始勉為委員押解以暴易暴又

復需索不休噫爲民父母乃竟如此矣繼宰  
是邑者爲某令所謂能員六邑之人重將此  
事懇切稟明紳士復修禮往謁詳爲面陳當  
蒙許可若卽欲斷此事者然旣而綸等北上  
又復迂道進見加諄諄焉昨接鄉中來信云  
此事尙屬游移殊出意外凡今之吏其庸者  
閭鄙不事政而號爲能者又不可免流於黠求  
其實心實政始難多得亦可慨也竊思事爲  
合郡之公事則綸等數爲言之而固非私言  
且木排之與橋也孰重而輕遷木排之與不  
遷孰利而害謂當遷不當遷者孰公而私以  
木壞橋而汲汲彌縫與自上下下遷徙不  
數里之閒孰難而易此事之易見者但以德  
薄能鮮不足取重於人郡中有先達而望似  
尊者數數出入公門或不肯以廉隅自厲於  
事不惟無益而反敗之故兩年來力爲扶救  
訖無成效夫橋乃一郡之鎮斷不可廢卽目  
前不遽廢但所患歷歷在眼前更不容不思

患預防先生職司風憲方以天下事為已任  
 實吾郡所倚重又東鄉邱讓廬方伯現致仕  
 家居僑寓臨川緣由誠得先生加尺寸之書  
 以告知此事之勝綸等喋喋千言其有功於  
 俾成全之遠矣在方伯出則以道濟世處則  
 鄉也小矣在人必不舉事之重且鉅者而坐  
 利賴其鄉人必不舉事之重且鉅者而坐  
 觀成敗綸用敢陳其愚衷惟先生察焉至事  
 之曲折多端有難盡以筆達者臨川黎定秋  
 孝廉在京接見時一詳詢之便知顛末秋風  
 送爽伏惟起見時一詳詢之便知顛末秋風  
 居多勝不宣  
 為曹省事牽不克先期約客明午希過小雪  
 根齋一拜蘇像近得宋饒興琴  
 空所藏也與元祐鏡紹興琴  
 并供請欣賞賦詩何如此訂  
 大作一篇之中於全郡風俗大要已括其凡  
 即此贈言洵堪箴佩章已得所師矣詩律之

李蘭屏手札

李蘭卿手札

高更不待言也心服 ○ 李春皋手札 前奉書屬

一到處訪問近作竟未有成家者茲覓得詩略

眼千部瀟中精華略萃於此閣下彈心百代放

海底夜光自發剖之璞中鼉采乃現非葉公

馬現附推升四川牧宮庶侯前輩寄上乞察

廬人口損壞不時地震接連激江曲靖數郡大吏

奏請撫卹也 ○ 史梅叔手札 昨日奉手教並於

琴二集近年來操此政者絕響吾兄肯力為

新出之秀有幾至舊識而深知者惟濟寧之

國國

高先生如岱刻有全集癸酉同年李五兄同  
余秋門兄正西戴石坪鑑若黔中則直夫外  
實有所未知此外尚有可選者亦未能遍舉  
俟為網羅奉上至所云尚有分省彙選未知  
係接別裁之手抑仍從

初再選若統論

朝則漁洋荔裳秋谷山薑西樵東癡實亦不  
外此數家矣南崧先生視學時有山左詩鈔

其本惜未在手計方赤處必有索借一觀  
可耳弟詩一時尚難鈔錄現付梓日內擬將

刻約在端節前後始能清出評語至好俱有  
原本呈上乞擇見賞者詳為評語至好俱有

之錄兄萬不或無耳如寄龔木民即可於彼  
時錄數首也侯五月間刊竣時寄伊亦可

詩春日與徐廉峯太史嚴問樵張茶農兩明  
融泥燕來早玉窗梅花弄春曉春愁已滿何

處好黃侯座上金尊倒座中豪俊何其多徐

墨手書卷

初集年記十八

七

公佳興追陰何有嚴夫子傾妙緒滿堂紅燭  
 顏將配九門沈沈起人生歡樂知能幾君不見  
 回鑿終宴歌聲起精衛填之寸心在賈生無  
 魯國鷄鶡測東海重十五城太公白髮照秋  
 事涕縱橫舍人能重古來落魄人不識惟有  
 水魯連邱山所以輕功名照千華屋田家高樓寶  
 痛飲邱山平朱門輝照上蔡東門犬相逐君  
 家宿世事翻覆那得知上雲欲暖春巖幽春  
 不見燕臺春草結新愁白雲欲暖春巖幽春  
 雲蔽日斷春目一春漸滿千山綠嗚鶯無言  
 空媚春春心歷亂愁殺人風光如此那不醉  
 當筵豈復辭千巡歌且畢愁何益青春不飲  
 迴頭失今水東流非舊○又詩至日樹齋同  
 時明朝有酒非今日尤經冬不出門畏寒擁  
 龔明府分韻得我飲必多英彥儔興至遂晨往  
 敝裘黃侯招我飲必多英彥儔興至遂晨往  
 開筵果終畱始知懶懷抱所為蓋有由吾輩  
 日酣宴那肯辭尊甌况乃值令節玉梅香已

人	空	壯	物	子	出	一	作	齋	通	醉	置	雪	盡	陰	昏	亂	淨
呼	譚	士	己	神	寒	陽	雅	雪	韻	且	勿	暖	可	氣	墊	忽	喧
酒	司	重	弭	且	霜	始	集	壁	曦	悠	復	日	愁	太	江	不	豪
且	農	枝	兵	武	復	復	鯨	下	陽	悠	道	舒	歲	膠	漢	休	雜
乘	水	街	氣	小	旋	旋	鱗	璫	射	一	一	層	好	葛	坼	坐	吟
興	衡	羣	銷	醜	盍	盍	雉	幕	窗	黃	樓	樓	減	人	橫	間	諷
酣	議	公	氛	殄	簪	簪	兔	密	風	香	望	酒	價	事	流	有	恣
來	經	匡	禮	盡	座	座	從	與	刮	鐵	空	亦	為	多	邦	之	情
更	費	時	花	通	中	中	魚	緹	檐	詩	幹	為	憂	隱	家	子	快
把	正	計	門	巴	何	何	燭	室	穴	至	陽	為	制	憂	財	將	觥
詩	坐	國	木	黔	人	人	筮	同	居	寓	柄	浩	飲	此	賦	發	籌
鬪	杼	用	馬	司	健	健	易	深	火	日	樹	然	謀	豈	區	向	歡
拈	袖	眼	可	天	談	談	得	嚴	鼠	齋	夫	迴	寒	無	慘	南	心
漫	前	前	折	登	虎	虎	朋	主	愁	子	白	風	術	非	州	惜	
憑	封	封	臺	臺	寶	寶	數	人	冰	招	頭	振	生	曩	南	未	
清	事	事	書	書	寶	寶	符	召	蠶	集	撥	冰	理	疇	州	已	
濁	主	非	雲	雲	刀	刀	九	客	高	咸	咸	咸	咸	久	久	攬	



論賢聖未用險窄誇又尖今年雨暘正時若

宵旰稍釋民安恬黍餼薦祀同酺賜飲和食德

歌恩覃五紋線已宮中添六出花待農人占

吾儕但作文字飲醉飽豈復憂謗讒晡來登

車各下幃又見○徐廉峯前輩和移居詩旅

煙杪升明蟾皆造五載三卜鄰茲焉厯幽

不百年萬族戶園列富桑棗壓簷三榆古絡

討朝暉延案縵始萌芽涵養到合抱翛然想

架雙藤老網縵始萌芽涵養到合抱翛然想

濠濮幽夢墮茫渺陰暘豈無功亭沼惜已小

琴書聊復樂流光閱飛鳥君奚戀三宿覓句

記鴻爪我覺長安空同心在遠道浮邱儻可

揖聯袂○龔木民寄懷詩大雅久不作詞場

抗霞表為埽除抗聲迴自雪奮志追黃初振

御一出鸞橫翼翔蓬壺自雪奮志追黃初振

采凌鷁從東觀出乃入西臺居益振風霜氣

莫如近鸞從東觀出乃入西臺居益振風霜氣

聊藉報

唐虞

○張亨甫詩

遠憶仙厓采藥人  
壺園意氣汝同真  
謝榛久賤慙諸子  
杜

牧多愁過一春煙雨荷風  
洄曲路秋帆菱月

鑑湖濱珠江寒色還千里  
那有成書錄癸辛

黃詩筮易句原註徐廉峯  
太史王琴垞農部

戴筠颿水部艾至堂孝廉  
史梅裳明經龔木

民明府潘星齋公子先生  
及余主客凡九人

寶刀句原註木民以所作  
牟老虎寶刀歌見

示

This image shows a large, empty table with 10 vertical columns. The table is enclosed in a thick black border. On the right side of the table, there is a header area containing vertical Chinese characters. The characters are arranged in a column and appear to be '何月言' (read right-to-left as '言月何'). Below the table, there is a small square symbol.

何月言									

僊屏書屋初集年記卷之十九

道光甲午三月初一日遞封奏一件為州縣倉儲有名無

實宜別除諸弊以裕國計而厚民生事臣惟民為國本食為民天故

有備無患之法莫善於倉儲而有名無實之弊即叢於積貯其在於官交代有弊賑撥有

弊而常平幾為虛設其在於民借放有弊經理有弊而義社亦屬具文

皇上撫綏四海惠愛黎元有加無已一遇水旱偏災無不

鴻施立沛恩卹頻頒惟是帑出入具有常經全賴常平義社等倉為借

給平糶之資助濟荒備賑之用故欲收其利務去其弊與其牽掣于臨時曷若清釐於平日此自古之要術尤今茲之急務也臣就所

初集年記十九

皇

訪聞得其弊端敬為  
 上陳之一交代之侵挪掩飾弊宜別除也各  
 州縣倉儲穀數報局報司原有冊結然往往  
 有簿無穀印官交卸時虛出通關只取倉書  
 一結前交後接大半空虧後任若以接收為  
 難監臨必轉嫌其挑別蓋恐參追無著反致  
 貽累及身其久任之員或遇上司認真盤查  
 則又挪東墊西支吾湊款卸事之日更可據  
 此冊結為憑上官避失察之咎新任畏委盤  
 之累相蒙相忍以幸而遷去為心而倉穀之  
 足額者少矣一賑撥之侵挪掩飾弊宜別除  
 也州縣倉穀既不敷額但散給變價歲捏支  
 銷或遇放賑開倉動碾平糶往往虛增戶口  
 開除穀銀饑民之待哺幾何本任之新虧有  
 抵并或流離未返申報聞賑歸來虛造花名  
 侵充囊橐以報銷之冊遂乾沒之私州縣之  
 詳文原非窮黎所能聞見故歷來有南漕北  
 賑之謠至於接濟別區動撥有數解運有期

則必挪移社倉勒捐富戶及奉文買補尤可  
藉端抑派民賠墊解官收價銀胥役書吏更  
將有糧之家逐戶索求爭營免買而良農之  
苦擾倍滋矣一借放之侵挪掩飾弊宜剔除  
也各州縣之立社倉分建各鄉聽民春借秋  
還原爲便民而設以濟常平之不及其有不  
應借而私給並不願借而勒領有司或漠不  
稽查所報正副社長大率僱名頂充何嘗是  
誠謹殷實之人輒任圖差里保鄉約牌頭私  
相遞交或有倉無穀或倉穀俱無僅存冊籍  
每都各甲輪年接受甚至變穀爲錢加息放  
收從無其事間有穀尙存倉因之蠹役聳官  
託言釐弊將社穀盡移入城以爲挪墊之地  
馴至空厥一遇荒年老幼嗷嗷待賑而  
已一經理之侵挪掩飾弊宜剔除也各州縣  
義倉費多民捐原以豐年有餘之穀勸富家  
之好義憫農民之賤售或買或輸存以備賑  
而不准借糶旣成公項安分樸拙之人不肯

挺身管理其初承管者亦多身家頗裕才識較長然或經歷有年歲積羨餘垂涎染指非官吏授意卽藉此夤緣借公事以交通漸官紳之結納朋分捏報巧爲支銷或託稱霉變或添置田畝竟至價虛穀蝕有契無田啓訟釀爭致使義舉之資盡歸烏有從而議罰議賠又何能濟荒年緩急之需耶以上四弊皆從有名無實而起愿者尙止諱飾黠者遂肆侵吞臣不敢謂各直省州縣皆然實各直省州縣通病今欲去在官之弊必須公正道府親加查核一有虧挪從嚴參辦勿任委員通融了事欲去在民之弊必得廉明州縣認真董戒一有侵蝕立予究追勿任經手營求壓擱相應請旨飭下各直省督撫暗訪明查勸善懲惡符久定之章程廣無窮之儲積庶於國計無虞而民生有賴以仰副皇上宵旰勤勞之至意臣愚昧之見是否有當

伏乞

聖鑒謹

奏

四月初一日遞封奏一件

為綜核名實仰祈

聖鑒事臣聞賞罰出於是非是非出於名實自古有治人無治法者非謂有人可無法也蓋有人然後有法耳開創之初罔不振作由振作而周詳承平既久漸即因循由因循而廢弛馴至官府皆同傳舍諧誠總屬具文而吏治不可問矣人心不可知矣夫聖道法天天心愛民天有四時聖有四德氣感於虛事徵于實有名無實者天下之大患也故名實正則是非明是非明則賞罰公賞罰公則民志安民志安則天心順臣伏見我

聖朝

聖

相承二百年來典章至為周密法令至為詳備我



仁宗睿皇帝訓諭百官時時以因循為戒故化

澤之敷布益廣元氣之培植益深

皇上出理萬幾入凜

舜訓

宵旰憂勞未嘗稍息比者京畿內外望澤孔殷  
皇上一念誠感甘澍立濡民氣遂蘇百穀用成

雖堯舜之用心無以加此惟是天下至大民  
生至衆

皇上以整頓之權託之大吏大吏以整頓之事

督之羣有司今論者有曰邪教可慮也會匪

可憂也災黎可憫也荒歲可懼也兵弁多無

用也海洋多莫測也外之鮮愛民之官而內

之鮮敬事之吏也然臣謂及今而綜核之猶

易易耳是故學校常經也而以絕今之邪教

則尤切保甲良法也而以靖今之會匪則尤

宜水利農桑之本修水利以除水患則災黎

復矣積貯地方之命廣積貯以備賑施則荒

歲裕矣兵嚴校閱使領兵者悉能治兵則武

有備矣海嚴防禁使緝奸者務能去奸則夷  
無患矣官材者

皇

上所與共治天下者也使奉職者均能盡職  
則人存政舉矣何言乎絕邪教之在崇學校  
也孟子曰君子反經而已矣夫正則爲經不  
正則爲邪禍福者民所趨避也正道之禍福  
不明則邪教之禍福遂熾無禮義之士以標  
準之無詩書之士以誥誡之愚民自謂求安  
何知犯法一入囹圄傾蕩產業荒廢耕作竟  
有監禁多年而不自知其爲何罪者聖人以  
神道設教鄉民禮神拜佛事所常有原不能  
保其無匪人亦不得指爲真邪教蓋真邪教  
則踪跡詭秘地方官或全無覺察乃反執鄉  
愚疑爲邪教一經查辦委員差役所到之處  
抄洗一空其驚惶情形固不待言而茅簷雞  
犬亦受其累是則禮神拜佛之人反不若習  
教傳徒者之可以安坐無事也此何異驅之  
以入邪教乎臣以爲此不在臨時之查察要

在平日之化導而所謂化導之術則當分寄  
之於士士者四民之首也官不重士則民輕  
士而士亦不自重馴至有邪民無正士爲可  
憂耳故官能養士則士可教民官能重士則  
民聽士教夫一州縣爲令牧爲學官者不過  
數人若學校之士則大州縣率數百人小亦  
百餘人使皆能爲教于民則開導之所及者  
廣而耳目之所涉者亦悉凡歲時講  
聖諭講律令講鄉約官府所不能盡達者士則  
因而宣之使百姓知何者爲正道何者爲邪  
教又知正道之必可致福而邪教之徒爲取  
禍其從者則告於官而獎勵之否則告於官  
而糾飭之豈獨邪教立絕將六德六行六藝  
皆由此興雖至刑措不難今州縣應試之士  
較之從前不及其半卽如近京各州縣有學  
額十名十五名而應試之人或不過二三十  
人非應試之人少也讀書之人少也非讀書  
之人少也州縣勸學重士之人少也臣前任

編修與修

大清一統志見州縣書院最多而廢弛僅存其名者十之七八宜令地方官概行興復由督撫學臣查察有不復者註下考至大書院山長原有

奏請優敘之例今宜無論大小概立優敘之法不得以無品無學之人濫充山長使表率端而趨向正其庶幾收學校之實乎何言乎靖會匪之在嚴保甲也周官五家爲比使之相保釋之者曰比者近密而不可閒也使之者謂立其長而教令之保猶任也居相近則易相督察也保甲之義實本於此夫會匪者其初固無業之民耳無業則遊蕩遊蕩則無賴無賴則兇橫無業則饑寒饑寒則賊盜賊盜則姦宄會匪者兇橫姦宄之所聚而成也一人會匪勾結兵役挾制良懦聚之深山窮谷之中散之通都大邑之內官府懼其不可制也則相與諱飾之而已大吏惡官府之多事

也則又相與縱任之而已是禁之已然則大  
難惟防之未然則至易而防之法保甲而  
外別無善策蓋保甲一行則遊蕩之人得周  
知而懲戒之饑寒之戶得周知而體卹之愚  
民無願爲會匪之心則會匪斷無容足之地  
今州縣保甲大都不行徒以虛冊報之上司  
上司不以爲未行也達之京部京部不以爲  
未行也自京師以訖外省通衢要道未嘗不  
戶有門牌而門牌年月往往不符通要如此  
偏僻可知其故由需索門牌錢錢有給有不  
給則牌有換有不換卽此一事可見保甲之  
視爲具文宜令州縣盡心查察不得任聽胥  
吏騷擾至於善擇保長嚴加懲勸則前人成  
法具在其察之之法應由大吏每屆歲終總  
核各州縣竊盜之案有多至十數起者卽予  
下考誠以保甲旣行焉有盜賊故卽以盜賊  
之有無辨保甲之行否其庶幾收保甲之實  
乎何言乎除水患之在修水利也自古水患

不去則水利不興而水利不修則水患立至  
今河防而外有江防有海塘均屬命賦攸關  
至爲緊鉅一遇大漲隄傾塘破賦稅既空民  
命莫保而自直隸以及各省均有水利以濟  
民艱如從前雍正乾隆年間朱軾嘗修之於  
北陳宏謀嘗修之於陝鄂爾泰嘗修之於滇  
皆著有成效者也今或有田無水或有水無  
田蓋溝洫之利廢久矣比者東南各省水患  
特甚推原其故或由歲久損壞或由蛟騰浪  
湧或由山田開闢沙土擁入或由田地侵佔  
葦蕩阻塞如貴州地處上游廣東海汊極寬  
近來亦有水患而每歲七八月間山東江南  
大道往往積水成川陸可泛舟車馬覆沒行  
旅維艱無有道達溝瀆開通道路者而田廬  
之淹浸室家之流散習爲故常蒿目浩歎而  
已今論者或曰費無所出或曰功無可施夫  
惜一日之費後雖十倍其費而罔濟遲一日  
之功後雖十倍其功而莫救是故天下事有

以棄爲取者則修復水利之費是也動費於今日而收利於異日者爲更巨也天下事有一勞永逸者亦修復水利之功是也竭功於今日而收效于後日者爲無窮也故曰費無所出者是委過于國也委過於國者法不容曰功無可施者是歸咎于天也歸咎于天者罪難追臣前

奏楚北宣防事宜在于優絀民輸責成官督臣愚謂此法直可行之天下蓋民之惜命固甚于惜費而土之愛名又甚于愛利費歸實用又得優敘則何費不集何功不舉至其通行之法則一水之利或數十里或百里千里應由州縣繪圖貼說大吏通盤籌畫一水有一水之灌溉一水有一水之宣洩既合計之乃分辦之但恐一處不辦則上下兩處皆爲束手故必嚴去其不能辦之員而後能辦之員三年五年無不奏效天下有水利天下無災黎矣臣故謂水利之必究其實也何言乎備

賑施之在廣積貯也州縣常平義社等倉侵挪掩飾之弊臣前

奏已詳言之荷蒙

皇上明降諭旨俾大加剔除而臣猶慮州縣之視爲具文也蓋今之州縣常平則旣虧矣社倉則旣空矣義倉之在民者或由強橫吞佔或由巧猾分散則皆自有而之無矣一遇荒歉嗷嗷待賑議撥議買

國家原不借帑藏然旣需時日又添運腳費益多而事已緩澤雖及而民未遍其散之四方者不盜卽死不死卽盜盜其老弱則轉徙溝壑耳其強有力者則掊奪勢使然也掊奪不必卽死不掊奪則立餓死也比年東南諸省歲一不登餓骸至蔽江而下而吳越盜賊繁多水陸竟成畏途州縣尙欲諱災是誠何心夫諱災者罪大備災者功大蓋州縣未嘗無愛民之賢而不獲勤民之報則賢者益惰而不賢者反得以藉口應由督撫大吏明定章程



視地方之肥瘠爲補救之遲速其由官捐若  
干民捐若干諭令州縣隨時冊報並飭公正  
道府親就訪查如一邑之積貯成則先予一  
邑之優敘其官之賢者民旣樂從則輸積必  
多其不賢者民未之信則輸積必少故必優  
敘其能辦之員勿使巧者取好樸者向隅而  
後不能辦之員無不奮勉五年以內必有全  
效天下有積貯天下無荒歲矣臣故謂積貯  
之必預其實也何言乎肅兵政之在嚴校閱  
也夫兵可百年不用不可一日不備然所謂  
備者備有用之兵非備無用之兵也以臣所  
聞今日之兵或冊多虛具則有額無兵糧多  
冒領則有餉無兵老弱濫充則兵且非兵訓  
練不勤則又兵不習兵約束不嚴則更兵不  
安兵凡此諸弊悉爲兵蠹稍有緩急其何可  
待

國家歲需兵餉不下千萬必一兵實收一兵之  
用一餉實收一餉之益顧何致積弊如此臣

思其故皆由于營弁之侵餉自肥扣餉自潤而  
而又灑掃廝役亦皆派兵以故有額有糧率  
多無兵或老或弱率得充數此等營弁行既  
污瑣則氣不能振于外而令不能行于下其  
何能訓練約束然其所以積習相沿得遂其  
如此者則又由督撫提鎮閱視之不認真名  
爲閱兵實不過愒愒了事于其兵數之虛實  
究未詳核兵力之優劣究未備試及各營弁  
得遂其偷汚而巧于自遁卽有覺察之處又  
或不能破除情面立卽參劾

皇  
特  
上深悉此弊現在

欽派內大臣往青豫閱兵原期兵收實用臣  
愚以閱兵之法必令先期造冊每丁名下注  
明年歲身材及所習馬步器械必詳臨閱之  
時于演廳之左右場爲一圍凡待閱兵弁悉  
立左邊圍內逐隊按名點驗演試已試者歸  
于右圍不得復入于左則一人不得濫應兩  
名張冠不得復移李戴兵數之虛實可核而

優劣亦無可遁卽于所閱冊內定其爲上中  
下三等出榜昭掛分別具冊申送存部遇有  
征調卽提優等者以往則往必有功其在  
下等者仍畱在營練習屆第二次閱視時復  
取前策核對有仍在下等者卽予汰革而營  
弁之克盡其職與否卽可據以議敘議處如  
是則不數年而兵皆精兵亦弁皆能弁而兵  
政之實效舉矣何言乎靖海洋之必嚴防禁  
也海有防守洋有條禁二者實相表裏夷性  
兇獷洋人詭詐柔而撫之尤必剛而制之然  
所謂禁者禁內地之奸人也嚴則關吏洋商  
皆爲耳目寬則巡兵邏卒全非腹心夫中國  
之財上供正賦下濟民用然值齒繁之日猶  
有用絀之憂況棄內地有用之財取外夷無  
用之物如入音盒萬花筒之類皆易之以銀  
所費不貲至鴉片煙之毒遍布海內然愈禁  
則愈貴臣訪其故或由關吏以短稅爲虞或  
由洋商以貪利爲快而巡兵邏卒從海口大

嶼山等處持銀易貨是多一巡卡反多一弊  
藪盜賊由此生心奸宄由此溷跡無怪夷情  
之莫測也

皇上近以水師疲玩捕務廢弛于去歲  
特旨通諭沿海督撫嚴飭提鎮水師實心訓練

實力緝捕無事則以訓練儲緝捕之用有事  
則以緝捕驗訓練之精又奪漏洋等物舊有  
明禁外特增禁紋銀入洋條例誠可謂杜漸

防微思深慮遠得防禁之要矣臣前

奏紋銀洋銀應並禁出洋刑部議加內地私鑄

飭沿海督撫體察具奏其議行與否臣不得知

然臣據理論事洋銀一有出洋之事則雖嚴

私鑄之罪而私鑄不能絕洋銀萬無出洋之

理則雖寬私鑄之罪而私鑄亦不行此其明

白易知者也要而論之總期有弊必禁有禁

必嚴弊由關吏丁役則治關吏以縱容之罪  
弊由洋商通事則治洋商以交通之罪弊由

初集年記十九

巡兵選卒則治將弁以玩廢之罪如此則洋  
禁既嚴海防自固悉絕消耗之患益除窺伺  
之萌而海洋肅清之實效見矣何言乎官材  
之必須造就也

國家官制內外相維政行於外則督撫操其要  
政成于內則部臣握其樞州縣者督撫所造  
就也司員者部臣所造就也今州縣之官半  
由外補半由部選其或外補者工於謀缺部  
選者急於調任利己者進利民者卻矣今之  
司員人多缺少其或希冀補缺事無可否巧  
爲迎合佞者進而誠者卻矣或借公利以濟  
私謀應行不行應駁不駁上官明知其不安  
亦不能加之指摘同僚深識其非理而姑自  
避其嫌怨黠者進而正者卻矣或意見多所  
拘泥或科條都不諳熟一任奸胥猾吏高下  
其手昧者進而明者卻矣又或闕冗廢事一  
文之簡一事之細可延至數月不辦惰者進  
而勤者退矣又或衰庸戀棧致令才壯向隅

無用者進而有用者卻矣且事之達不達視  
政之通不通如人之股肱手足一氣所貫注  
耳以今各部論之有一事而關會數司者有  
一事而關會數部者有一事而關會各衙門  
者若此方行而彼遽止則道將何從或此有  
始而彼無終則弊更滋甚名爲關會而實則  
扞格猶一手之不能舉一足之不能行也此  
則外省之習氣皆然而內員亦中于不覺耳  
臣愚謂課令之法不在善惡既著優劣既定則  
優劣未定之始若待善惡既著優劣既定則  
任雖微而民已殃職雖去而事已壞且其中  
豈無賢吏而誤由於劣員如嚮者戶部失察  
假照直隸山東江蘇兩案被議之員

皇

上愛惜人才於此兩案被議之員

特准開復爲大吏者誠宜仰體

聖

意凡屬員策任之始無不盡心教導而教導

之法初無一定要在認真察看隨時講求乘  
之以公馭之以正恬靜者任之躁進者抑之

皇

初集年記十九

十

如此則州縣部屬多一賢員卽少一冗吏而造就之實得矣凡此七者固國家之大政

祖

宗之成法尤今日至切之務也臣知識淺陋何敢僭妄言事惟臣幸沐

聖恩擢職言路所謂坐言而起行者臣嘗學問之矣伏見我

皇上兢兢業業何時不以敬天爲心何事不以法

祖爲念所以

咨度廷臣

訓示督撫者何莫非此至切之務而吏治猶有未齊人心猶有未一其奉行者之不力乎故知申明舊章終屬空言遵行善法乃爲實政臣言所謂遵行而已抑臣聞古帝王之道統曰治法曰心法而貫之以誠以人道之思誠符天道之至誠故曰爲政在人取人以身以

臣博觀史籍治法心法實未有如我

朝者

列祖

聖訓  
實錄昭布海內共覩共聞蓋部議爲

國家最善之法所謂合聽則聖

列聖聰明天亶乾綱獨斷不過藉羣議以相印

證可者立見施行否者仍予駁正識主于羣

議之先而鑒周于羣議之後是非明而賞罰

公臣鄰莫不敬畏天下莫不悅服今

皇上心法之誠又以繼

列聖而享天心矣臣知上有

堯舜之君則下必有禹皋之臣以佐

盛治者臣敢以綜核名實之說進伏乞

聖鑒

訓示謹

皇朝書目

初集年記十九

二



奏十八日奉

旨稽查祿米倉五月初一日有

旨轉工科掌印給事中九月二十六日署巡視

北城兵馬司監察御史十月初九日署巡視

南城十三日遞封奏一件十一月初六日奉

命巡視南城初十日同蘇春圃遞封奏一件十

二月二十六日遞封奏一件○梅伯言江亭

消夏圖記

都中宴客必於館其實肆也觀優者集焉樂間曠避煩暑江亭爲宜

地當南城西故爲水會今則四達皆通車甲午五月朔徐廉峯編修黃樹齋給諫招客而

觴之天氣清佳地廣人適以客皆雄於談而失飲也乃射覆以行酒當令者取樽俎間物隱一字爲鵠而出其上下字爲媒因媒以中鵠者不飲然所出字皆與鵠縣灑判散不可膠附又出他字相佐輔綴其鵠者愈專而媒愈幻務以枝人心使尋逐不得以爲快忽然得之歡愕相半每一覆罰飲者或十數人酒肴既饜憑軒周流其下多葭葦蒙籠坡陀風草相噬柯葉絳疑其下有波浪澗汨聲泐若大澤無涯江湖之思焉客主多家東南歲比大水談者以爲憂於斯亭又憫然於不可得水也於是給諫屬高雲峯爲圖圖中人皆面山左倚城指亭下相顧語者亭之西軒也是日爲客者李蘭屏艾至堂王琴垞馬湘帆李天叔史梅裳黃香鐵劉子敬高雲峯陳春林及曾亮凡十一人不至者端木鶴田潘星齋紱庭

李蘭屏序

夫茂林修竹蘭亭敘其詠  
觴妙墨英詞西園美其書

畫然而人海之內多軒冕之攫官曹所羈無  
琴尊之暇青山紅樹詩夢相牽烏帽黃塵酒  
人易別玉仙洪福感花事之蹉跎紫閣漢陂  
寄江鄉之遐想雖欲補東峯之詠續南皮之  
蹤今雨未來佳日不再願述遊迹蓋亦難矣  
鴻臚樹齋同年太史廉峯前輩淵襟霞海高  
致雲泉羨官府之神仙有文章之投契臺閣  
英望接彼清風館局馨香鬱其盛藻元白之  
誼騷雅藉其導揚韋杜之遊川原寄其陶寫  
道光甲午五月偶因休沐載盍朋簪苕締同  
岑眷林亭而選勝梅炎長夏招帚屐以延涼  
江亭者直北名區城南勝地重岡倚樹翠阜  
岩巖積水迴瀾繡漪迤邐鳳城近帶眺下苑  
之風煙龍樹旁連接興誠之寺閣話詩人之  
陳迹一醉陶然溯水部之舊遊百年宛在宿  
雨新霽輕陰送涼石磴停車僧樓延客見文  
窗之初啓曳紫橐以借來岸幘方權鳴琴斯  
韻既縱遐矚遂馳遠懷覽三輔之郊原拱

九霄之

宮闕西山挹爽關河想畿甸之雄南海浮煙鄂  
杜帶林皋之勝蒼茫碣石俯瞻市駿之臺迢  
迢紅門遠睇涼鷹之苑桑麻沃野極望人煙

御氣近則地鄰紫陌路繞青門埃壒漸稀陂陀

閒出菰蘆浩渺舞新綠於平疇樓觀參差露

微紅之古剎石幢翠古釣笠青來落潦撈蝦

萍茵啞鴨跳泥吹蛤當晝猶喧掠地盤鵬倚

欄可狎一天煙水方思葭菼之秋五月陂塘

遂有江湖之興俄開芳醺爰卽華筵白羽爭

揮碧筩徐引浮瓜沈李清含玉井之冰酌醴

傾尊細斫蓬池之鱸歡聯笑語令試拋巡隔

座藏鬪鬪曹射覆十分飛瓊侑文字於觥船

百罰深梧寄談諧於酒政珠能記事犀可辟

塵如遊清露之臺恍入迎風之館炎官火織

莞爾相忘佳客玉山頽然徑醉是游也雲山

風日皆足娛嬉賓主鷓鸞尤多俊逸莊襟老

卷序身登

初集年記十九

三

帶況韻以詩騷陳酒崔琴不雜之絲竹顧此  
勝侶足稱雅遊焉夫訪河朔之飲則清暑之  
地已非歷燕薊之都則望古之情遙集名公  
館閣承平惟有清遊文采京師近代尤多作  
者載念此亭之古永懷諸老之來歲月堂堂  
雲煙渺渺危欄如故詩板就湮念珂馬之尋  
春壁剝石墨感金魚之賒酒地似旗亭故事  
難徵誰奪五花之簾勝流不作空嗟萬柳之  
堂問洛社之圖遂無傳本話曲江之會但想  
風流感此登臨浩然氣嘆今樹齋發其藻翰  
被以丹青徵高唱於驪珠紀遊蹤於鴻爪遂  
使茶瓜畱客可考其歲時蟋蟀笑人無規於  
良土當前風物皆助豪吟異日春明卽爲詩  
話僕迴憶屠維之歲來就餞春之筵勝友如  
雲高談終日薦香易落酒伴不畱詩債未償  
離襟多感一春泥醉記婪尾之將闌七載重  
來話遨頭而如昨因題小序張觸前塵今日  
者瑟瑟蕙風依依荻雪城陰如畫煙樹皆蒼

崇效花時更引頻年之夢長安秋後正懷昨  
 歲之歡誦山谷之清詩想孔羣之新釀緬懷  
 逸興不染俗塵豈圭組之牽懷有石尊之流  
 韻湖一品贊皇之集尚愛平泉藏三春酒肆  
 之名誰知太白朝回花底君當吟會詩乙未  
 客之篇夢到鱸鄉我欲補聽秋之畫詩八月  
 題此罔竟復遊江亭秋色霜林大似倪迂畫  
 本因成二詩再題圖後七載追歡我再經招  
 涼僧閣拓疎櫺勝遊日下歸吾輩風景城南  
 數此亭俯檻人看高樹綠倚樓天送遠山青  
 二豪吟與真聯璧勸客頻教倒玉瓶登臨且  
 復俯平蕪照眼秋光不可摹積水雨餘喧雁  
 鶯微風霜後響菰蒲詩情我自牽塵事高致  
 君能作畫圖韋杜昔遊無此韻樽前浩蕩話  
 江馬湘帆詩九衢烈日車塵上熱屬炎官恣  
 湖舊魚榜城隅江亭亦軒敞淺水遙山自開  
 朗先輩招邀值清暇蘆葦聲疎馬蹄響橫琴

一客彈松風四座無言送秋爽綠知無境無  
 清涼熱惱焚和由造想勝遊那許日長涉入  
 世何能謝塵鞅百壺更擬李禾叔詩造物本  
 盟歲寒來眎祥雲飄羽斃李禾叔詩無心人  
 情自涼熱君子順時宜選勝生愉悅摩挲萬  
 古胸招致天下傑高誼薄雲霄清言霏玉屑  
 盛會既無倫賭酒亦超絕長嘯此江亭何以  
 告來哲茫茫天宇閒幾卷貽芳烈江山百代  
 存斯人不可滅憶昔餞春歸維茲史梅叔詩  
 賦秋別佳興與人同寒盟望松雪史梅叔詩  
 與諸公集江亭聽陳士彈琴白雲敞芳郭清  
 光抱幽林葭渚窈窕思方臺溼遠陰領此塵  
 外趣復茲空中音淡然若有會一往與之深  
 不有風亭酌誰知虛妙心遙懷共新賞興盡  
 無停黃香鐵詩良會屢見招茲辰暢厚酒西  
 斟涼意生萬態翁以受琴理已有倫酒德亦死  
 咎座中同志多海內知名久文人沿結習所

托期不朽作圖紀  
雅集端一續重九  
葉筠潭前輩題圖詩  
密樹

檻交蘆拂綺疏  
那知人海地亦有水雲居  
暑

氛除佳日春秋候  
高亭二百年風流羣彥集

姓氏幾人傳  
放眼看前哲論心到後賢  
曠懷

憑俛仰山色正悠然  
偉長來北海魯直似東

坡各有藏山業  
相攜勝侶過九能宜作賦百

榼竟如何驟雨曾  
曹良甫詩  
次蘭屏比部前

名曲豪吟未足多  
曹良甫詩  
輦齒經一天涼氣透虛櫺  
邀大半城南客

風景依稀歷下亭  
樹色近分龍爪綠  
山光濃

御佛頭青從遊得  
遂侯芭約先買蓬萊酒  
十

解萬柳匏瓜跡已蕪  
眼前清景尚容摹  
欲翻

葭岸千堆雪只少風帆  
六幅蒲老去題詩能

滿楨醉來潑墨便成圖  
秋堂一夕涼颺起歸

夢無因  
端木鶴田詩  
陶夏城南墅  
虛亭悅清

到石湖  
端木鶴田詩  
曠炎暑困周  
廬悒此神



一放好客今黃徐折東走輩行一時披襟人  
 憑欄獲坐望長日葛衣裳重挾六月纒濯然  
 頭髮輕真坐秋江上青蘆平百頃時見漁家  
 狀風鳴蘆際吹響有汨鷗浪不覺江南客歸  
 心看五兩西山儼浮玉盡與酒人向誰無河  
 朔飲直接鄆筒釀交臂失此會曩遊素心尙  
 聊觀此日圖一和彼時唱 ○王琴垞詩十一  
 爲面江亭前青山間無恙  
 十二日樹齋先生招同陸立夫李蘭屏艾至  
 堂江龍門賦秋士恬菴爲消寒之集卽席賦  
 呈楚天雲物起層波隱隱魚鱗隔絳河往事  
 近臣紛獻轡去年荒徼遠橫戈關山舊雨飄  
 零久裙屐名場感慨多今日一樽吟興在鑪  
 灰撥處鬪陰何涪翁詩派西江擅屈子騷懷  
 南國誇手挽乾坤憑諫草眼看風雪養梅花  
 天空孤鳥集寒籟日落遠山明晚霞壯志消  
 磨仍未盡苦從 ○鄒曉江先生手札久未作  
 宦海泛靈槎

不勝歎仄及讀郵寄詩本又蒙足下見懷古  
人交誼不過如此近讀所上封事民間利病  
條晰無遺列之宣公奏議夫復何讓世兄勤  
學詩文近蒙相質將來造就未可限量預賀  
預賀 ○潘四農手札 輿於六月閒恭讀吾師綜  
直探本原信經世之大文匡時之上策前賢  
所謂上不負

天子下不負所學者於是乎在誠能推行周徧  
則利及海隅非獨一方蒙福而已當代柱石  
之望微吾師其奚屬也輿株守衡莠生徒寥  
落家計不充雖有習靜之時究無澹忘之學  
冬春之際仍擬入都種種鱗毛殊堪愧慙然  
藉此攄誠請業矩步師門其裨益豈復淺渺  
承示近刻藁一帙元氣正聲渾涵淵粹發聳  
振聵救弊扶衰功用極巨委校篇章妄參臆  
說祇深惶思伏候鑒裁龔木民明府才氣甚  
高蒐輯羣雅輿器同瓦缶夙荷陶甄亦將濫

附鍾鏞並宣音響何幸如之所憾秋來小疾  
舊作未及繕成當俟計借親呈座右制舉文  
字近未究心課兒時或操觚皆淺易之辭不  
堪塵覽至

國

朝以來詩什宏富不乏選家未臻精審老夫  
子大人以河嶽之英儒為風騷之哲匠特操  
此枋允矣風會主持猶且下訪芻言俾抒管  
見輿竊謂二百年來卓然成家者誠有其人  
然不必限以定數有三十家二十家之月至  
高氏品彙之例亦不足循何者高氏所定大  
宗大家九格原未占正允當若踵其例則於  
古既涉陳因於今轉成門戶不若按年代以  
分家數就家數以選佳詩不足成家者不廁  
其中足成家者亦不必顯分等級以示抑揚  
第去取必貴精嚴宗旨又歸雅正使覽者自  
詳高下則體裁似更渾成與質庸學陋無所  
取裁仍求老夫子大人內斷於心以成一  
吳野人先生陋軒詩集與曩選得百數十首

今承明問謹將選本寄上吾師選錄既畢此  
本仍懇賜還其全本係托親故鄰邑假來久  
已還去茲實難於覓借此翁詩格古厚清蒼  
在施宋王朱之上然按其行事則勝國之遺  
民非我

朝之碩彥歸愚選入

本朝詩中恐非作者意耳羽可亨甫至堂諸友  
才豐遇嗇可為長吁明歲軟紅塵中未識聚  
首 ○ 傅筍圃手札 舊秋七月得接手書捧讀  
否 辛卯季冬見懷詩足見久要不忘耿耿在心  
也今秋又蒙惠寄新詩老朽之人得入歲暮  
所懷之列借光盛集不勝榮幸原梓妙高峯  
大士庵聯係聖教本道心樂生乎善名山真  
福地壽幸於仁新修縣志子駿云有一部寄  
來志修多年勉為圖成本不願意湮漏可歎  
子駿抑置副車多為扼腕然每念夫子培植  
於不置也舊書中有下問之語如僕者自度

何能有所補益必不得已而進愚言大凡所能自盡者職分而已禍福非所計也余向欲署中嘗推爲千載人固自不以榮誇一時爲得意義倉現買田以爲永遠之計理庵未接回書臘月小孫完娶歲儉而身尙在老至而耄未及未嘗不歎天之眷我良厚哉

朝延上有建白草莽中尙樂聞焉

○郭羽可手札

承覓中州人詩不但無總

集并

本朝尚集成家數者所見亦寥寥現託知交再采訪矣中州似理學派多而此道近似無人講究聞有劉松嵐歸林間居是此間老詩人而未見其集吾江傅平叔詩霄從未過目謝沅圃南岡詩草委係學杜寒家有其彙僅二本可令舍姪愷夫寄音七弟豐可鈔寄此外尙有瑞金楊默堂太史詩彙亦多成就之作可選也吾師張鶴舫先生詩卓然成家爲百年來所少見惜其諸子以窮忙覓館外縣未

及抄來屢次寄音催促亦並無作答憾事憾  
事尊選未審凡例如何或已故者入選或現  
在亦入選或不拘多寡不論古近體尙未及  
悉姚惜抱翁詩爲

本朝正法家數頃於書肆中覓得姚氏十種甚  
慰中有古近體一套想京中亦有此書也汴  
中惟固始蔣子蕭選貢可談此外有貴通家  
洪子齡少年英絕駢體浩浩數千言若長江  
東注七律風力雄邁古體亦宕激有法未易  
才也與霄時往來將來可爲君紹衣鉢者現  
館劉淞泉太守家五月當入都其才實可愛  
每欽足下掄才有眼力也三江兩湖疊水旱  
民不聊生而米鹽柴油各件校前貴四五倍  
中塗刦盜不但吾江差弁屢受其害卽濮州  
邳徐一帶去冬及正被刦之案不一而足竟  
有差役及跟班刦三四人無一存者而湖北  
江防浙江海防固不待言外間情勢如此實  
深杞人之憂外省饑民聞多絡繹赴京亦非

好事正宐區處外官庸才頗多惟升調發財  
自謀實心爲

國爲民者不少概見卽有二三真心做官者無  
不受大累庸庸者反多得福殊堪浩歎兄夷  
山館事定而未定陳少尉來謁當面陳之少  
尉甚聰雅善琴工圖章爲近來所少京中無  
此拙手也不可錯過又善六壬可謂多能之  
士拙二集承指出錯誤乞卽改正今寄呈數  
部內俱霄已改正者其前鍾泉太守所寄三  
部全未改正今錄一卷煩二世講爲改好爲  
感二集後尚有第七卷缺費未  
刻當暇時錄寄刪定再作寄也又札接奉手  
綜覈名實一摺國家大要官民沈疴洗發痛  
切皇皇鉅製上接賈陸二百年來巨疏也如  
此方不愧言官如此方爲學問經濟兼到雖  
天聽褒採可惜有治法無治人霄於黎觀察署  
得讀此疏拍案跳躍喜吾黨尙有如此披肝  
滴膽之賢救世益治之文於當今大有起色

汴中自撫藩府道無不贊美稱頌其如知其

皇

上飭諭直省實力舉行究竟徒作一篇大文

字讀過去則又度諸高閣矣深爲扼腕不已

據疏中第一最要而最難行者惟溝渠水利

一條溝渠廢而水無所洩則大雨時行無不

泛濫傷田宅今河南兩湖直隸三江東省各

省歲屢犯潦皆坐此病有日甚無日減各處

小江多半淺塞平原地窪而無陂塘溝洫以

豬聚之稍旱則無可用水車漑灌稍水潦則

漂沒禾稼及此不講溝渠將來日見其患民

閒無豐樂之歲矣歲屢不登則盜者固盜不

盜者亦盜衣食不足則禮義不興士之貧者

且浸浸失其恆心何論小民乎竊以爲此條

爲天下大關要教化之源衣食之源俱視此

其餘興學校立義倉行保甲練武備戡劫匪

稍具實心之才猶可次第舉行今之州縣惟

卷一百一十五

初集年記十九

七



已所謂卓異者並非必有顯然可指實績有  
利於民與益於  
國之事大憲不過相安無事所有條奏奉  
諭旨飭行者不過撫軍行文一道了事霄欲閣  
下另將溝渠一條當如何設法舉行之處條  
陳以期必行或開民間捐助議敘之條或兼  
排有田糧戶按畝捐派凡有田之家隨田多  
少派捐之外另選鄉紳士董其事事成有議  
敘而官不過總其成或加高官道兩邊開深  
溝二里一大塘數里開一湖其水可以直引  
下江無江之處其水或引至野外不通行路  
之處開一大湖塘以蓄之教民爲南方之木  
車所謂桔槔者水涸時可以車挽灌漑水溢  
時可以由田入溝圳趨塘湖湖爲水門以通  
滄洩愚昧之見如此高明定有良法更爲妥  
酌以成此事此天下萬民之福也惟賢者圖  
之又當今之患不但小江高於田原卽漢水  
黃河等處皆視昔加高若必從大源頭起辦

非神禹不可目下之勢不能不從小江及溝  
溪疏通一堡無水患則一堡之稼可望收即  
一堡之民安推而暨之一鄉一邑皆然即有  
小水旱猶可以人力維持其間若并此不圖  
定成不治之症矣蓋民間不患凍餒漸次有  
蓄積則學校義倉保甲訓練無不可次第施  
行矣愚公之見杞人之憂足下當不以 ○ 饒  
愚言爲河漢越位之罪極知不免耳

### 禹生手札

違侍京華十易寒暑每於南旋諸  
友藉詢起居獨缺然未有尺寸之

書蓬諸函丈非敢怠也自以鱸堂小草內無  
德行志節足以自成外無文章聲譽足以告  
寇退然寂處荒江老屋之中側聞夫子受知  
主膺掄才之任擢諫諍之官迴思當日鶴城  
冷署老桂蕭疎所欲坐言起行者一旦皆得  
持衡列論以報稱  
天子宵旰之心則慈益不敢以無足采取之言  
自附門牆之末而煩省覽今夏讀所撰倡修

敝邑試館弁言循環歎服文義高簡若有千  
百言在筆下秋閒得所寄詩卷則建安盛唐  
之風骨愈唱愈高也而世俗人心之憂每低  
徊於不容已及讀歲暮見懷之作又歎夫子  
居尊貴之地乃復不遺葑菲此誼何讓古賢  
則雖欲逡巡自外無一書之報而有所不能  
者焉慈少歲頗喜爲詩歌禩文剽竊摹擬以  
爲似也旣而閱歷勞苦遭逢哀痛始怒然得  
性情之真因思文者膚郭之語而已爲之者  
必其學行實有所得馳騁百代蘊蓄於中然  
後發之議論達之酬對一往充沛足以當人  
情中物理若江海渟折山澤變幻而不可窮  
而其炳然以精者則又往往凌鏢光怪於聲  
情笑貌之間然而欲其取道之內而至之也  
甚難至於詩則順而撫之耳然無刻苦卓絕  
之思者亦必無後世之傳也如是學之者蓋  
嘗數年終以家累牽挽俗學作輟不能豁然  
快足於心一日讀陽明念臺之書而善焉以

爲此文章詩歌之根柢也則進而讀象山以博窺周程朱張元明諸儒之書則文章詩歌又若愈不敢爲不欲爲者近者春陵楊子安以慈方籟亭子駿謂瀘陽有此數士之二子者其明府公皆得羅致而慈數歲不至公府未由一見以爲落莫不可交且非樹齋先生獎借之意也慈因復書極道所以不足比盧魏又重達其意輒有閏九倡和之詩其後慈又致書言此調不彈已久恐日益流靡言不可恃徒令人慙意欲俟十年後庶幾專一思慮以盡心文字閒故所和詩止於此則慈近學荒謬其不能副吾師所云想當抗古人詩力十倍適者明矣深惟僻處窮陋師友寥落德退過積刻責動忍忽忽愧恨年齒老大無所成就其語悉具邇年所爲初希堂日記中伏惟夫子躬履道德爲世模範往來講論必有興起絕學以周程朱陸之理爲韓柳歐曾李杜蘇黃之文與詩者慈雖庸鄙或以爲可

教而加策焉則 ○李牧臣手札 近歲旅寄常

國計而亦動循古則者弟前寄懷詩云可有謨

主顧喜無疎檢為人暇閣下蓋允副斯言矣從

如鄰人歌詠之所陳已甚幸甚幸聞至堂兄

亦在京邸詩文切劇當更進也許賜寄一二

相晤未可知耳大庾學缺恍與閣下往年瀟

無策又家兄等催促就道故且勉強今果先

耗去用費銀二百餘兩而并不能攜帶家屬

可恨也學憲許公聞係閣下衣鉢所自弟在  
省候憑月餘以稟見司院費重故不更籌費  
今啟行在即又稟見不及姑俟明年按試南

安時循例旅見也老伯大人當已就養京邸  
賢世兄輩早在隨侍左右康彊逢吉聚順一  
門可勝額慶弟頻年流寓荒歉屢遭每不維  
一己之私而輒作他人之嫁今有管見敢以  
附陳蓋朝廷所重者農而農所首重者牛所  
最倚恃者野外方成之穀今法盜此二物者  
有禁而官府漠不加意者其法輕也法輕而  
民愈玩此風何得衰息向值豐歲猶僅小耗  
今則十邨九無耕犢四野盡穫生禾不亦甚  
可矜矣乎頗聞京師盜車輪與盜挖窗壁入  
者皆寘重辟今以例此似乎可與同科夫盜  
輪與盜從窗壁入者其夥猶不過數人而盜  
牛盜田穀者每聚黨數十人故其盜牛強者  
則公然示價取贖或價輕而人且重感其恩  
至盜田穀人衆者亦各持器械雖在守望者  
聽其蹂躪莫敢誰何以此論之其患更甚今  
奈何此之愆而彼之責轉使輕重失均耶管  
見如此惟閣下裁之總期有裨國是而已諸

惟慎履

○史梅叔手札

暑雨不時尙難卽晤

不具  
訖檢付是感聞廉峯將五律一卷誤送尊齋  
亦復大妙何者前讀所評甚細如扶風歌及  
望江樓諸篇皆獨抒己見親切精簡高于衆  
批五律評尙恨少且見紅印選字者甚多尙  
有賞而未及加墨者茲何妨卽取此卷而更  
著幾處妙筆乎勿須急急十五日放差前不  
遲  
耳○余芝衫詩接樹齋先生書感賦奏賦長  
我白髮上華顛客思丹楓外秋聲鐵馬傳關  
心舊知已書下五雲邊○接書之夕夢與先  
生泊舟匡廬山下聯吟得五律一首醒後忘  
其末韻起而續之廬阜碧嶺旼懸崖瀉急湍  
雲連三峽壯權入五湖寬蕭寺丁年感○陳  
題襟午夜闌殘燈偎斷夢欹枕憶長安○陳  
九香詩思舊篇奉贈樹齋先生給諫卽題大  
囊並乞郭羽可舍人畫我昔客吳州

久與張翁習訂以忘年交文字商出入一時  
 東湖濱風雅名流集會吳黃周梅交遊雜車  
 笠彈指十七年逝者不可及每展觴月圖青  
 衫淚猶溼江右實多才湖雲供呼吸匡廬十  
 往來五老雲中掛側聞五少吟騷壇旗鼓急  
 張翁授我詩讀之會什襲歲月去蹉跎名場  
 感羞澀兩作京雜遊紅塵影自戢忽讀給諫  
 詩短纒向深汲鹿洞證前遊牛耳讓獨執况  
 復江南山星使藻繡裒  
 國家正需材濟川行作楫而我坐寒號待時徒  
 邑邑相期爲古人可爲知已泣更聞張翁  
 親舍人今郭伋乞畫碧瑯玕自勉以樹立○  
**黃香鐵詩** 八月六日樹齋夫子招同梅伯言  
 厚堂集飲寓齋歸成長句辣句可敵梅公酸  
 及門況有徐師川東鄉水味近雙井支派分  
 出西江寬文潛不偶賦歸隱仲車教授俱能  
 賢暫時主客亦千古烏程釀美杯從乾是時



秋深暑已闌并梧老綠巖桂丹似聞今年收  
獲熟海鄉紫鱗先登盤儒生論說半述古縱  
談時事皆空言生平懷抱有稷高封事一出  
人爭傳江湖廊廟各有在眼前文酒同流連  
九州人才自可數一室權聚非徒然吁嗟乎  
輶車載去

看河山

曹詩首句原註壬辰五月二十九日第四句  
原註是歲自山左北上蓬萊酒原註蓬萊春  
紹興所造見貴耳集老去向原註謂太鶴  
陳詩張翁原註鶴舫教授第四韻原註賓谷  
中丞蘭雪刺史立之上舍澗東觀察子介秀  
才觴月句原註丁丑在饒州有研齋觴月圖  
黃詩中州二句原註時羽可亨甫俱在河南  
學幕

僊屏書屋初集年記卷之二十

道光乙未奉

命充會試同考官六月二十六日同蘇春圃遞

封奏一件七月二十一日遞封奏一件八月

初三日奉

旨授鴻臚寺卿九月初九日遞封奏一件為敬陳管

見仰祈

聖鑒事臣幸生久安長治之世仰荷

皇上特達之知前由諫垣擢任卿寺猶蒙

特旨訓示仍得建言自盡此固臣讀書筮仕以

來願竭愚誠之素志也敢不益切悚惶勉圖

報稱臣竊思

歷年書

初集年記二十

一

袞衣雖無闕失之待補而桑土卻有綢繆之宜  
先愚者于慮或有一得謹就管見所及列爲

六事敬爲我

皇上陳之一謹天戒以迓洪庥也臣惟自古帝  
王之學莫大於敬天而敬天之學莫大於謹  
天戒天道無言常視人事以爲徵應唐虞三  
代盛時未嘗無災異之事而古聖帝王初不  
以爲諱此尙書所以有克謹天戒之訓而我  
世宗憲皇帝尤諄諄於省愆修德以承眷佑之  
恩

聖謨洋洋誠萬世子孫之法守也臣考漢書天  
文志曰陰陽之精其本在地而上發於天政  
失於此則變見於彼是以明君觀之而寤飭  
身正事則禍除而福至自然之符也臣伏念  
皇上自卽位以來勵精圖治澄敘官方勤恤民  
隱恭儉寬仁雖堯舜之聖曷以加此然比年  
之閒水旱昆蟲所在多有歲功不登民生屢  
困頃復有星起自斗口漸移過天市垣見者

咸以爲異雖陰陽之在天地亦偶有乖舛之時而修廢之在人事或不無感召之理

皇上愈厪顧諟之心彌盡對越之實內則杜漸防微日慎一日則

聖躬之已修者益修矣外則循名責實安益求安則

聖政之已修者又益修矣於以仰格天心下慰民望休徵且爲立應更何災祲之難弭哉臣

請  
皇上飭諭欽天監嗣後將天象簿與晴雨錄一

同進呈又  
飭諭各省地方官凡其地面所有災異無論大

小務宜據實奏報毋得隱諱  
皇上以時考察取天文正義按條核證求諸內

外之故以斟酌而弛張之則天庥滋至而臣民共慶已一廣賢路以襄郵治也臣聞人存

則政舉故天下無難爲之事無難爲之時總在得有爲之人歷觀往史當開創之始削亂

圖功人材競出而庶政亦修明可觀及夫繼體之世則安常守故人材不出而庶政亦疲玩不舉豈生才之多寡有獨異歟一則破資格以求之而其途甚廣一則拘資格以求之而其途稍隘也我

朝定鼎之後開科取士仍循明制得人稱盛然鄉會兩科之外如康熙雍正乾隆年間屢次詔舉博學鴻詞科所得真才如湯斌劉綸等皆

爲

熙朝碩輔一代偉人煌煌盛舉照耀千古凡以明爲政在人而立賢無方也且夫見賢能舉而能先者君子之所以日長也見不善能退退而能遠者小人之所以日消也不善何以見察之不厭其密賢何以見求之不厭其詳自古人才之傲有二一在於學非所用用非所學夫學非所用用非所學者此科舉之傲也科舉傲則科舉中的人才已莫能見況科舉以外者乎一在於名不副實實不副名

夫名不副實實不副名者此保舉之敝也保舉敝則保舉所可及之人才已莫能見況保舉所不能及者乎是故求之不嚴則冒濫之人衆而患莫大焉求之不廣則將就之人多而患亦莫大焉道在試之有用之才雖布衣猶當推轂所得濫竽錄其有用之才雖布衣猶當推轂

伏求

皇上推廣用人之法以收得人之效諭令中外大臣各舉所知以備試用但當絕其

奔競去其夤緣方爲公忠體國不負委任至

其求之之法或特開一科如從前

詔舉博學鴻詞故事第不試以詩賦而試以策

論取其通經史而適於時務者量才用之或

兼設數科如漢之經任博士文任御史才任

劇縣等目分別試之總之古法與今不同臣

愚以爲用賢者

皇上圖治之大原求賢者宰相佐治之急務伏請

飭下大學士軍機大臣等共籌良法以廣賢路

斟酌議

奏仰候

聖裁聿成盛典如此則賢才衆多政教修舉

列聖鴻規至今益振豈獨閒行之事足爲美談

哉一integritas政以收實用也兵可百年不用不

可一日不練則備之正所以爲用之也苟備

之而不精則臨事而不可用與不備同練之

而不精則臨用而不可恃與不練同而練之

精與不精則存乎其將之得人與不得人苟

其將之不明於韜略不嫻於技術則雖日召

兵而練之而其兵且茫然不知所向又況其

偷惰苟安者之不足以作兵氣也故欲求可用

之兵當先求可用之將以臣近聞山西趙城

一事該處額兵聞調人人畏縮在途亦毫無

紀律而帶兵武弁亦逡巡而不敢前姑息而

不能制是該省戎務之廢弛已極而他省亦

大概可推則是今日之兵以爲備非不備也  
以爲可用則臣未敢信其盡可用也夫他事  
尙可諱不可以爲可姑作微倖之想若兵則  
實試之於死生之地非我殲彼卽彼殲我苟  
必諱其不可用以爲可用則臨事而貽誤於  
國家豈淺鮮哉

皇上武勇邁於百王明察周於萬里嘗恐承平  
日久天下有弛兵之虞

卽位以來屢飭各省水陸提鎮盡心操練去歲  
特命內臣向齊魯晉豫各省親爲簡閱誠可謂

不泄不忘智深而慮遠矣臣愚竊以爲整飭  
戎務在練兵尤在擇將現今楊遇春已蒙

恩予退羅思舉馬濟勝等亦年齒漸登此外求  
老成練達緩急可恃之員恐不可多得合請

皇上飭諭中外大臣無論文職武職文科武科  
儻有洞明韜略嫻習技藝者卽令據實保奏

俾得一體

召見

聖  
初集年記二十

初集年記二十

丁



皇上擇其可用者大以任大小以任小而於曠職戀棧之員卽汰令出缺毋塞來者充補之路如是人才奮興將皆良將自兵皆勝兵矣再者臣觀歷代練兵之法今古異宜近惟明戚繼光紀效新書練兵紀實二書所載訓練各式均與目前所用相合且其法至明至簡爲常人所易習而古來言兵家亦莫能過竝請

旨飭諭各營弁以後訓練一照戚繼光紀效新書練兵紀實所載諸式逐一操演不惟可以練兵并可以禦侮敵愾可坐制而有餘矣一立他求於以靖匪民也臣惟

國家承平旣久生齒日繁而土不加闢於是民多產少天下不能無失業之民夫此失業之民皆有身家不能以無食而其心智材力又不能廢之於無所用也民有正業則心智材力皆管於正業之中而有所託以得食無正

業則無所託以得食遂去而爲梟棍爲賊盜  
爲邪教一倡而十和十倡而百和日積月多  
并有業者亦且爲所誘脅而從之黨與既衆  
事端易生故天下多一失業之民卽天下多  
一不事之民天下多一失事之民卽天下多  
一不治之民天下多一失治之民卽天下多  
西之教匪河南之捻匪四川之囑匪江南之  
鹽梟江西福建之擔匪刀匪及隨地所有不  
著色目之棍匪竊匪地方官慮其生事未嘗  
不查察而終莫能使之改革者無業以管其  
心智材力而使之得食故仍狃於故轍也夫  
既禁之不從必且取而誅之則又安可勝誅  
誅其首惡一二人而餘黨仍潛匿於地面或  
竄伏於他境而不可以盡得此地方官治之  
所以窮術也然則遂果無術以治之哉臣以  
爲不在窮治而在善爲控制今有牛馬脫其  
轡勒任其散放以自食於四野勢必且蹊人  
田畝啖人禾稼其害滋甚吾取而絡其頭穿

其鼻飼以芻秣而使之引轅負犁則必聽人指使帖然就駕不惟不爲人害夫且大爲人用此臣所謂控制之術也今之失業匪民猶之脫去轡勒害人之牛馬也誠能收之飼以芻粟施以鞍輓又何難去其害獲其用哉臣

飭

請下督撫大吏諭令地方官於此等匪民先宜實力查捕除已犯重案論治如法外餘皆概予開釋而著其名於冊諭令遷改取其智力可用者補編營伍可資其材勇次充捕差可藉爲耳目次充城署散役可備巡守效奔走名既隸官則有所管攝身既近官則易爲查察除數項已用之外仍有餘人或近水而有葦蕩可田近山而有竹木可植近邊而有沙鹵可耕官皆爲隨時設法因人立計務有以廣其資生之路而開其向善之心如是而猶有不悛則有嚴法以處其後斯控制之道得而治安在萬世矣一飭堆撥以清

輦轂也京城首善之區京營爲天下之表率理  
 宜嚴衛密防加倍整肅臣查向例城垣之上  
 則設有堆撥驍騎營派兵爲防守城下則有  
 馬道柵欄謹其鎖鑰禁人出入步軍校領兵  
 爲防守其內外城之大街市小胡同均按里  
 設堆堆有巡兵據口立柵欄有守卒晝察夜  
 警集柳傳籌內城則領以翼尉外城則領以  
 參遊可謂緝暴詰奸至周至密無如日久偷  
 懈百弊叢生城班曠玩竝不照例輪值而馬  
 道柵欄亦櫛木無存鎖鑰盡弛近見有三五  
 成羣手提雀籠雀架終日閒遊甚或相聚賭  
 博問其名色則皆爲巡城披甲而實未嘗當  
 班不過僱人領替黠綴了事以致閒人亦得  
 登城窺人房屋夜行偷竊重或謀害人命卽  
 如去歲太平倉從城墮落無名男子雖經審  
 明皆非城班之人是城上之堆撥馬道之柵  
 欄無兵可知也城內外之胡同柵欄從不見  
 有兵夜爲鎖閉其街市之堆兵則名數竝不

臣等謹將初集年記二十  
 六

如額其僻巷小堆甚或無兵夜則更柝不聞  
 書則巡邏不見而營汛官房亦皆日間有官  
 夜閒無官所以盜賊得乘閒偷竊如阿祿一  
 案彼時雖經喊發該盜尙敢行劫是街市緝  
 守之無兵可知也至庫班亦莫不廢弛倉堆  
 則房皆倒塌鉛子庫則被竊時聞是倉庫之  
 無兵可知也細訪其故皆由該管員弁吞餉  
 肥私每旗吞侵數十名之錢糧以供翼尉之  
 私用而翼尉之檔房海巡總捕總巡亦無不  
 有兼吞之弊入旗步營皆然外營之參游亦  
 且相率效尤以故有堆無兵即大吏或有聞  
 見時派稽查率皆移東補西或一人領充數  
 名或暫僱貿易之人支應塞責彼此包庇狡  
 獪百出雖大吏亦無可如何應請  
 旨飭下步軍統領認真查辦翼尉以下有無吞  
 餉包班玩巡曠守等情徹底清釐嚴參治罪  
 所有各處之堆房柵欄有無缺額或坍塌傾  
 圮一例修理再臣曾任巡城御史深知盜賊

案多而緝獲殊少推原其故并由兵役通同  
作奸名爲捕賊潛且豢賊而番子爲尤甚合  
並請

旨

飭下步軍統領及五城御史一并嚴查如該  
營弁司坊徇隱故縱立卽嚴加參處如此則  
輦轂之下一體肅清奸宄無從混跡官民皆得  
相安矣一嚴勦禦以肅夷禁也臣惟中國與  
外洋互市原有地界夷人寸步不得踰越近  
來夷人互市既久漸有玩法藐禁之處往往  
好生事端臣閱邸抄見舊歲兩廣督臣盧坤  
奏夷船擅入內地輒敢放礮相拒今年閩浙  
督臣程祖洛山東撫臣鍾祥又陸續奏夷船  
飄入內地情頗猖獗何毫無畏懼若此臣聞  
近日夷人與中國客商往來狎習潛募中國  
能畫者圖繪中國山川道裡城郭驛站形勢  
又募能書者錄述中國各樣情事大小不遺  
其接對中國客商語言情態十分驕肆而歷  
任督撫又多顧忌隱忍此夷人所以得計

而日驕也臣竊謂夷人性情本難恩感當以威制我示之弱則彼強我示之強則彼弱我畏其生事則彼益好事我不畏其生事則彼且帖然無事且如啖咭喇夷遠隔重洋四萬餘里多寡之勢主客之形彼何恃而不恐我何爲而不奮然所以威制之道不在臨時之張皇要在平日之振作臣聞沿海水師率皆老弱無用軍器率多殘缺竝不修整又戰船率用薄板舊釘遇擊即破竝不計及夷器之兇利堅固作何抵禦似此廢弛何以肅邊威遠應請

飭

諭沿海督撫提鎮大臣認真操練水師修理軍器戰船費用一歸實落方爲有備無患再臣查粵海關之稅所入者不過百萬而鴉片煙之銀漏出外洋者不下二三千萬以無用有害之物毒中國之人而又竭中國之財夷計之狡莫甚於此而屢禁不絕者則皆漢奸爲之也臣聞近來廣東搶劫大案大半以搜

查鴉片爲由各關亦以搜查鴉片爲名實則  
需索客商江西等處河面一帶遊民亦以搜  
查鴉片爲名實則搶劫財物是有禁不如無  
禁臣愚謂欲截其流但塞其源應請

皇

上筋諭兩廣總督責成水師提督嚴查大嶼  
山之屯船及轉運之快蟹交易之窰口悉籍  
其黨立置重典一面檄知該夷國王嗣後夷  
船不准裝載此物如違卽照漢奸治罪若不  
如此嚴禁臣恐此患竟無底止矣以上六條  
似皆當務之急臣愚昧之見是否有當伏乞  
聖鑒別擇施行謹  
又片奏二件二十日遞封奏

奏

一件○李榆邨手札  
艾至堂信來敬諭蓋忱  
俾抱一德方孚行見霖

雨應時旂常紀績可勝拊頌弟學無根祗自  
塵俗吏益用愧心惟習苦之軀尙能耐事或  
不至十分作孽耳山西邇來風氣民慢其官  
官慢其上仕途傾軋之險百姓訛詐之奇蓋

歷年書室

初集年記二十



又爲十年前所未有也故山可歸弟亦何爲  
戀戀於此江鄉又告水災比前爲甚饑民無  
處得食所至鄉邨輒恃衆強索強搶卽未遭  
水之處民已不堪命矣聞湖北江浙江情  
形亦復相似蓋言之有餘哀矣閣下公忠在  
抱必已熟籌及此保合太和之實際先在培  
養人才人才之所重莫先於愛惜廉恥惟任  
法而不任人則胥吏筐篋中物乃彌尊矣京  
中各部之書辦外省藩司之書辦今日之效  
果何如哉竊謂大吏得人州縣之風氣自變  
宰相得人天下之學術自端究竟所謂得人  
不過不爲禍福所動耳獨無如泄泄沓沓終  
莫之改也天人之感應甚速而人莫之肯信  
治亂之機甚著而人莫之肯察張曲江有言  
精求案牘而忽於用人則亦何精之可求哉  
除煩苛而就寬大誰歟存此心者現弟奉派  
內監試差事明日已刻入闈恩恩具候台安  
諸乞照諒其言之不擇慙置之不必計較也

○王寶珊手札

重陽前五日由羅蘇溪星使處接奉手函如親譚塵數番

展讀益切溯洄就審仁弟動靜勝常甚以爲慰四川通志坊間無從購得聞此板向貯藩庫俟索取便寄也吾弟襟懷闊朗識見宏通篤素所欽重辱承關愛俛以遠大相期許旣感且愧何以克當耶蜀中人文秀發風俗純良不亞關輔而輜車所至拔取文武士可憑者亦祇有文章弓馬欲於此外別得奇特之才物色風塵殊非易事然吾弟之言治體攸關亦當謹念不忘篤自按試以來時刻兢惕凡才力所能及精神所能到不敢稍有不盡各屬山川風俗篤擬手編一帙倣白香山日記之體將來差竣當攜呈商定也家五兄前有信到川以爲木天一路高不可攀已無心鑿戰矣計秋杪冬初可達西江知關遠注因附及之篤署現在錄遺事竣俟武闈榜後出試建南等處

初集年記二十

一

蘇溪差旋 ○ 陳伯游手札 七月杪奉到手書  
具承存注敬悉先

生嘉謨日出深結  
主知匡濟之功未有紀極大臣獻替宰相以下

皆有其事不必盡屬御史而先生昔為御史  
凡所建言至今猶係

當宁之思則其忠蓋可知矣今位望益崇  
天子猶樂聞其言論則後此之敷奏益可觀矣

夫天下事亦何可勝言今即置其不便言與  
言之而未便即行者就其可言可行聞見思

慮之所及務求切於今者舉之惟先生畱意  
耳督撫司道中黜一庸劣則數百千里蒙其

福河漕鹽鐵水利等陳一善策則數十年  
食其利先生處得為之時躊躇滿志愉快何

如定不負此遭遇也已亨甫纔入都何以遽  
歸子序久客固宜歸耳方海前詩想為分致

矣慧生在雲南已得缺  
否先生定知其消息耶 ○ 汪孟慈手札 昨聞

選訂

近詩鄙處收藏最夥有劉明經玉麐死於軍者詩格亦逼唐賢韋大令佩金官廣西長於地理詩學老杜曹大令元詢深於兵法善騎射熟山東水利精風角詩亦可先君子孝事母通經史百家工文詞詩學六朝唐人并求鑒定附承曼安程月川方伯義田規求借覽又札閱世已深嘗與贊嘆不去口可與知人論世矣永定門外地必得走自去看過并請閣下八月往勘若先差人往看恐有不妥高明鑒之從前寓宣武門外大街見牛車載嬰孩之殤者訪之竟有棄諸道路或不止暴骨者記閣下亦曾言之今日得所藉手伏祈仁人君子援手救之走在京生一子小名宦囊禱於楊忠愍公儻有不法不宥此子一日出痘乃四絕症急詣公祠禱焉歸而視之則化為順自是途次遇有嬰孩之載道路或顛連無狀恍若是子在側徐而察之乃道路旁兒也

可知初念皆善轉念乃不善耳若念念皆然  
常視天下人子皆如己子何事不可爲何至  
嬰孩一事十年無所建白耶此不能無望大  
君子也并南城鬻土者多伐棺見骨請嚴治  
之并援立示禁以垂永久幸甚適因次兒延  
熙入資太學之費爲不顧大局者用之昨始  
查出距二十之期甚迫否則不能入場亟欲  
割愛售漢玉印唐開元雷琴南唐胡瓌北宋  
文與可畫以圖之潘公子能鑒賞否惟以大  
雅出之不可做成秋風一路使人生輕生疑  
祇可投以所好亦愛人以  
德之也大君子鑑之 ○郭羽可手札  
教併題竹大作領讀慰甚此君得賢主人可  
藉不朽幸甚賢主人得此君長相對亦殊非  
易事然究於老可無與老可數十年後當化  
爲竹足下化爲清風則死且不朽矣阿阿二  
十字編次款式尚須面商或每幅書一字用  
羽可印章則未幅必定將大作全詩錄上誌

數語以明編次之意然後落雙款似更有頭緒足下以爲何如待面商也知此得佳詩亟等賞讀  
○王雲巖手札 弼聞誠臣之心知有爲快 國不知有身家知有是非不知有利害惟其止知有國止知有是非故其心有獨見而無羣議頃弼在病中竊聞閣下作封事萬餘言將欲陳之

關廷以啓

聖聽弼竊私心慨慕謂天下當此泰否之交得如閣下者數人維持補救天下不足憂也既而問其事中止徐訪之則友朋賓客羣焉沮之者之爲之也不知閣下欲上封事之初念爲國耶爲身耶而其中止也以爲非耶以爲有害耶夫閣下欲上封事之初念是其忠孝仁義之心發於天性之本然而不能自己者也充是心也雖爲皋夔稷契可也而其有轉念也一人心中已若有兩人矣又況友朋賓客流俗之見羣起而沮之其初念漸淡漸消

聖學書

初集年記二十

二

或轉誤認以為客氣未可知也向者同會於  
陶然亭斷斷如也彌雖未盡識然意其必有  
德有才之士否則亦必略有志氣者今閣下  
欲為責難之臣而竟不得一責善之友不知  
閣下之所友者其人居何等也彌聞君子之  
愛人也以德彌之欲進言於閣下猶閣下欲

朝

進言於

之初念也彌但知言其所言閣下之聽與不  
聽非彌之明所能逆料也彌以區區相愛之  
誠喜其未為轉念所閉也故亟書其語以獻

○王慈雨閣中畫詩

磊落煙霞物外蹤萬間  
廣廈任從容神仙不取

封侯印撒手蓬萊訪赤松虬枝鐵幹自縱橫  
多買胭脂畫不成自分空山老冰雪卻愁廊  
廟要戴醇士詩乙未春閣校卷甫竣樹齋年  
和羹戴醇士詩前輩見示慈雨王先生所畫  
紫梅囑補藍竹寫罷漫題生怕空香太孤寂  
特邀瘦竹伴娉婷此君最肯虛心者卻遇梅

花眼更青。蓬萊頂上訪仙靈。笑爾高眠醉不醒。我願化為瓔珞柏扶君。暫作杖藜青鏡下。展冷金箋從赤松。隙寫翠柏青紅閃。燦金碧輝映亦奇觀也。○劉孝長贈詩 仙吏名高賦頌雄。十年翔步

禁垣東。英髦日在盱衡下。臺閣風生抗疏中。炎

夏障塵疎御李涼。宵聽雨滯歸鴻江亭一解

金貂醉企想。○潘四農詩 乙未閏月將還里

清言久未同。贈行謹次奉和雲端闔閭聳高秋。羈客琴書

不可畱。白髮那堪知已別。黃河更爲故鄉愁。

飛鴻颯颯燕關遠。涼雨疎疎潞水流。○黃香

君德師恩俱未報。青山深處尙回頭。

鐵和詩 書去燕人悅歌來楚客悲。旅臣居園

屬誰短檠終夕取。常笑夢魂癡夫子。金閨彥

趨



朝夜嚮晨匡時疏一篋糾政酒千巡稷高非徒  
 許巢由是有真散材容我懶分作五湖身夏  
 早防秋潦陰陽抵死爭束薪民力迫問米容  
 心驚苦語腸應痛訛言耳欲鳴五行稽漢志  
 匡坐得無情風雨懷人夜淒涼一寸心幢幢  
 玉蟲暗寂寂曙雞瘖劔已儕頑鐵碑誰搗碎  
 金婆娑兩槐樹 ○ 又詩 樓一會成千古七百  
 沈悶作龍吟 年來文節孫重向詞場整旗鼓江郎駿足真  
 龍媒坐中奇士從招徠刀光酒氣互磨盪浩  
 然一喟天爲開元雲塞空風撼壁八面寒威  
 紙窗逼書生何術能解嚴只除痛飲無奇策  
 宏農孫子銳無敵乃翁豪讌如昨日相逢不  
 敢道姓名當日朱顏今髮白城東冰月一輪  
 孤魚鱸初扇禁旅呼散歸斗 簡夢巖詩 月十一  
 室焚香坐獨對虛堂說劍圖 六日樹齋先生招作消寒會座中多韜略士  
 香鐵同年有詩次韻奉呈使筆如龍氣如虎

先生目已無前古知誰妄欲整偏師叫囂亂  
擊彭亨鼓十年塵土無梯媒歐陽雅愛交徂  
徠酒旗高張詩境闊書城不閉重圍鬪羣雄  
陡立千仞壁似聳嚴威苦相逼思從閉道艱  
長驅便作火攻嫌下策薑芽欲斂甘避敵州  
綽私誓有如火日戟枝一中兩解嚴賓主歡然  
滿浮白天涯未覺儔侶孤庭前獵獵霜風  
呼移將詩將為真將拭目凌煙看畫圖 ○

葉筠潭前輩詩 乙未嘉平立春日樹齋大鴻臚仁兄招同郭羽可簡夢巖

黃香鐵艾至堂曹良甫五君小集思樹芳蘭  
齋卽席有作以盤出高門行白玉分韻斗杓  
乍轉東風寒黃子招我行春盤長安風塵日  
坳堞頗宜文謙占鴻磐飲食衍衍象云吉況  
復羣彥羅衣冠河陽妙墨擅天下石湖舊伍  
來江干西曹郎官白雲詠東鄉文派青霞攢  
無雙更接氣沆瀣海南鵬運驚飛翰諸君各  
樹不朽業藝林採幹文迴瀾朱絃疏越奏韶

夏黃鐘大呂縱旋樂主人  
才望况超絕謹言

朝端盍簪如此得未有雲龍那數孟與韓相期

勵志追古昔瓊瑤玉佩鳴和鸞海盡歸墟嶽

聖明世元和雅頌功德殫何當旁魄羅萬象行

騎白鳳鞭青鸞林行到手郭羽可詩臘新春

莫辭飲屋角奕奕蒼龍蟠七子相招邀諸君

交黃郎布席陳酒肴我客七子相招邀諸君

壇坵皆詩豪雄師實逼氣敢驕壁壘更峻矧

肯逃杜門慣苦折老腰如僧退院娛清寥邨

店梅花思野橋玉樓凍合詩骨高欲雪不雪

望眼勞中澤忍聽饑鴻嗷天涯莽莽白髮簡

搔迎春祝春沛春膏同聲浩歌山嶽搖

夢巖詩嚴冬坐我春風室笑眼恰趁晴光溢

報來蒼鳥聲驟和釀得黃柑甜似蜜當杯知

不厭扶頭各抱冬心到春日是日霜風作嚴

慄

九重亢旱憂方疾生春有句空觸手釀雪無方

慙促膝景光正復愛隨時喚馬鬧蛾徵故實

燕尾纔青鶯脰黃柳金欲著蘭芽茁東風從

此更沒閒我輩追歡那可失評花何必價論

千過關不數圖名七忽憶坡仙千百年磯頭

置酒日維吉臨風引領自忘愁吹笛何人偏

入律良辰美景相望同事業文章公等述關

心一曲鶴南飛笑黃香鐵詩東風如虎咆天

我歸期竟難必黃香鐵詩門地鑪獸炭紅

不溫高齋張謙設寒具力扶春氣歸乾坤春

從何來靜無痕勾萌未動潛荳根農人三面

望眼殷青旗獵獵回東原公卿勤勞

天子聖五風十雨當無愆朱門春盤熨白玉要

及老瓦田家盆鴻臚大小皆宿德主持槃敦

同謙尊貂冠緼袍各有適融和一氣忘語言

風光月霽周四座杓珠衡玉明三垣誦詩藉

可聞國政文字之飲非徒然黃綱裏印暫休

暇

朝正絡繹來夷藩眼前主客略禮數弗同饗燕  
頌脈騰頗黎瓶酒嘗西番莫辭盡醉傾金  
尊夜闌燭躑進春茗篆煙一室霏溫磨曹

良甫詩

東風徐回動簾額太平鼓響銅駝陌  
春槃正是臘會時羣公高宴鴻臚宅

重洋遠致縹醪美生菜細看紅甲圻圍鱸說  
餅亦大佳佳話他年志今夕吾師光名滿天  
下西江早仰文章伯挽底新篇出機杼胸中  
時事紆籌策郭黃簡艾人中豪接迹風騷有  
詩癖相見都敦僑札歡高吟不學齊梁格西  
颯東浪歎蓬轉自知此事無能役舊遊卻憶  
廿載前布袍久作長安客孤寒難把勝日酬  
瑁璫時聞老輩惜吳興詞臣初出守歎歷外  
臺聲藉藉搗來拄笏作京卿東山已謝蒼生  
責升沈消息詎可知過眼飛光真一擲玉梅  
花開乾鵲噪卻喜龍門奏翬尊前且放醉  
顏酡不知身自蓬萊謫儼居同在宣南坊來

去車聲聽絡繹揮頭幡勝入新年揮手江湖  
感疇昔一笑馬周五十過華筵照見霜毛白  
黃詩江郎二句原註謂龍門及長白瑞農諸  
君乃翁句原註謂海梁中丞  
葉詩石湖句原註吳中簡君爲范文穆公詩  
友見石湖集無雙句原註香鐵與樹齋同年  
而爲師生

何房三書屋

三

僊屏書屋初集年記卷之二十一

道光丙申正月二十七日遞封奏一件為條陳

弊請

旨復派巡視御史以昭察實事  
國家大政漕河最要漕督總理七省河臣分治  
兩河政雖分司事同一體糧自漕運總督而  
下有糧儲道以分督之有同知通判等官以  
監兌之押運之有于總守備等官以領運之  
河則直隸總督兼管北河外豫東十九廳東  
河專轄江南二十三廳南河共管其間佐雜  
汛員分隸各道參遊備弁撥屬廳官或協同  
催釐或責令挑濬是治河之人皆治漕之人  
而隨事糾察剔弊除奸所以佐督撫耳目之  
所不及不使顛預護庇者惟專設巡漕御史  
為最要且巡漕即兼巡河乾隆五十二年  
諭旨煌煌責成至重欽惟我



列祖

列宗 厘念漕河積弊不憚再三申誠

皇上聖慮周詳給事中周開麒陳奏江浙漕船

水手習教滋事請嚴查禁已奉

諭飭議在案矣臣伏思漕河積弊層出不窮固

不僅水手滋事之一端而即此已可見整頓

漕河之不力平日既不能先事力為整頓臨

時查辦安得不湊為迴護以故近年來百弊

叢生

奏多不實總緣隱匿之情多糾察之人少也恭

查雍正七年

上諭朕聞糧船過淮所費陋規甚多嗣後著御

史二人前往淮安稽察不許官吏人等向運軍

額外需索以致擾累其糧艘中攜帶物件除照

例許帶外如運軍有夾帶私鹽及違禁等物者

亦著該御史稽察但不得過於嚴刻吹求以致

糧運遲滯至糧船抵通之時其該管衙門官吏

及經紀車戶人等恐有向運軍額外需索陋規

者亦著差御史二人前往稽察等因欽此乾隆  
二年題準巡漕御史四入一駐淮安一駐通  
州一駐濟寧一駐天津各按所巡地方務使  
漕運遶行剔除諸弊如有不法官丁卽行題  
參又議準山東漕運御史與河道總督勘視  
大小挑工程又議準江南巡漕御史遇挑濬  
河道之年協同河道總督一體察勘督辦嘉  
慶六年議準巡漕御史四員應照巡視漕務  
地方分別鑄給關防以昭慎重近惟南漕抵  
通

欽派御史抽查而山東江南自道光二年以後  
未奉

特派御史巡視漕河文武恃無糾察一切定例  
視爲具文查漕船過淮渡黃抵通例限極嚴  
違者均干議處近沐

皇上天恩展限一月而掃數渡黃總不能過四  
月初十日以內今自道光四五年以來節年  
逾限至上年渡黃直遲至閏六月較抵通之

期尚違一月河漕各負均例應參覈當灌塘  
時又復任其羈延不急催渡黃致滋事縱火  
延燒三十九號之多燒斃男婦數百名口匪  
類益見兇橫漕船日形遲滯前漕督朱為弼  
條奏各事宜竝奉

飭妥議在案臣伏思我  
朝政治昭明章程本屬大備近來轉運之日艱  
實由奉行之不力奉行之不力實由專察之

無人惟有仰懇  
皇上復派巡視御史四員分道稽查嚴覈漕弊

兼察河工一有貽誤即據實糾參儻別經發  
覺惟該巡視御史是問庶幾積弊可除而漕

河並治謹條陳其要如左一嚴查官弁推誘  
匪徒混冒之弊查漕河挽運每船水手八人

頭舵二人計軍船一幫多者五六十少者三  
四十按幫計船按船計人少或三四百人極

多不過五六百人散其黨與僱兒所過州縣  
城市鄉邨藉賣土宜登岸劫財或冒為地方

奸民沿路搶掠因而地方奸民復冒水手名  
色水路搶劫民船陸路截奪行李凡有殺傷  
人命總催領運官弁誘為本地盜賊不復究  
問水手沿河府廳州縣指為漕船水手竟不  
查拏奸民巧避處分互相推卸案發愈大蔽  
匿愈淡沿河督撫提鎮稽察未周訪查不實

諭

旨詢問總以竝無其事迴護覆  
此積年錮習也本年新漕正當起運必先申  
明一切劇分定限嚴飭各員實心辦理即如

腰牌一項本屬定例日久廢弛應令沿河地  
方官各鄉郵市鎮刊定木板告示嚴切曉諭  
遇有帶牌滋事准地方居民協同保甲公稟  
本管官究治除給賞稟報人外州縣有能從  
嚴究辦者照例優敘該管漕弁記參如無牌  
劫搶者藏匿幫船漕河員弁能隨時緝拏照  
孥獲鄰境盜犯例優敘該州縣從嚴參辦又  
或水手隱藏腰牌奸民偽造腰牌希圖混冒

聖  
二  
年  
書  
量

初集年記二十一

三

者根究確實加等治罪如此則奸民不能混  
 冒水手亦不能混冒奸民漕河州縣各  
 負弁共有專責明定賞罰無容推諉至漕船  
 經由地方無論重空往來入境出境該管督  
 撫嚴飭各官親統兵差護送仿照定例南運  
 河結報漕河各督撫北運河結報倉場侍郎  
 運官亦于所過地方結明嚴加約束無擾  
 害地方貽悞漕河情事附案轉報各上司存  
 查稍有不實力遵辦准巡視御史嚴參一嚴  
 禁需索陋規貽悞限期之弊漕糧陋規屢嚴  
 禁革恭查嘉慶十五年  
 上諭景安等奏議覆給事中史祐御史汪彥博  
 巡視南漕御史程國仁條奏漕務各事宜一摺  
 漕務事宜款目繁多弊端層出而其要不外于  
 先裁旗丁陋規旗丁陋規既裁則費用必少即  
 無從藉口向州縣橫索而州縣亦無從向百姓  
 浮收此外一切弊竇皆可以次剔除該省旗丁  
 規費既稱自嘉慶五年清查以後概行裁革節

年糧船出運訪無需索情事何以此項名目外  
 閒尚有流傳可見名為清釐其實亦未敢肆  
 淨盡現當整飭漕政之時稽察嚴緊自將故智  
 行無忌憚日久玩生奉行稍有不力又將故智  
 復萌仍蹈前轍惟枉該督等嚴飭各地方員弁  
 隨時實力查禁庶漕務日有起色於卹丁愛民  
 之道兩有裨益勿徒託之空言視爲具文也將  
 此通諭知之欽此欽遵在案臣伏思我  
 朝定制優卹軍丁獎勵漕弁本屬至渥幫丁于  
 水次受兌糧道先撥給錢糧以資運費及鬪  
 派各州縣漕糧對倉開兌又有水腳幫費銀  
 兩行月倉米耗米以資津貼疲軍奸丁藉有  
 此等名色額外添展轉勒索久延日期不  
 能及早斬纜此未開行以前軍丁需索州縣  
 陋規貽誤限期者也至得規兌米以後各處  
 需索軍丁比軍丁勒索州縣爲更甚應領運  
 費糧道總運各衙門扣其二分領運幫官  
 又扣其一二分及漕船過淮標弁兵役之費

驗米書算衙役茶菓之費歸幫開行水腳銀  
兩已銷八九自清江以上過關則有關官開  
夫之費渡黃則有僱募本地水手錨手之費  
自山東以至臨清天津關官關夫之外并有  
淺夫叔夫之費種種規額外加添不一而  
足誠如

聖諭所云日久玩生奉行不力從前派有御史  
奸貪者尙知儆畏今則無人糾察需索者益  
無顧忌去陋規之額轉添額外之規清挽運  
之弊更增弊中之弊以致軍力益困  
欽  
期限更違所以嘉慶十八九年抵通之速有先

後至一兩月者其弊實首在于此夫事必清  
其源然後可杜其流若如前朱爲瀾所議飭  
提浙江廣船隻無分省分幫次先到先進  
瓜州口趕緊來淮盤驗速上清江抵壩在黃  
水未漲以前可冀全渡不思蘇松各幫軍船  
竝非不欲及早進口總因需索是以遲延統

計南漕船隻約有四千萬一同時到口彼此  
 爭先恐非一時所能約束其禍有甚于灌塘  
 延燒之烈者惟有所申明定例重加整頓凡一  
 切陋規裁革務盡則軍力自蘇漕運自利儻  
 有仍前勒索累軍違限者准巡視御史據實  
 嚴參究處一嚴查官弁兵夫玩誤廢弛之弊  
 直隸河南山東江蘇南除地方官外督以河負  
 轄以道廳設立營弁派撥兵夫歲費帑金數  
 百萬修理要工恭查乾隆五十二年  
 上諭嗣後東省運河竟不必拘大小挑之例惟  
 富貴成河東總河山東巡撫巡漕御史于每年  
 回空將次過竣確加履勘若河道並無停淤卽  
 無庸挑挖以節糜費若河道果有受淤或積淤  
 甚厚卽當確切估計據實奏聞認真辦理亦不  
 必拘于銀數或該督撫因地方河道官負是其  
 所屬意存瞻徇任令從中浮估減以爲侵漁  
 地步抑或因循玩誤于應挑之工而不奏明挑  
 濬巡漕御史係特派之負俱無所用其迴護自

藝  
書  
卷

初集年記二十一

五



當據實參奏儻該御史知而不舉隨同隱飾或  
誤漕運或任冒銷一經查出即將該御史一併  
從嚴議處欽此欽遵辦理有案今河道各員領  
帑辦公有名無實及有礙運道則百計掩飾  
卽如上年倒塘灌放一事該河廳弁見黃水  
太高不敢開放臨時加以隄糜帑數萬試問該  
河員等所司何事旣可以加隄於當灌之後  
何不可趕辦於未灌之先及趕辦不及致漕  
船久聚塘中水手滋事延燒多船可見各員  
弁怠玩於平日以致貽誤于臨時卽使萬無  
他虞亦應先事籌辦必俟漕船到塘始議加  
築從前所領歲修竟不知開銷何款而議者  
不察貽誤緣由但請展寬塘面節減數目漕  
船灌塘原爲河強湖弱勢有不敵故須蓄高  
清水以資放渡並非謀爲久駐之計若一經  
再展水渙無力非特不能刷黃勢必停淤費  
帑勞人於事何益無怪河工另案之層見疊  
出也查直隸豫東江南各河工所設文武管

理工程較之一省官貪為數過多直隸總督  
 兼管河道總督統轄一十九廳道貪四江南河道  
 河道總督轄三十三廳道貪五道貪計錢糧之  
 總督藩臬而權實過之工程之估計錢糧之  
 各省藩臬而權實過之工程之估計錢糧之  
 撥領奏銷之扣折文武屬貪之優敘甄別悉  
 係道貪之一稟河工人貪有言不得陞補不  
 邀甄敘不多派工程不向督院說好話皆不  
 應酬道貪不到所以近日各河工貪弁不講  
 政事但講應酬不學工程惟習迎合恃無人  
 糾察或私送印領或通融分肥本道既護庇  
 朦詳即河督何能實奏此官弁玩誤之所由  
 來也至漕標河營汛地堡夫或舊有定額或  
 隨事增添操防巡守修築堵放各有專司原  
 非虛應故事近漕河兵夫多屬有名無實甚  
 且勾串匪類朋比為奸沿河分建堡房大半  
 廢弛或有夫無堡或有堡無夫名為巡防究  
 無實效淺初集年記二十一  
 疏濬專索陋規困軍

累運虛糜錢糧致前數年有奸民陳端盜挖  
 黃河之案近日水手不加整頓所以廢弛一  
 方是皆廳弁玩誤不御史沿河稽察遇有玩  
 於此惟有責成巡視御督撫河道一併查參  
 誤廢弛奏請按法懲治冒開之弊查黃運湖  
 一嚴查劣幕把持浮估而劣幕作奸另案浮  
 河要工修防事宜不一而足領帑部例原惟  
 估藉搶冒開為弊最甚歲修領帑部例原惟  
 定額按年比較即有浸漁十分不過一二惟  
 有另案工程銀無定額工無定處影射浮開  
 事後增添誠有不如我額工無定處影射浮開  
 上聖訓其情弊不可防也然欲杜流弊必  
 先清弊源河工之事弊端百出而為弊源者  
 惟庫貯庫貯者河貪之幕友也其父兄為河  
 督河道庫貯其子姪必盤踞大廳所以河工  
 庫貯不問工程事體不熟但問院道聲氣  
 通不通不問工程事體不熟但問院道聲氣  
 則上下不一氣另案可以勾商所以各廳庫貯

未有不與院道之庫貯通河同舞弊者也試以  
 挑濬淤淺開挖隨時疏濬運道何患不通惟  
 淺夫祿夫果其嚴督役展寬河面無非為浮開  
 該管廳貪不加增夫險護險之弊為尤大木料  
 輿挑另請而搶險即河督亦急難親臨護則  
 帑銀地步及方搶即河督亦急難親臨護則  
 非意計所及方搶即河督亦急難親臨護則  
 柴草麻纜樁橛任其混開歲修數百搶護則  
 濫報數千已辦者固應開銷未撥者更從前  
 領料價則稟請增添報之帑項可以通融是  
 之虧空可以彌補豫報之帑項可以通融是  
 皆庫貯主謀工負倚為腹心勾商分肥或三千  
 七或二八東修數百金外酬勞有至一二千  
 者是以家無勺合一管庫貯不數年而富擬  
 素封同知通判者有之捐營縣丞巡檢者有  
 之南河之侵蝕飽卽使鑽營北河東省之  
 賤迹方仍復遁遊袁浦作奸犯科見利忘  
 害萬一案初集年記二十一  
 賠庫貯則脫身事

外若不設法嚴治何以杜流弊而重要工相

旨

應請

小文官衙門如劣幕結黨把持及其父兄

子姪盤踞各庫貯不即迴避者即遞解回籍

永不准游幕該管督撫河道亦不得濫薦幕

賓自取咎戾凡有延請者必取具該幕承管

某官某衙門庫貯不舞弊以爲後日肥侵帑

誤公各切結報明督撫總河以爲後日追賠

地步庶幾各知徹畏儻有瞻徇隱匿准巡視

御史一併奏參究辦一嚴查匿報於蕩屯畱

匪類之弊查修理河工積土而外辦料最重

柳枝蘆葦悉仰給于蕩地淤灘自康熙十二

年議准大工柳料先于蕩地採辦稍有不敷

另于鄰省購買而江南蕩地採辦蕩營三十

八年議准江南蕩地採辦蕩營三十  
兵每年採葦一百十八萬束五十八年查明  
海州山陽淤墊不產葦柴汰官兵節省餉

銀一萬八千餘兩召墾徵銀辦料解工雍正  
 四年因蘆葦叢生復設官兵採割除舊額外  
 增添三十萬束五年議准豫東辦料限期每  
 百萬斤限十日二百萬斤限二十日料採五  
 萬斤為率稍有缺少徇庇者照參十二年清  
 查葦蕩額柴增添二十萬束飭左右營分採  
 交工徵價解庫又議准清查蕩地八千頃九  
 十三畝有奇飭兵照採十三年葦蕩營丈出  
 淤地一十八百一十頃九十五畝增添正柴  
 五十萬束合原額共二百二十五萬束乾隆三  
 年令河官查河淤地勸民種葦八年又查清  
 東省坑塘窪地葦草二十二萬畝查明邵睢廳  
 沈家湖產生青蘆地二千五百九十九畝歸營  
 採割三十六年查東平州安山湖支河地五  
 頃二十七畝有奇接柳園餘地四頃五十三  
 畝共地十頃種葦徵柴四十年清查江南蕩  
 營腰港迤東淤地五百十四頃九畝四分蕩  
 釐加增料柴三十萬束自雍正十二年議准

六	釐	地	七	明	二	營	作	畝	召	五	直	西	河	令	銀	蕩
噸	蕩	八	畝	蕘	百	汎	爲	徵	墾	釐	隸	汛	淤	開	冊	營
八	左	十	四	蕘	三	西	次	銀	又	又	良	地	地	墾	內	界
十	右	五	分	蕘	十	洋	等	二	查	查	鄉	畝	乾	乾	題	內
五	二	頃	又	營	二	黃	每	錢	內	出	報	百	隆	隆	報	不
畝	營	十	查	新	頃	黑	畝	一	柳	直	墾	十	租	二	定	產
四	於	畝	明	剔	二	泥	徵	分	園	隸	河	四	爲	十	以	葦
十	地	八	直	草	十	窪	銀	六	隙	霸	灘	頃	糧	三	二	柴
六	六	分	隸	地	四	劉	一	釐	地	州	淤	九	四	年	年	之
年	百	八	宛	八	畝	家	錢	重	永	永	地	畝	四	查	一	地
查	八	釐	平	百	有	大	又	隄	清	東	四	分	年	出	次	召
出	十	又	八	三	奇	窪	查	隙	頃	安	頃	八	查	直	清	墾
直	四	查	州	十	四	不	出	地	作	爲	十	釐	出	隸	釐	徵
隸	畝	出	縣	一	十	產	江	四	爲	新	六	又	江	十	有	銀
武	八	出	新	頃	一	柴	南	十	上	淤	畝	查	南	三	淤	造
清	分	江	淤	七	年	地	葦	九	等	灘	五	出	蕩	州	墊	入
隄	六	南	灘	十	查	共	蕩	頃	每	地	分		營	縣	卽	河

外隙地一頃八釐五十一釐隄內地二頃七十  
 一畝五分八釐五十一釐一年查明豫東二省黃  
 河大隄內外灘地召墾徵租五十三年查明  
 江南沛縣昭陽湖邊廢地民房徵租可見各  
 河工淤地嚴行清查料則逐年增添稅則升  
 科益廣近聞沿河各省新淤灘地最多而汀  
 南海州山陽安東阜寧葦蕩營各處除原額  
 產柴及先年民承墾種外蕩地更廣自嘉慶  
 以後各督等竝不遵照議准定例按二年清  
 查各廳附近居民占種不丈明召墾升科徵  
 銀已屬可惜而江南蕩營弁兵舞弊更甚藉  
 公影射任民墾種暗收租銀私賣蕩柴肥已  
 營私該廳貪弁于中取利欺蔽已極兼且屯  
 畱匪類作奸犯科無所不至蕩營連界邊海  
 盜賊不時出沒若任其隱匿不嚴飭該管道  
 廳督率參遊備弁上緊清查整頓營伍非獨  
 不能加添料柴增廣額稅尤恐匪類屯聚滋  
 生事端為害不淺相應請

聖  
辛  
年  
記

初集年記二十一

七



旨飭下各督撫照例清查外儻有仍前隱匿准  
 巡視御史一併訪聞參奏以上五條約舉其  
 弊之大者而言查漕督總理正供分宜遇事  
 釐剔隨幫督解更當嚴密勾稽但漕船銜尾  
 北上前後相離多在數十里數百里之遙總  
 運幫弁所過地方呼應不靈實為鞭長莫及  
 東河總督當重運過境之時正河南防汎之  
 日兩地一身更恐勢難兼顧惟責成巡視御  
 史沿途糾查得以儆貪弁之懈弛而佐督撫  
 耳目之所不及在賢能督撫無正願有巡視御  
 史相與有成否則多以為不便矣從前所派  
 御史或存心沽直輕肆糾參或有意瞻徇扶  
 同隱匿未必盡無其人然此惟在都察院堂  
 官遴選賢明慎于保送要不可因噎而廢食  
 也臣為慎重漕河起見是否有當伏乞

聖覽謹

奏  
 四月二十一日遞封奏一件為州縣弊蔽命盜請

旨嚴飭查究事竊惟州縣命盜重案務獲正兇

正賊按律究辦方足以服民心而伸

國法乃近年以來命盜大案層見迭出除京控

各案外其未及上陳狡展稽遲者每省多或

千餘少亦數百牽引多人拖累多載在昏庸

之吏玩諱之貽害固多而貪劣之貪賄縱之

釀禍更甚以臣風聞各省類多憚賊州縣遇

有命案暗地先縱首犯捏稟以拖斃屍親圖

近匿妄指遠颺百計宥延總以拖斃屍親圖

易了結及萬無可展勾商買抵藉顧考成生

者受累死者含冤至擄搶盜案無地無之經

管州縣徒有發案之名毫無緝兇之實鹽梟

海盜賊可多得公然賣放無知愚民見有錢

者犯法得生相率而入於盜匪作奸犯科無

所不至此風起自閩廣漸延及於各省前官

賄放首犯狡展者既逃嚴參後官商買承兇

案結者希圖加級是前之縱兇不特無罪

後任之蔽盜轉可得功卽萬一議降買罪之

聖  
序  
書  
卷

初集  
下  
記  
二十一  
一

藏較捐級之費多過十倍此州縣之錮弊言  
 之可為寒心夫明罰勅法律所以嚴命盜也  
 誠能仰體奸至意以公勤報  
 皇緝盜詰民命盜之原既清劫殺之案自少  
 國以仁愛待之徒何難立拏突辦惟不能清理  
 閒有不懲之先兼玩悞於方發之時復禁治於  
 於未發之後反借通緝活套巧遂怵賊奸謀以  
 既發之為索貸視小民如草菅吏治尙可言乎  
 大案為請  
 惟嚴飭督撫大吏凡遇命盜案發必先明查暗  
 旨嚴飭督撫大吏凡遇命盜案發必先明查暗  
 訪如有所屬州縣得賄縱兇飾詞延擱者即  
 據實  
 奏明按法重處庶幾命盜理而刑政肅矣再臣  
 風間各省州縣類多逃軍擾害地方勾通差  
 役結連匪黨案發愈大諱匿愈深是其關繫  
 命盜尤為緊要查逃軍加等治罪律有明條  
 配所及本籍印官疏縱容雷均干參處相應

請

旨一併飭查以靖閭閻臣愚昧之見是否有當

伏乞

皇上聖鑒謹

奏奉

旨充殿試彌封官五月二十一日遞封奏一件

六月二十四日遞封奏一件

為請

旨嚴定章程永杜回漕錮弊仰祈

聖鑒事竊臣前以奸徒運米出城包辦接應回

漕等情據實指名陳

奏旋據步軍統領將查拏已獲交部審明竝未

獲各犯情由覆奏在案復據御史萬超奏請

嚴禁私運囤積奉

旨著順天府尹直隸總督各派文武幹員查

拏等因欽此仰見我

聖恩 初集年記二十一 二

國	皇	國	年	銷	損	貯	也	上	不	開	南	盜	有	盜	弊	皇
計	上	病	病	轉	一	日	同	船	等	幫	天	倉	回	京	上	上
一	天	民	何	以	升	空	漕	然	公	先	津	則	漕	販	慎	慎
時	恩	何	所	京	是	少	不	後	然	有	以	勾	一	之	重	重
顛	自	底	底	師	解	解	辦	抵	寫	人	北	通	著	弊	漕	漕
預	當	止	止	之	能	一	則	通	立	來	皆	花	南	止	計	計
豈	以	為	為	能	以	石	外	交	合	此	其	戶	糧	巧	巧	巧
能	舊	臣	臣	以	漕	即	省	卸	同	兌	固	出	本	從	從	從
逃	米	子	子	漕	糧	少	之	此	照	買	米	城	不	前	前	前
	濟	者	者	之	之	一	運	近	約	自	之	則	足	南	南	南
	運	渥	渥	實	實	石	解	日	俟	數	數	賄	額	奇	奇	奇
	日	荷	荷	額	額	多	日	回	船	千	每	串	而	乃	乃	乃
	復			備	備	同	少	漕	過	石	歲	弁	販	近	近	近
	一			一	一	京	京	實	彼	至	南	兵	運	年	年	年
	日			年	年	通	通	在	處	數	糧	糧	之	以	以	以
	甚			甚	甚	之	之	情	運	百	未	州	奸	來	來	來
	一			支	支	積	積	形	載	石	曾	以	徒	恃	恃	恃

聖明洞鑒乎臣非欲嚴追於既往實求杜弊於將來查嘉慶十三年開始嚴回漕罪名而查辦章程尙未明定奸徒奸販合而爲一雖此處查拏而彼處復然雖一時查拏而移時如故包庇益甚查辦益難相應請旨勅下順天府尹直隸總督各衙門查明畿輔各處水陸要途繪圖貼說接年分段設法巡緝竝酌定賞罰凡官弁查明究辦者按米數之多寡由各上司  
奏請議敘地方民人有能查實稟報者分別賞給該管各官平日毫無覺察被人舉發者從重議處竝請  
勅下刑部凡遇此等案件不得以僅止回販竝無回漕實據從寬了結再該族丁餘米離經奏准給賣尤應設法分別稽查以杜弊混以絕欺罔如此嚴定章程庶不致有不實不盡矣  
皇上聖鑒謹

奏

八月初五日遞封奏一件請查辦河南江蘇

匪徒九月初七日遞封奏一件○陳頌南江

亭展禊序

祓除古禮也說文示篇祓除惡祭也玉篇禊下引史記云漢武帝禊

霸上徐廣曰三月上巳臨水祓除謂之禊皆

以三月行之然事無併焉爾晉永和九年王

右軍集四十二人會于蘭亭獨傳為美談不

以其時地之美惟其人也近康熙己未

開博學鴻詞科海內奇才雲集京師試畢揭

曉益都相國馮文毅公與知名士三十二人

修禊崇文門外之萬柳堂賓主觴詠偉稱輝

映後先當時榜發在三月二十而修禊又在

其後蓋亦非上巳也今仿其例為四月四日

讌集江亭不敢比古人竊以希古人焉夫良

時勝地往往而有獨人才之聚為難耳苟有

以當于古所云安必其時與其地耶又安往

詔

非其時與非其地耶諸君子各以其所寄者  
 抒情事而延景先雖或異日之離合不可知  
 要其幸逢期會誠千載一梅伯言序道光十  
 時也後有來者可以觀矣黃樹齋鴻臚徐廉峯  
 月鴻臚葉筠潭先生及陳頌南兩農部凡是  
 黃架卿兩編修汪孟慈陳頌南兩農部凡是  
 六主各延七賓四一人符羣賢之數四月  
 四日修展禊之舉遂登江亭以會而書禮也  
 於是城對北闕閣臨西山莽蒼四碧渾菰蒲  
 之衆容崢嶸九葩納西  
 觀之遙景此登賞之勝也三選七遷之英流  
 九墨八儒之碩彥宮中給事走馬先來關外  
 詩人騎驢忽至此賓客之選也仲宣抽毫相  
 如侔色流雷景光原始事物捧劔之義折摯  
 虞之小生彈琴之敘同昌黎于太學此詞翰  
 之美也蓋自永和癸丑之後迄茲道光丙申  
 之前若典公南澗子範家園庾信華林元長  
 曲水雖觴詠閒作風流未窮綿祀過千斯賢

歷代詩選

初集年記

二十一

三



倍百或郊島孤賞無與聲明或川岳分光侈  
 言諛道豈若際赤雁白麟之盛萃碧雞黃馬  
 之才城南韋杜首夏清和追餘萌于榮葩想  
 新波於盛流陶陶然不知春非我春落落然  
 不知今之視昔也爰總衆製聯為大軸作苑  
 本新圖附臨河舊搨藏之蘭若寺曰棗花此  
 則元凱沈碑于峴水自喜其名太傅寫本  
 于經堂冀廣其集古有行者今無備焉  
 丁

儉卿序

今

天子御極之十有六年囊筆廣歌英賢揚乎  
 禁掖臨軒射策才士萃于京師維時仕于  
 朝者歸安葉筠潭京卿歙縣徐廉峯太史甘泉  
 汪孟慈戶部昆明黃架卿太史晉江陳頌南  
 戶部宜黃黃樹齋大鴻臚乃于宣武坊南之  
 陶然亭以四月四日招集海內之文士為江  
 亭展禊之會孟慈出所得宋刻帖併一時題  
 詠藏弄古棗花寺上元溫翰初農部繪圖以

紀其事傲水部之遺構追蓬池之勝遊遶書  
 召客評酒命儔東箭南金之質蓄其菁英鴻  
 軒鳳舉之姿挹其光采匪惟國士之知抑亦  
 帝京之盛晏以不才猥與其列謹為絃日夫羽  
 觴隨波肇于作洛之世蘭草解禊浴自會潛  
 之詩秦祠曲水西夏徵符漢祓灞津南都方  
 軌然而本初薄洛之禊賓從無間夷甫洛川  
 之遊清談是尙惟右軍臨河之絃實典午命  
 世之英三十三歲手筆寫自盛年四十二人  
 鑑湖萃夫元賞當時仰其風儀後人重其文  
 翰夫以內史卓絕宏才傑出名德競傳繭紙  
 之書僅尙鷺池之帖播其小技略其懿行浮  
 華所以日增知言所爲日少也况爾時莊老  
 是宗朝野成俗而逸少獨謂虛談廢務浮文  
 妨要且謂夏禹勤王手胼足胝文王旰食日  
 不暇給然則分陰必偕塵拂可焚崇有之論  
 裴頠所以揀時悖理之憂卞壺所以翼教並  
 中流之一壺斯百川之砥柱當日會稽畢集

歷代書畫

初集年記二十一

五

安石賦詩兀然慕義唐之遊塔然覺彭殤之  
化而絃乃謂一从生爲虛誕齊彭殤爲妄作  
是謝安高蹈東山將無媿色而敬宗比方金  
谷彌用汗顏蓋其仰觀俯察與感寄懷絲竹  
之情尙不欲近儕太傅路塵之拜亦何至下  
擬季倫哉晏夙好此絃用闡厥指明古人之  
用心示來者之取法屆茲展禊之會將爲序  
引之賓重修蘭渚之禊晉以上巳之期茲以正  
陽之月周官之祓無判于歲時漢京之禊或  
在于秋日爰及初夏厥惟良辰龍眠繪雅集  
之圖蘭若設伊蒲之饌奉金人之寶劔後夫  
三旬浴釋子之香花先以四日維時炎曦流  
景清樾蔭人疏牖洞開涼風徐引茂林翳蔚  
上參碧天修竹檀欒俯暎淥水西山眺而朝  
爽來東閣開而英髦至薦紳之倫憑衿之侶  
莫不息駕傾心飲醇結契且王謝美胄會山  
陰者十五人羊孔勝流罰巨觥者十六輩類

皆蟬冕簪纓烏衣闕閱世謀徒矜賦詩不荅  
 而茲之禊也匪宇宙之瑰奇鍾扶輿之靈秀  
 搜巖採幹被褐懷珍杞林徧訪乎山陬珊瑚  
 不遺夫海溼騏驎駮駮駮駮駮駮駮駮駮駮  
 鄧青萍遇薛燭而騰寶鞵庶幾潤色鴻業扶  
 翼世道通六藝而為儒者備九能而為大夫  
 永和之事不得顛美于前江亭之宴亦將著  
 間于後也晏江左輕材淮東獲質規萇往哲  
 模勉來茲惟實事之是求懼盛名之難副孟  
 晉之志諒有同心盍哉之交冀以共勵若徒  
 綴其蘭言拾其雲藻僅求同氣之應無裨合  
 志之方此則旗亭畫壁之流要非都會展禊  
 之意  
**王慈雨序集字并詩**  
 幽風日清娛觴詠  
 暢集諸大夫固遷自喻管樂為羣卽事輿感  
 不以人殊臨文寄懷若與古會時地之盛風  
 情相映觀攬所及羣流欣仰況以稽古右文  
 生當

盛世知足能樂斯為大賢放懷時與天遊因時  
 亦有自得嗟哉異文自騁幽抱將以禊文託  
 于蘭若所以為契虛遇夫至人文暢遊于賢者  
 期得其所可以永年閒述其事次為短詠欣  
 然有作或無足觀長者風流極遊觀亦有因  
 可知今日會猶是替時人弦內寄流水坐間  
 生古春述懷咸有詠蘭契快同陳極目觀今  
 古言情信所云惠能今有得老永替為羣風  
 趣及時領天懷隨遇欣此  
**吳子序序并詩**居  
 情知可寄未或託虛文  
 空山之中擁裋褐甘藜藿與麋鹿為羣水枯  
 木落四顧蕭然宜其無樂矣然而有志之士  
 俯仰歌歎若有與天地常存者及夫交遊雜  
 襲美景良辰懽忻愉快之境所願適于前所  
 求得于後其樂至矣乃悵然繫獻太息憾光  
 景之不可畱其故何哉豈性存于孤往而情  
 溢于外馳使有道者處之固有其能不以境  
 易者歟抑亦屈伸之理常然歟余讀晉王右

軍所云情隨事遷已爲陳迹者嘗三復悲之  
夫右軍之名至今不滅而其言如此則當其  
時徒相與極一日視聽之娛者何如也然則  
苟非有志之士亦豈能于可樂之時而爲無  
窮之感也哉且夫天地之間固未有可以常  
存者士亦思其所以常自足而已歲丙申余  
以試事居京師值賢主人爲展禳之飲各選  
所知之士合四十有二人以四月四日集于  
都城西南所謂陶然亭者吾友黃樹齋大鴻  
臚使余與焉汪孟慈戶部又以是日出所藏  
宋刻禳帖客溫翰初戶部爲繪江亭展禳圖  
裝于後而送之古棗花寺中蓋賢主人旣慕  
蘭亭樂者其意勤矣與斯集者各爲詩文以  
畱斯樂者特敘論所感者如此因繫以詩亦  
紀其事余特敘論所感者如此因繫以詩亦  
猶蘭亭之例云爾何地非曲水何時非暮春  
好鳥送清晷碧草鋪芳茵物色泯今古姚埜  
交情誰舊新千秋諒虛願在日爲天真姚埜

橋序并詩

夫劉楨二七之祓謝綏卿風日之

寬平尚已然而率狂狷佩聲委氣灌嶢相望傑夫一時迨有循迹考往者輒俯仰太常

希為之噓唏諷悼名湮言逸視于管塵豈山

川之閱靈抑亦春藻之辭壽波之辨不足以

抗幽遐傳簡楮耶理亦可思爾道光十有六

年歲惟柔兆月次鶉首癸丑朔四日丙辰會

于宣武坊城南之江亭凡四十有二人繼承

和禊事也維時太空激霽晷景縣遠羣綠向

滋禽羽導暄騁目惟廣引心得淨文采上下

從乃屏絃管不張相與攬芳序練風情鬯于

樂喁適訶中醉行觸惕賞鳶魚自天巡衿挹

臂速偶咸洽叨簡座未得與辭焉夫以霄壤

異蹤雲波忽合軒軫之界千里實緣造化所

相神明偶結娛盼云至興懷曷已伊古人有

卽景造山盱衡時會以證其樂行憂違之心

或則澄懷向默游川息雲盪滌其塵蔽垢引  
之端以淵永其學問義理之趣矧茲良覲幅  
易萃聯特卓蒼處所當遐鏡往詰勉砥將來  
求一息于千秋合異軌為同轍使徒詡名引  
譽夸張盛遊濫觴清流忝類曠達鸞暉滅芻  
草腐木壞吁其何益已幸同推拍須鑒蝟言  
情素以協且暢興於長風斯文具在勿貽貶  
于來者羣孳向暄淑太煦浩流演境在勿貽  
往所會異溪淺西山逼蒼潤高城不能限楚  
樹出雲媚原草得風展遠象匝行杯生理淡  
同善良覲有今茲微情轉難遺片石揚遺序  
撫墨追咎賢精萃足千載詎以文字傳抗古  
有真際藻采特外緣歲月去泱莽此任誰為  
肩凭欄俯煙海落想青蒼問但覺氣蓬勃雲  
鳥相張補山記出宣武門南行三里許臺榭  
迴旋張補山記出宣武門南行三里許臺榭  
溷天青有亭凸乎窪中者郎中江公之所建  
也故亦名江亭都門士大夫簿書車馬之暇



或厭喧囂思遊渴莫不登臨斯地博半日之

天

子開慶榜士之觀光至都者駢集如雲時則

有鴻臚葉筠潭黃樹齋太史徐廉峯黃架卿

農部汪孟慈陳頌南招同四十二人傲蘭亭

故事以展禊復倩溫翰初農部繪圖于孟慈

所藏宋搨禊帖後將茲遊以紀事甚盛舉也

夫君子燕遊豈徒徵逐豆觴哉必將闡經義

國

是為交勉庶幾哉以文會友以友輔仁非徒

流連光景也況曲水流觴蘭亭踵洛水而興

今展禊事不遠溯洛水猶導河積石而不揆

原星宿也特是周公當營洛之年承平未久

肇造新邑自朝至于日中晷不遑暇會身能

盪胸娛目與藹藹吉人作泛杯之樂即或時

觀遊節勞逸亦豈若蠻府參軍于上已作嘸

隅戲耶我意其時三吐三握汲汲然惟恐失

天下之賢或如後世北海開樽西園雅集必

于人之有猷有為有守者廣延而精鑒之其  
 有話言酬對乃心罔不在王室則集思廣益  
 謀野求獲如裴晉公館韓退之宗汝霖款岳  
 鵬舉張魏公幕劉子羽幫屐風流公必盍簪  
 豫圖之若謂一觴一詠足以極視聽之娛恐  
 淺之乎窺公之心矣今日者諸君子之展禊  
 于茲也或既顯于時膺喉舌股肱之寄或未  
 用于世儲舟楫霖雨之材大抵皆翊贊  
 皇猷康乂兆民之選也故獻酬交錯揖讓雍容  
 或執經以問難或砥節以成名或孜孜以汲  
 引善類為心或皇皇以康濟民閒為志吾知  
 德星聚于一處異日必有踵東都遺烈以副  
 六君子招延之心者矣不然飽芳旨以擲流  
 光騁辭華以供賞玩俾後之覽圖者謂臨流  
 賦詩是亦金谷桃李之嗣音夫豈六  
 君子之心哉抑豈諸君子之心哉  
 李禾叔  
 記道先十有六年柔兆涪灘之歲極除之月  
 既朏丙辰葉筠潭氏徐廉峯氏汪孟慈氏

初集年記二十一

黃樹齋氏黃架卿氏陳頌南氏招集同人會  
 于江亭如蘭亭四十二人之數孟慈氏復出  
 其所奔宋刻蘭亭禊帖將送之古棗花寺中  
 以公諸世于是同人諸氏咸各有作而溫翰  
 初氏更繪為江亭展禊圖猗歟盛哉嘉會可  
 以合禮所謂時順體宜稱者其在斯乎雖然  
 或曰禊典始于周公因洛流以泛酒故逸詩  
 有羽觴隨波之句其說詳于東廣微之割晉  
 武帝焉詩家薛君章句云鄭國之俗三月上  
 巳之溱洧上祓除不祥周禮女巫掌歲時祓  
 除釁浴鄭注云如今三月上巳如水上之類  
 史記武帝祓禊霸上集解引徐廣云三月上巳  
 臨水祓除謂之禊風俗通義云禊者潔也于  
 水上釁之也巳者社也祈介社也旁稽傳記  
 厥事綦詳要莫不以曲水流觴為義而以暮  
 春風浴為規此蘭亭所以會于暮春之初而  
 于左右激湍之境有必紀也茲亭茵席乎蒲  
 蒿之際襟帶乎山城之閒地非水次鳥觀所

謂清流映帶也者期非巳辰又烏觀所謂覺  
潔祈社也者其與漢儀之上辰魯都之素秋  
唐代之改令均違古義是尙得爲典要乎余  
應之曰唯唯否否夫所謂潔者潔之于外與  
抑亦潔之于內也潔之于息與抑亦潔之  
于終身而巳者也今使師古者徒襲其文  
而滯其機挾其拘墟篤時之見而昧其擴充  
變化精進無方之功斯學者之大病也禊云  
平哉展禊云乎哉彼蘭亭諸賢之集亦因時  
選勝已耳右軍時人之敘亦錄其所述已耳  
而乃興懷於俯仰痛念于夙生悲感于今昔  
豈非以興懷於俯仰痛念于夙生悲感于今昔  
徇其末厚其實而不尙其名語有之曰學者  
須時有春風沂水之思其在斯乎其在斯乎  
雖然道無定者也求道之歸則有定者也漢  
魏六朝以來時舉是典最爲盛集其閒如樂  
遊苑之會爲顏延之劉義真諸人芳林園之  
會爲王融等四十有五入亦禊事之有足誦

者而今獨有取于蘭亭之數為後先輝映之  
 指則甚矣圖中之意亦大可想矣至于禊帖  
 攷辨之精有容甫先生之說善學  
 者其自得之非忠之所敢贅也 陳卓人釋  
 禊記已記漢武禊霸上之事徐廣云三月三  
 日臨水祓除謂之禊也又蔡中郎亦有禊文  
 其注月令天子始乘舟亦謂陽氣和暖禊于  
 名川則禊義之興已久考禊疑古祗作契契  
 有絕缺之義前漢母將隆傳契國威器謂絕  
 國威器也司馬相如封禪文契三神之歡謂  
 缺三神之歡也禊祭取義于絕除穢惡則古  
 或即假契為之後因加示為禊耳然經典有  
 祓無禊祓契為之後因加示為禊耳然經典有  
 字變體歟周官女史掌歲時祓除釁浴鄭注  
 歲時祓除如今三月上巳如水上之類釁浴  
 謂以香熏草藥沐浴考古多有因祭而行祓  
 除者如詩生民以弗無子箋云姜嫄禋祀上

帝于郊禱以祓除其無子之疾焦答王權所  
 云先契之時必自有禱氏祓除之禮位在因  
 南郊是也則此除惡之祭周初必四月或以  
 雩祭而遂行祓除之禮故先儒說論語或以  
 風平舞雩為雩祭以冠者童子斥男巫女巫  
 又鄭注周禮以為如今三月時明古不用辰  
 三月也後世禮移俗變多不得時之正或即于  
 秋時鄭國盛行此禮韓詩序云鄭國之俗三  
 月上巳于溱洧兩水之上執蘭招魂續魄祓  
 除不祥白虎通云鄭國土人氏山居谷浴  
 是也班氏多用曾論說與詩韓毛皆同後世  
 行此禮者亦不盡辰月西京雜記漢高帝與  
 戚夫人於正月上辰出百子池邊灌濯以祓  
 妖邪則用寅月漢武八月祓霸上則用酉月  
 劉公幹魯都賦素秋二七月則用申月九歌春  
 蘭秋菊姱女容與則又春秋並用矣而歷代  
 相沿多以辰月為正張平子南都賦莫春之

禊元巳之辰荆楚歲時記有三月三日士民  
 出于江渚為流杯曲水之飲宋元嘉齊永明  
 相沿為故事故顏延之王元長有曲水詩序  
 而王右軍亦于是日修禊山陰也然則祓除  
 之禮必因四月雩祭之時後改用辰月仍用  
 巳日自魏以後專以三月三日而上巳之義  
 已矣至于擊仲洽徐肇亾女之說固屬不經  
 束廣微周公泛觴之事亦無確證俱置而不  
 論可也至毛詩之蘭即韓詩之蘭蘭蘭古音  
 同部蘭為正字蘭為假借毛傳云蘭蘭也  
 本字詁俗字也香草之名能辟不祥與今世  
 蘭花不同李時珍所生水旁下溼處紫莖  
 緣葉對節生有細齒者也其內則之蘭莖楚  
 辭之紉秋蘭以為佩風俗通引禮記之大夫  
 贊蘭皆是物也薛夫子解詩章句蘭蓮也非  
 夫渠之實也蓮蘭亦同部故澤陂有蒲與蘭  
 樊先引作有蒲與蓮也漢書引作菅菅與蘭  
 蘭亦同部注菅蘭也是也薛氏釋韓以蘭詁

蘭毛傳以蘭詒簡二楊希臨跋地也歲丙申  
名一物無差殊也  
余計偕來京師縉紳先生集同人讌于茲亭  
黃樹齋鴻臚招余與偕以四月四日合客四  
十二人命之曰江亭展禊預斯集者各抒辭  
以明所志客溫翰初戶部爲圖於主人汪孟  
慈戶部所藏宋刻禊帖之後將送之古棗花  
寺中于是江亭之讌集可常而茲會焉爲不  
可常矣右軍去今且千年吾不知預斯會者  
果無異于蘭亭四十二人耶抑亦右軍所云  
後之視今果無異于今之視昔耶夫不可強  
者性情也雖處接席不必盡同古人之性情  
往矣取吾之性情文焉欲與之爲一庸有合  
乎然而吾之性情苟有以異于今人性情其  
於古人也安見其不相遇乎斯會也雖未知  
于古人何如其於今人之所爲不既遠哉或  
謂東晉士大夫清談相尙今數先生爲賢主  
人竝官清要襄贊



聖明方將大展所蘊以為世用固矯然高出晉  
 人之上客之所預斯會者又多一時雋異之  
 選他日按圖而攷可以覘其志之所存竝非  
 感于暫時之遇而已者此則諸君子當之又  
 非士達之不及才 **臧牧菴賦** 緬禊遊于逸少兮  
 年少所及已 獨扛據詞壇而立幟兮息羣  
 幽情于曲水兮擅妙墨之無雙有大夫之能  
 賦今走健筆而獨扛據詞壇而立幟兮息羣  
 喙之紛噴出蕭郎之賺本兮緇貝葉于梵幢  
 爰披圖而潑墨兮衍詩派于西江惟此江亭  
 驚塵近市爽塏臨町北瞻瑤島西挹翠屏樓  
 鏡檻兮雲容霞綺環壁池兮長葦點萍望豐  
 臺兮藥紫悵玉河兮柳青倏春遊之已邁恍  
 禊事之重經羌躊躇而四顧兮髣髴今會於  
 山陰之蘭亭覲美人于長安匯名流于首善  
 擢藝圃之英擅蘭臺之選隆富路之黼黻蔚  
 南州之冠冕日下鶴而雲間龍白玉瑤而黃  
 金銑既輻輳而鱗集渾韜晦與通顯復疑睇

而企子媿寸長之莫展嗟擾攘于人寰兮感  
 吾身之匏繫豈輞川之悶蹤兮豈鹿門之避  
 世豈天台之可梯兮豈桃源之可逝邀豪俊  
 于洛陽兮訪金臺于燕薊架麟閣兮峩峩繪  
 凌煙兮濟濟乃飛羽以隨流兮展樂遊于春  
 禊寄良朋以忠愛兮惕時事之擲揄憶西山  
 之枕臥兮懷釀酒之屠蘇嗟太行之厄驥兮  
 啖金谷之覆盃將踵右軍而作記兮夫何憚  
 去路之崎嶇奈斯亭之不可久住兮徒慨慕  
 手勝友之歡娛撫年華兮晚晚感造物兮須  
 臾何塊壘之不化何町畦之必區願一觴而  
 一詠兮畱岸幘于雅圖惟盛燕之難逢託丹  
 青于尺素寫身世之相緣快襟期之把晤披  
 雲漢而昂頭望蓬瀛而學步幸畱庵之有地  
 于此閒得少佳趣玩雁塔之新題識龍山之  
 舊路敘樂事于江亭兮竊獻羣仙高會之賦

葉筠潭前輩詩

和風蕩晴皋峯雲絢層巘恢  
 台夏初臨掩藹春未遠眷茲

物候佳欲使青陽返攜手陟高亭彌望翠盈  
 晚芙蓉蘆颯陂塘丹碧隱林苑曲水觴幾流伊  
 蒲饌未飯於焉矢獻歌輶輶駐游櫜抗懷思  
 古人生意體粵宛蘭渚暢幽情澄觀師內健  
 人事幾推移造化豈增損念此感盈虛昔景  
 欲收遜龍騰溯遺跡響擗有真本善度擬東  
 林鐘魚伴朝晚諸君竝才傑良時當補袞物  
 外聊此遊高情邁孫阮文陣爭拳旗詩壘喻  
 磨盾矯首企皇初卮言陋跛蹇高槐蔭乍徐  
 移弱柳絲正腕願珍金玉章庶用達纒綵居  
**廉峯前輩詩** 良時忽云邁登臨緬山川端居  
 各有託會合心聲傳西山爽氣  
 高挂笏懷悠然暘雨濟燠寒百物舒其天煙  
 樹抱遠綠翠葦相新鮮欣欣草木私大化播  
 不偏翳昔蘭亭會風流映千年時無後東山  
 憂樂知誰賢顯晦運有極濟物良獨先知音  
 儻相悅為**又詩** 薄亭玉匣藏昭陵垂鉞蟹爪  
 奏雲和絃**又詩** 筆法仍汪倫嗜古得宋本欲

借雅會追前型羽觴隨波游洛邑城南展禊  
 招良朋雖無林竹翳崇嶺猶有蘆荻鋪遙汀  
 斯文循覽三歎息百慮俛仰來填磨典午東  
 遷國步蹙山桑一敗尤憎憎風流觴詠尙有  
 地冷城揮涕同新亭斯時憂樂復誰語縱有  
 絲竹難爲聽由來歲月激飛電所賴助業撐  
 青冥彭殤修短亦何有妙墨  
 君裝池奔初地姓氏記憶煩  
 儻重至存滅汪孟慈詩何來禊事集沙門曲  
 一笑隨風鏡汪孟慈詩何來禊事集沙門曲  
 晉唐遺蹟在感懷今昔幾人存自攜書畫題  
 名字看到鶯華有子孫修竹茂林隨地好西  
 山一角黃架卿詩前月尋春向蘭若丁香如  
 望平原黃架卿詩雪封林柯邇來紅藥又破  
 蕊詔華九十驚蹉跎行樂要在及時耳閉戶  
 胡乃學蚌螺已過元已舉祓禊纔到四月猶  
 清和佳客慮難折東致何幸聯袂胥來過江  
 翁亭子頗不惡葭葦芽茁低鬢髮縱無修竹

五子書三

初集年記二十一

三

環左右亦有茂樹紛婆娑春風舞雩在人世  
羽觴何必隨清波憶昔山陰盛禊飲主賓盡  
美能高歌惜哉風流競江左放達不顧識者  
詞方今

聖

代崇選舉四海賢俊供搜羅即日遷鶯喜出  
谷佇卜嘖鳳賡卷阿第一流人在目立豈止  
王謝堪同科薰風南來氛堪淨西山萬仞青  
峩峩與酬落筆鬪捷敵詞源不竭如懸河當  
筵讀竟神忽爽如沐聖水蠲宿痾良辰美景  
幸相并瓶猶未罄餘清醴一樽迴向座客語  
歡飲何恤醺醺顏醜酒罷傳觀定本五字毫  
髮無差訛四十二人同此座較和歲夫如  
何第恐俯仰成陳迹傳諸圖畫理則那一幀  
持付齋才手仗龍象力常搗呵嗚呼百年三  
萬六千日如此盛會安能多預約素秋郭羽  
二七行秋禊更展此詩此畫三摩挲  
可詩江亭接高譙展禊招羣英一客獨好事  
石搨歸殘僧蘭亭跡已杳繭紙嗟龍騰

千五百年間歲月飛流星安知今日會不係  
千秋名斗酒厚不薄同人占得朋南渡小朝  
廷清談誤樞要嶽嶽王右軍骨鯁少同調開  
倉賑飢民恬退韜厥耀經濟實所欽豈止擅  
墨妙膏雨久愆期穀黍昂販糶逸少不可作  
臨風淒遠眺蕭蕭蘆葦涼隱隱花草香西山  
吐雲氣與客相低昂修禊送古今賢哲異行  
藏方今盛時會德輝萃文鳳所志植氣類勉

國先毋作鴻爪看盛會安可常劉鶴汀詩良遊

絨招邀集羣賢攬勝有邱壑賞心在林泉恰

因修禊暇願結物外緣髣髴山陰道永和之

九年同人四十二王謝皆翩翩主人愛敬客

禊帖出華筵聚觀共所賞快睹無後先蘭亭

世所寶贗本亦徒然乃今得宋刻真蹟干載

傳亥豕不足辨肥瘦幸能全觀罷請別時主

人意彌虔異物不自有奇珍思沈淵收藏託

支遁鄭重毋弃捐相期久遠後佳話今勝前

墨屏書屋 初集年記二十一 三

方外極樂地城南尺五天  
 典盡各歸去空攜錦囊旋  
 時三月蘭亭偶然爾都門四月有餘春萬綠  
 叢中賸紅紫城南舊有江氏亭曲潭遙映西  
 山青俯仰不拘觴詠迹放浪渾忘賓主形汪  
 君手持拓本出定武蘭亭有真蹟此刻本藏  
 僧寺中此本仍付寺中釋棗花禪院齋鐘鳴  
 一函昇納堂東楹寶貴定有僧智永摹刻豈  
 無薛紹彭我聞曲水傍山郭羽觴流處已無  
 著覽古賴有斯文傳四十二人恍如昨今日  
 何日天氣清髮髯山陰道上行茂林修竹間  
 啼鶯尊前各有新詩成悠悠安知後世名酒  
 酣竝付寺僧去明  
**葉東卿詩** 清風吹芳甸好  
 年此會知何處  
 故人招況茲春釀熟衝泥出葭葦次第轉華  
 穀飛亭天尺五倚闌縱遠矚蒼茫翠微色秀  
 氣結雲木齋壇昨蒞

蹕

零祀

宸心肅萬綠發華滋欣欣盡如沐儒臣職清暇

歌詠忘局東王賓盡東南蕭然脫巾服夙昔

江太常吾鄉推耆宿故事猶如昨風流憶芳

躡彈指去來今為樂宜秉燭春光過上已禊

事展風浴遙遙永和年流觴此堪續盛遊展

管絃何辭清尊逐歸鞭簡夢巖詩嬾風雅歸

指夕陽西山宛在目如列眉修禊溯蘭亭

主持今昔一比觀人物如列眉修禊溯蘭亭

山陰春暮時少長遊騁歡文字金石垂忽忽

會幾何寂寂遂至斯中間多雅材或苦會合

岐或自阻遠僻聞名空慕思此疑有數存豈

亦關人為俯仰便陳迹佳節去如遺所以賢

達士情每見乎詞時過渺難畱朋從遠能屈

人事觀天巧勝地創高會卓彼江翁亭秀出

廣寒界敦盤有數公揖讓皆我輩山高刻羣

岫江遠流九派豪懷寄雲表文彩耀天外四

十二人中千五百年內隔月一日羸兩地千



秋配緬維

文教敷益信風化大快意廣承平浩歌發雄邁

脫口蘭亭序照眼右軍書繭紙入昭陵魚目

常混珠善本出宋拓想見下筆初無風墨自

香不雨毫欲濡神物何可褻與作佛藏儲豐

碑豎峴首寶帶畱髯蘇物豈能傳人矢願誠

區區要當結善果藉以超迷途各各歡喜生

種種煩惱除笑問西來旨可應語言無萬事

求備難蘭亭信不朽丹青繪真面惜乏畫圖

手今辰集冠蓋引興仗杯酒不知當時心願

見茲會否更想後來人可能記誰某溫侯悟

此意急潑墨一斗今雨凝古雲清氣滿林藪

事既創所無畫亦得未有流傳本難料汪大

景光期不負臨風勤遠思詩成重翹首汪大

竹詩東晉永和二千載西興驛路川陵改扁

蘭花不復開蘭亭欲側居然狂古來高宴已

灰塵今日諸賢更冠蓋薔薇飛徧京城西翠

微亭子相參差縱橫杯酒向白日四十二人  
 如晉時我行春色忽已晚獨立蒼茫霜髯垂  
 詩成曲水儻相賞跡類峴山終自悲猶憶昭  
 陵兵火急右軍蘭紙亡真蹟世傳定武率更  
 書眞贗紛紜論何益吾宗善本寄招提還似  
 嘉祥倍珍惜展轉重看付辯才豪強仍慮逢  
 蕭翼銅馬門南啼鵲廣陽薄暮煙景徂桔  
 棹石井映殘照漠漠野塘生短蘆會稽耆舊  
 不可見四座丹青空畫圖落水  
 蘭亭定誰得雲溪應問葉鴻臚

潘四農詩

龍德盛  
 昭代羣鸞遊

天閭黼黻運隆古縞紵生輝光巍然城南亭羅

列四海英赫赫正陽月陰慝咸退藏潛躍象  
 有殊道各分乾剛升高覽品類講習求平康  
 豈曰師晉賢放歌娛壺觴清談俾晉衰右軍  
 獨遠識擢之總朝枋豈不逮安石惜哉山陰  
 會盛名倚翰墨後人舍其大聚訟此摩刻不

墨屏書

初集年記二十一

三

如翫流覽妙蹟委佛國彼法原虛空此寶合

蕭寂偉矣賢蓋簪八方視為式軒裳若雲霞

高厚貴朱銓甫詩孟夏草木長郊甸微雨滋

樹立真賞觴詠相追陪惠風來萬物懷熙熙

紫禁柳陌颺青旗遠山列屏障新葦茁陂池即

事多所適寓目慙遐思羣公濟世志車馬勞

奔馳蘊蓄具偉抱黼黻及良時不數永和賢

蒼生宏並施自顧驚駘駘伯樂知宮商

發逸響瓦缶慙聲甄飛閣凌霄迴疏鐘出林

遲俯視塵海際曹良甫詩孰司柄盛時各已

松杉陰四圍命端居違俗尚寡營識吾性京

當毋為嘍年命端居違俗尚寡營識吾性京

輦夏日佳君裾發高興鴈詠續前賢參益斯

可慶江亭在城南於焉隴幽勝西山鬱岩巖

嵐翠雨餘孕微風動菰蘆蕭寥滿清聽邈矣

達士胸俯仰氣空橫妙手繪圖主人重有

請禊事曠千載定武本猶賸三紙拓瓊椎肥

瘦紛攷證雲煙瞥眼過脫手便如贈棗花古  
 招提長卷志名姓寶此並弄藏送者以詩勝  
 古今一逝川去來本無竟且飲缸面酒一醉  
 百憂屏雄文詫瀾翻微旨悟清淨餘蘄紅作  
 妍短柳綠含暝軟塵黃香鐵詩千五百年至  
 十丈飛出門響疎磬人閒婪尾殷勤勸阿蠻一笑  
 人追昔賢地曠天清作何想此閒亭子本陶  
 然鼠鬢珍重厯人閒婪尾殷勤勸阿蠻一笑  
 風流等佳話司艾至堂詩事業盛時會遊覽  
 徒捨宅武邱山艾至堂詩通性情童冠浴沂  
 水少長集蘭亭高風前可緬賞心今更并老  
 紅餞春盡新絲迎夏明羣公撫良景嘉譙啓  
 南城冠蓋拂野翠欄檻延郊青雲光眺西嶺  
 淑氣浮天宇寬流連風日清百昌秀相媚萬  
 上京俯仰天字極有遙想觴多無獨醒眷茲一  
 籟和自鳴目極有遙想觴多無獨醒眷茲一  
 時樂感彼千載名酒罷馬止齋詩  
 促歸騎日落煙蕪平馬止齋詩

皇都煙景佳  
輦下人文藪  
風雅得主盟  
勝事創未有  
緬維三

月三曲水同  
泛酒擊虞東  
哲輩引證互  
擊培

要惟風浴趣  
與點意非偶  
修禊傳蘭亭  
永和

歲在丑絲竹  
雖廢陳觴詠  
各有耦作序  
出右

軍一在字敲  
瓊玖人往事  
猶慕時過駛  
若走丙

申首夏初風  
光上已後展  
禊義重申盍  
簪魚

聚首主人文  
章伯好辭過  
蓋曰直道況  
如弦

風采隱  
朝右同扶大  
雅輪招邀小  
山友江亭亦  
勝地山

翠入窗牖十  
畝搖菰蒲千  
株動楊柳衆  
賓盡

才彥儒生廁  
組綬四有二  
人今昔如壓  
紐

玉山實好古  
禊帖珍世守  
更記畫圖傳  
用意

深且厚抗懷  
東晉代莊老  
風煽誘清談  
廢實

用虛無義何  
取安石玩絲  
竹亦為盛德  
垢右

軍獨超然一  
矯時俗陋謂  
當勤日昃庶  
可技

陽九寄興俯  
仰閒豈僅翰  
墨壽低何今  
古情

何物堪不朽  
功德託巍巍  
宗廟重圭卣  
一藝

可擅名亦未等瓦缶同遊數十子文采輝二  
酉鳳凰五色毛詎復畏彈糾念當勤祗濯蠲  
潔乃无咎臨水禊豈虛莫負好身手君看羸  
洲畫嘉禾亦雜莠高陽許繆公千載相穢醜  
夏辰不須與金石非永久  
**金秋士詩**地饒煙  
令名期共勛後世仰山斗  
蘿筵開櫻筍時清和枚馬委蛇足暇日江亭  
嘯詠停鞭鞞眼前餘春弄嬾媚躡川藻野浴  
人多繞郭麥苗畫棋野當窗藥影翻簾波洛  
飲禮成憶上巳韻事曾說山陰鷺斯亭展禊  
亦佳話陶然不吝朱顏醜登高作賦九能備  
六君子者工吟哦金閨羣彥軫蓋集公車髦  
俊冠峩峩下走策蹇冒塵土分無愈湜高軒  
過折簡見招繼觴詠冬烘面目愁譏訶發篋  
許窺定武墨行廚設向堯夫窩况有伯時記  
雅集西山畫出青盤陀太平無事上麟閣圖  
入主客泯偏頗諸公袞袞來遊歌華林曲水  
思風珂佳句誰敵陰與何詩壘我欲偏師摩

初集年記二十一

三

吟成痛飲金叵羅  
朱酉生詩  
崇情眷縞紵勝

九時勝會休蹉跎  
娛城南極閒曠佳日冠巾

俱清言吐蘭茝逸藻輝瓊瑀峯雲隱深窅潭

水涵冲虛過雨夏木秀涼風起徐徐展襟合

羣雅酒肴進行廚肥瘦辯古墨王客成新圖

喟余菰蘆士吹竽來  
藉以舒達鴻振高響圃

帝都良遊幸可從羈輓  
適廣觀理無餘庭榮采

煙芎渚暝模潛顯各有蓋筮新慶金石聲不渝

晏秋水詩  
彼百昌翠巘煙凝繡棋霞張境接

蓬萊宜傳羽觴集禊臨池藉以游汰君子修

之展時惟吉野有釐麤筵登其實資筮蓋簪

馨言滿室士懷其寶兩不相知契合一言捷

于鍼磁匪泉而醴匪草而芝蘭亭人往斯文

企之晉崇莊老放浪形骸卓哉大雅今非昔

濟攝以威儀觴詠克諧聆彼德音遺我世懷

神百川殊流東匯于海奕奕  
 京蒸髦接軌隨掌盈珠屈纒充蒞景從一時  
 風尚千載斗貞鶉尾星回于南芍藥敷華鷓  
 鴉在林素衣踰年化為緇襟顧懷同調實勞  
 我心劉孝長詩良時不再至嘉會安可常懼言  
 府令聞重珪璋散直茂林下襖飲曲水旁酣  
 宴非所欣眷茲節序長登高遠岵列軒如鸞  
 鳳翔神飆拂輕盞裙帶何飄揚四座盡翹秀  
 酌醴含餘芳海受眾水歸于邁咸樂相與  
 奮英翰視包孟開詩春光老去花如雪滿樹  
 昔後勿忘緣陰啼百舌載酒人遊  
 尺五天流觴會展重三節汪侯好古歐與虞  
 袖中一卷蘭亭書修禊人傳修禊帖風流尚  
 憶永和初蘭亭榻本青箱物虎臥龍跳氣奇  
 崛首畱秘寶炫人間研繫新詩呈古佛衣冠  
 盛事重燕臺彩筆齊催芍藥開金刹畱賓成  
 雅集玉堂得句半仙才摩挲寶物餘神彩瞥

藝彞書

初集年記二十一

七



眼晉唐幾滄海想其下筆風雨俱神力護持  
 終不歧牙籤玉軸新裝成與佛長畱不壞身  
 況乃簪毫得羣彥詩才畫手同千春我騎瘦  
 馬長安陌擗管居然和元白文昌朗朗排如  
 珠添坐天徐鏡溪詩霜青蟹白菊吐黃往歲  
 邊一星客江亭展重陽雨洗殘紅  
 梅熟子今年江亭展上巳長安車馬幾人間  
 豈獨春秋風日美南樓一角射朝曦四圍明  
 鏡指春漪曳裾獵纓一時集如雲冠蓋填郊  
 圻風月年年亭不改前朝只有經幢在重徵  
 舊事繼前賢輝映蘭亭二千載況逢龍爭割  
 慶榜今年開魚龍曼衍燒春雷詩虎酒龍爭割  
 據畫禪書聖相歡吟風簷重展右軍帖東晉  
 書傳南宋榻蜘蛛網猶凝秘閣青龍騰宛出昭  
 陵匣古今俛仰蹟難磨酌酒憑君話永和試  
 詢蘭渚彭殤感何似新亭涕淚多諸君幸際  
 昇平日文采風流皆第一會看麟閣畫峩冠  
 不羨鼠鬣揮破筆君不見太康禊飲洛城南

子房季札霏清談一笑五馬渡江去會稽修  
 竹空遐探是時幽燕棄沙漠慕容元璽重城  
 廓無復珍臺市駿金惟餘旃毳分羊酪轉眼  
 風花幾劫經江翁創始此高亭雲開  
 北關千門曉雨過西山萬笏青此會千秋不  
 偶紀歲無勞說癸丑風浴何傷用世懷展春  
 早具回天手新圖繪出何清雄毫末清妍遠  
 勢工卻看坐障行茵颯如千巖萬壑中日  
 斜罷酒聯歸騎明日都門暄盛事更徐鐵孫  
 約明年讀帖來移樽同訪棗花寺  
 詩歲月去我忽陳迹杳勿畱能展春一月正  
 往躅遐燕止高亭幽此亭閱人幾此會昔未  
 聞西山識幽約闔然赴斜曛我從此山來遊  
 蹤生白雲遠碧潭雨浩浩緇衣塵塵事誰  
 能冥奇懷偶言契會猶東堂待時恰舞雩繼  
 一朝浮雲合明日流水逝中觴發遙情永和  
 彼何世世殊致則一流水逝中觴發遙情永和

初集年記二十一  
 三

返名迹亦偶傳仍當辯才付副以蔣子瀟詩  
 圖吟編欣遇果慳得此物皆雲煙唐晉諸公  
 芍風盪香雲春歸華未銷展禊變唐晉諸公  
 喜相招名士紛似鯽與會皆英僚浩歌振江  
 亭于載聲調調我本洛下僧未敢入客寮謬  
 教蝨其間氣欲凌雲飄俯仰生喟感羣賢盛  
 今朝蘭亭四十客姓字半煙消晉後幾癸丑  
 此胸宜酒澆佛云一浮漚便可窮全潮禊帖  
 辯真贗古懷鬱幽寥汪倫寶半紙豈為令名  
 劭以伴苦提樹萬古榮不凋孟夏濃蔭靄交  
 交鳴伯鷄如行山陰道觴詠無戴筠帆詩春  
 俗囂金臺俯一行瞰長獻回春颯戴筠帆詩春  
 已是春歸路昨日豐臺買花去顛風卻吹歸  
 騎還深恐明朝又塵務晨光入牖天宇清佳  
 招起赴城南行四十二人此咸至各以高詠  
 攄幽情羽觴誰非曲水曲何處平沙茂林竹  
 放眼聊借西山青此會直欲永和續昔時暮  
 春今夏初後三浹旬警輪紆人生要求適性

耳展春何地非清娛轉惜山陰紀嘉會新詩  
 未徧羣賢載安見今人不古若久已逆懷寄  
 天外芳讌江亭寫作圖哦詩圖畫爭歡呼蘭  
 亭況有宋拓本取度佛刹良非迂英雄事業  
 在能捨忘相無勞眾生我昭陵玉匣總塵埋  
 得此豈非智慧者眼前有景聊復歌快飲恨  
 無千叵羅機心祖笑唐張亨甫詩西來一片  
 蕭翼樂事還追晉永和張亨甫詩太行青合  
 與騷人共醉醒欲倚殘僧陳桐孫詩九衢車  
 護文字昭陵何處况蘭亭陳桐孫詩馬流愬  
 怵交臂如在天一方只今俊彥藹雲集三月  
 坐失陶春陽城南煙樹籠阡陌清境遠與市  
 塵隔陶然遺構曾獨尋富軒正對西山碧野  
 色冥冥動客懷前遊渺渺懷陳迹日月東流  
 逝不問羣公壯采迴天慳古人幽獨邈難繼  
 芳辰已過追復還高臺雲物破朝爽盛會招  
 攜逮吾黨座上英髦四海奇亭邊古幹參天  
 上粵湖此槐陰羊縣江翁築亭又百年老輩

風流已足尚况乃慨慕山陰賢山陰妙墨多  
精拓襟韻行閒翩灑落遙情預解計後來勝  
賞端應嗣前作君不見棗花寺中丁香樹漁  
洋手裁根半蠹蘇齋鏤石為題辭坐令微物  
資神護君不見窰廠高歌姚桐城醉和海愚  
借禹卿遊踪一散不可總他時觴想空深情  
天運如環終密移飛鴻爪印嗟難期符雪樵  
人生即事欣所遇但與淋漓傾酒厄猶古林  
詩羣公扶大雅福地接仙瀛臺閣風猶古林  
山陰契自清鞏間攜具入花下脫巾行一樣  
春言尋京國勝猶許詠歌親爽氣西山合

恩暉

北闕

新餘閒此休沐咫尺絕紅塵主客圖中集  
煙雲寺裏藏流傳同萬古譚笑盡干觴鳴鶴  
占能和達鴻許竝翔寸心爭得失報  
卽文章知已蘭香座神仙柳汁衣吟邊花欲  
笑身外鳥忘機斜照孤亭迴濃煙萬樹圍醉

國

騎羸馬去拔  
得晚雲歸  
江龍門詩  
風雲起萬里會合來

皇

都搜剔出英俊鐵網羅  
才祇一隅茲亭集文讌  
年後來者非吾徒今朝  
去畱各無定後會那可  
立斯須太行抱幽薊佳  
漢車馬填九衢莫言塵  
岡見松檜淺水生葭蒲  
哉平生心樽酒難為娛  
會天所將舟車萃襟帶  
孟夏萬物猶春陽在胸  
蒼翠鎖坪巘金碧朝  
闕美哉古池館為我同  
地采芳潔雲氣從風翔  
觴詠環筆俦瓊瑜光匪  
美在世爭攫物態何紛  
今人無王謝粲晉室往  
來播厥真大石壽爵

晉書

初集年記二十一

三

姓在口今幾人君子既其實文行姚秋士詩  
 無參辰吟賞愴流先努力從前聞  
 人事多遷改俛仰成古今暄春倏炎夏時序  
 驚我心流連當勝地觴詠喜招尋宵夜過微  
 雨眾綠變新林願言散襟抱無為百慮侵依  
 依曲水涓刻坐多佳客蘭紙揮鼠鬢歷世共  
 珍惜曠懷齊彭殤悲悼胡不適合日良宴會  
 風流聚帚屐幽情同一宣非關步陳迹安知  
 千載後還魯蘭岑詩

皇  
 風扇八極英雋紛來同巍峩神臬秀涓流盡  
 朝宗城南盛水榭休沐來雍容江亭蠶遺構  
 樓觀皎落空太行千里來蒼翠浮簾櫳汙汙  
 井氣白下與龍居通蘆芽戢淺渚飛絮交微  
 風豈惟樂清暇兼用歌時雍諸公亟努力在  
 盛彌憂豐職理幸靡譽譚讌庶有終追美觴  
 流疇一暢林范亭詩禮間祓浴蠲不祥羽杯  
 千秋胸

古義杳讌遊大半風騷場長安春色去何早  
 韻事終待名流揚已日已月或一例自我作  
 始謀則臧石林山谷今詞伯月卿清暇吟鞭  
 颺蓬壺聯袂兩仙侶況兼二妙誇臺郎傳箋  
 折簡出新意翩翩佳客詩心狂宣南亭樹占  
 邱壑慈悲高閣招提旁平軒面郭俯夷曠西  
 峯拄笏延嵐光紅塵十丈飛不到但見葭葦  
 一碧槐松蒼簷詠陶然契真趣午風涼意生  
 菰蔣是乃江翁舊遊地百四十載開虛堂主  
 人示我定武帖永和陳迹餘蒼茫裙屐風流  
 繼圖畫髣髴王謝羣賢行坐中磊落湖海士  
 愧我躍冶非干將步趨大雅濫未席惠風朗  
 日宜徜徉即今  
 雩壇重祈澤龍湫咫尺龍深藏安得揚鬢作雷  
 雨眼中原隴分新秧水木清華灑餘潤半篙  
 綠漲圍方塘我欲更疏水一曲年年此會流  
 觴華  
 ○胡典齋歸自龍樹院記  
 其名讀其文知  
 端木君子彝耳



其所學以爲老宿恨不識之溫君伊初錢君  
子萬初不知其名安君芝慶黃君矩卿又知  
其名不識其人與文與學也道光丙申重九  
汪君孟慈黃君樹齋招子于宣武城南龍樹  
院之簾葭閣旣至主人肅客所識葉先生筠  
潭江君龍門湯君海秋郭君羽可陳君頌南  
彭君詠莪溫君翰初其季明叔葉君崑臣其  
仲澗臣樹齋之嗣子幹先狂張君補山陳君  
雲心繼至歡晤異平時旅進于龍樹院之西  
榮同觀院僧所藏鮑覺生朱野雲兩先生詩  
畫卷屬次名其後因導以識子彝諸君自何  
君子貞張君石洲先去蓋題名者凡二十人  
亦修禊之遺也已而席于東榮三旣坐崑臣  
伯仲詢子萬以近世名人所校琴古今書本  
善否具悉始末子旁識之于是知子萬方間  
博正不異孟慈誠名父之子也桀卿終席靜  
默無一言必有眷者就翰初得伊初出處大  
略謂子來時所讀登雲山房集而心醉者卽

其稟也子彝芝慶隔席坐不得其論說然時  
一側耳固風發泉流傾其坐矣是役也于素  
識諸君或仕或未即仕仕或遇或否要之皆  
有論著足自表見于時非汶汶者而子彝諸  
君乃一旦識于杯酒之間而廁之紀遊之列  
又何幸也至于樹齋驥毅廉銳見義敢為既

己

朝旌其直野頌其賢矣又樂與當世宏達之士  
討論古今以治耳目之所不及其所樹立不  
更多乎既退而喜書以報主人其諸登高能  
賦者願與安芝慶詩修禊恰當重九節秋光  
寓目焉  
支吟策倒映西山入酒杯楓葉者番畱客住  
菊花今日為君開登高不盡蒼茫意極目寥  
天一雁回曾經浩劫餘龍爪共約清遊此駐  
驂舊雨難逢仙七七斜陽易度徑三三井眉  
水淺苔紋蝕屋角煙多樹色參初彭詠莪詩  
地最宜修菊事便招彌勒與同龕

卷之三

初集年記二十一

七

帝城風日迥清秋有約登高結勝遊人與新吟

共瀟灑寺藏古樹更深幽林閒鐘磬一時歇

畫裏雲山尺幅收若對佳辰

懷落帽香厨西畔有高樓

佳高城敞秋霽約侶赴嘉招來茲城南寺我

師

中朝彥汪倫明德裔宏獎盛儒雅風騷挽凌替

撰杖登傑閣極目葭菼外朔風曠野來秋色

滿燕薊太行嵐氣青低昂橫天際佳菊酬金

尊清談多舊契俯仰見古今文讌蘭亭繼

葉潤臣詩落木蕭蕭朔雁遲清遊莫負菊花

別離郭外鐘聲催夕照天邊嵐氣入深

厄賓朋盛集東南侶合補前賢修禊時

○李

牧臣手札致未作荅函之意爾時亦實恩

未暇命子墨也收到尊詩及書即去秋所寄

若前年所寄不知誤落誰手矣尊詩氣體固

是高華而一種濃厚深摯則迥非昔日詩中  
 所有學固與年進亦更與仕途竝進也卷中  
 除一二應酬外若言志懷人諸什更極跌宕  
 悱惻若懷東松詩末十字真可云知己之談  
 也第本不足當此數然得尊詩則亦如羈雌  
 迷鳥已當墮落而閣下爲傅以羽毛也命鈔  
 拙作奉寄感荷之至因客冬及今春日在病  
 中今尙未愈故亦遂未及錄弟自移住玉山  
 後東松竟不得其近耗其書當亦以弟入京  
 故附致閣下處耳今春分校想并與耶如此  
 累次殆亦與獨當一面者等不必歧視也弟  
 數年來作詩甚稀近有詠鶴詩數首頗寓寄  
 託然調遣多不適處  
 閣下視之爲何如  
 ○汪孟慈手札  
 承問京東水利  
 茲以朱廣文爲吳漕督纂書及施大令圖說  
 奉政朝士以請帑爲難北人以種稻爲難若  
 云州縣勸富戶開溝自治其田疇農人除水  
 以植其黍稷不必請帑可以勸捐不必種稻

亦當遊滌不可張大其辭撫拾援引使人有  
 泥古之議天下幸甚再者須獎勵州縣三年  
 有成要請升衙方能鼓舞地方官竟要以街  
 道爲比德勝門大道竟要比較使老媽能解  
 方不阻撓 ○ 蔣子瀟詩 丙申入都展謁樹齋  
 五月二十載景行黃次公登門今始拜春風人  
 夙懷十載景行黃次公登門今始拜春風人  
 原聳壑昂霄異詩比撐霆裂月工上疏久傳  
 知大體憐才總爲抱孤忠文章氣作人天瑞  
 不枉尋常五色中江亭已染酒痕新更許蘭  
 亭作上賓韻事難逢浮白會虛名終愧軟紅  
 塵直將秋禊翻唐例不縱清談傲晉人此日  
 羣賢欣刈坐靈山香火証前因諍臣論豈戲  
 陽城酒外醒狂氣欲騰但使吏尊龔遂憤可  
 愁民玩到都鷹兩師久費桑林禱風若還宜  
 洪範徵每飲不忌公有素此中全局仗擔承  
 苦煩郭泰爲推襟相賞眞超牝牡尋郢曲未  
 能工白雪燕臺那可誤黃金昌黎不憎高軒

過根矩常懷負笈心酌醴焚札執別倏六月  
魚等閒事看公搖筆作甘霖札矣道履勝常  
定符私祝大著又增尺許耶湘南自束髮而  
好爲詩然頗厭空疎者之爲詩以爲詩者用  
韻之文也古聖經多用韻者孔子贊易用韻  
謂之文言子夏序詩曰聲成文謂之音唐以  
前目有韻者爲文無韻者爲筆孔子修春秋  
曰筆則筆左公穀三傳與尚書中序事者皆  
不用韻然則不用韻之筆史也用韻之文詩  
也孟子曰詩亡然後春秋作文與筆相爲經  
緯也班孟堅曰賦者古詩之流湘南則謂詩  
者古文之流而已矣宋人以韓昌黎詩爲有  
韻之文不知唐以前之詩乃文也無韻者非  
文也昭明文選而別詩是詩卽文之明証也  
宋人不辨乎此故其詩遂不及古夫詩旣與  
史相經緯是必窮天地人物之奧究古今治  
亂之迹識身獸草木之繁洞九流百家之旨  
然後可以爲詩然後詩之體乃尊而一切詩

有別才非關學之說皆可廢湘南景仰吾樹  
齋先生幾十年今年始相見而又怱怱出都  
不獲鬯聆緒論願言之懷淵海無極五月中  
抵汴居柏府課徒之暇輒事吟咏有友人集  
舊作合而刻之自惟甚慙不敢出以示人今  
特呈諸几席以汚視聽伏希等諸門牆進而  
教之則幸甚幸甚

○吳子序手札

鄙作易論已鈔一分與稻孫吾丈暇

時可索觀之嘉賓近來所得能以經說經幾  
于不費一辭不滯一義竊謂有知易者必能  
賞之第不知管公明所解何尚書九事於此  
何如耳吾丈相知有素或能信其不作妄語  
也尊作如有定本亦祈便

○徐鐵孫手札

私淑

之日久矣絳雲在霄泥塗萬里昔李太白比  
荊州于萬戶蘇子由以太尉為大觀由今信  
古有同情也騎驢京國名刺生毛山木有枝  
願言則嚏忽奉遨頭之簡遂獲登仙之行當

夫葦浪搖寒林煙放午續四十二人之會追  
 千五百年之歡龍華會中亦容小果大羅天  
 上忽廁吳歛雖曰良慙不誠幸哉重承枉過  
 高軒賜餐密坐昌黎山斗乃因李賀聯鑣望  
 蔡縉紳特爲羊欣拂席加以寵行有作壓裝  
 煥然勉之尋玉局之風流期以推湖州之教  
 澤勤求民莫見大臣之用心顧念隄塘實此  
 邦之要務遂使永嘉作尉附名杜詩河陽贈  
 行載諸蕭選藉茲不朽榮也何人禮榜重登  
 未均斯喜矣拜辭後穿兩山行結荷水宿八  
 月廿日已抵杭州秋高氣肅卿月照人伏惟  
 盛德日新遠猶辰告颺言拜手咎繇本虞代  
 詩人矢詩遂歌召伯亦姬朝文士離離鳴矣  
 贊贊襄哉人望於時非公誰屬時披  
 朝報思間謹言匪惟受知有心  
 同具肅裁鳴謝書不宣心  
 久不奉書甚念伏惟起居萬福建樹益隆今  
 當

○姚石甫手札

庚子年書卷 初集年記二十一 臣



聖王孜孜求賢側席有心者無不爭先建言欲  
効芻蕘之獻然求其切當盡實者少矣至識  
時務知大體者更少閣下獨能廣求博諮而  
慎取之以此應

聖主之求其所宏益豈淺鮮哉為天下幸甚吾  
輩幸甚瑩再權運篆當多事之後撫疲敝之  
商酌盈劑虛心力不為不瘁幸乃無誤所徵  
課入較前人為多且倍而商情無怨以此差  
免愆尤早釋仔 ○丁儉卿手札 晏七上公車  
肩則更大幸

熙甫所云念此行得失有命略無芥蒂于心  
曩時下第有句云無才只合藏身拙有命翻  
愁報國難可以知鄙人之心矣目前重理舊  
業朝益暮習稍補荒蕪近讀李翰通典序始  
悟學之正途匡前此之不逮冀來者之可追  
亦欲有進于是也茲有同里李君遂樓工于  
為詩沈鬱蒼涼駸駸入古人之室荆溪周廣  
文濟為刊行之仰惟風雅予盟僅獻上六本

友朋中有愛士者即希分致驥服鹽車微孫  
 陽其誰與哀憫乎附呈頤志齋著書敍錄敬  
 求削正蕪拙不足言文聊自明其  
 用心耳南風多便尚望時賜教言 ○趙心庵  
 手札 斗淳白數日之阻如河漢然是乃餘生  
 將何以醫之也春氣已融羣木可韶羈屑之  
 愁友生之懷殊自悵惓惓歸程有限合并無  
 涯井觀依舊瓌遊如夢此其為老大愴恨又  
 可知耳另當以劣詩幾句申此耿耿不腆津  
 攜先之以加璧之禮第勿嗔而岐之幸也桂  
 苑筆耕四冊即新羅崖孤雲之為淮南幕府  
 時所著作而唐末化儼復見呂用之弔詭不  
 可與有為遂東歸入伽耶山中不知所終其  
 制行之高文章之妙為數千年所誦者也其  
 詳在序卷文洪海居詩集一冊即又鄙人詩  
 友而此友以駙馬錦鬣長且老于鐘鼎絳紱  
 之中而惟苦心從事于聲韻之業其所成就

能踔厲如此是九人所難能也有鈔刻幾本  
於僕之行要令廣之于  
上國博雅之士以今僕之所見恐無踰于執事  
者又此并賚以呈幸以一篇文字回示其嘉  
領之意則歸當又札駸駸月已半客子會當  
示及于此友也又札有歸而新知奈何相別  
思之不覺悽然稍寒伏惟體安頃示廬山遊  
冊及圖本令人仙仙若身在其中矣但不才  
恐無以道著真際仰孤見屬之盛意也十七  
日謹當賚還于中翰之席也東俗上元例具  
藥飯喫名曰避暑筵而客中涔寂誰與為會  
謹以一盂裹上此所謂野人相贈滿筠籠也  
幸與二三諸益為我又札叔向之握手發明  
道此而一嘗之如何又札間其言也趙景真  
之躡影叔夜以其貌也言與貌之所輝照尚  
足以動人于千里之外則僕于執事者所以  
傾嚮而躋攀又不止為之言之貌已也嗟夫  
會心難得良會未易更期則餘生臂悒其將

如常寢而無叱也僕眼孔甚局不多相士矣  
 然若其忠厚之所根柢風流之所委輸清度  
 雅韻有不能自揜者不待具見始知也況執  
 事所以砥礪名行以審諤為已任受知不若  
 萬乘許以直道者僕雖賈庸詎鼎鑄之性崇  
 哉第士之不自貴久矣選舉楛厥初之幾  
 庫滋覘伺之習滔滔躐趕其不為冥擿者幾  
 希頃執事之求助于僕也以利不疚義不回  
 六字仰復者儻記有否古今來千塗百轍未  
 嘗不以此箇字分世界萬里臨分之時者不  
 執事得以此箇字想執事亦當黎然而可之也僕  
 出這六箇字從羣公俱善未春闈在如羽可  
 之所與遊其得失何居耿耿者一段是心願  
 至一堂香鐵焉僕遠荷念庇無事到鳳城柵門  
 一示之馬鴨綠僅一衣帶水而有事不即  
 之地而此距鴨綠僅一衣帶水而有事不即  
 渡又逢謝去撥忙暫寄數字而僕閒有季父喪  
 恩使行之去初集年記二十一

中	歸	基	事	所	之	輒	之	忠	外	情	知	又	俱	齋	詩	患	
朝	也	甚	毅	謂	前	認	樂	讜	計	境	已	札	見	權	抒	殊	
君	士	正	然	修	而	以	也	日	得	所	天	是	重	判	此	方	
子	友	由	以	之	一	為	為	盛	已	湊	涯	心	小	府	衷	凶	
則	之	是	斯	于	沾	兩	已	歐	遂	不	比	割	邦	敦	悃	聞	
僕	而	而	道	家	籍	件	為	陽	否	自	所	回	如	仁	幸	情	
輒	之	之	自	壤	便	事	人	永	遂	知	存	獲	得	甫	有	理	
舉	焉	則	任	之	不	既	其	叔	則	其	字	惠	迺	文	以	慟	
執	學	其	不	于	能	助	道	恐	在	萬	楹	復	書	行	諒	廓	
事	者	進	詭	天	自	經	一	不	何	里	帖	名	兼	誼	之	悲	
此	有	不	不	子	守	績	也	容	方	之	焚	德	領	以	否	病	
將	問	激	激	之	其	學	而	久	第	遠	香	攸	領	至	今	所	
何	可	洛	洛	庭	所	于	近	享	惟	也	展	銘	徽	去	纏	不	
以	量	建	建	者	所	名	世	滁	聲	頃	來	仍	墨	上	行	敢	
副	乎	淵	淵	也	所	稱	士	陽	實	承	書	揭	一	詩	章	以	
此	平	源	源	惟	績	未	大	山	滋	有	來	海	函	行	人	聲	
也	僕	根	根	教	是	立	夫	水	豐	求	墨	內	書	筆	札	聲	
斗	之																

淳所患眼疾又添于夏秋之交杜門卻掃非  
日無涵養力而估俾之為半生性命者不能  
不全拋是殊可恨羽可諸公俱不第矣選舉  
未必得士而奇才之淪落又如庸不愴恨

龍門聞雷至堂并南歸否有書帶呈望乞分致

見其答 ○李晚蘇手札 曦暮春歸鄉近始入

則幸耳 則幸耳 則幸耳 則幸耳 則幸耳 則幸耳

陰其閒體履彌茂公私諸幹無違惱于半光

否羽可想已浩然矣缺此良朋如失輪翼未

知何以作懷而書尺往來猶續其音耶江艾

潘諸君皆一時雋異之士閣下為盟主紅塵

朱紱不能埋沒人風致此古道也引領西嚮

只切傾仰僕山野自放心無所役但歲功不  
熟驅飲雉啄亦或有窘是則任之而已俯惠  
盈學與玉尺君子之賜敢不拜嘉墨固未識  
而製操已絕異志學編窺其大綱此真朱門

馬昇書

初集年記二十一

巳

正路吾東四百年文獻以此為宗而中葉之  
 盛人稱小濂洛一有岨崕其間則揮斥之不  
 暇今閣下以此惠之存可知也此意甚盛  
 曷以報之藉此有粗修又為廣布一域俾誦  
 閣下于屢千里外則亦足為報之報耶強  
 虛齋號體用俱備合天人而一之者也蓋上  
 經首之以天道下經首之以人而後有所受然  
 用工夫則強然後有所執虛然後用實其剛  
 而陽者體強而用柔陰者體虛而用實其剛  
 中之柔虛中之實又不可不察也敬以此說  
 達之高明以為如何大不可窮矣 ○李石友  
 好信夫大匠鑪錘妙不可窮矣 ○李石友  
 手札仲夏別使之還獲寵翰兼承嘉貺感  
 福現任鴻臚卿主何職事退食多暇否自  
 升轉將為何官亦有幾考之限而限滿當  
 否僕之欲知先生者非為望其驟貴為先生  
 身榮也使如先生者早居台輔之位得行其

志則必有一番施措施措當而生民奠生民  
奠而中國安中國安而海東之人亦將承其  
餘光藉其餘惠僕所以望之者此也安人則  
首賴縣官者來教誠是何但今天下之勢然  
也生民之不安也久矣先輩有言寬得一分  
則民受一分之惠存心愛物則于人必有所  
濟此未必皆指縣官而言而縣官之切于民  
則自昔已然矣雖然若以天下視之位高而  
爲政者其及廣官卑而縣修職者其施小此  
亦其勢然也雖使杜召爲縣龔黃爲郡畢竟  
縣止于縣郡止于郡而已安有一縣郡之治  
而天下之理亂爲之係焉者乎承以不得爲  
縣官爲恨甚矣仁人之用心也以恨不得爲  
縣官之心移之于鈞衡之地而爲之政則其  
馨施之廣與爲縣官者果何如哉僕將領而  
望之僕之見帶一命云者卽蔭仕初階若縣  
官則尚需歲月而可爲縱爲之未能修已豈  
有安人良愧期望之盛意也羽可早已如計



南還否其來也有志其歸也無聊不可使若  
人竟老巖穴而是亦關時命奈何茲有書去  
如蒙討便信付得其答來則誠深感幸承惠  
治說彙纂卽一理縣譜按而行之於爲政乎  
苟有汪公之作此也先生之惠我也其意豈  
生以手俚瓣香另製麝煤緇衣之好令人莊  
誦僕近狀一向陸陸惟幸親候康旺賤體無  
恙耳○春閒趙心庵副使之回以盛意分致  
一壺洋酒飲芳醺德不能無謝茲用幾句俚  
語奉塵雅鑒可鑒而覆瓿也于水渤海山巫  
閭見公勝讀十年書公惟嵬峩當世望文章  
經述官鴻臚臺端進言如鳳鳴詞垣掌試如  
鑒明誰能蠡勺測淺深千頃汪汪涵而泓愛  
我不我卑夷之一席傾倒肝膽披會如升峻  
別何易別後尺素情見辭餉以一壺碧葡萄香  
檢題知自大西洋西海之西東海東夸父喘  
汗走且僵儻非黃公念我厚此物何由入我

口十年不賤香逾烈一洗人間紅玉友瓊液  
猶帶露華涼點滴已足清心腸甜如荔枝嚼  
絳雪爽比木奴剖新霜飲之以和醺以德使  
我居然懷曩昔中州故人又札臘月使回伏  
不可接遠雁一聲秋雲白札奉手書伴以  
盛什開緘三復牙頰生香餅金拱壁未足以  
喻此珍賂也況盛教中同心異寶僕之所欲  
言而執事先道之至以海嶽之不能間形諸  
吟諷僕固非其人而感誦當如何耶言節物  
改此時尊體增福因羽可書知有昌言上格

特簡此何如稀世盛事也雖未知所建樹者何

事而仁人之言其利甚溥其不為隨行逐隊  
黽俛苟容者則的然可知也推此以往則日  
後之所施為又豈可涯涘耶士君子立身行  
已固不在寵祿之隆盛爵秩之崇顯而位高  
則責益重德邵則望益大未始知先生將何  
上副而下慰耶如僕者海外鯁生也誠無以

東華書  
初集年記二十一

躬攀盛儀仰聆未議而他日使從上都來向  
 僕言曰中國有黃樹齋先生事業如何施措  
 如何傑然為當世第一人云爾則僕所以期  
 望者不謬而一日之知亦將與有榮矣懷此  
 炯炯不嫌煩溷高明以為如何僕將老粗碌  
 閒霑祿仕得有奉檄之喜而烏帽黃塵碌碌  
 無足道耳○潘芝軒師健齋銘周易上經首乾乾  
 健之用是情故曰乾者天之性情惟咸齋銘  
 健所以不息君子體之以自強不息咸齋銘  
 咸之象曰君子以虛受人蓋虛其心斯能受  
 天下之善而灼知其善則又在平日居敬窮  
 理之功矣英虛齋師銘流木不腐用器不蠹天  
 功矣英虛齋師銘曷健曰不息故莊敬日強  
 式貞百度○能止而悅山上有澤以虛  
 受人如川匯百無心之感其道日益虛  
 林先生銘性命于天自彊者勝體立用行希  
 賢希聖○寂然不動感而遂通能

虛以受其  
應無窮  
李芝齡前輩銘  
介燾萬類命致克

不盈厥造厥績以幹以宏春進黠遜警慄英

甘誥淵謀藪粹崖朗巖  
程雲芬前輩銘  
行健

以之為居嘉告來僉  
自疆者人進德修業君子以之康其身○惟

虛乃受惟感乃通惟易位乃得乎中君子占

之以成反  
泰之功  
李晚蘇銘  
說萬古天常壹壹乃

化物物天斯憲生香甯間歇流水靡暫頓矧

茲心體周大地無餘寸飛躍固自裕潛晦非

其困敬義挾其軌行道悠遠浩然體常充

俯仰無愧恨淵乎四聖澤彌宙大中建汝陰

黃夫子早歲窺妙鍵既強又要健移步上一

朝

效善諤好賢廢沐飯惟恐為物先冲虛志自

遜光儀尚

在眼恒切執鞭願願慙非王翼空

初集年記二十一

臣

將一言獻○天道本之健人事首于成六子  
始交正理無閒淵漸寂感元相仍君子貴至  
誠至誠誠難言欲言口如銜此心誠則壹壹  
則萬理函引明涵水鏡納響虛谷巖氣類固  
自然造化秘機絨有孚先盥薦至味外酸鹹  
苟得一柁正隨處隱風颿周流入極門神明  
實所鑑願奉金石誨厥初無賢凡○樹齋先  
生始以強虛名其齋余忘其僭俛進以強柔  
虛實之說蓋乾以陽卦得名咸以陰交取象  
若取陽而專尚強取陰而專尚虛則慮有偏  
勝之患以象外之意告之先生已不待此言  
而易之以健咸又命余與石友證成此意顧  
惟海曲陋見未能窺大君子用心之際而將  
以何說證之耶證之以則固不敢而竊有所仰  
質者易之為象所以著天地萬物之理而其  
理皆備於我則日用動靜之間無一事非其  
易也無一時離夫易也一卦一爻皆可體當  
出來但于大本上不得其要領則零碎工夫

恐無滄泊之所而鏡花水月撈摸不得此先生所以上下經首取造化大樞紐以爲進道之基歟蓋一元流行之體以一言盡之曰健而已二氣相與之妙亦以一言盡之曰威而已若其所以健所以威則卻只是誠誠者實然之理也君子體易之功亦不越夫此然在造化則爲威在人則爲感天人之分聖愚之別只爭一箇心此心不誠則流動不己之機或幾夫息而寂然感通之用又失其正于是乎離天而人離聖而愚矣是故子思子以誠字貫乎天人而爲中庸之綱要此君子之親切下手處也先生天姿素高又能用力如此則將見易之全體在己而健威二字恐亦多矣嗟乎方域迢迢無以面叩其詳只以揣摩影象之言爲起鐘之寸莛亦或有符于命齋之本意耶抑未耶幸可否焉乾卦文言釋初九之義曰龍德而隱者也不易乎世不成乎名遯世無悶不見是而无悶樂則行之憂

則違之夫隱者非山林長往之謂而乃隱居  
養德之士也此六句雖一項說去而自有內  
外先後之序不易也遯世也樂也以其內守  
而言不成也不見是也憂也以其次外來而言  
又其先後則惟其有不易之操者乃能無求  
知之心而無求也故不以遯世爲悶遯世也  
故不以非毀動心夫如是則處樂處憂動靜  
自裕蓋安于所遇確夫不拔者如此然當潛  
而潛非有所必也若有必則是沮溺之類豈  
聖人之事也哉釋九二之義曰龍德而正中  
者也庸言之信庸行之謹閑邪存其誠善世  
而不伐德博而化上三句是體也下二句是  
用也善世德博是何等地位而其本只在信  
言謹行之閒五句中閑邪存誠尤爲緊要信  
言謹行是存誠之功程也善世德博是存誠  
之效驗也操約施博者其惟誠乎蓋九二則  
閣下居其位初九則僕之所願學也此兩爻  
是聖人事非後學之所鼓期然士之立志當

以聖賢爲準的且閣下以健名齋則九二所  
 言皆健之事故拈兩爻述其所見一則自勉  
 一則爲閣下誦之雖非經文正義與先儒氏  
 所常道然聖人之言縱橫錯綜無所不當如  
 是體認亦或無妨耶先生之言曰四海一性  
 情也以之相印豈在形骸又豈在筆墨哉先  
 生襟韻灑落說得太高淺者不敢涯涘然試  
 釋其意則人之所以得夫天者無古今遠邇  
 之別誠能各自勉勵不失所同則異日相證  
 符契自在不然則杯酒文字雖朝夕從容終  
 不免同林異夢各人肝膽又或免此則絲來  
 線去只是僮僮之私係惡足相期于形骸筆  
 墨之外哉并附于此一語足以解咸卦 ○潘芝  
 軒師望雲圖題辭人之真而不容自己其或  
 違膝下爲時久遠則其思之切蓋有隨時  
 感發而不可遏抑者樹齋大鴻臚春明奉職



定省久疎眷念庭闈不能自已望雲之思蓋亦隨時感發而平居之無時不致其思者餘可見  
蔣丹林先生詩  
宮江蘇南桃與李盡在公

門中躡官臺卿上壘番拜疾風為

恩隆疏章屢抗論勁草摧疾風為  
國能宣力遙慰白髮翁寄來平安報教之益抒

忠補笙申眷戀望雲寫曲衷欲將繪圖意渺  
渺付李芝齡前輩詩  
人子愛日誠結為望雲

歸鴻自煌煌大鴻臚供職春明寄獻納朝夕勤  
晨昏缺趨侍年年明發懷婉轉梁公思翁以

子盡忠家國本無異曹山烟霞佳杖履況暢  
遂貽書勸當官用勉桑蓬志緣何步岵吟歆

心常不寐孝思不自知遠體親  
親事我為養一言庶以揚風義  
親顏別幾年兒貌猶如昔  
慰親寫兒貌如兒常在側  
詩親寫兒貌如兒常在側  
詩親寫兒貌如兒常在側

詩親寫兒貌如兒常在側  
詩親寫兒貌如兒常在側  
詩親寫兒貌如兒常在側  
詩親寫兒貌如兒常在側  
詩親寫兒貌如兒常在側  
詩親寫兒貌如兒常在側  
詩親寫兒貌如兒常在側  
詩親寫兒貌如兒常在側  
詩親寫兒貌如兒常在側  
詩親寫兒貌如兒常在側

作名臣事業文章足顯親曾樹芳蘭思潔養  
春山又寫望雲人天人風采冠蓬瀛高與雲  
齊有令名堂上老親無  
別念但期霖雨慰蒼生  
曹詩棗花二句原註寺藏拙公青松紅杏圖  
卷國初以來題者甚多



僊屏書屋初集年記卷之二十二

道光丁酉七月初八日奉

命充山東正考官十月十八日奉

旨稽察右翼宗學○葉筠潭前輩贈行詩南江

舊	鵲	探	清	詩	倫	莪	待	盛	吟
知	華	伏	青	篇	望	中	陶	樂	壇
名	秋	鄭	蒲	追	翁	沚	蒸	皋	負
又	色	精	白	魯	羽	溫	伊	新	酒
擁	映	此	簡	直	難	初	初	自	杯
霓	山	去	氣	從	忘	詩	又	朔	我
旌	城	程	峻	遊	耐	久	持	方	與
左	醇	材	增	賢	久	朋	玉	來	洪
海	修	遍	早	士	話	別	尺	鵲	楊
行	好	齊	晚	仰	話	翻	去	華	同
洙	擢	魯	從	廬	別	期	量	秋	悵
泗	顏	明	容	陵	翻	論	才	色	別
真	會	湖	兩	論	期	珠	量	迎	宣
源	侶	清	府	論	歸	自	才	輶	南
尋	樸	似	登	珠	莫	協	爭	傳	坊
闕	學	鑒	初	自	速	初	遺	龍	外
里	期	衡	祖	羣	菁	羣	高	樹	幾

僊屏書屋

初集年記二十二

一

裴曹良甫詩文者道所載衆說經爲郭有明

載準繩守前模恭惟我

國家觀文化涵濡教思容無疆推暨薄海孚文

體仰釐正簡練爲揣摩吾師金閨彥方寸羅

璿珠言行古名臣文章今大儒

九重渥殊遇恩命宣丹除軺車指山左鏘洋振瑤琚英靈鍾

泰岱天造文明區端居習絃誦份份聖人徒

根柢自深厚修詞發華腴授揚七十子白屋

交欣愉昔者來南邦士向龍門趨如同之合

瑁如金之在鑪如鼎異甌瓚如玉別珉珎惟

枕幹栝柏貢作蓬藿藥籠非所須沆漉感一氣

天家儲小苴等蓬藿藥籠非所須沆漉感一氣

亦復迴枯株離山峯峩明湖水紆餘

作人贊鴻化黼黻輝皇圖從古濟南名上多窮巖幽谷待按羅當

時不有滄溟叟襲勛華鼇竟若何台星連夜  
燭文昌槃敦都尊翰墨場定許輜軒住三載  
要編詩話  
續漁洋  
晏秋水詩  
高名元與泰山同仰止  
丹桂裏星先占使白榆中知人彥輔操冰鏡  
好士行冲貯藥籠往日絃歌鄒魯盛願畱清  
聽采遺風累黍無差玉尺平纖塵不染冰壺  
清騷壇日下主羣雅鏤院暗中求兩生曉  
陸魚鬢書  
命笏秋風燕尾動行旌臨歧獨重侯芭感奇字

三年學  
未成  
彭詠莪詩

熙時重采風闢門廣言路峩峩辟邪冠彈章亦  
無數吾師風議冠柏臺霜華落簡羣小猜擊  
奸鉏暴皆得實  
帝曰納言汝懋哉擢之大鴻臚重申且有命清  
卿本合陳封事母以遷秩虛朝請師酌  
主知戒緘默未謝言責敢忘直江南豪猾久病

初集年記二十二

民蔓延荒谷生荆棘又如梟鳥巢深林庭氏  
張弓不敢弋一疏達

明光風雷下

命九閩馳  
命盪吏按其罪一一俛首罪狀詳良民歡呼蠹  
賊去萬戶樂業安耕桑吾師采風張國紀殷

肱耳目  
聖心倚皇華出使歌駢征更為

朝廷賀得士豈惟得士賢使車所至民瘼關我  
聞今年夏山東大旱粟騰價萊夷小醜初珍

職脅從愚民荷矜赦民貧每易生奸邪誰令  
務本涵醇化我歌采風吟悠悠我思深由來

致治尊經術泮  
水飛鶚懷好音吳仲昀前輩和闡中詩大雅  
首平生託久要奎躔連海岱使節下雲霄禮

數班行絕塵埃感慨撩婆娑憐病樹突兀見  
寒雕交態無枯苑今人久寂寥五言情款款  
廿載事迢迢曩者吾宗老爭誇薦士饒奇男

識恨晚佳句賞頻邀妙論泉流齒英姿劍在  
腰過從攜僑侶談諱涉清宵早謂宜傳鉢欣  
然看奪標燃藜方校字換酒亦畱貂東觀聲  
殊赫南牀境更超遲迴獨焚草奮激輒彈蕉

新泰新

除拜數都俞  
重運昭嘗聞  
八風調昔往曾吳筋茲來又漢輶

揮鞭歎坐遣  
暗駐轡渚蓮凋座密袍花擁簾明  
燭蕊燒是都推邴鄭當世望終晁善相甯無

馬歡呼快得  
臬慙余叨縑綬話舊極蕭條歲  
月驚燦過關  
河斷梗漂經年臥蠻瘴一室闖

夔魍影駭飛  
星盡歌傷跳月  
苗幽燕幾策騎  
灑皖慣駭  
擲短長謠浩蕩滄溟合神仙殿闕

箭里刺拋擲  
萬怪弄奔潮驢磨尋陳迹鳩  
遙千愁送落  
日笑驚劣髻髮臙霜飄都郡秋

枝戀折茗親  
朋笑驚劣髻髮臙霜飄都郡秋  
偏早連旬土  
似焦蝗多喧掩捕龜坼困炎

醫  
年  
書  
卷  
初  
集  
年  
記  
二  
十  
二  
三



士	樹	中	郊	路	竹	宜	思	茶	薦	崇	興	詩	繫	彌	就	在
爲	齋	人	原	遊	嶧	黃	天	不	語	效	長	樵	穀	達	漁	賦
韻	仁	風	遍	絲	陽	夫	涯	數	物	花	安	兩	僚	報	樵	當
借	兄	雨	甘	落	桐	子	天	吳	候	信	三	前	艱	匪	天	輸
諸	招	悲	澍	絮	一	騷	涯	山	驚	遲	月	廉	難	瓊	地	栗
同	集	歌	停	韶	堂	壇	避	芽	心	兼	天	日	企	瑤	心	貧
人	寓	阻	觴	光	送	雄	逅	新	又	旬	氣	樹	霖	縣	終	邨
分	齋	良	忽	暮	奏	屏	新	雷	穀	閉	暖	齡	雨	子	轉	只
賦	以	晤	憶	金	難	滌	風	一	雨	戶	遊	明	潤	迴	文	種
得	冬		眼	臺	爲	雅	夜	故	故	春	輪	經	澤	元	章	蕎
集	至		○	極	工	聯	怒	山	此	春	夾	卽	招	氣	道	猶
字	日		葉	目	野	曹	莢	日	日	嫩	道	席	同	訃	不	思
土	大		筠	塵	陰	角	長	正	正	連	爭	命	晏	朝	消	拊
炭	集		潭	沙	漠	鐘	平	采	采	林	馳	賦	秋	○	相	羸
懸	入		前	高	漠	嶼	臺	茶	茶	覲	臆	都	水	葉	逢	瘠
葭	能		輩	何	城	谷	羅	啜	采	院	法	門	符	潤	幸	未
管	之		詩	日	南	之	尊	茗	茗	黃	源	春	雪	臣	砥	忍

習黃鍾始萌陽氣入射干初茁蘭芽生不獨  
梅花香暗襲從來天道起牽牛貞下為元通  
關翁樵蒸焜上帝儀度晷量水臣事執入  
音相協八風和四極同歸四維輯即今  
聖德被垓垸三白霏英羣瑞集雍容退食有吾  
儕敢以疎庸躡階級聆音願誦卿雲詩拜手  
欲陳清廟什西南側望天  
史梅叔詩今日天  
弧明更奮雄威摧貫苙

聖皇肅禋祀瑞靄麗金支  
隨主人奉蒸豚坐客傾瓊卮  
且用切文辭伊余慙廓落芒芒將安之何幸  
附羣雅良忻覲羽儀瓠葉禮可循隰桑歌最  
宜仰希僑胙輩慨然有餘思勿言一樽酒今  
古同溫伊初詩梅花香淡酒香濃似此賓筵  
此時案檢重重春歸有蹟天邊雪歲晚同心  
嶺上松消得清寒扶得醉那知燕市正嚴冬

歷年詩  
初集年記二十二  
九

○徐廉峯前輩手札

大著拜讀至堂詩序逼

最惟中三首兩獨恨一獨惜用筆宜變贈楊

濬川作無新意可存餘戚戚於心以至坐臥

先示也。○讀君相見一篇幸未知於君何如然

亦可為垂涕泣而道之矣幸即改削竚望於

望○尊集讀過二本加墨奉上曩自謂頗頗於

漢魏究心及讀大集乃知僕所學之淺也連

日瘡疾大作起臥不定猶賴君詩稍解痛苦

耳 ○姚石甫手札 勉再權運篆彌切冰競黽

多棘手大要在酌盈劑虛以為撫疲振困之

計至於安上全下排難解紛則尤所用心者

蓋近今事勢到處皆受病之人元氣陰虧已

極峻劑固不能投即補劑亦難卒下惟疏導

和解為宜而所最難者患切脈之未真陰陽

虛實之閒小有未確則失之毫釐差以千里

病未除而命益危卽切脈眞矣而投方未善  
猶可慮也庸醫之誤或殺一人醫國有誤則  
害及千里流及數世此自古以來懷濟世之  
心者常多有而濟世之績者常少也每念及  
此不敢妄有言動孜孜求之汲汲爲之幸乃  
無誤今數月中課入倍於前人而衆商無培  
克之怨而有撫恤之感以此爲

國家稍培元氣或可藉慰諸大賢夙昔相愛之  
深乎龍門頃來此小作盤桓樂甚每與海內  
人士言未嘗不念閣下今乘便略敷消息

○徐松龕手札侍猥以穎蒙叨聯同譜庸陋

垣謬蒙青睞獎許同聲方念朝夕摳趨藉砥  
頑鈍乃以遠除外吏頓隔音徽出都時辱叨  
祖餞并揮長歌以寵其行撫衷揚息懼無以  
稱名賢之期待而又恐日遠提撕或染刑骸  
之流習以失其故我懷此隱念日夕屏營伏  
惟老前輩大人以忠謙之節上受

初集年記二十二

主知屈軼在廷羣僚屏息昔韓范諸賢皆以臺  
 諫著聲歷躋兩府勛名赫奕日月爭光八座  
 之尊三事之任皆老前輩所自有無煩致祝  
 惟念自來言路多隨風氣為轉移翁作張  
 難云堅節侍之愚見竊謂居言責者所培不  
 必盡折所建不必盡行而公論須伸綱紀須  
 存今論者謂鋒芒稍挫羣當默息致此輕量  
 或亦有由朝陽鳴鳳始終一節仍於老前輩  
 望之侍自客歲冬月出京由樊城買櫂沿漢  
 泝江轉涉湘湖以今年二月初七日行抵桂  
 林旋奉檄權篆南寧復泛灕江而南三月下  
 旬接印任事舟行半載雖歷風濤之險亦賞  
 山水之奇南寧古之邕州外近交阯狄武襄  
 破儂智高於此崑崙關在郡城西北緬想昔  
 賢感憤係之本任楊公已到省垣聞夏末可  
 以來此侍瓜代回濤當在秋初也抵任以來  
 日在簿書之叢累盈尺畫諾不暇而實則  
 左牽右掣動輒違心昨年所論今乃親嘗其

味老前輩其 ○陳伯游手札 九月月中子序返

何以教之也 ○陳伯游手札 南豐取道見存

就詢德業聲望甚詳甚慰邇來奏稟詩藁又

增幾許閣下文福雙齊得天獨厚他日歐蘇

韓范兼而任之願閣下立志大而用心益勤

為天下傑出之人士林之公望也為吾鄉首

數之人又桑梓之私慶矣子序學益深其境

亦稍通是為可喜亨甫蹤迹安在兩人會試

時均當與閣下遊處耳方海蛭駟之念未之

敢忘雲泥之悲亦胡能遣進取多阻固以義

命自安謀生實難俯仰何以塞責此不堪為

闕下道者也株陵知交甚少有閣下同姓人

名培慶字子湘素相厚善其人少年好學詩

才清妙將來成就蓋未可諒若得進承長者

之緒論則志意開悟向往益駛在閣下造就

英才或亦因之愉快也今以應京兆試用敢

一言為介子湘計欲畱京如 ○嚴廸甫手札

有可以適館之所亦乞畱意 ○嚴廸甫手札

初集年記二十二

六

三月月底接奉手諭敬知道履勝常潭第均吉  
良深抃慰訓出京之時屢蒙誨教諄諄期望  
之心有加無已然初任地方諸事未諳時虞  
隕越幸建郡詞訟無多每卯收呈僅十紙上  
下自去歲四月蒞任至今已週一載各屬竝  
無盜案其眞命案現在只有三起錢漕皆年  
清年款知府不至擔處分惟鹽務大難官引  
不銷私鹽充足設卡委員以捕之皆屬虛應  
故事特調濟窮員向鹽旗領費起見耳武弁  
緝私更多訛詐鬧事總由與閩省連界閩私  
白而賤官鹽黑而貴雖減價不足以敵私他  
府如樂平彭令德化王令以是摘去頂戴矣  
現在設法勸銷終無善策幕友司閩甚不得  
力新歲另請刑席矣頗爲結實可靠公事簡  
少故出息亦少書吏止十餘人亦跣不住其  
中尚有挂名者甚至禮房有不曾寫榜者可  
晒也差役連茶房把門共止二十餘人多疲  
軟無能喜其不能多事然有要緊事則大不

得力如舊歲  
案要拏要犯數人則全仗縣差矣府差無能

爲也建郡應辦之事莫急於廣昌之水道水

遠城垣以河身爲沙泥所積逐年增高現已

高於城口街道數尺矣春水大發雨水直貫

城中雖縣署中亦水深一二尺不等現欲於

上流築隄以阻之俾水旁卸不至直冲城垣

亦救急之一法所費已需數竿勸捐估工尚

難必其經費之必敷事之舉否殊難預定以

去歲  
欽案清江縣有勒派隄工一事不敢不作爲前  
鑿也若統開河道直達南豐建昌則非數十  
萬金不辦未易言矣春雨太多恐夏秋又將  
少雨若得豐年穀賤欲商義倉一事然此

未敢議及南豐與宜黃連界處地名裏塔墟  
向有竊匪勒贖等事現已拏獲楊年俚馬鳳  
山等犯必重辦以儆刁風也各屬士民風俗  
皆淳良可愛而從中每多唆訟之人鄉民受



其愚而不知動輒上控及至結案而所費已  
 多比比皆是此風新城廣昌為盛南城次之  
 瀘谿南豐又次之終歲所入本來僅夠敷衍  
 然訓兒女累多逐年婚娶不無所費第兄輩  
 又多糊口四方者亦不能不少寄幫貼去歲  
 回鄉借蘇債以歸京債近日又增江西債矣  
 親友皆以調好缺為訓祝而訓殊不願也才  
 難治劇而但思得美官以飽囊橐必有悖入  
 悖出之事富不可求任命而已竊謂科甲之  
 所以異於納班者幾希必并此幾希者而亦  
 去之讀書之謂何然此猶是計較利害之說  
 已屬下乘無所謂為而為則固有志未逮也  
 得透立得定守得住由勉強以造自然庶無  
 負夫子之門牆而已矣上憲迭更今歲已兩  
 次晉省秋闈或又免當差往返跋涉似忙  
 甚而實則無關於地方也瀘谿公精力衰矣  
 上憲會經面詢頗不放心得  
 老夫子風之見色而作最好  
 ○李石友手札

春閒盛函至今莊誦不置風霜居然戒冬伏  
 惟尊體康勝近又升轉何官公事不妨獻詠  
 否羽可信息如何其果一卦邱樊不屑塵羈  
 耶前冬一書如已有答來置付人回褫如何  
 龍門聞當入都徵逐歡讌如往昔否睠焉北  
 翹神爽欲飛僕依舊陸無可言而惟幸親  
 闡康安身家粗健耳晚蘇秋閒薄遊京輦旋  
 卽還山所畱書函茲以伴上惠來舜碑一本  
 實屬希珍拜覲感戢入幅心畫兼以盛作詞  
 華墨薛將見吐氣如虹甚盛甚盛論詩之旨  
 儘得宗要竊怪近代爲詩家專趨於糜曼輕  
 脆漢魏盛唐之氣調音節不見於世久矣此  
 豈俗尙之漸下直氣數使之然耶然而近得  
 先生與羽可數君子所著述直欲脫科臼而  
 上薄韋杜何其盛也若從此文風丕變則安  
 知非數君子者爲之倡之力耶海隅鄙人將  
 拱手而  
 ○申翠微手札  
 俟焉  
 別意如山海雲萬重  
 賴有一片明月照此

心耳春序已過尊體百福仰溯仰溯僕歸稅  
 故屋壁揭翠微山詩及陸包山畫臥龍鬚席  
 展江右古文使人神馳飄然在青雲齋酒席  
 矣惟望樹齋自愛崇德勿孤天涯故人期望  
 之深也 ○趙心菴手札 復兼之以徽墨之賦  
 不宣 拜領珍感無以為喻 又聯章累牘賜教諄  
 重披之以肝腎引之以忠信此在平居過從  
 式日源源之所未得而乃得之於執事壤地  
 之所限風氣之所未隔顧安在乎哉蓋僕於執  
 事有一見曠世之感其所以心服而意倒者  
 不可以言語形容雖季子之於子產自以為  
 未有過也嗚呼有之人之賢之於人之豪爽快  
 闊而不得與之執手同歸以畢餘生只以模  
 糊書墨僅為一年聲信此其悲又何可言也  
 外啣閒果準得否當在何方乎棒檄之期仰  
 想融洩君子所以愛物存心初無外內之分  
 況鼓倡多士使青 鼓篋之流復見常袞之

湖闕文翁之化蜀則丈夫得意孰過於此然  
 使我一年聲信遂復隔闕不通則此生無寫  
 心之地矣青雲齋當有何人畱住而書角交  
 附不有浮沈之異否畱住人名姓幸示之而  
 亦勤可於伊人俾作萬里主人切仰切仰此  
 去朝正副以行人金尚書係僕同齒切友其  
 風流溫雅恰似溫太真論議明快又似葉蒼  
 霞區區瀛壖中未易多得之人物且其先祖  
 清陰金相國尚憲公有忠義大名於華夏而  
 漁洋詩話中始知東國解聲詩者也伊後冠  
 冕詩禮為東方大家數今其去聞執事與僕  
 有契雖其本性不喜交遊而必欲證情於執  
 事此其意未可孤也幸與之包容見此友如  
 見愚弟俾有以廣其交博其遊切望切望斗  
 淳目疾尚未快瘳但妨估俾耳副行人亦內  
 務有閑有歇不至大妨估俾耳副行人亦內  
 閣學士與僕為僚案耳紫蓼一片呈上二摺  
 扇為兩嗣所把妙帶上萬萬伏惟尊體百福

不宣○李汾西筆談自入都以後即欲一候今  
 至悚慙悚慙僕號汾西此番副价李公號曰  
 芝田僕係已卯進士現為承文郎心菴孰親  
 來時見其平安小邦有大科小科中小科者  
 謂之進士如中國蔭官方候補知縣歲時酒  
 饌恰與我東俗一例而但主人盛意無以為  
 報先生酒戶寬窄如何僕終日所飲僅不  
 二酌賤降癸丑偶與先生同庚少先生七月  
 從今當引為尊兄也識汪孟慈乎聞專治漢  
 學矣旅館無聊非人所可堪雖日日出城不  
 知勞苦但恐先生無暇矣刻下期示日出城則  
 謹當恭承惟命是從貴胡同竝示以便後日  
 尋訪如何當依戒也符雪橋係是雅契亦詩  
 人耶鄉貫何省自古及今江西多名士未  
 山川清淑而然歟陳石士已歸道山其子孫  
 有克紹其先業者乎其子蘭滋今何官住京  
 都否樂譚兩公夙所豔慕寰宇未之覽耳此

齋有金華白雲兩處士遺集後日乞一考閱  
 初十日欲同攜者不患無人而眾客喧闐亦  
 沒意趣僕與翠微上使同來何如臧張二公  
 齊會甚好甚好郭羽可乃三絕恨不得把臂  
 一晤即今書畫家誰為其次耶翰墨相贈乃  
 是美事臨歸時先生不資豈有過於此者乎他  
 畱念焉他日相思之證夙之願已有名帖在  
 日似不緊翠微公有證夙之願已有名帖在  
 此謹呈上楹聯一對竝呈覽畱為望今行賦  
 詩者八人翠微公名其篇曰相看編今有題  
 跋帶來者欲先仰質未知盛意如何來此遊  
 千里之閒山川樓臺非無賞心開懷處而遊  
 覽則固餘事既入京師得與先生證交合席  
 聆誨儘是吾生大快樂事雖不見一證名勝不  
 能做一句詩實無恨相看編全卷謹當於日  
 閒奉呈覽賜弁卷之文略千語以責斯編歸  
 託社友切仰切萬望勿靳弁言非先生為  
 之孰能為之全編當送質艾君轉呈也朗山

怒怒一晤未及再面其家勞錄願一見之儻  
不以借人爲難乎覃溪筆墨中國以爲何如  
如金秋史正喜大好之外有許多人描畫僕  
以肉眼何敢知之清心丸製法在於東醫寶  
鑑觀清心二字可知其用處痰眩風祟酒滯  
鬱悶等症皆可服耳有痰火實爲當劑然長  
服則恐損神此是香屬故耳。杜工部大庇  
俱歡顏句有其詩而無其事業雖歸之空言  
可也先生之教極公平渾厚有其志而將有  
事業是所區區之願勉旃勿與空言同  
歸以損遠人之望取士以詩賦能詩賦者豈  
盡賢良方正乎是以取士之不如古爲可歎  
也亦非有司之責乃古法然矣奈何補山會  
一見面而已聞善高論卻恐不來竊聞補山  
君子也擬承面晤業有一札而不見答故未  
克遽造其門矣熟不如生紅不如白然熟之  
性少熱山產者其重譬家種者加倍非癯老  
多病之人不可多服性熱者不能無毒買人

所售恐無真品乃若真品則所產之地亦不  
 多一歲所採僅可支一歲之用則恐不及為  
 賈人也本國地方四千餘里分為八道居其  
 物也札中日京畿道國都在焉京畿道東接  
 江原道瀕於東海江原之北曰咸鏡道東接  
 海至於白頭山咸鏡之西曰平安道西接海  
 北界鴨綠江平安之南曰黃海道亦瀕於西  
 海京畿之南曰忠清道東連江原西瀕於海  
 忠清之西南曰全羅道西南連江原西瀕於海  
 福建商舶多漂到者全羅之東曰慶尙道東  
 南瀕海其北則忠清其東則江原道此一  
 國畫野之大概東方初無君長有神人降於  
 太白山檀木下推以為君號曰檀君其元年  
 乃唐堯甲辰其後中衰箕子東封設八條之  
 教箕子之後分為三國曰辰韓弁韓馬韓三  
 韓之後漢武帝盡滅之置四郡有玄菟樂浪  
 等郡名宣帝五鳳幾年朴氏建國曰新羅有  
 日百濟有日高句麗三國竝立隋煬帝唐太



宗征之無功唐明宗時遣蘇定方往征之新  
 羅使其將金庚信夾擊之遂滅句麗百濟地  
 皆屬新羅新羅享國千年王氏建國曰高麗  
 高麗建國五百年洪武我康獻王建國太祖  
 皇帝命名以朝鮮此國朝沿革之大概箕子  
 都平壤新羅都慶州百濟都扶餘高句麗亦  
 都平壤高麗都松京本國都漢陽此為即今  
 王都白頭山在寧古塔之南此一國山勢之  
 祖也南走一千五百餘里為鐵嶺又百里餘  
 金剛山又南為五臺山雪嶽山太白山小白  
 山谷離山又南數百里為智異山距於南海  
 入海中千餘里為濟州漢拏山此山脈之大  
 概餘不能盡記白頭山有大澤西流為鴨綠  
 江行千餘里入於西海東流為豆滿江數百  
 里入於東海兩水為中國界外此水名不能  
 縷述箕子之衰典章散亡文教寢衰逮於高  
 麗末有鄭圃隱夢周倡理學自本國以來文  
 教蔚興有金寒暄宏弼鄭汝昌皆表章

聖

程朱之學有趙靜菴光祖李晦齋彥迪皆闡  
明義理有李退溪滉李栗谷珥成牛溪渾以  
學問竝時齊名其後有金沙溪長生益闡禮  
學其後宋同春浚吉宋尤菴時烈同時唱道

廟文章則新羅時有崔孤雲致遠唐時入中

國登科後居高駢幕下討黃巢時為檄文高

麗有李奎報以詩名其末有李牧隱檣詩文

竝著本國以後則文風劇盛不能枚舉朴挹

翠閣盧蘇齋守慎崔簡易豈車五山天輅權

石洲鞞皆以詩著數百年以來刊行詩文屢

百家不可勝數風俗謹守禮法敦尚學教三

年之喪自王家達於庶人雖氓庶賤品稍自

好者無改嫁之法四禮多遵朱子家禮不事

浮屠名分嚴仕宦家子孫不業農桑而工

賈之子鮮入仕路善畫家特以表著者言之

鄭謙齋數字元伯沈玄齋師正草蟲花鳥近  
世所罕柳宙雲德章李凌臺麟祥姜豹菴世

晃皆不易得之畫法近來作畫者非曰無  
 之概不如古人惟詩文之盛不讓於古矣又  
 札再三之會惟昨日頗覺從頌文章大著雖  
 淹博僕所當師亦嘗與倪兄言之熟矣寰宇  
 記得稍暇略閱覽猶尚快活子長山川何  
 以加此第念三十年舊藏愛重顧何如而況  
 京師希貴之書乎遽入他人之手甚不可固  
 當即完而姑借數日之暇則庶可以攷閱幾  
 編然則受賜大矣未知如何覽當送傳於紀  
 君也按寰宇記中有日東俗有廉恥此亦出  
 於廉恥書不能無助也仰阿仰阿呈翠微公  
 諸件將即傳達日閒似另有答靈石亭姑射  
 仙人之號雖近伴諧亦不害為好奇者說可  
 供一粲不備周經白。按朝鮮國王之都王  
 險註曰王險地名在沮水東今以平壤府大  
 同江為沮水以平壤外城為王儉城然則險  
 與儉音相近字相類不害為通用按箕子八

條教以後多至六十餘條今人只知有八條  
 不知有許多條雖不可攷而蓋是政令法禁  
 之類也恨不得詳載以詔後也按東方人頗  
 有中國之風後世稱小中華之說蓋本於此  
 孔子之欲居亦不以葬而鄙之也歟至若百  
 濟三韓之土俗與今日大相不同僧尼寺塔  
 古亦多矣不度僧尼不建寺塔已成本國規  
 模重鬼神無男女別古則有之非其鬼不祭  
 男女異路自是木國風俗推此數事歷代沿  
 革風土之不類概可想按河東道汾西縣汾  
 水之北有靈石縣青山在縣西天寶年改爲  
 汾西山亦姑射山以靈石名其亭以青山繪其  
 水亦名汾水今射山無或近於好事者之事  
 壁自號曰姑射山人無或近於好事者之事  
 乎閱寰宇○郭羽可竹林二友圖記道光丙  
 記漫及之○郭羽可竹林二友圖記申之秋  
 子請假將出都同年友黃樹齋鴻臚請工繪  
 子二人小影於絹素屬子補竹爲竹林二友

圖時子正傲裝未果作輒攜絹南歸越明年  
 丁酉上巳山居虛寂綠陰滿庭難絹熟視任  
 筆離披風梢露葉颯爽成林嗟子亦將老矣  
 林泉息影有愧於干霄出屋之姿而樹齋以  
 英年歷卿貳虛心亮節爲世依倚展斯圖也  
 深有斐之思焉因念吾兩人者廿載交好雙  
 心共印苔異生而岑同蘭斯馨而臭契繼七  
 賢而俯仰邁六逸之襟期顧雲龍莫逐鸞鶴  
 分儔緬想昔遊眷懷舊侶鴻臚抑尤念老可  
 於雨晦風瀟時也其左盤石坐捻鬚微笑者  
 黃子樹齋其右盤石坐抱膝澄然若遠想者  
 郭子羽可也爰各存一卷以寄相思俾後之  
 閱者知吾二人之交不以隱顯  
 離聚異兩家子弟其永寶貯焉  
 潘芝軒師詩  
 與可本佳士能爲竹寫眞山谷乃良友見竹  
 如見人二君舊相得坐對怡心神峭備青蔥  
 閒現此自在身故人賦歸去翛然  
 離俗塵寄語青雲客長葆歲寒筠  
 吳仲昀前

輩詩無竹使人俗趣深語非淺苟非得其人

以茲求同調千載甚矣鮮吁嗟文湖州蒼煙

手舒卷自非老髯翁落筆那足眇公今一眉

山言語天下選平生風雨心獨與老可善真

契焉得多古今同繾綣如何晉賢七濫廁無

人辨竹意豈其徐鏡溪詩萬綠掀寒空二士

然俗客終須遣踞石語幽意愜日

月天機活眉宇白雲遙山來竹閒吞復吐鳴

琴既罷彈茶火亦未煮約此休沐暇來看風

篁舞空岩玉唾飛散作霞千縷餘音石泉咽

詩義豁然剖我欲參微旨山深悵修阻但聞

鸞皇鳴長戴筠帆詩二君於我皆齊年鴻臚

嘯振林莽戴筠帆詩早達尤稱賢中書老去

竟歸隱跋屐獨訪龍華顛苦從臨汝憶同調

西行不引盧陂船眼中俗物易成忤碧琅玕

長春娟娟鴻臚思君劇於竹徑擬還山其初

服南臺祇媿

主恩深敢遠乞身向邁軸甘蕉詎止有彈事政

本人方推諫曠偶懷醉日此佳賞十晦貧蓄

畫深谷秋風蕭瑟江上來織雲四卷清無埃

二君不語兀相對笑口自向青天開圖成此

意復誰領畫乞老可心併個定知下筆迅風

雨籜龍怒起聞驚雷人生潛見各有數邱壑

雲霄等形寓知我惟憑抱節君尋常桃李空

相妬鞵材比復萃於子萬尺寒梢掃細素匡

廬吾亦儼移家恨俞四香詩君不見世人解

不隨君畫中住如不改四時青勁節貞姿有

媽紅紛悅目豈如不交慕勢利翻雲覆雨不

修竹又不見世與舍人來往風流成二老舍

常好豈如廷尉與生老可今郭熙廿年湛浮

人三絕書畫詩前徒相思忽牽鄉國夢

金馬署萬竿煙雨徒相思忽牽鄉國夢

通潞亭遠一帆送天寒翠袖念佳人寫寄刻

藤筆勢縱竭來展卷懷舍人鸞翻已斂誰為

羣風枝雨葉一披對墨痕疑是沙溪雲竹林

諸賢那堪數任達清狂亦何補此圖它日定  
 流傳二友高情足千古碧鮮玉潤兩君心欲  
 往從之山水深何時把臂同入林蘇廡堂詩歡華  
 之山親鳳舉鴻軒見化身叢玉江龍門詩每  
 不相涼意足望雲應念夏畦人  
 圍風論文夜苦憶蒼顏郭永豐把  
 叔度林應我許歲寒高節共清風  
 臂入遐思蒼蒼竹林拈髭微笑鄰長吟清  
 渺徐來開我淵襟落日半牀鑒我素忱二友  
 風契如芥投鍼隱傲軒義出沛雨霖雲龍相  
 之泰華千尋一出處為世所欽陋彼嵇阮  
 逐泰華千尋一出處為世所欽陋彼嵇阮  
 徒誇  
 賞音

葉詩西南二句原註蜀中夷支將次盪平  
 李札洪武原註想是洪武二十八平壤原  
 註平安道地鄭謙齋旁註康熙年閒人沈旁註  
 忠清道地鄭謙齋旁註康熙年閒人沈旁註

卷之五

初集年記二十二

七



乾隆年間人

僊屏書屋初集年記卷之二十三

道光戊戌四月初十日遞封奏一件為請嚴塞漏卮以培

國本事臣惟皇上宵衣旰食所以為天下萬世計者至勤至

切而國用未充民生罕裕情勢積漸一歲非一歲之

純廟之世籌邊之需幾何又幾何而上下充盈

巡幸之費幾何嘉慶以來猶徵豐裕士夫之家

以及巨商大賈奢靡成習較之目前不啻霄壤

年銀價遞增每銀一兩易制錢一千六百有零

仁宗睿皇帝知其必有害也故誥誠諄諄例有

朝盛

此	萬	百	故	兵	之	有	根	京	置	至	習	前	結	必	例	使	明
外	兩	萬	自	弁	老	薏	本	等	買	工	為	每	視	無	載	早	禁
福	自	兩	道	用	萬	船	重	處	煙	商	浮	歲	為	夾	凡	知	然
建	十	自	光	扒	山	載	地	為	具	優	靡	漏	具	帶	夷	其	當
江	四	十	三	龍	大	煙	近	我	為	吏	尚	銀	文	鴉	船	若	時
浙	年	一	年	快	嶼	不	亦	市	以	知	數	夾	片	然	到	此	臣
山	至	年	至	蟹	山	進	漸	日	及	歛	百	帶	斷	後	廣	必	工
東	今	至	十	等	處	虎	染	中	婦	萬	兩	不	准	先	嚴	有	亦
天	漸	十	一	船	粵	門	成	女	女	嗣	其	能	其	取	刑	料	不
津	漏	四	年	運	省	海	風	僧	後	上	初	免	入	具	重	其	料
各	至	年	歲	銀	奸	口	外	尼	上	自	不	故	口	洋	法	流	其
海	三	歲	漏	出	商	停	洋	道	官	過	道	爾	爾	商	過	毒	至
口	十	漏	銀	洋	勾	泊	來	士	府	過	光	時	保	保	於	於	於
合	萬	銀	一	運	通	零	煙	隨	在	緝	綉	三	年	有	將	將	將
之	兩	千	千	煙	入	丁	漸	在	吸	紳	子	年	以	保	保	保	保
亦	之	千	七	入	口	巡	多	食	下	第	以	保	其	查	查	查	查
數	多	餘	八	口	海	海	中										

千萬兩以中國有用之財填海外無窮之壑  
 易此害人之物漸成病國之憂日復一日年  
 復一年臣不知伊于胡底各州縣地丁漕  
 糧徵錢為多及辦奏銷皆以錢易銀折耗太  
 苦故前此多有盈餘今則無不賠墊各省鹽  
 商賣鹽俱係錢文交課盡歸銀兩昔之爭為  
 利競今則視為畏途若再三數年間銀價愈  
 貴奏銷如何能辦稅課如何能清設有不測  
 之用又知如何能支臣每念及此輒轉不寐今  
 天下皆知漏卮在鴉片所以塞之之法亦紛  
 紛講求或謂嚴查海口杜其出入之路固也  
 無如稽查員弁未必悉皆公正每歲既有數  
 千餘萬之交易分潤毫釐亦不下數百萬兩  
 利之所在誰肯認真查辦偶有所獲已屬寥  
 寥況沿海萬餘里隨在皆可出入此不能塞  
 漏卮者一也或曰禁止通商拔其貽害之本  
 似也不知洋夷載入呢羽鐘表與所載出茶  
 葉大黃湖絲通計交易不足千萬兩其中沾

潤利息不過數百萬兩尚係以貨易貨較之  
 鴉片之利不敵數十萬兩之故夷人之貨  
 不在彼而在不在此雖停泊大洋為奇貨  
 商而煙之船本刻不進口緩自有人搬運  
 地食煙不在夷商而奸民此不能塞漏卮  
 防者不在查拏與販嚴治煙館雖不能清  
 二也或曰查拏與販嚴治煙館雖不能清  
 源亦庶可過其流不知自定例以來鴉  
 片者發邊遠充軍罪至絞今天下與販者  
 引誘良家子弟例罪至絞今天下與販者  
 知幾何開蓋原粵省總辦鴉片之入據設  
 案者絕少蓋原粵省總辦鴉片之入據設  
 口自廣東以至於各省沿途聲勢聯絡各  
 省販煙之人其資本省往來客籍查煙為  
 津胥吏容隱放轉於州縣開煙館者  
 名恣意畱難勒索各府州縣開煙館者  
 類皆奸猾吏役兵丁勾結故家大族不肖  
 弟素有聲勢於重門深巷之中聚眾吸食

方官之幕友家人半溺於此未有不庇其同  
 好此不能塞漏卮者三也或又曰開種罌粟  
 之禁聽內地熬煙庶可抵當外夷所入積之  
 漸久不致紋銀出洋殊不知內地所以熬之煙  
 食之不能過癮不過與販之人用以攪和洋  
 煙希圖重利此雖開種罌粟之禁亦不能塞  
 漏卮者四也然則鴉片之害其終不能禁乎  
 臣謂非不能禁實未知其所以禁也夫耗銀  
 之多由於販煙之盛販煙之盛由於食煙之  
 衆無吸食自無興販無興販則外夷之煙自  
 不來矣今欲加重罪名必先重治吸食臣請  
 皇上嚴降諭旨自今年某月起至明年某月  
 日止准給一年期限戒煙雖至大之癮未有  
 不能斷絕若一年以後仍然吸食是不奉法  
 之亂民置之重刑無不平允查舊例吸食鴉  
 片者罪僅枷杖其不指出興販者罪至杖一  
 百徒三年然皆係活罪斷癮之苦甚於枷杖  
 與徒故甘犯明刑不肯斷絕若罪以死論是

皇

皇

願斷癮而於家必不願受刑而延臣知其情  
 上明慎用刑之意誠恐立法稍嚴互相告訐  
 必至波及無辜然吸食鴉片者是否有人雖大  
 應到官熬審立刻可辨如非吸食之人雖大  
 怨深仇不能誣枉良善果係吸食者亦無從  
 掩飾故雖用重刑竝無流弊臣查奈文儀臺  
 灣志云咬嚼吧本輕捷善鬪紅毛製鴉片  
 誘使食之遂疲羸受其法集眾紅毛人所據紅毛  
 人有自食鴉片者其法集眾紅毛人所據紅毛  
 其人竿上以礮擊之入海故紅毛無敢食者  
 今入中國之鴉片來自暎咭喇等國其國法  
 有食鴉片者以死論故各國祇有造煙之人  
 無一食煙之人又聞夷船到廣由孟邁經  
 安南邊境初誘安南人食之安南人覺其陰  
 謀立卽嚴刑示禁凡有食鴉片者死不赦夫  
 以外夷之力尙能令行禁止況我  
 皇上雷電之威赫然震怒雖愚頑之沈溺既久

自足以發曠振聳但天下大計非常情所及

惟聖明乾剛獨斷不必衆言皆合誠恐畏事之人

未肯爲國任怨明知非嚴刑不治託言吸食人多治之

過驟則有决裂之患今寬限一年是緩圖也

論旨初降之時總以嚴切爲要

皇上之旨嚴則奉法之吏肅奉法之吏肅則犯

法之人畏一年之內尙未用刑十已戒其八

九已食者竟藉國法以保餘生未食者亦因炯戒以全身命此

皇上止辟之大權卽好生之盛德也伏請

飭諭各省督撫嚴切曉諭廣傳戒煙藥方毋得

逾限吸食竝一面嚴飭各府州縣清查保甲

卷一百一十五

初集年記二十三

四



照例治罪至如通都大邑五方雜處往來客商去畱無定鄰右難於查察責成舖店如有容畱食煙之人照窩藏匪類治罪現任文武大小各官如有逾限吸食者是以奉法之人甘爲犯法之事應照常人加等除本犯官治罪外其子孫不准考試地方官於定例一年後如有實心任事拏獲多起者照獲盜例請議敘以示鼓勵其地方官署內官親幕友家丁仍有吸食被獲者除本犯治罪外該本管官嚴加議處各省滿漢營兵每伍取結照地方保甲辦理其管轄失察之人照地方官衙門辦理庶幾軍民一體上下肅清無窮鄉僻壤務必布告詳明使天下曉然於皇上愛惜民財保全民命之至意向之吸食鴉片者自當畏刑感德革面洗心如是則漏卮可塞銀價不致再昂然後講求理財之方誠天下萬世臣民之福也臣愚昧之見是否有當伏乞

聖鑒謹奏

又遞封奏一件又遞封奏一件請查辦

安徽河南匪徒二十一日奉

旨充殿試彌封官七月二十五日遞封奏一件

請撤毀河南邪教祖庭又片奏請查辦山東

河南匪徒。宗滌樓江亭消夏詩萬柳前嶽遠孤亭嗣

響操蹄滂循往迹帚屐與分曹殘夏炎猶爍

新秋鏡尚弢雲看西岫觸涼佇北風塵漫比

城南曲聊娛梁上濠主人殷吐握朝轍送驕

肴蓮蓋香苞酢槐芽冷作淘冰桃隨旅核水

葦佐芳笔坐列九州客歡真千載遭壽朋尊

一葉英耦集羣豪共隲唐賢品同上楚國騷

熱腸澆壘塊凍飲獸醕糟愧我藏幽谷逢君

墨屏書屋

初集年記二十三

乙

學	圃	員	廣	開	其	天	也	壯	稷	與	顧	為	左	高	溪	志	孺
從	方	不	大	究	閒	道	夫	而	辰	抑	亦	論	黃	平	毛	還	初
天	此	可	廣	之	或	誠	自	始	固	獨	有	陽	黃	生	家	鞭	交
道	議	測	大	德	分	之	來	明	生	信	賢	明	子	久	派	迷	重
入	陽	而	者	性	或	者	言	之	陽	之	者	行	會	相	涪	昌	雍
者	明	方	象	舍	合	為	學	左	明	深	闕	道	文	契	川	言	陶
也	者	可	天	問	遂	人	莫	不	之	而	之	於	士	拭	近	早	非
唯	所	衆	之	學	為	道	粹	待	里	欲	焉	江	於	日	仙	拜	徒
其	以	喻	員	不	千	由	於	費	習	證	子	西	陶	望	源	皋	陪
得	久	也	精	精	古	是	中	論	陽	所	豈	江	然	煙	廬	諄	嘯
天	而	故	微	微	學	而	庸	雖	明	共	不	西	之	濤	阜	攀	詠
之	紛	人	者	問	術	為	庸	然	之	信	能	先	亭	文	金	要	使
員	紛	往	踐	學	門	德	不	之	言	於	無	輩	舉	道	玉	縱	從
是	也	往	地	舍	戶	性	可	童	童	同	疑	多	陽	光	譜	翔	翔
以	陽	病	之	德	之	為	以	而	志	志	而	服	明	十	信	擷	擷
有	明	員	方	性	所	問	誠	無	與	若	論	其	子	有	擷	壯	壯
覺	之	而	以	不	由	學	者	論	之	若	之	教	屬	望	入	澗	澗

於一心即可覺人人之心有格於一物即可  
格物物之事而其人我事物之無不周徧者  
實大圖之中藏大方焉天道之中涵人道焉  
故昔者跋陽明文集於楚南謂陽明紫陽無  
二心無二道也世有非陽明之學而是其事  
功者其說似正不知其所以能用書生破巨  
寇而以至誠服悍兵者何嘗任計數恃勇力  
乎待其智圓而心亨出之神明體之平實不  
過善率夫中庸之道而已惜當時所治止此  
若使之紀綱天下陶化九州其業必有盛於  
所已見者而僅以治寇與兵見豈足以盡其  
學哉設使其學專主乎治寇與兵則寇與兵  
將必不可得而制然則徒以事功美陽明其  
識不如詆陽明之人而歧學術事功而二之  
者舉不足以度陽明輕重者矣若夫其教之  
或疎傳之失旨則高劉二子早有以匡救之  
定論至公非後之小儒所能贊其萬一敢就  
其源本略言之庶幾子不惑於所疑而不限

於所信昌陽明者終夫蘇源生詩驕陽蒸區宇  
 大有賴於江右也夫蘇源生詩羣生投熱惱  
 欲借槐陰涼幽勝暢懷抱繁我黃次公江亭  
 聚朋好山色鬱青蒼葭蘆紛繚繞四面來遠  
 風炎暑退如埽憑欄邀同人談諧資論討石  
 林燕語多同甫鱗經飽少文乘長風莫謂軀  
 幹小更有孫可之東甌知名早賤子廁席末  
 身似登瓊島諸公大羅仙霓裳舞縹緲法眼  
 照三唐源流辨了了自愧洛下儉昏盲知識  
 少步效邯鄲婦語學枝頭鳥乃登大雅堂壇  
 墀隨諸老敢云重聲價庶幾得師表感公獎  
 勳殷不學前途渺共追正始音力迴狂瀾倒  
 陳秋穀詩濃陰蔽高柯幽爽豁遠山舉杯縱  
 瞻矚空翠紛迴環黃滔今壇坫論  
 交周海寰風騷有主盟兼不遺疎頑清翹時  
 宕衣微涼知秋還菰蘆似畚語繁音與之剛  
 眷此參靜趣白雲來荒灣身賤道自重  
 境僻慮忽閒煙波觸鄉思我懷茗雪閒孫琴

宴 安 縱 令 律 有 明 條 幾 等 空 言 無 補 蔓 延 流	迷 既 墮 術 中 而 罔 覺 明 人 之 昧 亦 以 鳩 毒 為	叫 絕 竊 維 鴉 片 流 入 中 國 貽 禍 有 年 愚 者 之	摺 激 昂 感 慨 切 中 時 宜 不 禁 盥 手 焚 香 拍 案	華 曷 勝 林 頌 前 閱 邸 報 讀 閣 下 塞 危 培 本 一	彌 切 調 飢 敬 維 辰 謨 炳 煥 寅 亮 昭 宣 翹 企 卿	菴 手 札 諒 已 早 達 清 聰 數 月 以 來 鱗 鴻 廣 隔	露 來 盪 胸 奇 趣 忽 寸 牘 馳 請 崇 安 竝 陳 歎 悃	謝 煩 鬱 天 懷 所 同 碧 陰 浮 杯 酒 涼 ○ 舒 自	納 景 疎 窗 中 輕 颺 出 菰 葉 微 涼 已 在 空 人 事	外 蹤 我 胡 樂 闌 闌 復 比 林 下 惺 擴 覽 征 鳥 外	山 秀 霞 表 淡 煙 青 濛 濛 頗 似 高 臥 者 覓 絕 塵	音 秋 意 在 松 頂 長 安 黃 塵 高 即 此 一 矯 頸 西	清 虛 併 白 雲 墮 書 陰 餘 陽 睇 遙 嶺 疎 蟬 多 遠	方 檻 兀 登 臨 萬 象 轉 迥 警 人 心 得 超 曠 適 與	西 詩 佳 招 踐 幽 期 素 尚 違 炎 景 野 色 合 叢 羣 屏
---	---	---	---	---	---	---	---	--	---	---	---	---	---	---	--

聖  
 明嚴陳播  
 之而利其  
 疏實弊害  
 不寬忠胡  
 是法言可  
 過以讜勝  
 也戒論言  
 雖而字茲  
 後殺均大  
 卽關君子  
 呂計剴切  
 新吾民生  
 憂盛意詳  
 危雖明痛  
  
 聖  
 恩寬大為懷  
 已竟委窮源  
 無可解免刻  
 皆代為悚惶  
 無論官幕商  
 日之勢實乃  
 下所議一年  
 期竝非弛一  
 吏督飭地方  
 州縣查辦數  
 始發新鏹既  
 來重典隨之  
 或誠如原摺  
 可以法立而  
 犯刑措而不  
 施就令有沈

溺不返，愍不畏法者，從而刑之，是殺一二人。  
 以生千萬人，亦復何嫌而何疑也？且確不可  
 法，欲詳審欲舉漸行，期有成，又曰驟制則小  
 含糊必貼服，以漸則生機，無豪傑皆就我，無  
 者未明制，愚者亦生機，一年之限，非所謂  
 勒矣，明入我範圍矣，閣下夫移風易俗，挽回  
 智巧，皆漸潛驅之，機前此禁煙之說，久成聚  
 詳審，有藉可乘，實經其流禍之本，原者實能  
 世道必藉真實，與嚴峻必無所轉機，事不  
 訟道謀，茲得自始，與其流禍之本，原者實能  
 其貽害之，所自始，與其嚴峻必無所轉機，事不  
 焦思以爲法，不極之餘地，并包抄者，如覩景  
 寬以限期，又恐無餘地，并包抄者，如覩景  
 而成此絕大文章，於是乘此機而通力合作  
 星慶雲爭延萬頸矣，故可遊化日之天，失  
 實心整頓，則民風丕變，可遊化日之天，失  
 此機而持議紛紜，中風塵下，吏積習更深夜  
 終無挽救之，初集年記二十三，見寡聞未必



聖明衆同識  
 乾議然各  
 剛皆原省  
 之昕夕合摺名  
 所差委員弁以祝者也惟是認眞查辦一層須  
 防輩惟利是圖或胥吏兵役人等從中擾累  
 此奉行不善必釀事端或致於奉法之  
 掣時而起而噴有煩言者或致於奉法之  
 不實此又在各省大吏責成各州縣必訪查  
 確實多察少發然後獲犯必懲以警其餘若  
 有詐贓妄拏等弊尤必從重治罪是又有治  
 人無治法之說而不能因噎廢食者也至粵  
 東閩浙山東天津各關海口巡緝之兵弁與  
 奸商勾通透漏在所必有此在各處嚴定章  
 程優示獎而重罰務使若輩之扒龍快蟹  
 不爲夷用而爲我用然後可日起有功矣未  
 厄既塞銀價自平行之一年而無效者未

之有也管見所及原朱對淑  
 現不在省外傾慕悚惕之情  
 有不得化為民株守鬲津迄  
 其未也澤愆期麥收大減迨  
 徂夏雨甘霖晚秋得以補種  
 獲壘沛施糧運倍形喫力辰  
 撈剝兼艘藉可適行履虎涉  
 長發漕艘藉可適行履虎涉  
 惕耳知關錦 ○ 吳仲昀前輩  
 厘用敢附陳 ○ 吳仲昀前輩  
 佳什雲泥相憶珠玉為心執  
 感長夏蒸溽伏惟道履安勝  
 詹頌大疏抔生民之痼疾裕  
 法似嚴用心實厚竊計節鉞  
 議者第北行之事以病假遷  
 門深居不甚與當道相接前  
 從發揮鄙意也近作移居詩  
 甚眾謹錄以奉教昔田山薑  
 初集年記二十三  
 此詩阮亭愚

山諸先生皆和之弟不敢望山薑先生固繼

王施而起者也暇時能不惜殘瀋賜和一詩

則幸甚矣千里而近郵筒得官耶著 ○陳伯

游手札不為罪也頃遇吳子序庶常敬詢嘉

社子序偶公德業日顯學亦益進貴人好學

自古罕觀原伯魯不說學閔子馬譏其必亡

後世原伯甚多閔子之言不必盡驗惟非學

祇為常事則好學遂為非常之事宜屬非常

之人范獻子以人之有學猶木有一枝葉謂能

庇蔭人也方海以為士有學庇蔭一身大人

有學庇蔭天下公方為天下託命之人其益

宏覽古今日進無疆可也公前在諫垣所言

上心最契今居卿寺猶崇言職近傳鴉片一疏

尤致天子動容薄海震懾此實元氣轉旋之機利濟

無窮之事不可失也頃汪孟慈亦有禁鴉片  
 禁銀出海兩議用惟與公略同方海以禁鴉  
 片之入與銀之出其在海關得人無良法可恃  
 然海關安能常用洋貨此外殊無諸物中國  
 昔管異之有禁用人挾此以行奸最為巨測絕  
 諒非必需而夷人挾此以行奸最為巨測絕  
 其通市積弊乃除法其必出於此乎關稅所  
 入歲不過數百萬計然非常之原何敢輕議  
 得失未始不可決計然非常之原何敢輕議  
 學識庸淺發慮難周知公必有進乎此也鴉  
 片新例佇望頒定食者置之重典期為厲禁  
 惟販者未應同議販者無據易啟讎誣不若  
 食者有癮可據斷無寬濫也至五家保狀實  
 多扞格徒涉苛擾不可行也請更詳審附問  
 起居又札大臺讀訖不勝欽服上躡庾徐下  
 不起又札大臺讀訖不勝欽服上躡庾徐下  
 越齊梁而攬燕許循塗既正駢轡方長閣之  
 榮光實亦名山之望建安而稅駕匪惟臺閣  
 初集年記二十三卷應酬之作

以	忽	作	精	茲	遊	卿	密	之	豈	吏	屢	勤	以	或	知	知	稍
取	就	手	詩	有	江	雲	勿	餘	泛	知	飽	獎	海	當	無	愛	涉
重	沒	古	法	懷	南	耳	敷	龍	有	有	饗	藉	溼	無	狀	特	汎
矣	卽	人	五	十	歸	為	詞	光	鄙	兼	殮	去	鮪	迂	然	深	濫
而	有	懷	之	餘	里	濂	不	三	人	兼	秋	幸	生	邪	於	不	異
其	知	才	枕	年	度	去	辟	接	違	錫	薄	登	幸	垂	存	時	
人	已	抱	上	竄	歲	冬	嫌	凡	芝	資	遊	大	候	詢	形	編	
又	矣	道	罕	有	老	十	怨	有	宇	斧	歷	君	不	之	迹	集	
吝	而	往	知	聽	母	月	惜	實	忽	仁	春	不	宜	謙	似	空	
於	其	往	者	惟	精	自	無	德	已	不	風	令	適	衷	窺	斟	
表	人	終	大	乞	神	歷	由	可	春	合	所	一	逢	○	所	酌	
揚	或	身	人	垂	如	下	與	及	來	被	夫	夫	旌	單	及	去	
今	不	無	一	一	前	歸	聆	蒸	伏	遂	失	惟	節	廉	輒	畱	
大	足	一	見	警	足	十	藹	黎	惟	使	所	復	未	泉	敢	下	
人	取	知	見	先	副	一	論	者	復	東	此	定	行	手	下	籤	
以	重	已	許	君	鈞	月	快	者	復	方	此	復	得	札	下	閣	
相	可	奄	為	專	注	又	觀	定	復	大	諡	復	以	為	極	下	

士之識而為足以取重之人而又以顯微聞  
 幽為已任顧為之子者不能得一言以發潛  
 光以垂不朽此則不可以為人矣昔在北海  
 會表鄭公之鄉亦越中郎無愧林宗之墓謹  
 伐石墓門敢祈史筆大書單芥舟先生之墓  
 俾墓勒貞珉則黃壤生輝亦大賢所以教孝  
 也碑石尺寸開具別紙先君未刻集容俟繕  
 清覓妥便寄呈肅此恭請鈞安不勝屏營待  
 命之至附呈學書數紙 ○ 包慎伯手札 奉別  
 學詩詞數章敬乞鈞正 風議真解事救時之君子  
 每於邸抄中得悉風習民風較江浙遠勝不  
 也欽服無似貴鄉士習民風較江浙遠勝不  
 過分別心太明白守其土者不知內訟而外  
 肆訶言是以刁悍之聲播於都下唯生性贛  
 直逾之則其發也亦較江浙為烈世臣回籍  
 兩匝月頗聞漕倉多事若上游不悉其源一  
 味求勝小民則恐啟其講張變彭蠡為具區  
 亦不過數年之事耳閣下鄉望所鍾竊願主

持風氣使上游諸公得識民瘼毋惑於閑言  
是所切祝西省上下之情不通上司屬員相  
戒不發一言不知近年上游迭更能稍革朕  
孤之習否世臣出月餘服夏初便當回省前  
此逐隊四月豪無及人者而奉諱之日街巷  
嗟歎此後重來不知何以酬衆人之厚意也  
小兒學業無可言者隨例入都竝無妄想惟  
欲其識先達聞至言而已謹命伏謁階前若  
荷寵錫訓誨是則感切之至者至 ○簡夢巖  
堂先生何似肅請崇安不具欲言  
手札 前日枉顧匆匆未得暢談爲歉是日座  
中畫友乃敝邑故同年呂君培之嫡姪  
以書畫世其家謹囑畫摺扇一持奉呈不知  
能邀尊賞否再有啟者僕拙詩甲午在鄉時  
已彙存雖不敢付梓然自念此生潦倒無成  
於詩道亦稍耗心力欲得大人君子作一序  
言附於風雅顧交游之久而又肯垂青眼者  
惟先生一人是用專札奉懇更乞早日脫橐

緣轉瞬榜後○蘇鼇石前輩手札暮春之初

不能逗畱也○垂注為感獎飾溢分倍深悚惶敬維升祉便

蓄閣覃清慶為頌弟趨事如常無善足言為

國為民極力行之而才輕任重究覺無裨毫

未隻身遠宦清夜焚香默坐觀空反身內勘

所謂展布者如何殊自慙耳來示以州縣被

議者其質可化則其才皆可用誠哉是言竊

以為天下事特患居其位者不為耳若為之

無有不效者大才與中才所分不過遲速勞

逸耳天分雖殊成功一也若才大而為不

如才中而為之為有用也今之州縣何嘗無

才其不能振作者苟安二字害之也一切民

事聽書差謫張為幻而不察任丁幕顛倒為

戲而不知迨至事敗而已徇之可歎亦可憐

也夫士從田間來一行作吏而人與己皆豔

之曰做官不知官則有矣做尚未也何以教

民治民之法茫乎若迷尚得謂之做乎今天

歷代書卷

初集年記二十三

七



下自大吏至州縣維日孜孜以求治尚做不  
到一箇清字況以苟安從事無怪吏治不振  
矣第常以為民不安責在府縣府縣不職責  
在督撫潘臬得其人則民事治不得其人則  
民不治上以苟安而下安能振作官無治教  
而民自講張察吏即以安民上司責也弟每  
到一處輒與僚友以勤惰為告戒以教養為  
治行亦欲合羣策羣力以為之為百姓養身

家即為

國家培元氣雖或笑為書生迂腐不恤也互相  
勸勉無有不聽受者能培植多少人才便是  
為國為民本分至廢弛殃民乃繩以法不過  
藉以懲創為勸誠非正本清源法也敬奉手  
教附以奉政斲之雕之尚望誨其不逮企企  
草草肅復 ○李海颿手札 正初接讀環章粹  
維安不備 然儒者之言令人  
益增欽服辰惟嘉謨時著鼎望日隆定符私  
祝東省士風醇樸單廉泉之勵志清修尤其

翹楚者第曷足言愛士三復讜論因士民而  
期望於官果能率而行之則一體相聯治理  
有不蒸蒸日上者乎弟魚勞從事未著寸長  
刻下秋審事竣案牘略形清簡又值眉生方  
伯北上越俎代勞雖爲日無多而責重鈞稽  
倍兢蚊負閣下素講經世大略惟祈有以策  
之則不勝大幸眉翁述職之餘得與閣下文  
醮雍容極爲欣羨因憶使車東莅湖山祖餞  
末座叨陪此日遠隔金臺賓筵莫與想揮塵  
縱談時定垂念鄙人不置也近况眉翁必能  
縷述○李晚蘇手札 春閒節使回寵以崇牘款  
於蕘說稱揚過實已非區區所敢當者又逢  
弊邦使价語必及走拳拳接引之詣何以至  
此雖中華之人得此於閣下亦可自榮况遠  
國賤儒之舉世不知爲何狀者耶竊自喟然  
曰生同里學同業者不爲無人而未見其假  
借吹噓如閣下之爲閣下特以數面之雅四

五年筆札往來賜獎如此豈其深知逾於本  
國之人哉是必大君子愛人之德亟於善善  
而不暇察其愚也再惠文彙皆出於勉勵成  
就之誼奉以周旋得有所進則亦足為將此  
身心奉塵刹是則名為報佛恩者資性素鈍  
賤齡漸衰竟歸於悠悠蠕蠕愧負實多古山  
易學固非膚淺者驟見可領而要之為大眼  
目大力量其他詩文亦非空言者則想其造  
詣似不但一鄉尸祝而止惜乎抱負如此終  
不免坎壈老死此古今一轍耶僕近住王城  
訓人句讀非敢以教育自居顧不過通功易  
事之計耳然距鄉絕遠室家之思種種逼人  
都不如自放林下忍饑看字之為愈奈何奈  
何閣下見居何任見究何書相與觀摩者又  
何人而至堂四農龍門諸君子則其進退去  
就俱何如耶雖未具帖請安轉致區區切仰  
筆十枝偶有所得材與手俱劣甚不合用然  
聊表衷情美惡何有扇面詩雖極荒拙若因

此得評則亦非幸  
○趙心菴手札  
伏承光復

耶餘紙縮不備禮  
蓋衣德之充爾規心之顏帖

兼叨幾品嘉錫  
蓋衣德之充爾規心之顏帖

醫藥以濟其生  
感發不能自已者噫執事天

到士也令人悽然  
操持時衡之柄所與交皆

海內名流門下  
桃李籠中稜尤何患乎無其

人焉而顧瞻乎  
溟外一凡夫至於斯摯也

士為知已者死  
走不佞心死於執事久矣不

神馳形滯此生  
之再合有未可期則安得不

永寤以歎繼之  
以一涕之萑蘭也審前秋試

善

初集年記二十三

一

411

臨江亭子為時日來往偃息之所亭在五湖  
最嶺窠處城內外十餘萬家皆在几案中煙  
雲沙鳥帆檣之出沒變轉有足樂者此國初  
名亭而名曰洗心洗心之南又有亭曰淡淡  
淡淡之北又有閣曰秋聲閒易屢主扁楣并  
不存欲乞

中

朝第一名筆以賁飾之今回萬望周旋之以  
結生平之願若何若何萬海二字方揭諸亭  
壁晨夕如與執事晤也三處扁楣字樣不拘  
大小只從當世名手求寫之俾不腆弊壤得  
以光耀於無窮豈不幸甚至哉今便是頌歷  
使者行也其還甚不遠謹當寤寐跋之矣萬  
萬伏候尊體心時萬  
安不備伏惟下察  
副以珍貺拜領感戢且於交友離合之際情  
辭委曲溢於紙面尤令人莊誦未已風雪居  
然戒冬伏惟體履康強眠食勝常羽可一向  
高臥不欲更來否自其南歸聲信頓隔殆不

李石友手札

春閒獲  
奉瓊函

類并世人事如之何不黯然傷懷也書中以  
 詩道見及豈以僕之應耶先生固已深造而富  
 引而置之同聲之應耶先生固已深造而富  
 有所謂羽毛齒革即君之餘何以益之第以  
 區區之見聊博高明一粲竊謂詩之為道小  
 之而雕蟲末技程叔子之所不屑也蓋詩發  
 於性教之汚隆三百篇之所以作也蓋詩發  
 於性情貴乎自然如雲行而變木動而聲  
 文漢魏尚矣雖下至唐宋名家至於氣調聲  
 韻之閒有足以動人心志詠歎鼓舞者而其  
 奈隨世遞降日趨薄弱不求於性情之真而  
 專事於雕會之末粉澤梳蠟以求媚也曩辭  
 靡聲以求悅也又有一種門戶視世之浮靡  
 而矯之以過高使事僻奧下字險巖務眩人  
 耳目而乃欲凌轢一代跨軼前古則此為  
 害又不止如求媚求悅者比也近代作者非  
 日無人而大要徊翔出沒於數者之間終未  
 見奮挺頭角直接大雅之源良可慨也先生

之詩蒼勁古雅不墮於流俗科曰是可以豎  
 赤幟於後輩屹柱於頽波六朝綺麗韓柳  
 起而洗之今肯否大著全藁寄惠一本切  
 僭妄而為之首有覓置者否大幘小幅俱無  
 仰覃谿墨蹟有施也僕親側粗安而薄宦從  
 不可幸有以副施也僕親側粗安而薄宦從  
 公碌碌無善狀晚蘇近住京輦與之晨夕差  
 為可喜耳萬萬不能盡懷惟希以道自重不  
 宣所惠姑孰帖不但印搨精完其中蘇子美  
 陸務觀諸公未聞以書名家而今見其字畫  
 勁健神韻雋逸始知古人於藝事無不能也  
 已入裝池隨意展玩詢是翰墨家希有之寶  
 也良感良感草○朴坦齋手札昨席賁臨實  
 坊院碑搨一本○朴坦齋手札昨席賁臨實  
 杯酒團圍大慰如渴之懷又侈手筆詩章歸  
 詫鄉鄰此行有光大抵交道不在數然過  
 從襟懷相契萬里階庭志氣不合同室燕越  
 僕平生寡與人合蓋因無臭無味不能作時

世妝故耳今茲之行執事一見如舊推獎之  
 不足撤與左右日用之珍器又盛惠金石文  
 字昔賢遺集雖得一於此猶可感佩況一時  
 竝投非但僕之初得於平生者雖執事必未  
 嘗如是施及於人自以為得一石交僕今年  
 六十有五未死之前何日忘之因痞常常服  
 茶昨惠珍品又出愛我之心敬挹清芬顧此  
 事面與副价稍異再明之會無以聯鑣此非  
 孤負盛意而然庶蒙默諒否所謂藥食自是  
 東物昨賜下箸故零餘一碗仰呈多塗白荏  
 油於鑄內務令極滑而更加一進否文魚江  
 瑤珠各少許海帶一丹亦伴呈再明便當復  
 修候畱筆談金生新羅人筆法極高宋時學  
 不宣貴帖內墨戲未知誰筆而亦是能手其  
 亦極貴書帖內墨戲未知誰筆而亦是能手其  
 下顏尚書筆偶同一帖曾有我東橋德章竹  
 畫入燕使行得來再渡鴨江顏書之復入中  
 國無乃近此耶白玉峰我東中古人名光勳

初集年記二十三



皇	人	采	歸	遠	觀	而	無	上	之	漠	未	不	又	為	文	
屬	京	竊	也	人	為	惟	眩	京	煙	及	及	佞	札	如	章	
執	中	以	駕	禮	懼	以	精	繁	橫	邊	散	僻	以	何	筆	
事	詞	為	言	待	及	不	而	華	何	巫	函	在	得	金	法	
辭	伯	近	送	款	其	得	駭	宮	莫	間	鄒	海	見	生	冠	
其	為	似	之	擊	再	見	矚	闕	非	之	杜	表	歐	名	於	
名	誰	於	詩	盛	到	當	哉	市	天	雄	碧	再	陽	不	一	
而	則	滌	以	饌	也	世	此	里	下	盤	嵩	奉	公	傳	時	
不	先	亭	贈	以	始	之	固	之	之	千	清	國	為	好	其	
可	以	翁	之	接	奉	歐	無	盛	偉	里	洛	書	喜	居	書	
得	執	且	溫	之	執	陽	遜	以	觀	白	之	作	並	山	尚	
也	事	於	珍	事	子	於	於	小	至	塔	間	年	列	寺	奇	
嘉	舉	其	風	之	不	子	由	國	於	之	而	貢	於	頭	可	
祐	似	時	味	以	顏	能	之	人	雲	雲	遼	行	三	隨	觀	
之	此	逢	炳	繼	色	比	之	眼	湧	野	足	迹	大	之	高	
世	眾	江	炳	之	不	古	壯	目	薊	之	迹	大	觀	類	見	
不	望	南	詞	其	鄙	人	覽	安	樹	廣	廣	馬	焉	云	以	
振	所							得								

中  
 文風歐陽子之功為多當今之時繼歐陽而  
 施歐陽之功者非執事而誰所賦粵遊南旋  
 草歸示弊及邦能文之士則率皆擊節歎賞自  
 以流布遠方使人有願一見之心又無減此  
 國事雖謙不自居而公執事以爲仰實無減此  
 於蘇子由之於歐陽公執事以爲仰實無減此  
 天寒尊體履茲增重鴻臚之銜尚見帶耶或  
 超遷右職耶不佞歸後於長夏暑毒一  
 所嗽食不職耶不佞歸後於長夏暑毒一  
 振眼前親骨肉翁固知悲不幾時而摧割情  
 爾天歿望七衰翁固知悲不幾時而摧割情  
 私有難自抑人思索莫竟不能就猿腸之首還  
 而疾傷之餘神思索莫竟不能就猿腸之首還  
 斷此可默諒矣陶然嘉會若隔前塵白首還  
 翹重奉無期於悒而已早晚弊邦皇華之行  
 惟是之企也 ○葉筠潭前輩題家君持盈圖  
 漏萬不宣

晏秋 水詩 危冰 兢相 彼欹 器匪 平則 傾滿 而石	寄將 寓箴 滿則 溢平 難此 稱物 好玩 六謙 吉遠	當寄 寧待 良弼 嘉謨 一再 告寰 海望 卿商 翁圖 遠	門既 鼎盛 奉盈 志方 愴有 子今 夔臯 貞謚 高	道以 約勵 無失 卓哉 江夏 翁穆 德守 貞謚 高	山神 明頌 純固 戴筠 帆詩 子雲 重掇 款孫 有	田渡 翹首 仰商 戴筠 帆詩 子雲 重掇 款孫 有	見珥 七貂 餘慶 邁石 傅蔣 花嶺 雲重 掇款 孫有	徵景 福天 所祚 積厚 流彌 光賒 謀自 優濂 裕會	思孔 乃鑄 圭璧 勵醇 修翽 翽見 風度 是謂 惠迪	胡乃 凜持 盈作 圖寄 深慕 懸器 感周 遺循 庭樹	元方 高軒 映吟 鷺正 當昌 熾辰 公槐 譽庭 樹	德重 瓊璐 體道 探根 源澄 懷得 天趣 燕翼 連	顯榮 倅互 相根 安危 判旦 暮倚 猗歟 江夏 翁令	得意 鳴崇 高欲 久駐 詎知 倚伏 機順 逆在 指	詩天 道惟 益謙 達人 貴葆 素日 中與 月盈 盛
--	--	---	---	---	---	---	--	--	--	--	---	---	--	---	---

不盜乃稱量宏敬承以謙為谿有於覆龍文之鼎其實百斛休有容  
盈奚多福嬰恐失富竈輒亂多雖日知足如  
宜受何大受不然與海同天涯鉅畢納何損  
器小前有大姬公後有郭令天厚其生崇高極  
何加之泊如若分素定我公師之保有餘慶  
盛處之泊如若分素定我公師之保有餘慶  
李時在詩 雍容乎禮法炯明乎謙益器隨以  
正德隨以煇貽謨後昆千載而靡  
○張亨甫詩 思如何誰憐猿鳥悲吟意譜

向瑤絃涕已多跋扈飛揚付少年老僧閒坐  
六年相憶各天涯痛飲燕臺惜髮華願向冰  
壺濯金骨瑤池容易日西斜樹齋先生大雅  
出示癸巳以後詩讀 ○蘇賡堂詩 古意二首  
竟綴此即請正定 蘇賡堂詩 奉呈老夫  
子大人誨正神鷹見紫霄鳥失其羣秋風  
歛萬姿金眸豁層雲沈猛不安擊鳳凰為之

夏  
季  
書  
三  
初  
集  
年  
記  
二  
十  
三

懷	此	夢	春	年	慰	腸	三	任	閱	獨	不	全	君
君	益	老	歸	光	我	與	月	委	飛	抱	枝	天	大
所	傷	舌	早	易	走	之	晦	身	沈	琴	寄	地	澤
知	春	澀	花	蹉	馬	結	日	奉	採	瑟	根	仁	穴
明	鬚	啼	落	跏	來	悲	黃	知	錄	材	瑞	林	狐
日	鬢	鶯	綠	主	相	淚	鴻	己	感	豈	山	棲	狸
是	忽	日	陰	人	存	如	臚	一	良	無	岑	翼	掩
何	以	月	靜	篤	邀	春	招	奏	工	廊	樵	病	聲
日	白	去	滿	情	我	雨	飲	韶	朽	廟	牧	鶴	恐
盡	君	堂	城	好	事	綿	江	護	質	心	徑	明	有
醉	才	堂	煙	登	遊	綿	亭	音	若	風	路	心	聞
且	我	萬	草	臨	覽	不	柳	難	○	霜	絕	託	除
及	不	古	生	遠	選	可	絲	○	黃	坐	修	相	惡
時	逮	一	倦	送	勝	絕	亂	黃	海	推	榦	親	何
	我	過	蝶	春	傾	宗	東	華	華	剝	藏	孤	乃
	客	蝶	戀	共	芳	英	風	詩	華	義	雲	桐	勞
	感	香	惜	惜	樽	強	愁		詩	娥	陰	老	將

僊屏書屋初集年記卷之二十四

道光己亥二月初九日奉

旨授大理寺少卿嗣奉

旨派從耕大臣四月十三日奉

旨偕鄂爾端往楊村查驗駁船五月十五日奉

旨授通政使司通政使六月二十二日奉

旨充江南正考官九月十六日奉

旨授禮部右侍郎十一月初六日奉

旨派往山海關查辦事件十五日抵遵化州十

二月初二日具摺一次初七日抵山海關十  
二日具摺一次十四日途次接奉十三日

上諭前派黃爵滋馳往山海關查辦姚思睿呈  
控協領德凌阿一案本日據裕瑞奏到該侍郎  
已於本月初七日抵關所有姚思睿案內人證  
冊籍計此時業已提集無難即日辦竣黃爵滋  
現已調補刑部右侍郎著卽來京供職將此諭  
令知之欽此二十一日復

命旋奉

旨借隆文往福建查辦事件次日奉

旨隆文入軍機福建差使派祁寯藻同往○葉

筠潭前輩贈行詩

榎楠度貢青齊又渡龍江玉尺攜吳會英才歸拂

拭王唐文字辨町畦讜言能建千秋策具眼

全消五色迷記取十年鴻雪跡奎光重照斗

牛低龍言清望遍

朝端獨拜

恩綸獎寸丹誓水人知冰作鑑焚香君早鐵爲

恩下

肝卽看芝朮登葭籠會見旄麾擁柏壇蕩節

玉墀直臣難得

聖人知纔聞海內銷荼毒又到江南折桂枝三

品當頭爲破格

初集年記二十四

二



重	界	盈	我	賴	尺	此	當	卅	下	軒	鳥	錦	陶	落	簷	爭	九
約	半	不	是	搜	衡	添	世	載	城	迎	酬	繡	然	帽	出	相	重
使	壁	斷	秋	羅	才	衣	重	感	定	兩	知	香	亭	江	新	祝	親
星	江	流	風	名	貴	鉢	風	風	知	部	恰	離	子	月	秋	好	口
遊	山	征	樗	場	不	雲	雅	檐	開	詩	未	心	上	照	擁	憶	誦
新	畫	輶	散	原	頗	屏	獨	但	舊	句	忘	催	醉	行	傳	潘	新
詩	裏	旋	客	勿	節	寫	公	覺	閣	問	六	驛	墨	舟	過	生	詩
儘	秋	換	青	奇	擁	素	兼	羣	心	前	代	路	憶	怡	瓜	領	多
許	擊	秣	山	特	大	縑	從	材	向	盟	江	歸	淋	喜	步	才	才
添	楫	陵	回	士	江	陳	秋	積	月	桃	山	夢	浪	登	移	脫	類
佳	定	舟	首	氣	開	秋	穀	何	輪	葉	好	落	接	高	旌	時	類
話	饒	六	淚	端	運	秋	穀	緣	明	清	西	席	近	茱	指	愈	四
朱	名	朝	痕	能	會	穀	詩	說	白	秋	風	簪	茱	萸	石	香	香
十	士	風	多	釀	珠	重	孝	士	袍	日	獨	獨	萸	作	頭	詩	詩
當	句	月	水	太	遺	重	廉	甜	如	渡	日	獨	萸	作	山	吾	吾
年	乘	吟	色	和	滄	重	自	翻	鵲	槐	晴	孤	盛	分	風	懷	懷
逸	槎	邊	盈	和	海	重	自	翻	鵲	槐	晴	孤	盛	分	風	黃	黃

韻黃蓉石詩

帝曰疇咨弼掄才翊贊襄頭銜標潔白風節重  
宓黃來自梯仙國重經選佛場得賢欣獻頌  
仄席待升揚

召對承

褒諭應償不世功久推名輔望真見古人風一  
疏扶

昌運千秋有至公讀書求實用愧煞老雕蟲江

左饒先達風流大有人文章李北海經濟范

希文用世期相輔傳衣固絕倫閭門如雨集

翹首望行塵財賦三吳地東南半壁天輜軒

籌使節出納仗臣賢努力宓公等乘葉潤臣

時策祖鞭小儒慙惘款相贈只詩篇

詩八千江左士十載望公來更拜

求賢詔重搜大雅材秋風邀笛步夕照雨花臺  
詩句會題徧登臨掃石苔遭逢似公少特達

卷屏書畫

初集年記二十四

三

九重深封事千秋業焚香靜夜心儒林重模范

楷寰海待膏霖文字關時運中天象緯臨

今雨詩通與別漫五年光陰如轉瞬未及尺素

我認挑燈細玩之語語關至性真如見叔度

咳唾皆圓潤謂我強項吏其用惜未竟人生

知己難一讀淚一技公今望益隆行將肩大

任一紙活人書中外聲共震婦孺盡知名蒼

赤威在孕壽民即壽身重與斯文論氣骨看

三山金焦稱後勁萬卷不停披雙眸了若鏡

誰復歎劉蕡決無李薦贖所得盡琅玕持以

獻

主聖嗟余千里來恨不即前進連朝阻石尤差

喜一帆順來日苦無多舊遊恐難定一面抵

百回一言勝百韻勿再陳伯游詩昔年玉河

別酸辛好音傾耳聽水清影照

開樽蠟屐迥沙岸輶車出國門一星終可紀

六代復堪論前後徵奇迹常教故實存大江

南北地千古出人才牙曠恒難遇臬鸞各自  
猜英華驚驟發風氣喜重開縱有劉蕢輩彈  
冠佇草萊明公助業盛猶念布衣曹天下知  
心少文章道諒高北馳官驛肅西望故鄉豪  
嗟我今流寓 ○ 苗仙露手札 弟至今總未接  
何時盼節旄 ○ 寄來年前四月十二日忽有  
不知信從何處及門保定田生隨其舅氏李  
金壇棚看余余言及伊云聞生女女亡後其  
母亦亡噫弟命苦不能仰賴先生及諸相好  
之厚德以延宗嗣耶春圃先生聞之曰不  
弄璋而弄瓦竟把瓦匄也帶去了為弟漢專  
唐瓦解嘲也弟以未接家信總不敢信是以  
在京諸相好皆未函報即如李月汀在揚州  
船上見面亦未敢道及也今先生以正典試  
再臨此邦關防不得仰見光儀弟又於初六  
日隨棚回江陰藉畱片羽 ○ 陳伯游手札 陵  
恭請升安伏維荃照不宣

良覲天假之緣雖晨夕數周亦稍慰十年契  
闊別後渡江間先生擢少宗伯南望欣笑不  
及溯洄往賀矣想即日北馳拜

闕陳奏典試之事因及江南大政備

上顧問造福一方伏念先生通籍以來纔十餘  
年遭遇之盛疇與倫比

上實知人而知先生尤深外掌封圻內躋端揆  
指顧閒事第先生所為報稱者益當何如大

臣之道以言事君宏啓沃也以人事君廣翼  
輔也二者相資言則尤重先生曩為御史固

以敢言為

上所知烏臺霜簡炳在天壤進居九列猶蒙

諭勉赫然異數今先生益當多讀書多見士以

周公為師夫古有豪傑挺生蘊天人之策不

見用於當世或當世用之而不盡則冀幸於

後世者至無窮也而後世能舉古人之道者

鮮可一二數故以為先生勸若今之賢士學

古有獲發揮事理蒿目時務或位卑不足以

起行或巖處莫由達於朝市汶汶而死不知  
凡幾著書或不傳即傳矣而冀幸於宵渺之  
後世無可慰藉曷若即爲當世采采用差足自  
喜故又以爲先生勸也且

上知先生亦望先生能知人百司庶府四方守  
令舉賢援能輻輳當路君子道長小人道消  
今日誠爲泰交之象乎惟用人每由先用其  
言未有不知言而知人者用人或誤坐不知  
言聽言辨誠僞君子偶舛則爲小人所蒙動  
關家國豈可勝悔大臣匡君非徒自專納誨  
兼貴博陳讜論遂以物色其人事本相因故  
言爲尤重至於古人既往無可慰藉今巖處  
之士例不登進惟用其言不啻用其人且視  
用其人而不用其言者得失又判大抵立言  
之人志在天下不爲身謀君子於出處升沈  
不矯不徇是爲順命若天下治安亦有世運  
而君相不欲委諸世運也堯舜都兪不遑終  
日先生念茲矣方海猶欲曉曉者三代之道

舍是何從知先  
生不厭熟復也  
○單廉果手札  
七月半由小  
郵觀察處遞

到手諭敬稔大人由大理超擢銀臺

天眷日篤不勝抃慶比聞旌節又有江南之行

歸期不遠從此知趨朝之暇仍可得閒以讀

書為樂居高明之位有專一之心合天民大

人之學以求志而達道古大臣氣體不移正

是如此欽佩無量命書刻大著容俟拓本呈

鑒幸致書山東守土遇便載往嵌壁可也從

此直臣翰墨增重湖山與南豐敬軒鐵忠定

後先輝映矣家慈大體無虞但扶掖飲食需

人故不能復出家無僕婢日日背負行花竹

間作開口笑此樂豈以三公易乎不知何時  
再親芝範瞻睇燕雲莫名引結三字經不能  
多帶特令舍姪垂紳面呈即望查收舍姪以  
老諸生覓館來日下尚懇大人推屋烏之愛  
為一籌畫俾得自食其力  
○孫壽垣手札  
去夏  
仍是一廣廈萬間之義耳

違侍出都午節旋里邑侯楊鑒泉先生寄示  
吾師所讓先祖墓誌丙父子再拜稽首讀之  
感極流涕不知所報誌中備論先祖有仁賢  
之行謂足愧世之尊其業而疚其心者得非  
以是爲丙勛敢不勉諸吾師德業日懋聞  
望日隆一歲三遷晉秩少司寇皆超擢不由  
階資

聖天子克知灼見俾昇方隆而師抱負有素固  
足以副之也蓋丙自十有五時獲齒於門牆  
之末是時師已慨然有濟時及物之志尤殷  
殷以造就人材爲急期以豫天下國家之用  
今者遭時行道展其素志則甄陶乎斯世者  
將益廣而屬望於斯世者亦愈深天下士亦  
孰不爭自濯磨求裁成於大賢之門況其門  
下士也哉丙愧頑鈍無所省發然卒亦未敢  
廢棄者以內承庭訓之嚴而外荷師教之深  
也受教以來二十有四年中間離合不常或  
親承提命或賜書督勉諄諄以有用之學爲



助所以進之者至矣近嘗推吾師之意考之  
往古按之當今偶有所見思質之函丈以考  
其得失貧困日甚不果赴禮闈無緣就正於  
門下默而息乎又違請業請益之義未敢遂  
已謹附書以達於左右竊惟天下之大勢常  
趨於天下之所重惟上之人審於所宜重者  
陰驅潛率而易其所向夫天下之所重者宜  
莫急於有恥有恥則何善而不可爲無恥則  
何惡而不可爲夫人之所以無恥則欲累之  
矣吾之所重者恥而彼之所重者欲彼亦安  
肯置其所重而從吾之所重且欲者人之情  
也惟天生民有欲惡得而禁之豈惟不得禁  
之且必有所養之而後可以釋彼之所重而  
樂趨吾之所重先王知其然也養民以井田  
而仁之造士以學校而選之崇功德以封建  
而久安之凡皆順其欲而重其恥也或曰古  
制不復則上理不可得而致且今天下已治  
矣已安矣又無用紛更爲也丙竊以爲不然

夫人之保身也培養元氣正在氣血平和之時爲事不勞而爲益甚大治國者何獨不然古制卽不可復獨無可以近古之治治之者乎嘗試思之得近古之說三曰均田曰薦舉日守令久任昔蘇文忠公有言藥雖進於醫手方多傳於古人若已經效於世閒不必皆從於已出之三說者雖皆古人之陳言或亦濟世之良方也限民名田之說始於董子均田之法歷代亦嘗行之元稹均田之表防其弊甚周蘇氏田制之議規其利尤悉天地萬物之理一豐必一蓄一盈必一絀後世井田既廢上無振貧之術而下無爲善之資民之免而無取無怪也幸也有均田之法在不驚民不動衆有益於貧而亦無損於富不用井田之制既定而獲井田之利夫何憚而不爲均田之制既定而散而無紀去同井之意猶遠又當輔以保甲之法保甲之法非徒以弭盜賊也實賴以存比閭族黨之遺而條理規畫於

其中奇衰有禁德藝有書道以親睦任郵之  
 風約以冠昏喪祭之禮善相勸而過相規人  
 心風俗之厚其不以此也哉孟子曰有恆產  
 者有恆心孔子曰道之以德齊之以禮有恥  
 且格此之謂也夫人之所欲者名也聖賢與  
 庸衆一也聖賢以其實而庸衆專以其名國  
 家所以取士者亦名也古與今一也古以其  
 實而今專以其名蓋古以選舉而今以課試  
 矣天下雖有魁奇閎偉之才然而惟其文不  
 惟其行彼有行者不必皆工於文而有文者  
 不必盡篤於行又況好惡難憑所謂拙者非  
 拙而所謂工者非工僥倖之途一開相習成  
 風恬不知恥取士之法可無變歟丙以爲職  
 取士之法可無變歟丙以爲職此之由然則  
 姑與考試並行薦舉則登進寬而敘用亦寬  
 內外臣工皆得薦士既舉而廷試之則用進  
 士分甲之制量才授任而皆予以實職考試  
 則取錄嚴而敘用亦嚴鄉會試皆損原額什

之五雋於禮部者省殿試而用朝考朝考入  
選而後分發試用既試用法亦宜少變試文  
而後予實任焉其試之易時藝爲論以規  
則仍以四書五經命題而時事務以規其議與  
其所學試策則問以史事考時務以規其議與  
才要使天下之人常苦於考時務以規其議與  
薦舉之貴夫而後父教其子師教其弟與士  
之所以學咸憬然於文藝之爲未而德行之  
爲先夫而後薦舉之得人必盛數十年後考  
試一途可以竟廢夫而後存選舉之意而崇  
選舉之實無慮遺天下之豪傑亦有以成天  
下之申材而取士之道得矣後世懲封建之  
弊而置郡縣黜陟而信賞必罰易置而朝令  
夕行此郡縣之制之得而封建所不及也各  
私其土各子其民上服習而知其理下服馴  
而安其教此封建之制之得而亦郡縣所不  
及也則不久任之故也庸庸者視其官如傳  
舍患失則惟利是圖倖得則徇名不已其於

民生之休戚蓋漠然也至若矢志公忠忘私  
忘家不難隨所至而舉其職然而與利除害  
移風易俗非需之歲月顧亦有所不能計莫  
如使之久於其職而嚴其考績之法果其著  
有成效則優以爵秩豐以祿賜而不必遷其  
官夫如是則賢者得展其施爲固無慮其事  
之不成功之不就而中人之才既無以饜其  
所欲而息其躁競無恥之心亦將觀感愧奮  
勉勉焉惟民事之圖卽有不職者而法固隨  
之矣是謂有封建之利而無封建之弊兩漢  
吏治所以近古者用此道也夫養民造士之  
道如彼任官之道如此凡亦順其欲而重其  
取也而上之人又復爲之以漸行之所以誠俾  
天下革面洗心如誤於歧途者之得所歸如  
水之就下莫之能禦則上理當亦可幾也顧  
昔賢論及此者多矣而其效不見於世何哉  
豈迂闊而不適於用歟將大人之學宐又有  
進於此者歟抑吾師所謂非言之難而行之

難歟嘗論三代以下之人主求治之銳用人

皇

無成深為可惜洪惟我宗而安石用意一誤遂致

上仁聖智勇遠軼神宗吾師學問醇正器重

恢宏亦非安石可比一心一德之美上擬三

代盛哉千載一時天下生民之福也其進而

論思密勿陳善責難固非淺學所能意度他

日澤被一時功垂奕禩措註張弛之迹亦不

在下土意量之中如丙所陳未足窺其萬一

惟使吾師不棄而終教之豈惟丙得考所學其

亦使天下後世之言治者有所則焉○姚石  
幸甚臨風企戀伏惟以道自愛不宣  
甫手札 去歲得書遠承注問并以亨甫龍門  
事籌防收養游民聯莊相保親赴北路督捕  
匪逆又亨甫來書云將渡海意欲候之遂爾  
稽覆嗣奉行知  
上諭嚴辦鴉片議加吸食者罪名擬死得見閣

臣

初集年記二十四

七

下原奏卓識偉論洵為當今第一要務吸食者限以一年戒斷逾限不戒者論死可謂片言扼要法莫良於此矣督撫飭議到臺比即如尊議詳覆且縷陳近日夷人以鴉片收回洋銀閩廣江浙洋銀之價日昂民間缺用皆由於此不叛其本而重吸食之罪徒事禁洋無益惟臺地隔海文書遲滯議未至而省中已先覆奏及後見少穆先生奏議反覆推詳於閣下之說發明暢透果合

天心決從近始

聖諭前後十數下中外臣民乃憬然夢覺各省遵行臺灣向為紅夷之所嘗據尤為緊要因時方不靖此事辦理未可太急是以於全臺平靖各股逆首皆已就擒之後方始行之現在民間戒斷者十已七八入督飭各屬查拏一面設局使紳士郊商勸諭收繳煙土煙具恩威並濟大約一年之後可以淨絕矣登至臺已一年未能於地方大有所濟特為救時之

計不過除暴弭亂休養凋敝之民培養元氣而已亨甫竟未南來莫知踪跡所在想與龍門皆至京都以待春闈也二人皆不凡材使其得志必有樹立第恐豪氣未除幹濟有餘安全難必耳夫利濟天下仁也氣足以振強力不回勇也而時勢異宐強弱異體剛柔異用危者安之募者鋤之參朮硝黃相爲表裏使吾志行物濟而無所害者智也二君能進於此其庶幾乎 ○李石友手札使車之回寵以盛翰泉瀉奉讀再三忽焉忘疆域之殊隔闕之久也伊後裘葛又更伏惟體履康福寢食無減否內升外轉現居何官誠知榮名外物不能雅度而吾儕小人每於知友升沈之際不能忘情矧以先生之德之學而久淹間曹亦豈世道幸耶承賜覃溪書幘張之壁間寢處其下久看而愈覺其妙恨不能及乎其時得見其運腕得聆其妙諦也常以爲此老之筆以



坡翁墨作率更字流麗而有典則淡古而生  
姿媚且其勁悍之氣迥邁之韻自有不可掩  
者近代名家當數第一東國時有揚本而墨  
跡絕罕荷茲勤副兼以佛偈畫幅或爲書廚  
之珍賞或爲驅魔之秘符種種盛意何以爲  
謝僕親側粗安私情爲幸外此苦無可述宜  
業不進學術漸退鹿鹿年時只堪爲知我者  
羞耳自念弱冠時志氣頗不卑下思以一事  
自見而素以粗性浮氣疎材薄力內有米鹽  
之累外有聲利之蔽居然齒髮向晚無所成  
就今欲自比於庸庸怕人亦難矣願先生不  
我終棄幸以一言而策之也晚蘇家甚窶爲  
資束修就人西席與我爲千里之隔已一年  
矣向來盛信業已因便致之而今無以討答  
件呈可恨羽可信息真邈如河山矣 ○李汾  
聞有貢便略修起居伏惟尊照不宣

西手札

僕經歲行役不以山川爲遠不以風  
雪爲苦者志自弱冠慕切中華聞君

子緒餘之論開鄙人茅塞之徑於吾身豈曰  
小補竊念先生之論學極正平纔過分蹊逕  
則漢宋便非一貫此所以嘷嘷多辨者先生  
之見獨能明快至以譚襄敏教將士一誠字  
爲觸類之警歸以求之實無閒然恨不得多  
承警咳也青雲席閒可詢之事未罄所懷豈  
敢自外忿忿一書無如之何苟有再拜之緣  
庶可披瀝月汀之病已差則可爲相好者賀  
如已入都幸道此戀戀如何補山將以春夏  
之交還鄉爲言矣何時當回耶再覲便有膠  
漆之契非泛泛者可比來冬不擬書候轉求  
代致江龍門艾至堂郭羽可諸君子尙未來  
京否夙仰聲華獨不得見只勞願言而已  
本朝詩選嘗云畱念乃盛舉也恐未可遽就然  
旣成則較歸愚之選更大乃可今人之詩亦  
不可不同選未知盛意何如華橐聞已付劂  
氏何當完就耶相見不相思不如棄路歧可  
憐路旁草腸斷猶相思政爲今日道也歸家

未滿一月病擾之中聞滿船之行 ○朴坦齋

略此付候為探尊體安吉不備

手札 春間覆教得於周歲阻音之餘大慰傾

堂候亦以時承聞否賢者固不以官位資級

經心而以免果陞遷右職否未能免俗而相

推恐之地聊復仰扣耳弟病與年深又積傷於

今夏霖溼匙箸全減衰氣難振嘗觀世之貪

生惜死者惴惴然惟恐一日之不延此必世

味薰醋有可樂者故也如弟者眼前惟愚魯

一螟兒而已身如白首老頭陀淡泊無營除

卻赴公外閉門卻掃世情都如秋雲薄且古

人願看盡天下好人看盡天下好書看盡天

下好山水尊兄足當天下好人幸一見之而

九州之內賢如尊兄者不知幾人自顧僻處

海隅無以廣交遊之路此一恨也國內名山

川金剛為首而未嘗見之此非但水石之絕

奇滿山皆楓故一名楓岳昨春秋擬償宿債  
既束裝矣有故未果往三數百里之地尙然  
況五嶽之尊峨眉巫廬之雄太湖洞庭之大  
天台雁宕之奇隔遠萬里外者尙何論哉此  
二恨也四部之書雖無以徧觀而前後燕肆  
購來之本亦不少東國亦多板刻苟欲泛覽  
不恨無好書而老眼益昏未免疎斥餘生固  
無幾而全沒消遣法此三恨也如是而雖隨  
人食息以度時日有何生世之況也情到也  
故醜縷及此想尊兄讀至於此亦必憐悶焉  
豐樂記盛惠及此如獲百朋拜受珍感聞此  
印本前已東來而鄙則今始見之筆力邁健  
足稱其文東坡真天下古今之通才也尙呈  
秀軒帖卽年前率去甥兒之從曾祖徐知府  
懋修之筆此筆雖少妍態而極有實地可貴  
高眼以爲如何今呈後赤壁賦卽黃孤山耆  
老之筆乃是海東筆家奇品而年代久遠人  
所寶重者但缺亡二幅非敢比倫而石鼓文

殘缺不害爲助其奇古耶金剛入景圖卽近  
世李箕埜昉運所寫儒畫可尙而因畫題之  
勝絕其畫亦長得幾格堪作臥遊資耶觸物  
興懷一枕秋夢重繞萬二千峯之間也第書  
與畫俱未及妝帖是欠語失先後而今春行  
臺李戚之歸聞托交於尊兄且傳尊兄記存  
老物意殊鄭重鄙人之慕仰高風固也而不  
知尊兄何取於無似之品眷眷不忘至此耶  
感愧交并而已此戚今陛下大夫爲之柏  
悅節迫寒沍只親對時珍齋不備書儀 ○  
李秋齋手札 使人日履日船而不能窮山海  
籍之奇玩雖然秦山之高河海之深探涉不  
已猶可以測其端倪五車之積百家之流披  
索不已猶可以撮其糟粕獨有宇宙閒一大  
寶有形而無迹有聲而無響淵然而深擘然  
而高藏之於方寸之間而放之六合之外卽  
吾人文章之府才德之器也如之何其廣吾

矚而達吾觀也嗟吾海東天之涯地之角渺  
渺然一小陬耳遊井之魚不識江漢之廣棲  
枝之鷦不見穹壤之大余今老白首尙以是  
爲恨歲戊戌十月奉國王命執歲貢朝京十  
有二月抵

皇都畱四譯館四十日當歸公事費日幾將過  
半行忙意促無暇廣交余又以是爲恨入都  
之初問有賢大夫遠識通經能文章善詞翰  
者都人以鴻臚卿樹齋黃公舉之余不以媒  
交爲嫌先以書候繼造其門樹齋出而迎款  
欣然若素豐顏丰儀一見已識爲大君子筆  
談相叩頗得其萬一遂與之約友會龍樹寺  
再得其緒餘又與卜期於李友禾叔家庵成  
一大會禾叔善文章詩畫鴻臚少卿筠潭葉  
公遠於詒訓之學戶部主事頌南陳公以經  
理學著潤臣葉君上藉家庭之訓文學炳蔚  
琴西孫君秋谷陳君皆自妙齡詞翰曠世克  
齋辛君聞風投詩只賞其清裁矣列椅坐無

次談劇如流除非清都出遊抑亦靈山佛會  
 何以致吾身於仙佛之間得並此樂歟竊觀  
 吾樹齋足下詩律足以壓倒一世而務欲樸  
 實平淡不欲自炫其能文章足以賁飾一世  
 而務欲渾圓磅礴不欲自售其名毓真養性  
 踐履尤雅似見形而疑無迹若聞聲而卻無  
 響不可以把捉模楷向吾所謂文章之府才  
 德之器其在是乎其在是乎余不能嫻於詩  
 律而足下錄之以唐人口氣余不能依攬作  
 字而足下詡之以門戶已廣余不能依攬有  
 才而足下則愛之切而褒之過是豈真正有  
 契於心而然也厚愛之言不得不如是於此  
 亦足以見其氣像也一入  
 中國得此大觀而歸惟足下勿以人遐而棄之  
 頻交音書 ○李正觀手札 日者車馬次舍膠  
 終厚望焉 海外一韋布所可通刺而乃閣下不以唐突  
 見罪降屈顏辭酬接如舊識此見大君子德

盛禮恭愛好人倫之一端甚盛甚盛正觀自  
結髮讀書粗以知

中朝文教之盛學士大夫經術文章之富且博  
也而思得一致身其閒有以揚扃議論及自  
省事以來得近今諸人著作伏以讀之往往  
有與宿昔之所欽慕者不同則又其心不能  
無憤悱之積於中者尤益憧憧焉如饑渴者  
之思飲食數十年於茲矣今以匹馬輕裝慨  
然隨使蓋之後驅馳數千里所過山川謠俗  
之會城郭市肆閭井之繁華富麗亦豈不快  
心爽目自足於平生而顧其欲然怒然若無  
足以副平日欽慕之心者猶夫昔而有甚焉  
蓋世道之所升降風俗之所以淳漓人文禮  
教之所以通塞晦明不在乎山川城郭閭井  
謠俗之閒而在士君子秉心持論撐拄而扶  
樹之如何耳竊聞之往來使臣之言道塗輿  
人之誦閣下之實學閱議卓然爲  
中朝名德之一而以所以延接正觀者驗之自



幸前聞之不謬竊計閣下僚案交友之間必有臭味名論泐然而投合者而儻蒙閣下先後而引獎之使得以古人之禮造門而請見則亦閣下不貲之賜也謹俟大部封篆之日趨詣門牆罄竭底蘊先奉咫尺之書以道區區原隰馳驅之餘伏惟尊體動止茂膺吉慶無任攢賀之至詩忽聞黃侍郎啣

命出

帝畿不謂邦均別因成歧路辭當時劇匆匆謂言有前期夢寐雖相接那得記容儀人生異疆域我居天一涯文明漸東啟非復古九夷平居慕中夏苦癖自少時山川漢唐餘氏族殷周遺茶飯總禮俗言語即文辭饜饜四庫藏作者問為誰總是中國士精靈竟在茲鯁生縱固陋粗有管中窺嘗謂漢宋論門戶不必歧參差卒爛漫祖禰同一藩籬幟幡揭賈孔呵宣尼云何大屋宇自作一藩籬幟幡揭賈孔呵

訖到洛伊叢叢幾部書傳刻翻棗梨直言無  
 天理何以敘人彝大哉會思傳偏酷遭鑿錐  
 本領一以壞六籍隨紛披爾雅與說文援證  
 亦支離竊意漢儒心正當不如斯實事本求  
 是公案豈無私崇崇紫陽室戈戟日相隨狂  
 瀾障無力感此淚垂垂傳聞一二公正學獨  
 扶持區區願見心久矣如渴饑今行逐使蓋  
 來自日東陞遼城問古跡墨祠感逸詩驂騑  
 忽相值載刺還自疑門牆尙可揮名字詎曾  
 知倒疑亟相運令德副所思如今悔早退談  
 次遂不遲旅館待初三兀兀度朝曦鬻庭闕  
 石鼓書廠訪琉璃歸來捧尺牘感甚問旅羈  
 發函一長歎造物若相欺南天極閩粵新  
 命又周咨尺地不相見世事多缺虧人生直隨  
 緣咄咄復何爲雖然有一言喜公今南之南  
 中故多士鹿洞有遺規應將一瓣香去謁紫  
 陽祠恭惟夫子學萬古日星麗異說雖喧豗  
 等是撼樹蚍從今一反經家祝而戶戶盡婦

卷之三  
 三

初集年記二十四

五

雜亂言不作記問師淳風日以返如古軒與  
義挺生幾大賢宇宙得撐支施及海東國謠  
俗亦熙熙信筆激  
此章狂愚公勿嗤  
○李正履手札  
正履自在本國聞先

京庶幾得因館人一遂掃門之願儻先生不遇

棄之少賜咫尺之暇使愚陋下士獲聆指教

之一二歸詫小邦足以爲平生之榮耀今聞

先生有奉  
勅之行指日啓塗乃令此計遂左區區懊恨若

未會有也伏惟神勞愷悌先生台體動止茂

膺百福原隰皇華深慕祝正履海邦之鄙

士也獲沐  
聖朝文教之遠漸略與一二同人鑽研古書於

經史中亦不無一二窾見冀於奉肩之餘扣

質於先生以開發其蒙鄙屈指計日以俟者

今乃如是是實爲平生之恨也鄙邦趙心菴

觀察每盛言先生奇偉磊落有西京風致遇

人有至性不以中外有閒以爲忘形之至交  
 今行歷過海西境心菴爲言年年奉書於先  
 生矣今也民事鞅掌振救勞心舊患眼眚大  
 發遂不能把筆作字闕焉不獲修記府之問  
 俾正履面布此區區是心菴之不得奉書於  
 先生與正履之不獲見於先生均爲今日之  
 至恨也廁想行駕將啓芬劇彌甚一書拜稟  
 亦知其疎率而以平生慕用之私今日未覲  
 之恨不得不一次吐露伏惟先生撥忙收照  
 歲鑰載新惟伏祝萬萬吉慶爲時保重不備  
 書儀 ○ 陳伯游寄懷詩 振衣去朝市冥心向江  
 音在昔我同袍友六翮掞光采公卿不掛容  
 浩歎發千載惟有呂將軍可以故意待由此  
 觀事功天塹絕凡猥謹言契  
 當宁高文動真宰務使道術尊庶見世風改仔  
 肩已有人嘉 ○ 俞四香詩 奉和江亭遲客西  
 遯乃無悔

要昇書卷  
 初集年記二十四  
 七

峯含煙靄遙沈鳥林亭晚駐驂殘春悲獨客  
盛會接雄談海右憑高日知君念濟南○前  
詩意猶未暢輒成七古一章呈政揜關十日  
愁風霾宵來微雨天氣佳城南數里極明瑟  
蘆葦宛在江之涯女牆十丈嵐翠送官道一  
亭簾幙控名流自古愛登高命侶爭看逐飛  
鞚主人況是天人流瓊裾玉佩聯清游座中  
笑語雜吳楚檻邊水木涵瀛洲瀛洲更接羣  
仙籍羅列冰盤開綺席綠楊天遠易春愁紅  
友杯深宜岸幘飛鴛浴鷺共相羊笙典珠墳  
子細商極目諸峯迷積靄憑欄長日鬪清觴  
酒酣忽憶前遊乍張緒清狂灌夫罵閭挑玉  
遂譜霓裳醉踏瓊筵舞甘蔗雲散風流歎逝  
波死生契闊感如何夢迴京洛青楓遠病起  
關河白髮多今年策蹇走京國澤畔行吟少  
顏色心折汪汪千頃波書呈落落幾行墨逢  
人說頃徧朝班我亦心期流水間意氣籠人  
如北海風情對客說東山山川滿目何殊昔

賴有鴻篇懸日月  
憔悴眞憐楚客歌  
登臨且挂西山笏  
明朝跋馬返齊州  
九點煙青繞別

愁他日羣公高會處  
陳秋穀詩  
雨後山如洗  
蒼煙空際含

羨欄空挈鷺近樹好停驂  
雅社推盟主  
洪清尊許劇談重應圖展  
禊風景認城南

子齡馮虛閣雅集圖序  
馮虛閣雅集圖者吾  
師典試江左出關後

紀遊之作也先是道光戊子吾師奉  
命為江南考官拙擢偉才甄拔沈滯文體既正

士氣聿興凡在藝林靡不仰止乃歲星一周  
使星復至於是纓綉臚歡適慝夙志士仰承

叔若列緯之拱北辰世慕昌黎似百川之趨  
東海綜其盛軌有可揚厲者焉今夫周召分

陝報政或專於一方輜軒採風提衡必周乎  
三載若一封軺傳匝月遴才仙槎既遙借寇

徒切畫簫再持夫  
北關未必福星偏照於南方而乃三吳杞梓盡

沐春風六代江山重迎使節遇已奇矣矧夫伯樂一過驂騑已空風胡再來鈿鑊更鍊海

中鐵網光屢擷夫珊瑚殿上臚雲名竝傳夫仙李更非特江表之韻談

實科名之盛事也況乎玉節未移恩命已播桂宮錫宴紅披一品之衣鎖院方開

榮擢六官之秩行見入贊綸扉出任岳牧

帝眷之篤朝士禱之且夫凌雲負奇六合可以橫眺也登高作賦九能所以獨名也鄴中公

讌為大雅環絡之場梁園勝遊更羣玉羅藻之府今雨舊雨分荃贈題大山小山攀桂餞

別時也寒江送秋涼葦搖雪遙巘疊翠林花漾紅則有傑閣千仞排長風而枕虛冠蓋兩

三載明霞而迴渡拱袂捫斗開襟盪雲曉笛乍起花飛古臺空宵偶吟響答簷雨秦月照

而長淮流古苔積而鍾阜紫話六朝之金粉鳥語深林聽隔舫之琵琶人歌子夜冰木助

其古歡琴樽寄其遐想於是發之詠歌託以  
絹素建安賓客不忘南皮之遊小李將軍特  
擅金荃之筆固足超越遐古高視詞壇矣若  
斷孫之序此者則更有感焉在昔桐魚刻蜀  
浮石響於泗濱寒叢零宵洪鐘振於霜嶺故  
一日之知銘以肝鬲千里之遠尚隨雲龍蒙  
以謙材屢承異陳仲寶月旦首數彥升琅邪  
文章獨歸孝綽陋同頑鐵屢經陶鑄於洪鑪  
質等曲鍼頻施汲引於磁石蓋吾師兩典南  
試其屢受知遇斷孫一人而已此所以鮑子  
知我諒實等於所生東野感恩德並隆於嵩  
華則綴詞圖末者不徒侯芭之問奇聊效杜  
陵之述湯雨生詩已亥九月二十日奉陪樹  
德而已湯雨生詩齋先生暨鈕松泉修撰嚴  
問樵明府孔宥函比部黃子湘上舍集雞鳴  
墟作圖紀遊並繫以詩兼誌別懷清遊有夙  
緣風雨不得阻憑高襲秋氣葉聲亂人語臨  
風生古歡江山辨龍虎黃公柱石資立言震



千古鈕子文章伯持衡共南土聞聲匪一朝  
 傾蓋如舊雨追隨二三子著述竝徐庾  
 世多畸人偶然此賓主銜杯樂今夕空山少  
 雞黍倦翮無雲程重逢在何許繪圖紀良會  
 盛  
 高歌悵嚴問樵詩一虛納衆有風日清且徐  
 南浦閣外湖光靜閣中人意舒  
 六代幾廢興逝水何渠渠客來自蓬瀛俯視  
 皆區輿飛身躡五洲化人倘可呼憑虛意何  
 限不羨孔繡山詩清溪九曲光如鏡琅邪古  
 凌雲圖孔繡山詩  
 問終古雞鳴入清聽牙檣錦纜秋風高江上  
 重看宮錦袍登臨賓從文章美圖畫將軍意  
 氣豪從公未得陪高宴六朝山色欣重  
 見請譌水調紀清遊欲挽江流洗冰硯○壽  
 泉兄詩札奉和戊戌見懷之作十四年來別  
 懷思鬱五中詩心夢春草畫筆賞  
 秋楓白雪高誰和青琴調自同聞君猶黑髮  
 我已歎頭童○李漢孫山水畫一幅聊以伴

函希莞存之漢孫爲羅飯牛山人之師其真  
跡近殊不易得也此亦吾鄉翰墨一能事矣

1  
人  
言  
是

3

僊屏書屋初集年記卷之二十五

道光庚子二月十八日抵福州府三月初六日

赴南臺查驗福廠戰船二十七日拜摺三件

片二件圖一件

臣祁嵩藻臣黃爵滋臣鄧廷楨跪

奏為確查閩省海口煙販情形首在嚴辦漢奸  
竝現在籌辦水陸巡防事宜恭摺奏

聞仰祈

聖鑒事竊臣等查閱御史杜彥士原奏內稱鴉

片之流毒最甚廣東而次莫如福建夷船停

泊在廣東則藉口通商在福建則無辭可解

况廣東夷船所販賣者尚有鐘表呢羽等件

鴉片係其夾帶之貨福建夷船所攜帶者並

無他貨只帶鴉片一物其情更為可惡今當

廣東查辦喫緊之日若福建沿海地方不能

協力同心一體辦理致夷船得任意寄泊是  
 為淵毆魚為叢毆爵凡廣東所不容者將轉  
 趨於福建福建之夷船日多則鴉片仍不能  
 斷絕紋銀仍不能不出洋且由福建而上如  
 浙江江南山東天津各處海口皆夷船可到  
 之處防備尤恐其不周而臣更不能無慮者  
 漳泉沿海奸民平日勾通夷船者今多在船  
 同事習其教法依其裝飾彼蓋以為在商船  
 則官得以稽查在夷船則官不便嚴究奸商  
 與夷人合夥更復何所顧忌伏祈  
 飭下該省督撫提鎮一面查拏各海口奸民從  
 重懲辦一面向夷船嚴加盤詰奸民逃匿船  
 上者交出治罪所載鴉片煙土准其自首呈  
 繳即日開船出洋並令該夷出具甘結嗣後  
 不敢偷越閩省海口倘有攜帶禁物違例復  
 來者貨盡入官人即正法其沿海地方應如  
 何添設弁兵嚴密巡防之處妥議章程認真  
 辦理總期夷船不得闖入漢奸無從勾串等

語臣等伏思察弊費審其原防奸當扼其要  
 查閩省各屬具報夾板夷船在閩洋遊奕飄  
 泊者自嘉慶十九年為始其初每年或僅止  
 一二次或數次或全年竟無夷船遊奕者迨  
 近年以來或十數次或二三十次以及數十  
 次不等其遊奕寄泊地方始則南澳銅山厦  
 門臺灣等處洋面今則多在銅山營轄之布  
 袋澳懸鐘及金門營轄之梅林深滬橋口大  
 墜圍頭等處洋面均經各該營舟師隨時稟  
 報驅逐而該夷船此逐彼竄去而復來總不  
 離梅林等處夷船所以飄泊無忌者蓋由沿  
 海奸民其初係自用小船徑赴澳門夷船販  
 買煙土轉運隔省作奸事本周折且常有匪  
 徒在洋伺劫更屬利害相牽故尚不致十分  
 充斥迨後泉郡奸民串同詔安奸民勾結夾  
 板夷船專載煙土直入閩洋奸民以夷船為  
 狡窟無盜賊搶劫之虞夷船以奸民為地主  
 有水米

接濟之利於是夷船日多煙販愈熾自道光  
 十二年後通夷販掣獲懲辦者僅止王畧  
 施猴等數案水師員弁不能實力巡緝又且  
 為之包庇如該御史所指收受夷船陋規包  
 送鴉片現經正法之把總林和國是其明證  
 其實林和國之銀非得之夷船乃得之於漢  
 奸也漢奸一國之日不除則夷船一日不絕是嚴  
 辦漢奸實為此時第一要著臣等查海口各  
 處地面除該御史所指衙口施姓深滬陳姓  
 陳埭丁姓外如晉江縣之東坡獅頭西岑西  
 邊溪邊水頭蓮墩岑兜永凝高厝等鄉惠安  
 縣之獼窟垵邊下垵芸頭白琦等鄉均屬大  
 姓多以通夷販煙為業其奸首之最著者除  
 該御史所指逸犯施叔寶施金外臣鄧廷楨  
 昨自漳泉一帶來省畱心訪聞人數甚多到  
 省後與撫臣吳文鎔互相密證或舊案逸犯  
 或現今訪拿多係晉江惠安所屬或坐莊銷  
 售或販洋包運現飭一體設法嚴拿期於必

獲卽可從此根究水師員弁如何收受陋規  
 如何代爲交易澈底懲辦漳州詔安向有綠  
 頭尖船赴粵買貨夾帶煙土逕由大海揚帆  
 轉運者則由廣東饒平縣之柘林黃岡及澄海  
 縣之汕頭此三處均係詔安奸民輾轉運販透  
 頭卽鴉片圍聚之所詔安奸民輾轉運販透  
 入省城惟龍溪之石碼並海澄城鄉各處因  
 離厦門較近而與詔安較遠其煙土多係買  
 自厦門不在詔安泉州晉惠二縣本有商漁  
 船隻在沿海各省貿易多係掛驗出口後自  
 向夷船販買揚帆逕去其由本處入口運送  
 各處銷售者如該御史所指或由惠安洛陽  
 陳三壩晉江河頭小羅溪等處送至仙遊地  
 或由南安埔頭大船載至延建地方銷賣建  
 交界地面再由南安大船載至延建地方銷  
 溪船戶多係南安人搬運既便興販尤多係  
 屬實在情形且查上游各府如浦城之楓嶺

切集年記二十五  
 二



營福鼎之分水關壽寧之西溪南洋托溪楊  
 梅術等處直通浙江崇安之分水岑陽兩關  
 光澤之杉關長汀之古城隘王祝嶺觀音嶺  
 雞籠隘大乾隘寧化之路上寨等處直通江西  
 為煙販往來必由之路水陸員弁多由本地  
 兵丁拔補固戶販徒與之熟習非親即友平  
 時徇情庇護得利分肥種種弊端皆由於此  
 加以地方書差勾結關津丁役串通以夥黨  
 營私之人為發奸摘伏之舉無一怪奸民有所  
 恃而不恐查拏破案者百無一二應由督撫  
 提鎮會同察看查明千總把總外委各弁有  
 在本地當差者量為調撥仍隨時嚴密察訪  
 並嚴飭各屬州縣查有營弁差役勾通情弊  
 立卽稟究無許徇隱其關津丁役人等係福  
 州將軍專管應由該將軍嚴密稽查認真究  
 辦仍由臬司定案時查明案犯經過地方關  
 津有無賄縱一切實根究以清弊源其該御史  
 所稱沿海一帶地方應如何添設弁兵之處

臣等查海防專汛責在陸路固應添撥弁兵  
 以重巡防其洋面機宜責在水師尤應添派  
 兵船以資勦捕現據陸路提督臣余步雲咨  
 稱海口緊要各處業經派撥弁兵分駐添防  
 查造花名清冊轉送道府察辦如有怠惰偷  
 安及徇私故縱等弊該文武委員據實揭報  
 該管將備每按十日前往各該汛稽查一次  
 如有弊端立將該汛弁兵拏送道府從嚴究  
 辦該提督仍隨時明查密訪倘該管上司知  
 情徇隱一併參處治罪又據署水師提督臣  
 程恩高咨請添派兵船分作二幫一由金門  
 鎮總兵管帶在北洋崇武瀨窟大墜一帶梭  
 巡堵禦一由該署提督管帶在南洋梅林衙  
 口深滬等處攔截往來巡探或分或不應時  
 相與粵省例得通商者周妥至夷船本不應  
 該御史所稱責令呈繳煙土具甘結便是  
 許其停泊即令該夷船遵諭繳土具結豈能

臣等查海防

初集年記二十五

四

聽其載貨違例來閩至向夷船盤詰奸民令  
其交出治罪奸民既習其教法依其裝飾逃  
匿夷船姓名又何不可假捏無論不能指名  
盤詰卽使訪察明確夷船賴其接濟豈肯容  
易交出且轉使夷匪藉口遷延是欲驅之而  
反招之也爲今之計惟有見夷船竄至水  
師各兵船則奮力攻擊陸路弁兵則嚴謹把  
守口岸禁絕奸民出海蹤跡水陸交嚴堅持  
不懈臣鄧廷楨現經會同撫臣吳文鎔分別  
移咨各提鎮并飭該委辦各道府一經得信  
卽董率舟師環擊如其逼近岸邊督令礮臺  
協力夾攻不許再以驅逐爲辭空言延宕總  
之夷船由漢奸勾引而來夷船逸而漢奸未  
必甘心密然後外嚴此臣等再四籌度於查  
辦夷船喫緊之時思一永杜夷船來閩之策  
必以嚴辦漢奸爲首務也除該御史所指各  
案飭查未齊容俟另行具奏外所有臣等確

查情形及現在籌辦事宜謹繕摺先行具

奏伏乞

皇上聖鑒

訓示遵行並閩省海口圖一幅恭呈

御覽謹

奏○再查漢奸船隻不外商漁兩項而清釐稽

察最為難周緣閩商載貨出洋不但

盛京天津上海寧波等處准其前往即夷埠如

崑甸實力暹羅諸國亦無例禁其船均由沿

海地方官給照出口奸徒往往以載貨為名

駛出外洋向夷船購買煙土分往北洋售賣

其回至福建者則又滿載而歸州縣給照之

多者每年可七八十船但憑一紙呈請即行

用印發給一經出口則縱其所如給照之官

勢不能隨船稽察又無行家保結可以責成

此清釐商船之難也閩人耕三漁七採捕乃

生計所關不能禁其出海該船之自出贖本

夾帶些微煙土者其弊尚小惟大夥奸民重

西曆一千八百

初集年記二十五

二

貴購買雇令出海接運該船戶即偶而被獲  
 在亡命之徒了不為異而財主安居村鎮無  
 損絲毫肆行如故此則弊之大者此等漁船  
 雖有朝出暮歸之令而風潮順逆頗可藉詞  
 且汶港支河一葦可達偷越既易奸宄遂多  
 此清釐漁船之難也今於至難清釐之中求  
 稍有把握之法商船則責成廳州縣於給照  
 之後開行之前親詣該船按照所開出海舵  
 水人數年貌查點一一相符方准出口出口  
 之後如有買煙及為盜等事經官拿獲查對  
 船名人數不符除按照所犯治罪外仍即將  
 船貨全行入官如查係該廳州縣未經親自  
 點驗即行參處漁船則責成該管地方官指  
 定埠頭編立字號責成澳甲按日稽查如有  
 累日不歸或停泊別埠者即行報官將該船  
 拆毀示懲至商漁各船出海一經駛近夷船  
 即係買土奸民毫無疑義應責成水師官兵  
 并力圍拏如能人船並獲即將煙土解官燒

奏聞謹

燬其船隻衣物銀錢全行賞給如業已駛泊  
 岸邊所載煙土必須捆載分攜應責成水陸  
 文武偵蹤速捕不得縱漏至於漢奸巢穴現  
 訪得數十鄉社皆蹤跡顯著確有主名應責  
 成陸路文武盡力查拏或以智擒或以力取  
 有拒捕者准其開放鎗礮格殺勿論庶奸民  
 畏法改圖而夷船漸可絕迹理合附片奏  
 奏○再控制海口之法最重礮臺現在閩海洋  
 面夷船時來游奕奸民販煙之艘出入無時  
 議者謂宜添建礮臺增兵防守城為要務臣  
 鄧廷楨自粵來閩經過海口見舊設礮臺大  
 者不過周圍十餘丈安礮不過四位六位重  
 不過千斤夫以海面之汪洋而臨之以彈丸  
 黑子卽建至數十座恐亦不足以資震懾而  
 備環攻且閩洋無內港可守礮臺必須建於  
 海邊海灘沙性浮鬆礮臺跟脚不固難以經  
 久置之堅實之地則去海較遠礮火之力更

臣等謹將

初集年記二十五

六

不能及是添建礮臺徒糜工費無濟實用臣  
 等籌議變通之法莫如易礮臺為礮墩其法  
 用麻布袋每個長四五尺徑尺餘者實以沙  
 土層層堆積高低自五層以至於十餘層厚薄  
 自兩層以至三四層長短自十餘丈以至百  
 餘丈相地勢之遠近廣狹斟酌為之沙墩之  
 外用舊小漁船側豎船底向海船位安於  
 貼沙袋牢固拴縛以為沙囊保護礮位是  
 墩內礮口出於船外其兩船夾縫處所即於  
 天然礮洞我兵在內描準施放可以克敵而  
 全身藏於墩內敵人礮子不能致傷又船底  
 久在海中泥苔漬滑彈小則察過惟礮彈大  
 者可以打通而沙性最柔非如磚石可以摧  
 裂彈子打穿船底遇沙即止不能穿過極為  
 穩固且礮墩設於灘上可遠可近可高可低  
 沙土取之海灘以兵五百名肩沙囊五百頃  
 刻可成堆成之難以後以五名管一礮兵五百  
 可管礮百門即抽出守墩瞭望一二百名亦

可放礮數十門何處衝要即移至何處亦易  
為力所需購者止布袋漁船籌款亦大可節  
省現已由臣鄧廷楨函致陸路提督臣余步  
雲趕緊如法辦理以期防守得力再臣鄧廷  
楨前

奏

明在粵購得夷礮十四門由海道運赴閩省  
現已運到廈門飭交興泉永道存貯備用理  
合附片奏

聞

伏祈  
聖鑒謹  
奏。為查明漳泉行使夷錢情形立限收繳查

奏

祈  
聖鑒事竊查御史杜彥士原奏內稱漳泉地方  
所用錢文俱係光中景盛寶興年號體質薄

小

攙雜沙土每百文不及制錢五十文之重  
查係安南土賊偽號內地不應有此近年

以

來日積日多自民間以至官府衙署所兌

臣等

初集年記二十五

二



換者無非夷錢幾於求一制錢不得上年閩  
 浙總督閱兵該地方官先遣胥役與錢鋪關  
 通另向他處購覓制錢數百千聽該督兌換  
 巧以彌縫若不嚴行查禁則沿海商船多在  
 安南貿易勢必源源而來又聞近日沿海奸  
 民多有私鑄夷錢者皆由不禁夷錢有以啟  
 之等語臣等查閩省各府州縣制錢本自流  
 通惟漳泉二府行用夷錢每千幾及十分之  
 六七甚至交納錢糧亦用此錢攬入光中一  
 種最多景盛次之至寶興錢文臣等並未目  
 見查有景興夷錢該御史原奏所無或即係  
 寶興傳聞之異歷經地方官出示禁止而民  
 間私圖便利相沿成風蓋紋銀一兩換制錢  
 一千五百文換夷錢即可得一千八九百文  
 小民競錐刀之利奸商居囤積之奇積漸愈  
 深遂忘例禁此項錢文或云安南偽錢彼國  
 不行盡歸商販或云距廣東潮州相近之島  
 名咬啣吧其地專鑄此錢流行內地又據撫

臣吳文鎔咨稱據汀漳龍道查係廣東潮州  
 嘉應州所鑄銅皮泥錢質甚輕薄托名夷錢  
 有光中景興景盛各名目等情是夷錢之來  
 路不特傳自外洋亦且出自內地并恐漳泉  
 二府沿海奸民實有私鑄夷錢之處恭查道  
 光八年十一月十六年九月業經兩次欽奉  
 諭旨飭禁在案乃日久生玩地方官視爲具文  
 以致流弊日甚自應一面嚴杜來源一面設  
 局收繳以期淨絕根株至上年閩浙總督閱  
 兵該地方官遣役關通錢鋪另覓制錢聽候  
 兌換一欸督飭據覆稱該處錢鋪均有家斷  
 不敢於總督經過時違禁攙用小錢自取敗  
 露亦毋庸胥役關通各情揆之情理尙屬可  
 信惟查禁不嚴斷難免囤積攙和之弊臣等  
 悉心參酌應令嗣後沿海商船進口責成地  
 方官嚴密稽查不准夾帶夷錢及奸商囤積  
 違禁取利並密查內地奸民倘有私鑄夷錢  
 者立卽拏究仿照道光十三年查禁私鑄洋

臣等謹

初集年記二十五

八

所	絕	嚴	該	下	販	罪	攪	結	化	每	繳	文	上	為	治	作	銀
有	則	禁	地	廣	運	倘	和	報	鼓	夷	到	不	論	給	罪	洋	之
臣	制	如	方	東	立	書	小	以	鑄	錢	夷	及	收	價	一	銀	例
等	錢	此	現	巡	即	役	錢	憑	並	二	錢	斤	繳	即	面	一	以
查	流	認	在	撫	嚴	人	例	查	該	文	一	者	小	遵	出	圓	後
議	通	真	有	嚴	挈	等	查	核	該	斤	亦	小	錢	照	示	覈	掣
緣	不	查	無	飭	盡	及	明	如	廳	制	給	錢	程	道	曉	算	獲
由	滯	辦	私	潮	法	地	錢	逾	縣	錢	一	文	小	光	諭	計	私
理	矣	日	鑄	州	懲	方	數	限	將	一	文	制	錢	十	立	其	鑄
合	除	久	私	府	辦	棍	及	不	每	文	所	六	抵	三	限	私	夷
恭	飭	不	販	嘉	并	徒	已	繳	日	繳	十	錢	斤	年	一	鑄	錢
摺	地	懈	不	應	請	藉	未	經	收	文	文	一	給	欽	年	錢	者
覆	方	夷	分	州		端	行	官	繳	十	文	予	予	奉	赴	數	每
	官	錢	畛	等		勒	使	挈	若	文	不	制	制	官	多	夷	錢
	遵	之	域	處		索	分	獲	干	及	以	錢	錢	呈	寡	一	千
	辦	原	一	查		包	別	按	按	斤	後	六	十	繳	分	別	
	外	既	體	明		庇	治	照	旬	者	每	十		官			

奏伏祈  
聖鑒訓示謹

奏  
四月初四日接奉

廷寄續交四件初六日拜摺三件片二件臣祈  
篤藻

奏為漳泉械鬥情形今昔互異會議查禁章程

恭摺具

奏仰祈

聖鑒事竊查御史杜彥士原奏內稱漳泉風氣  
最惡者莫如械鬥雖田土細故控之官官累月  
有以啟之如戶婚田土細故控之官官累月  
不坐大堂終年不結一案於是自行擄禁讐  
怨相尋其因鬥致命偶有報官者又先索相  
驗之禮路菜芻糧非銀二三百圓不可銀一  
日不繳官一日不出有遲數十日不相驗者  
於是醜屍之事至已經相驗官令胥役勸

臣等謹

初集年記二十五

七

其調和復擇其所告之富者勒派多銀屍屬  
 所得不過數十金其餘盡充官之囊橐如屍  
 親不聽調處即多方恐嚇民勉強應命怨終  
 不釋而門又與相斃命太多者官慮處分太  
 重不准入呈即相驗通報之案亦必出結換  
 案歸於通緝民習知其弊故報案百無一二  
 誠使該督撫慎擇賢員以治之清心寡慾絲  
 毫不染於戶婚田土細故隨辦隨結再謀所  
 以處置械鬥之法凡四鄉諭之使散其門已成  
 於未發之先單車赴鄉諭之集其父老紳衿温  
 者亦即輕騎減從詣其鄉集其父老紳衿温  
 言勸諭查明倡門首事重置之法其餘概免  
 干問如此則官民相信法令易行械鬥之風  
 可期稍息等語臣等伏思閩省漳泉械鬥之  
 風與粵東惠潮相勦歷經各督撫奏奉  
 旨明立科條從嚴究辦而爭鬥未息獄訟繁  
 興實由地方官奉行不力所致該御史所奏  
 慎選賢員以除積弊係為息爭保民起見臣

等悉心訪察從前漳泉二府民戶殷實祀產  
豐饒械門之費取給宗祠族眾糾約有資書  
差需索有款州縣從而染指斃命之多寡互  
迨官吏各填慾壑始計兩造斃命之抵  
相比較如不足數則給價以償或買兇以抵  
愚民無知兩願和息官遂含混了案此則從  
前地方官不辦械鬥而且因以爲利也今則  
民生日蹙祠產迴不如前故斂費約期鳴鑼  
聚眾連斃數十命之案亦不多見其挾有宿  
嫌蓄謀報復者每伏伺於鄉僻無人處所放  
銃轟殺匿跡潛逃而屍屬於鄉僻無人處所  
怒其宗族肆行擄殺族人又因無干被害各  
抱不平糾眾尋讐互相殘殺斃命雖各有先  
後挾讐則一釁相因而各該屍屬則不問首  
惡主謀不咎下手兇犯惟將彼造富戶指爲  
正兇醜漬屍身挨次訛索土棍復從中主持  
教唆誣指迨稟官差拏而族大丁多慮致抗  
拒不得已會營圍捕彼時兇犯早已遠颺闔

皇  
鄉亦俱駭走株連騷擾旁及鄰鄉而地方官  
亦以役食兵費計無所出遂聽其所爲而不  
之禁復因購線緝犯需費解犯晉省需費於  
是設法彌縫冀免賠累並可規避馭分此則  
近來地方官不辨械鬥而復巧爲諱匿也推  
其積弊之由官民同病籌其除弊之道今昔  
異宜自非實心實力懲勸兼施斷難挽此類  
俗臣等公同酌議就地以制宜準時而立法  
擇其切實可行者臚列數條敬爲我  
屬上陳之一宜選擇賢吏力圖整頓也漳泉各  
屬案繁累重其素稱難治者漳郡以漳浦爲  
最龍溪詔安次之泉郡以同安晉江馬巷廳  
爲最惠安南安次之每一缺出上司斟酌人  
地屬員再三懇辭實缺者少署事者多官有  
苟且之心民無申訴之路是以械鬥重案民  
畏累則不敢報官畏累則不敢辦其始由於  
上下不信其弊幾於官民相讐今欲力挽民  
風必先痛湔吏習州縣中擇其操守堅定實

奏請

心愛民者調補勿拘資格理詞訟以清其源  
 約書差以絕其擾時時單車赴鄉問民疾苦  
 感之以積誠洽之以恩信俾各鄉之民人人  
 有一愛民之官在其意中而官亦周知各鄉  
 某為善良某為匪僻某與某有積訟某與某  
 有素嫌勸誠於未門之先消解於將門之際  
 卽有重案亦不難指名獲犯尅日斷結嚴其  
 首禍之誅免其誣陷之累民俗雖頑必有感  
 動行之期年上該司時加考察卽以獲犯結案  
 之多寡遲速定該員之功過其有民情愛戴  
 聽斷公勤三年之中實有成效者督撫專摺  
 保奏請

旨鼓勵如有將械鬥之案匿不具報及分案辦  
 理者立卽從嚴參辦其雖無前項情弊僅止  
 襲常蹈故致爭鬥之風仍未禁絕者卽行撤  
 回不得聽其以賠累藉口轉子調補他缺至  
 各屬缺苦辦公需費除械鬥案外又有緝解

初集年記二十五

上



盜犯及稽查海口諸務用項較多勢難措在  
 應飭司設法籌畫俾資津貼一查拏兇犯毋  
 得輕易會營也漳泉民俗嫉役而尤畏兵各  
 縣下鄉動輒會營帶兵或數百名其兵丁又  
 各攜無賴多人人口糧取之於鄉不應則比戶  
 搜括舉室一空州縣藉其聲威營弁利其沾  
 潤偶有不肯會營者武弁則厥望無已兵丁  
 或詬誶尋釁惡習相沿幾成故事是尋常緝  
 兇案件一經會營無論漳泉各屬除其為擾害  
 不可勝言嗣後應通飭漳泉各屬除其為擾害  
 門或拒捕已成必須帶兵彈壓者在其會營  
 酌帶弁兵協同捕拏官為給費仍嚴禁不在  
 搶掠騷擾外其餘概由地方官輕騎減從迅  
 往查辦不許輕易會營以杜弊端一遴舉鄉  
 族各生長以重責成也漳泉鄉俗各有家長  
 多係生監或輩行居家長者為之力能箝束一  
 鄉其中原不乏有身家之人而主持紳士耆  
 亦復不少應令地方官親赴各鄉於紳士耆

老之中擇其有品望者同姓之鄉立族正一  
 人副數人雜姓之鄉立黨正一  
 人勤獎勸授以章程令其約束不遵即  
 小忿即憑族黨正副乘公剖釋倘有不  
 時呈送縣官按法處治如平時不能約  
 至釀成事端又復扶同徇隱並不據實  
 除本犯治罪外該族黨正副一并突治  
 能表率有方半年內無爭門讐殺者縣  
 區額花紅一年以上道府給匾二年以  
 司給匾並樹坊於里門以旌其鄉係生  
 報明學政優加獎拔俾鄰鄉觀感咸昭  
 一宜嚴挈門匪以絕根株也漳泉大鄉  
 惡少數十百人皆悍鎗無賴謂之門棍  
 之鎗手皆練習鳥鎗竹銃以助門棍又  
 藉其禦侮用為前驅即安分良民意不  
 彼亦從中挑釁取利夥分於是齊首包  
 之名紅旗白旗之號無論擾害結黨橫  
 民累官莫此為甚應令地方官平時分  
 初集年記二十五方官平時分赴各

邑序誌

初集年記二十五

三

令	為	房	漳	藥	同	繳	抗	躍	以	令	門	死	漳	匪	分	竹	鄉
其	子	弱	泉	坊	時	之	違	爭	半	地	則	者	泉	犯	別	銃	密
出	有	房	各	肆	並	時	不	先	年	方	互	十	各	照	擬	加	訪
海	一	之	屬	照	繳	則	繳	全	內	官	相	居	屬	例	以	將	各
販	人	別	異	例	以	宜	各	繳	呈	親	轟	入	好	治	流	門	即
洋	買	推	族	治	釋	訪	按	者	繳	赴	擊	九	習	罪	徒	匪	無
牟	十	原	有	罪	疑	明	私	官	官	各	以	私	烏	一	遇	照	助
利	餘	其	大	一	慮	某	藏	給	為	鄉	致	藏	鎗	宜	有	演	門
行	子	故	姓	宜	並	鄉	私	區	給	傳	立	私	故	收	械	門	情
險	至	多	小	正	訪	與	造	於	價	聚	斃	造	尋	繳	弄	事	但
遇	數	係	姓	倫	查	某	律	宗	移	父	多	比	常	火	並	嚴	經
有	十	購	之	紀	製	鄉	從	祠	營	老	命	戶	命	器	嚴	究	練
械	子	買	分	以	造	有	重	以	備	廣	慘	皆	案	以	挑	輪	舞
門	者	異	同	崇	工	讐	治	示	用	為	不	然	因	息	兇	義	習
即	平	姓	族	教	匠	令	罪	旌	如	勸	可	遇	鎗	兇	助	棍	鳥
令	時	幼	有	化	及	兩	其	賞	果	諭	言	有	銃	助	門	錫	錫
持	則	子	強	也	火	鄉	收	若	踊	限	應	械	致	也	門	錫	錫

械先驅生則迫令頂兇死則藉屍訛詐名為  
父子視若寇讐惡習相沿恬不為怪應令地  
方官傳集各鄉紳衿耆老諭以禮法正其宗  
支俾之父子相親倫紀整飭並勸建義學擇  
師教導多一識字讀書之士即少一好勇鬥  
狠之人現經撫臣吳文鎔撰成戒械門韻文  
刊發各縣令其散給各鄉士民廣為勸諭臣  
等更擬將學政臣吳鍾駿遵

旨恭書

聖諭廣訓刊發生童之本飭令各縣照刷多本  
於朔望宣講時一體頒給鄉耆族長俾令子  
弟敬謹誦讀逐條解釋並令各縣於下鄉之  
便引問而考校之庶家喻戶曉頑梗悉化而  
爭端可息矣以上六條臣等悉心酌議意見  
相同期於有善必勸有惡必懲實力奉行歷  
久不懈以仰副  
聖天子慎重民命整飭官方之至意所有臣等  
會議查禁章程理合恭摺具

奏伏乞  
皇上聖鑒

訓示遵行謹

二十一日拜摺二件五月十三日

拜摺二件六月二十七日拜摺一件臣祁雋藻臣黃

爵滋臣鄧廷楨臣吳文鎔謹

奏為籌議海防大局情形恭摺奏祈

聖鑒事竊維喫夷僻處遠洋蒙我

朝覆載之恩百餘年來通市粵海中國不惜大

黃茶葉絲斤生養該夷而該夷乃以鴉片膏

土毒害中國傷生耗財至此已極我

皇上好生為懷中外一體

特命大臣會同疆臣檄諭禁止嚴法以救民命

寬政以及遠人該夷苟有人心當如何感激

愧悔報答

天朝乃猶抗不具遵且敢向廣東之九龍山虎

門尋釁是以遵

旨封港斷其貿易該逆夷仍與漢奸相為勾引  
 恃其船多礮猛乘風出沒前此在閩在粵滋  
 擾已見端倪此次突赴浙洋攻陷定海是其  
 狡焉思逞不問可知現在浙洋共泊夷船三  
 十餘隻聞粵洋亦尚有八九隻兼之近日海  
 上傳聞該夷勒令所轄夷埠代備兵船意圖  
 大舉語雖無據而犬羊之性稍勝則驕亦未  
 可盡指為恫喝之詞置之不論不議之列以  
 刻下情形而論定海亟須攻勦而南北各省  
 沿海防禦之策宜通籌熟計俾無貽患查各  
 省水師戰船均為捕盜緝奸而設其最大之  
 船面寬僅二丈餘安礮不過十門夷船用之  
 載礮竟有數十門之多彼此相較我船用之  
 於緝捕則有餘用之於攻夷則不足此實在  
 情形也沿海要口甚多語守固以礮臺為要  
 而近口洋面有礮力不能及之處必用大船  
 大礮相機轟擊扼其中流然後礮臺得力語  
 戰則全資船礮濟以兵勇尤須聲勢壯盛眾

粵軍紀略

初集年記二十五

旨

寡相敵始出萬全卽令定海可以設計克復  
然以小船擊大船難保不無傷損究非長策  
且夷逆奸詭貪狠欺弱畏強是其本性若不  
到處被創豈肯曳尾遠逃此造船鑄礮二者  
費帑需時計似迂緩實海防長久最要之策  
也臣等現就廣東福建浙江三省計之亟須  
添造大船六十隻每船可載大小礮位三四  
十門其礮位只廣東尚屬敷用閩浙除現存  
外應添鑄大礮八千斤至四千斤者約須二  
百門分配應用至江蘇山東直隸奉天各省  
應添船礮之數亦應一律籌議船質既大桅  
舵尤爲難購約值每隻須五萬兩方能工堅  
料固斷不容稍爲刻減以致有名無實其礮  
大小牽算每門約須銀三四五百兩不等通  
計船礮工費約須銀數百萬兩臣等極知  
國家經費有常豈能輕言添置惟當此逆夷猖  
獗之際思衛民弭患之方詎可苟且補苴致  
他日轉增糜費且以逆夷每年售賣鴉片所

取中國之財不下數千萬兩今若用以籌辦  
戰備所費不敵十分之一彼則內耗外侵此  
則上損下益權衡輕重利害昭然可否仰懇  
皇上天恩勅下廷臣集議籌款施行抑臣等猶  
有請者各省水師人材甚難非專門之技不  
足以收功非破格之施不足以勵眾向例總

兵由副將保舉堪勝者疊經奉旨簡用其參游都守等官例有預保而無特保

嗣後如有實蹟在熟習洋面情形勇敢有為者

可否一律專摺具保堪勝竝於摺內註明該

員出力實蹟以備查核又臣鄧廷楨臣吳文

鎔現在招募水勇泉漳一帶緝拏煙匪頗有

小效茲擬加募多名用資防禦閩省同安馬

巷等處其人習水好鬪與其散而為盜何如

聚而為兵且此輩跡跡之才馭之得宜即可

儲水師人材之用閩省如此他省是否相同

應請勅下沿海各該督撫酌量辦理亦儲材備用之

初集年記二十五



一端也臣等日擊情形同深憤激不揣冒昧  
謹合詞恭摺具

奏伏乞

聖鑒訓示謹

奏  
八月初三日返抵杭州查辦浙江案件十八

日拜摺二件九月初二日常州府途次接奉

廷寄回閩初六日嘉興府舟中具摺一次十月

初八日抵廈門十四日泉州府具摺一次十

一月初一日建陽縣途次接奉

廷寄初四日浦城縣具摺一次十四日富陽縣

舟次接奉

廷寄十八日石門縣舟中具摺一次十二月初

七日桃源縣途次接准部咨奉

旨轉補刑部左侍郎二十六日復

命在閩作使閩題名碑記集蔡忠惠萬安渡石

### 橋文字

皇二十年有事于泉陽以海岸蒙利之徒絜百  
千萬趾以其錢四出易飲者靡數百千萬金  
去安召危四民不支於是許造于州三尺之  
施而宗而祐而扶而翼諸道守等一襄以實  
圖義為功忠嘉善錫橋欄渡月長波未秋寅  
始莫訖蔡辛其求其四道作舟年年月丈尺落  
成有京盧水廣淵太空浮梁長年安謙為樂  
十五五醜渡繇庚五六之合四七之紀實

卷一百一十五

初集年記二十五

七

祐王明既兩行人還因蒲石勒所職如左○

兵部尚書祁雋藻刑部右侍郎黃爵滋閩浙

總督鄧廷楨刑部主事雷以誠羅天池延建

邵道徐繼畬署福州府知府四川成綿龍茂

道胡興仁福寧○**鄧嶰雲前輩詩**痛哭長沙

府知府史致蕃○**策新題白**

明主意固本蓋臣心岳牧

都俞切滄瀛疾深應憑障川手一為救冥沈

蔓草圖難盡萑苻隙遂乘機絨原倚伏籌策

必凌兢薤本期先拔芭萌亦小懲長奸戒姑

息勉作郵都鷹一丈車虎符三易地龍節兩

帝念東南亟教馳苦籌邊各鬢華酬

恩倚長劔中夜聽清笳牛斗星方聚鴻泥雪易

消豐碑蒐往蹟綦履紀今朝擘錦書仍貫穿

珠語最調雷名景**吳甄甫前輩詩**負海巖壘

忠惠不但詡題橋

漸巋

帝

心般側席星使亟乘輅移節推元老循繩肅  
庶僚素餐益子媿空復鬢蕭蕭煙竟何物  
噓氣欲乘空番舶能為厲樓船孰策功異軍  
驚特起名捕振蒙威德憑宣布羣材鼓舞  
中百廢期同舉功先次第敷舳艫聯島嶼抱  
鼓靖萑苻虎猛懲官墨蝸爭閥俗愚即今爭  
買犢耕鑿佇歌呼利濟此襟抱豐碑契古人  
高文欽結琲偉績當鑄珉鞅掌時忘夏  
甘心物與春漫言鴻雪印履憲劇甚循常芸

閣前輩詩甄俗

宸

命

謨切嘉猶出盡臣蠻煙來絕域鳩毒徧愚民  
捕虜聲威壯鋤奸禁令新還教龍節至海國  
重申秉鉞崇司馬乘權藉法曹兩星驅瘴癘  
五月靖風壽命早兵刑合威難鬼域逃島夷  
應震攝庶以慰賢勞眾瞻紅毛落雙心黑鬼  
懸番舟迷島嶼戰艦接雲煙直使魚游釜休

庚子年

初集年記二十五

七

教鳥避弦成禽期再捷一雨洗腥羶古渡長

虹跨泉陽片石垂摩掌蒐舊榻點窟得新詞

集錦才仍滯迴文句未奇吳姓甫詩愜慨籌

題橋畱鉅製鄭重紀豐碑吳姓甫詩邊策晨

鐘大叩時濟寬僑用猛宣德爽無私報

國安磐石防川塞漏卮聲援傾騎角相度悉機

宜毒疾膏肯入香山樂府新房謀歸杜斷舉

掃盪虞申擁傳清塵路環瀛策要津蠻煙從

樓船煩駕馭還淳海國乘查日迴瀾仗老謀

息佩牛濟時星聚福李郭快同舟輦俗鍼砭

手新碑集字成萬安題自古一舉政能平無

縱天衣合承流海鏡清它 ○陳伯游登北固

山圖記 道光二十年春刑部侍郎宜黃黃公

固之山瞰大江眺金焦寫圖以去過邢口登北

陽陳方海命為之記方海遂言曰昔謝太傅

與子弟論詩遂求雅什或稱昔我往矣楊柳  
依依今我來思雨雪霏霏太傅則稱詩謨定  
命遠猶辰告今爲公賦此二詩事適合也公  
簡書在御不遑啓虬州郡利弊山川形勢懋  
用敷陳是時越海有暎夷之警奪據舟山濱  
海戒嚴吳防上游閩粵遙持公輜軒過越虜  
在目中鯨鯢京觀之烈方激慕耳初公以暎  
夷鴉片流毒滋蔓上疏申明厲禁

天子動容命大臣嚴治其事暎敢怙惡肆爲狡逞公知夷

不足畏所望於當事者彰  
國威恤民隱母墮前令毋遺後艱順逆旣分滅  
否可決方海又言曰君子聽鼓鼙之聲則思  
將帥之臣承平日久武義稍荒矣京口自南  
朝以來世爲重鎮三山戰壘形勝可尋桓司  
馬云京口酒可飲兵可用天塹之險古今不  
殊若使今日之兵但知飲酒弗能臨敵豈不  
爲古人所笑此在闡茸之輩甘覆餗而不慙

卷五十五 初集年記二十五

絕頂高歌霜氣白是時冬狩舉蜺旌鐵甕雲	中冷碧第一江山畱勝迹東南入望楚天長	悵望激歸思回首心悠悠	孔繡山詩金焦	流客行越寒暑負笈恩難酬	燕山高渾渾桑乾	亂人目且得情夷猶迢迢	北顧空中樓覽勝忽易地春色僧房幽風花	江秋到今展圖軸侍坐歲環周指點江上峯大	時九月中天高氣颼颼潔見不可得風飄是	帝眷更爲人才搜不意梧臺石亦雜珊瑚鉤是	物畱夫子兩涉江文昌照南州嘉謨協	蘊生詩古登覽各有求自非濟世人徒爲雲	樂之旨殆從斯出末學緝繹敬述懷來梅	人同樂不得不與復相侔簡文帝云安石既與	傳顯晦之迹又復相侔簡文帝云安石既與	謹屬京口也哉若夫東山夙志公亦嘗希謝	才衿帶維何公念淡矣睠然京口之山意豈	宏濟之賢每拊髀而太息九州阨塞皆資將
-------------------	-------------------	------------	--------	-------------	---------	------------	-------------------	--------------------	-------------------	--------------------	-----------------	-------------------	------------------	--------------------	-------------------	-------------------	-------------------	-------------------

寒雁有聲千年戰壘雄天塹萬里江流瀉太  
 清我公胸次甲兵貯攬古興懷來北顧霏霏  
 雨雪賦皇華記秦澹如詩江空木落峯巉巉  
 取登臨京口路上去來葉葉多風颿立馬蕭  
 西津渡口暮潮有客能高賦聞嶠風雲擁傳  
 郎空北顧清時有楚尾吳頭一望閒峇堯  
 還潤州城郭維舟住楚尾吳頭一望閒峇堯  
 塔閣幾回攀滔滔滄海東歸急誰障東流兩  
 點楊性農詩王程肅有役弭節無虛遨鳴笳  
 山嘯平楚延猗颯汀葭亂靡靡江葵寒蕭蕭呵  
 嗽蝸象澗噴薄天吳驕戈鋌照海浦笳鼓喧  
 驚濤拊劍望東南引領心悵郭羽可詩南徐  
 勞川原有險隘懷哉興長謠郭羽可詩南徐  
 開圖畫北固峯高駐使車豪傑自來天塹恃  
 江山依舊將才疎金焦未肯狂瀾障鐵塔孤  
 撐夕照餘指點秣陵意○劉莊年手札損書  
 蕭遠樓船明滅挂燈初

歷代詩話

初集年記二十五

七



還奮不以耀椿為不肖引之為氣類竊不自  
揆乃欲執贄以承顏色而吏事填委無可假  
而行者又不敢數數以竿牘進蓋無日不自  
恨其緣分之淺也昨者高軒按臨廈門幸得  
隨侍累日辱荷指授機宜振發聾瞶耀椿雖  
庸劣能不感激奮發求無負左右知人之明  
哉海上之事未可弛備前書教以和胃之劑  
與武官交遵而行之已有明效石壁之工日  
內即可得九十丈歲事當馳報也星輶至都  
計在臘月祀竈之前先以狀寄戶部李司官  
浼其代呈用申跋仰天寒伏惟為  
國為蒼生愛護

○汪孟慈

手札 春仲留簡泰安夏初陳書京邸比間星

朝將過湖上伏以先儒林校四庫書於杭州葛  
林園梁莊梁氏製主奉祀求賜楹帖以先泉  
壤屬年家子詩人鄒狂衡承命左右鄒生昔  
以質詩函丈曾荷獎借有青瑣一席乞廣廈

苾之此地有莊舍人芝階能文錢孝廉廷  
薰工詩輜車所及藉以采風斯文幸甚  
○

### 常南咳手札

京中旌旆南來論心話舊恍如  
京邸言歡時也藉得仰窺清風為

之公平持躬之清慎一心白水兩袖清風為  
星軺別開生面不勝拜服之至惜恩恩賦別  
地主之誼多疏良用歉然昨接浙中發來手  
翰領悉壹是恭稔元旋叶吉入

告

嘉謨霖雨蒼生之望自此益增重矣弟自秋  
初委赴泉南籌辦海口防堵往來廈門者再

復周厯沿海鄉村勸諭團練義勇尙覺精壯  
可靠廈門濱海兩岸安礮至三百餘位之多  
兵勇亦聚集數千但防敵礮遠擊兵勇逃避  
則我礮悉為敵奪故前有趕修石礮之議分  
段與修內藏兵勇以護我礮外障牛皮漁網  
等物以禦敵礮如此則兵勇膽氣自壯現正  
糾工趕辦七月二十五六兵船一隻入口水  
師接仗致傷一將六兵旋卽退出亦兩岸礮

西序書

初集年記二十五

三

多不能駛進百刻下遊奕貨船甚多專為銷  
 土起見兵船數隻分護之並無相攻之意現  
 仍嚴緝奸販以絕其交易接濟之路且看浙  
 中如何辦法間義律在定海增修城礮衙署  
 將伊家眷接往大有踞作巢穴之計若仍負  
 嵎逆命則攻剿更屬難已洋面哨船接仗難  
 與爭鋒必須多備小船為火攻之計每逆船  
 一隻以數十小船乘之徧海浮漚令其應接  
 不暇若與逆舟競其高大則呆笨難駛徒費  
 無益耳此間晚收豐稔糧價亦尚平減弟兩  
 署公務俱平順唯家芸閣准入京  
 陛見弟兼篆交卸無期徒自喫力時深惴惴制  
 軍仍駐泉州來函云云已轉  
 呈中丞矣此請勛安不具  
 ○祁春浦前輩  
 和詩江路濼洞見遠郊山城睥睨俯危巢萬  
 胡牀聊與共參軍蠻語漸能教何又詩札徒  
 人為寫仙屏句記取森森碧玉梢

校官聯語昨附使將去想收到頃木民司馬  
 送王弗矜作北顧橫卷大有天末樓臺之勝  
 感喜無似望致聲謝之并謝王君也拙作七  
 古斷不可上石吾兄萬勿示人儻必見索即  
 以至日京口守風一律付之亦聊可續貂尾  
 耳北風仍劇浮玉在眼不得登涉而尊舟已  
 出江口盈盈相望占詞竟驗且待好風此致  
 若○江城畫角曉寒催海日陰晴不一陽轉律春  
 猶待萬里浮槎夢已迴遙憶  
 紫宸朝散後佩聲隱隱走車雷  
 ○何時轉風得渡試一占之  
 ○馮子良詩律  
 二首郵請樹齋年大人誨正九州裁徧李桃  
 花羣仰公門雨露加能愛人才眞報  
 國卽傳篇詠亦名家千秋論事唐賢筆萬里封  
 侯漢使槎誰道雞林聲借重本來錦繡胸白社  
 華祥刑世賴有儒宗處春生錦繡胸白社  
 重尋羞蘊藻綠章親上檄芙蓉只談風月心

原淡便凜冰霜澤亦濃辛苦調和誰曉得似

天語慰孫琴西寄懷詩錦袍高作誦新詩笑

從容容嘯傲三年京洛尚棲遲風道鷹隼聲

韓歐草盡驕驕淚暗垂今日況堪離別感關

雲江樹各天涯文昌南極使初回又捧

綸言別上台遼海乍移青雀舫節旄先拂釣龍

臺賢勞四國趨王事光彩三霄見斗魁引領

九重宮闕在蓬萊南國妖星接鬼方金戈消息

近茫茫烽煙戰骨間猶慘大貝明珠貢有光

若果龜鼉窮島穴早應牛馬放華陽元臣社

紫宸果然風俗盡還淳

朝庭異議成羣沸

天子傾心倚大臣萬里江淮周道使百年名望

讀書人東南民力兵戈後間有封章亦密陳

○李秋齋手札

北學遂願南朋托契自謂是

真臨門握手之別至今念在懷芝宇雖不

得易承鯉書庶希以歲課弟於返車之日為

喉院重任雖值節使去國法不許外書二年

再送使价並不付一字書兄必疑我情疏雖

然弟豈忍如去年送李學士履以詩贖

之日豫章名士黃少卿天欲忘形又日龍樹

處不禁三宿戀至今回首間相逢若問春

經年不改顏幾人存歿此中燕人尚說舊行

前使依舊優閒臥碧山又日關饒雪色兩君

臺白髮今秋又北來五嶺三關書一律日西

頭上六花開客秋仍憶落梅河上州白首驅車

風吹笛忽悲秋酒北登樓離情大半鵬邊一

西出塞青袍帶流歸臥峩眉山下月江城一

歲色居然雁背即弟家山此皆懷兄詩也兄

曲動清愁峩眉即弟家山此皆懷兄詩也兄

亦念我萬一否聞兄有功於辟邪守正寵秩

李秋齋手札

初集年記二十五

三

復進聲名宏振一世雖此海外遠友不勝栢  
悅東理藩陽刑獄南治臺灣兵馬傳說如此  
信然否豫章宅上尊君子起居鼻福間有覲  
省之行否弟出自喉院遠守江界府此邑距  
貴境不遠雖不能奉接聲華若將庶幾遇稍  
可自慰於心也汪孟慈尙在河東李禾叔今  
做何官陳秋谷孫琴西尙不離京師筠潭葉  
君依舊工學克齋辛公復能鳴詩蒹葭閣諸  
友如昔追遊或語到於海東舊使耶廉君宗  
洙隨節使入京畧修起居望賜回音以續舊  
契蒹葭閣聯句詩畧有書送之約兼望付惠  
蔘稭一斤奉呈忘畧領情如何餘非遠尺可  
既草草 ○李石友手札 春間惠覆會出於使  
不備 我其能爾耶拜讀屢回感慰交至歲色冉冉  
向晚伏惟體履際茲康福北轍才旋南轅又  
啟王事靡盬不應憚勞而原隰馳驅宿食無  
減否近聞績庸茂著班資超升

治世休明賢人登庸區區遠人之心亦不勝北  
望聳賀也閩浙之間素擅名勝不審今行覽  
得幾處佳山水識得幾個賢士否爲之黯然  
神達僕老親康安賤體粗健私分甚幸近帶  
樂院之職日聽諸伶人肄樂聲律之學曾所  
未闕不辨何者爲宮何者爲徵而金石絲竹  
迭奏并進時令人有動盪感發之意若此不  
已則可以至於不知肉味耶先生覽此當爲  
之噴飯也貢使事發適有事擾草草數行畧  
申候儀勿以此書之潦率而賜答詳言以慰  
遠懷兼以使路所得錦囊佳作  
伴示則尤感感統希心照不備





僊屏書屋初集年記卷之二十六

道光辛丑正月初八日遞封奏一件

為籌辦海防急宜募

兵節餉以操勝算而利永圖恭摺奏

聖鑒事竊思喫逆猖獗沿海戒嚴籌兵籌餉在

命往來閩浙竊見該省招練船勇辦理情形雖

係權宜足裨急用有可通行各省者緣我

國家承平已久水師廢弛兵額既缺非用水勇

鄉勇無以助攻守戰艦未修非募商船漁船

無以資駕馭至於陸兵不習水性止能守岸

而不能守口臣於奉使之際畱心訪察親見

海口離岸汪洋無際近則數里遠則數十里

或一二百里一遇夷船駛至若不許其進口

必須出口接仗若不許其登岸必須下岸交

鋒惟遠攻乃可近守非利涉不能有功苟僅

初集年記二十六

列營以待未免向若而驚是陸兵之不能入  
水猶海舟之不能行陸也臣前在福建廈門  
察看堵禦情形水師不如水勇陸兵不如鄉  
兵均用商漁等船來往攻撲約飭嚴防實有  
成效上年穿山洋面追逐夷船水勇陳靖奮  
勇攻擊蒙

恩准予保奏士氣兵心頓加鼓舞此雖一時應  
變之計而實萬里經久之謨臣思逆夷勞師  
襲遠本不足虞惟慮我師徵調有需時日彼  
來而我未集我散而彼復來使中國財力耗  
敝於無用之地殊為不值故惟募勇則可以  
節餉目前既容易集事而經久之計卽在其  
中查自噴夷占據定海擄掠荼毒民不堪命  
其棄家來逃者數且逾萬臣謂卽於其中選  
用壯丁先驅以爲鄉導潛入以作內應然後  
聚集兵勇統率難眾乘駕兵民船隻環攻而  
進人人思歸報仇必能決以死戰剋日成功  
其最要如閩之廈門等處又須專用水師濟

以水勇進攻退守可保無虞次要如浙之水  
浦江蘇之崇明等處須分撥水師督率水勇  
巡口鄉勇守岸互為聲援使夷人不敢他犯  
至荒岸散口農漁聚處惟責成地方官團練  
鄉勇聲勢聯絡以警窺伺竊計水勇須選熟  
識形勢技勇過人者督令協同水師循環防  
守如果足額可用卽將陸兵漸次裁撤以杜  
虛糜鄉勇各保田廬無不自相糾結一加鼓  
勵競相激勸則輸力更肯輸餉養勇卽為養  
兵故徵調百人之費卽可招練千人而徵調  
千人之用不及招練百人以此節餉何啻十  
倍或謂沿海多屬奸民恐其偷漏硝磺器械  
反為夷人接應不知此輩用則為勇不用則  
為奸其室家妻子仍居內地勢難挾族出洋  
一旦開其歸路彼必願為我用加以嚴行稽  
察更可斷絕私逃矧夷性貪而多疑自定海  
失守彼時特懸賞格定民卽擒夷人以此獻  
夷大懼盡逐新附漢奸不敢收畱此用水勇

鄉勇以離漢奸之要術也或謂民船率通夷  
 黨更難收用不知商漁本係利徒今既封港  
 海道不通船戶即皆失業其舵公水手不下  
 數十萬人夷奸或巧為勾結或肆行劫制若  
 令商船准捐助餉自足備糧殺敵入有定地斷  
 舊有漁甲之例開泊有定期出入有定地斷  
 其接濟即應廣為招徠與商船一體團練一  
 遇夷船入口即援陸地散戰避敵之法糾合  
 數十百艘四面兜剿更番迭進就令夷船開  
 礮不過一面受敵而我師三面圍殲定能制  
 勝昔安南用軋船破漢使其喪膽永不敢犯  
 即係此法此用軋船破漢使其喪膽永不敢犯  
 也乘此急為招練俾沿海之民家自為守人  
 自為戰以急濟緩以逸待勞人盡屬精兵  
 處處皆為重鎮迨事平之後則商船可以歸  
 業漁船可以歸功擢外或畱補額缺或另立  
 多雜項除計功拔擢外或畱補額缺或另立  
 一營或度葦蕩屯田或籌閒款生息以作安

插蓋夷性反覆狡詐卽令一時懲創難保其  
不去而復來海防不可稍疎則水勇不可驟  
撤內戢奸民外防夷匪其法莫善於此現在  
粵海沙角礮臺被夷奪占綠虎門水師旣不  
敷用陸兵不能水戰若先多備水勇協同水  
師出口接戰該夷何能闢入今旣登岸陸兵  
方能得手而截其歸路使彼首尾不能相顧  
尤恃水勇得力

皇

上赫然震怒宣示中外迅奏膚功其膺上賞  
薄海間風自無不勇於赴義應請一面

飭

諭沿海任事諸臣迅速招練船勇並相度現  
在及將來各處情形如何辦理之處速議具

奏

務爲持久之計並責成地方文武員弁實力  
奉行如有貽誤失機卽照例從重治罪毋稍

徇隱一面

飭

下吏部兵部明定章程水勇鄉勇擒獲夷首  
漢奸守口得功者酌定議敘等級或捐資修  
造礮械雇募船隻酌予軍功議敘並將來水

五

初集年記二十六

三

勇應如何安插之處一併妥議如此則人思敵愾志切同仇而一勞可以永安矣臣愚昧之見是否有當伏乞

聖鑒謹

奏 竝呈進定海縣圖二月四月先後奉

旨充庚子科順天鄉試補覆試庶吉士散館辛

丑科會試覆試

朝考閱卷官六月二十七日遞封奏一件為恭進海

防圖表仰祈

聖鑒事臣惟海防之設所以遏內地之奸萌杜

外夷之窺伺非綜攬全局渙明體要不足以

操成算而利永圖我

朝自康熙年間舟山東臺以次廓清陬澁恬謐者垂二百年伏查海疆萬餘里自奉天以迄

廣東瀕海郡縣縮波而治近則守口岸以固  
門戶遠則扼山險以壯藩籬各營水師巡洋  
會哨凡沙線暗礁風信莫不漸推漸準愈久  
愈精蓋中國沿海省分各有天設奇險以爲  
捍衛凡洋船遊奕樵汲皆有一定島澳至近  
岸港路較僻非本地地引水不能知其淺深曲  
折特承平日久在事文武諸臣未免狂天險  
爲可恃習柔遠爲故常一切防海事宜有名  
無實卽有舉動不以爲兵力難施則以爲經  
費易細不思沿海列營相望水陸分防互相  
策應立法至爲周備今第就海籌海惟首先  
覈實兵額使一兵有一兵之用則國帑旣鮮  
虛糜客兵亦無煩徵調况海民漁戶人人皆  
可帶甲灘蕩田圩馱馱皆可與利者乎臣前  
奉

命出使東至山海關南歷浙閩每遇習熟洋事  
之人逐一訪求粗識形勢願嘗稽諸國志互  
有不符推原其故或圖限尺幅或志有傳譌



更兼潮汐灘漲塘汛遷移口岸則彼此易地  
山險則左右易嚮水道則遠近易程若執以  
定方隅更多不合謹就見聞所及詳加參考  
欽遵

內府地輿圖式一本天度開方彙成海疆全圖  
其水陸營鎮以及口岸山險水道分類標註  
別爲一表便於省閱臣自知才識謏陋無當  
萬一惟仰見我

皇上鑒徹瀛壖神籌機要一稟  
列聖舊章控馭中外誠得人以治之及今整頓  
猶易爲力則臣斯製固亦銜石之愚誠而測  
蠡之末効也謹校定繕寫恭呈

御覽伏乞  
聖明訓示再圖分上下二冊謹依海疆形勢轉  
折寬狹用疊幅伸縮以取定向上冊由北而  
南下冊自東而西俱係左開合弁聲明謹

奏  
十月二十一日奉

旨同博迪蘇赴楊邨查驗駁船竝查辦案件二十九日具摺一次十一月初八日具摺一次十一日有

旨同柏葭赴陝西查辦案件十二日復

命十三日奉

旨先過山西查辦案件十二月初三日至太原府十七日拜發摺子三十日至西安府○葉

筠潭前輩手札

停雲一載馳思方深客臘旌節過楊當赴河干趨候而彩

鶴業已開頭未及登臚話別悵惘奚如比惟大兄大人新韶納祉

宸陛承  
恩敷造膝之嘉謨膺

孚心之

渥眷行見內躋台斗外歷封圻為

國柱臣天下皆賀忻祝無似弟僑寓邗江無善

可述茲擬於月杪前赴金陵講席寒瓊一片

況味可知惟六朝名勝尙可追尋竹杖芒鞋

當與漁樵共侶百儼直之暇尙祈誨言時勛

為荷 ○ 陸立夫前輩手札 特以奔走海隅日不

暇給遲遲作答惶悚奚如鴉片積毒已深驟

過其流必有潰決之患原奏嚴定法禁而祗

於吸食之人不稍姑息如父兄之戒子弟約

束於戶內至戶外遊蕩之趣不復過問非不

惡其誘我子弟也子弟之不肖我能斥之撻

之死之設馳問於所遊蕩之家其反戈相向

者什而八九矣自議者不察立言之淡算乃

羣然以重吸食而輕興販為詞遂縱言至於

海外矣豈知天下無賭者即賭局自少天下  
 無狎邪者即狎邪者自稀此理非所擠而少  
 翁之獨為其難非其本意眾議之所何敢至  
 也迨該逆稱兵滋擾但使海不失何敢狃不  
 獬若此即其遊奕天津亦未敢遽肆狂悖不  
 過欲行反間耳其計既行則虎門之失不待  
 智者知之鄙人是以有鑄礮之請也大抵局  
 外論事最是便宜因前書歷談本末故備論  
 之目下粵中情形究竟何如轉瞬南風之薰  
 津門當更加意所幸籌辦一切均已就緒其  
 戰守機宜總臨時相度惟唇齒輔車之勢津  
 門與奉天山海關直同鼎足兵法攻瑕不攻  
 堅果能颯颯嚴密彼亦安能施其技耶案內  
 有東西洋考一書綴該逆於倭奴之次篇末  
 有蜂目已露圖之此為時矣之語其書成於  
 萬厯季年真有此人哉天津志海圖容另賚

○俞四香手札

長年書畫  
 初集年記二十六  
 矣嗣於秋初就首郡公局一

館歲可脩脯二百金以供饋粥之用皆出自  
 大君子之賜矣浩輕才未學仰蒙垂詢拳拳  
 不忘愚鄙時挂齒牙受思非天下所少知已  
 得君子為難北望龍門感悚何極本年雨東  
 失陷震及浙西寒家去乍浦不一舍遠風鶴  
 時警加以沿海失業之徒創為坐飯之說逐  
 戶搜牢勢尤洶洶接家弟信蓋不一月間已  
 屢遷其居矣際此日之時艱值吾生之羈旅  
 能不憮然古樂府云蟪蛄蒙恩深媿局促浩  
 之景狀頗類於此惟冀終始成全不勝幸甚  
 尊邸海防圖說雖較前代籌海圖編萬里海  
 必集要害必詳已較前代籌海圖編萬里海  
 防圖及康熙時陳炯齋之海國見聞錄有過  
 之無不及也唐李吉甫圖上河見險要佐憲  
 宗成中興之功先生集思廣益一代偉人經  
 世之學不讓趙公此書當與元和郡縣圖志  
 並傳不朽伏惟順時為至  
 ○曾卓如前輩手

國自愛臨書不勝翹切之至

札春明叩別荷承指示銘泐不忘抵閩後逐  
一印證不爽毫釐接篆以來清釐積牘自  
冥至亥竟無寸晷之暇察看民風尙爲儉樸  
卽省會之間亦絕無浮奢氣習而州縣所爲  
則有聞所未聞見所未見者居然別有天地  
諸人說到泉漳等郡幾欲棄爲蠻夷戎狄屏  
之荒徼之外一何可歎而馬止齋本年春間  
署漳浦縣下車未及三月廉其最凶頑者四  
人置之法親赴各鄉剴切教諭遂有紅白旗  
首領俯首來降誓改前非願將十年前械鬥  
之案盡行清理釋爭解怨不煩審理自歸和  
好止齋復拊循而獎勸之莫不歡欣鼓舞束  
身就教於以見非民之無良有司之不得其  
人耳使得如止齋者數十人分布諸邑全閩  
不有瘳乎粵地糜爛已極現又聞准與開船  
逆酋出其朽敗之物勒令內商消售又抑低  
丙地貨值而兵船自省西小河排列至東邊  
酋偃卧十三行夷館醜虜四出劫掠搶姦婦

女官兵三萬餘止集省內惴惴然不敢動當  
 事者想就此結局而此局之萬不能結者誰  
 不知之現又聞該逆恨上年在厦島受挫欲  
 大舉報復制軍日駐於彼團練以待其來而  
 附省百里外之閩安五虎口中丞亦日督飭  
 縣營處處防備亮該逆亦有風聲如果自來  
 尋死惟有鼓勵戎行盡力勦洗斷不肯效東  
 粵之所爲也聞粵兵屢敗並非不能敵抵緣  
 誤不設備而漢奸全潛入卒伍間見賊卽先  
 遁耳今又任聽開槍該逆並不安靜止爲措  
 餉計豈真可信其無患哉而當局者不解何  
 以仍蹈前轍也聞敬修先生有赴粵效力之  
 信此公辦事自是可是人然手無斧柯爲之奈  
 何若得裕魯山先生爲粵帥而諸公左右之  
 賊不難平也恩恩  
 泐此統希鑒察 ○孫鏡川詩集江亭恭賦  
 亭子超然上界開登雲招我躡梯來野舍時  
 雨青連郭座滿春風綠蕩杯北海多情常愛

客東山無事只憐才者番文秦澹如詩叢蒲  
 謙檐帷駐勝地芳筵特許陪  
 淺淡碧水滿拍拍飛鳧鷺六街黃塵苦眯目  
 巾車雅軋來沙隄陶然亭子俯平楚闌楯高  
 與城垣齊遠峯眉黛闕半面紫采忽擁斜陽  
 西宜黃侍郎文章伯鳴鳳一出光生霓金鰲  
 退食此登眺當前煙景何暄萋和風所被生  
 意滿薜蘿亦復矜蓬藜西曹刑簡得清暇與  
 眾宴樂無町畦朝衫欲脫騶從屏一時俊侶  
 相招攜房山筍白參玉版滄州酒綠浮玻瓈  
 尊前何事慘不懌風來海上猶聞鼙荷戈輓  
 粟甲士苦樓船幾日誅鯨鯢范韓勳業豈難  
 建行收浪泊安邊黎太平我輩許歌獻遊春  
 紫陌紛輪蹄百年裙屐渺霄漢麝煤古壁空  
 畱題淡團野故人散如雨岱雲嶺樹同悽迷紅  
 窗黯落日爛醉拚如泥謝公孫琴西詩城  
 未零落日爛醉拚如泥謝公孫琴西詩城  
 賭墅定重到捷書早晚傳蠻谿

初集年記二十六



萬樹風吹衣江亭高與城頭齊新鶯乳燕亂  
窺客驕駟脫勒銜尾嘶十日楊花吹作雪坐  
捲珠簾漫愁絕卻念萬事殊等閒莖水恰添  
金杯寬眼前有酒竟須醉醉卽拄笏看西山  
又送使三秦詩初日照潼關秦州見萬山北  
金章靜郵亭錦石殷向來天府國勝地好躋

攀

天子勤西顧星官下北辰直憑周道使要與一  
方春吏縱三河甚民勞萬室貧昔賢寬猛意  
感激政如新漢碣青煙盡唐宮斷瓦多金莖  
徒黯淡銅狄且摩挲寶霧森龍象神光護斗  
科卽今宏採撫亦足燦羲娥萬里東南地連  
年走傳輶岱門滄海日秋月廣陵潮西極通  
雲氣中台運斗杓若逢 ○曹良甫和臈八日  
金馬祀使節又青霄二月東風盼杏帘說餅  
詩西來秦晉使程兼美水晶鹽巢痕許借  
寒銷缸面酒和羹味美水晶鹽巢痕許借

秋堂角霽色遙明嶺樹尖佛粥  
香中衣鉢在輶車佳語此番添  
○吳子序壽

家君七十序  
宣黃少司寇黃公為尊甫守垣

祝者徵言於余余竊惟歐陽文忠述其親之

訓曰治獄嘗求其生世以為仁言司寇為國

恤刑先生其不以是訓也今中國與鳥夷通

市夷或挾酖毒徼利愚民耆而溺之以自棄

其生一旦司寇建議議止以重法

天子然之俾嚴禁吾民寬其期必其令皆休然

不敢不有以自革蓋天下莫不知其故而惟

司寇之勇有以發之也顧或謂司寇議峻刑

非求生之意疑先生所以勗其子者與歐陽

崇公異斯豈知言哉夫除美疾者必以惡石  
石不猛疾不止故曰石猶生我司寇之議其  
猶石歟然則昔之弛禁者乃所以益疾也今  
之重法者所以去其疾也疾去而民更生是  
司寇實生之先生之訓其子以生斯人者大

初集年記二十六

矣彼獲更生者為司寇祝且以司寇而進祝  
 於先生吾黨雖欲助司寇稱祝顧何以加於  
 期遂書**吳清如序**吾師宜黃黃少司寇樹齋  
 以為壽**吳清如序**先生蚤以建言聞於朝野  
 其間由翰林遷秩臺諫為大鴻臚為大理少  
 卿為通進銀臺司章疏屢上皆牒牒然以國  
 計民生為憂指陳利弊洞達時務累數千百  
 言每奏上  
 天子輒報可於是海內人士無不知有宜黃公  
 者而吾師則曰此非某之所能實吾父  
 封榮祿公有以教之也是言固出歸美其親之  
 義然以夙昔所聞於吾師者證之而信其言  
 之不誣也封公門承通德讀書教行凡義所  
 在惟躬是膺厥考贈公嘗稱其識見過人蓋  
 其行能取信於家人父子間者有閔子人無  
 間言之目自為邑諸生益以名節自勵持功  
 過格為不欺之學吾師所稱畏事畏言慮謙  
 慮險者信非溢辭矣自以屢試不得舉而贈

公春秋高懼無以奉堂上歡屬吾師方以拔  
 萃選授瀘谿校官亟命馳請  
 封勅如制封公至是淡於進取日偕其弟植軒  
 先生修儒門事親之禮循陔潔養融洩為樂  
 而以建樹勳業屬諸後人曾論有言書云孝  
 乎惟孝友於兄弟施於有政言家之教可通  
 於國也昔明王文成公蚤歲遊京師其父攜  
 之謁朝貴皆以第一流人物期之公問何謂  
 第一流不止是以某所聞為聖賢學問乃所謂  
 日恐不止是以某所聞為聖賢學問乃所謂  
 第一流不止是以某所聞為聖賢學問乃所謂  
 赫然為世名臣而其父晚年守老氏知止之  
 戒退隱田園有婆娑風月之樂豈非其志趣  
 之高曠識量之宏遠有以詒燕後人而知其  
 義理醇備能振未發之蘊蓄歟方今  
 聖人在位政治清明諸言事之臣各以其說進  
 而吾師獨熟審數十年間利害緩急之所在  
 舉其大者而思有以振刷之杜漸防微化裁

通變吏苟善為奉行民生必有隱受其福者

朝得盡言無隱為吾師幸不知其素所蘊釀抱

負者深而奉教於疇昔趨庭之際者為已至

也今年十二月封公七十生辰吾師念奉

命典江南試者二月封公七十生辰吾師念奉

二門生且徧天下欲如唐楊嗣復故事集天

下英賢列坐堂無為其父稱竿獻壽而封公

又以家居日久不樂遠赴京師無已則撰擇

良辰命門下士為文寄家稱祝以淡致其望

雲娛綵之意焉又嘗徵諸前史以子貴而身

受榮顯者若後漢張酺每有遷職父輒自田

里詣京師適會歲節公卿俱詣府舉酒上壽

眾人皆慶羨之宋王溥為相父以宿州防禦

使家居每公卿至必首謁其父溥朝服趨侍

左右坐客不安席輒避去二者雖皆為時所

稱然亦祇世俗之榮而非有父子相勉之意

存其間也若封公之以道義自持不求聞達

時從里邸寓書敦勛而吾師稟承意指謬謬  
封公用是獲家居之養享三釜之奉娛志悅  
性康強逢吉所以返嘉祥綿弗祿於他日者  
方未有艾是固當於交成父子間求之而非  
若張若王之所得比似也已



僊屏書屋初集年記卷之二十七

道光壬寅正月初九日拜發摺子二件二月初

八日復

命五月初九日聞先府君訃○吳子序謨先府

君墓誌銘

贈光祿大夫黃公守垣先生以疾卒於家享年七十有一其子少司

寇奔喪謀窀穸之事以銘命某某不敢辭謹按先生諱錫藩字鼎欽守垣其號也世居宜黃之北山里曾祖諱章憲府學附生以長孫

陳州公貴累

贈至奉政大夫例

贈朝議大夫妣紀氏累

贈至宜人例

贈恭人祖諱國恩早卒妣紀氏守節以壽終考

初集年記二十七



諱捷岡妣潘氏繼妣楊氏潘夫人生先生先

生娶周氏三世皆

贈如司寇階先生年二十九縣試第一為諸生

有名及司寇以選貢官瀘谿訓導先生命為

祖妣援例請

封曰及吾親尚存以為喜自是不復求舉識司

寇大器益勉以畜德為他日濟時用司寇通

籍入翰林改官御史敢言事

天子嘉之既擢為卿

持諭令言事如御史時司寇思所以稱殊遇為

上陳者是時民生貧困而風俗益趨媮靡天下

之財皆耗於粵粵與夷通市夷人以淫巧誘

敵中國非一物而鴉片最為鴆毒司寇以舊

禁輕而利重事久害深非痛絕之無以厚生

正俗疏上

天子然之尤重其事使內外大臣皆與議乃定

禁令而

命欽差大臣林公如粵主治夷事諸奸宄不便

令者噤不得施會喚夷奪我定海林公獲罪  
去沿海騷然或有謂禁驟嚴召患者賴

上聖明不之惑故司寇益得爲  
上言防海事當募勇造船爲長久備不可姑息

夫國家愛民使之棄咎民顧貪昧趣利誘外夷害

中國有司不仰體

詔書蚤戒不虞豈議者過耶抑豈言者咎耶先

是司寇爲言官仇直先生聞之甚喜旣論禁

鴉片事先生益寓書勉司寇盡心報

天子知遇無藉詞親老爲畏避計司寇奉使江

南將俟使事畢便道省視先生日爾無乞歸

吾將視爾舟至青山阻風十餘日不得進乃

返其後司寇數奉使奔走無虛日又三年先

生七十司寇將歸祝先生不許又一年而先

生卒司寇爲子泣言以不得歸養一日爲恨

也嗟乎爲人臣者誼不得顧其私而事親者  
貴養志先生之志何如哉先生有子五人司

寇為孀出某某皆側室魯齋人出女適某某  
 有孫幾人曾孫幾人以某年某月某日葬先  
 生於某山某原銘曰子為名卿一言除垢厥  
 疾滋生匪醫之咎父教子忠於養何有藏此  
 直辭永○嚴問樵明湖秋泛圖題詞道光丁  
 以貽後  
 月樹齋前輩年大人典試山左事竣約高密  
 單廉泉布衣宜黃符雪樵孝廉暨子泛舟明  
 湖廉泉以事不果往乃於己亥春屬其同里  
 王君不矜繪圖寄都歸以補前遊之闕又三年  
 壬寅冬先生奉諱南歸過袁浦拉余同赴白  
 門舟中出圖見示屬書原作及歷下雜詩於  
 後並屬補和附書云○人忽聚春星與偶寄  
 秋水雲中白鶴來天末翔未已眠鷗向人閒  
 飛飛懶不起眷惟名厲紫筠詩濟南山水何  
 士軒月墮湖煙裏舊遊處到今風景會無  
 曲比鑑湖蠶尾仙人舊遊處到今風景會無  
 殊鵲山冷落百餘紀扶輪大雅其誰與夫子

奉

命

命茲此都鐵網搜盡紅珊瑚師門已自盛桃李  
 清賞未可忘蕪蒲公餘延攬得勝境山光水  
 色如雲鋪靡蓋遙遙隨箬笠荷花短短依蒿  
 蘆船頭風影北來少城裏煙波天下無吾師  
 對此神志舒揮毫探得驪龍珠眼前魚鳥疑  
 對識篋中風月成新圖鵲華卷子秋色好真  
 舊相國耽清娛仁和新太常亦詩伯愛此異景  
 州賞俱風流掩映二百載後先人望稱同符  
 吾師筆力尤卓絕高浪騰天爭貫輸盛名未  
 許讓邊李雅調直可齊白蘇騷壇  
 秦澹如詩  
 提唱有宗主自願携櫟長嘆吁  
 百丈玻璃拭明鏡青天倒景空淨荷花狼  
 藉已無香風卷波沈葉千柄使者乘槎來日  
 邊濟南名士盡蘭荃掄才選勝兩不負蓮子  
 湖頭親斂船水面野鷗飛拍拍來往難逢濯  
 纓客津亭載酒飽看梅蘊生詩  
 去年文酒陪  
 山鵲華此日猶秋色  
 梅蘊生詩  
 清謙歷下新

卷之三

初集年記二十七

三

圖會一見山色如從鵲華看湖光瀉出鷺溪  
 網是時長安春已深風花萬點飛僧院苦遭  
 銀羽再聯篇拜別驅車疾於箭歸路吟詩那  
 得呈回頭人事如驚電今年秋盡大江濱木  
 落淮南水澄練呼許登舟侍坐談談辭婉摯  
 恩彌眷更敦小子學夫詩命續皇芩厠羣彥  
 展圖韜筆拜行旌郭羽可詩使星高燭五雲  
 寒潮淼淼江如線郭羽可詩邊網盡羣珊恰  
 放船山氣雨餘秋滿郭湖光宵定月涵天絕  
 無機警親間鷺稍得遊觀便散仙會記少陵  
 陪燕颯濟南李寶之詩海岱雲蒸接

帝京手持玉尺下東瀛使星暫駐湖山福采得

聖明一叢蘆荻一灣環打漿人來圖畫間為指

鐵公祠畔路藕花世界鵲華山綠楊城郭想  
 依稀眼裏雲煙昨已非舊雨我懷劉子政雪  
 花簫落掩雙扉封禪碑尊篆遇雲秩宗提唱

主人文他年畫閣書勤  
 日叔度汪洋須使君  
 鼻者翠舒雁鷺與爾同去踏素波駭波直立  
 不可蹠崩雲裂石聲何多一起一伏拔地尺  
 三伏三見分濟脈世人往不往味道機詫美驚  
 奇恣遊息泉兮泉兮爾既不能回風返蓬瀛  
 且流且止全吾清奈何力爭向上不得上此  
 平之鳴迺使庸耳驚仙入定斷聞根且自觀瀾洗  
 流連日垂暮何當入定斷聞根且自觀瀾洗  
 塵翳○劉眉生方伯招集西園次韻鸞雀翔  
 雲天餘興託煙水白鷗故相狎忘機時一起  
 西園足幽勝游覽周復始江右盛羣公仕兼  
 有賤子合并皆鄉人談深酒彌旨竟閒仕兼  
 隱豪宕膏繼晷湖風盪客襟徑思杭一葦茲  
 遊歷六載茲地去千里人往園則存餘風知  
 有幾屈指數行踪萍合亦可喜眷言素心人  
 天涯誰共此○以上二首皆壬寅冬自清浦  
 同舟赴白門道中補和丁酉秋山左從遊之

嚴問樵詩

次韻舒

作

厲詩鵲華二句原註阮相國有香光鵲華秋

色圖仁和二句原註馬太常有明湖秋泛圖

李詩舊雨句原註謂眉生方伯卅年前不才

與之同受業於德清陳白雲先生門下

嚴詩羣公句原註坐中符孝廉袁大令皆西

江人人往二句原註時方伯久歸道山屈指

二句原註自山左別後迄今六年吾兩人無

間歲不見面者眷言句原註謂雪樵

僊屏書屋初集年記卷之二十八

道光癸卯三月初九日扶先府君柩權厝北郊

是月緣庫案事被

旨奪職十一月二十五日葬先府君於五里鋪  
之旗形山十二月十八日葬先太夫人於小

橋之飯羅山先庶母祔○郭羽可詩將抵宜

樹齋少司寇美竹連江鳥語豪桃花歷亂柳  
蕭騷野門臨水羊腸滑沙港橫雲雁齒高店  
口轎停邨老聚客心春曠僕夫勞故人兩地  
調飢甚咫尺重山首更搔○畱別樹齋少司  
寇作好友喜逢終日對此生能得幾番聞出  
門彈指今彌月有客攜詩更款關畫本長添

初集年記二十八



難道債歸期頻改為看山巖灘共有漁樵約  
祇恐

君恩未

○盧籟亭詩

陪樹齋夫子郭羽可先生  
同立生子先兩世兄席金

許還門茂才魏子駿解元登僊人石曉望島上春  
雲接

帝京重來此地覺幽清露華曉潤千年藥江氣

涼添百尺城風月有緣僊現在溪山如畫我

從行不須更上礪樓望玉壘能傷杜老情○

畱別樹齋夫子作平生夢繞僊匡路忽聽鳥

嗥便款關素練乍迴明月照青天初放白雲

閒優游那便同安石蘊結還應屢次山明發

春江回首望譚○馮子良題獨立圖詩憶昔

樓煙雨鬱孱顏○馮子良題獨立圖詩憶昔

道見公顏色好風塵一別垂十年四海共傳

公未老憶公才譽雄神京虹霓意氣驄馬聲

長指卻寬我禮法短歌略識公生平立朝凜

凜冰霜簇風骨如公生使獨

聖主能容讜諫書重臣屢決平反獄九州復

命慰

九重麻衣旋返盤谷宮旁人欲問不敢問竊視

別有沈憂容賈傅久陳前席地孔公怕洩重

簾事郎富寬褊只閒身扶搖大扇應淡意雖

離魏闕非江湖塵寰眼放胷躊躕畫師似會

蒼茫意峭筆 ○ 又題觀書圖詩 抱負平生頗

為公獨立圖 不虛草堂回

首雨風餘胷藏萬卷手一卷總是庸儒未見

書卓卓直聲天下知歸來一笑渺神馳讀書

如此誰能測箕 ○ 陳廣夫詩 呈黃樹齋侍郎

踞科頭亦一時 呈黃樹齋侍郎

丈雪雲解嚴 沍曉日行青冥旅人屬有念喜

今方罷兵嗟哉 艾時回首念保生痛苦一

云緩低徊失初程 鎮埒墮悠悠奮刷患紛更

遲速果決間久矣 優承平志用恐弗將人人

有吝情獨煩 初觀厥成頗騰鸞鳩笑妒說鸞鳳聆

天子聖虛佇 初觀厥成頗騰鸞鳩笑妒說鸞鳳聆

皇季書

初集年記二十八

二

至今未流議目熒口欲營譬茲族親舍有孺

嬉緇餅過者或孚號詎非休惕誠況吾宗子

家疾毒朕吾氓罪不焦爛科顧擬曲突嬰

聖心豈謂然得失瞭涇四年三萬里詰方吝

明刑去今條十稔星變陳

大廷獨條文武科優有先幾明士也揉其材前

卻數跡行媮窳謝古颯文俗趨榮名根菱盤

利害知勇幾有萌彼方俯捫蝨何暇見入絃

懷哉六一語前悔後可銘酒看為善將循默

乃名卿側間前年而衰誼坐令越甲鳴儒冠

詔獎策射末業困賈贏歲歲荷

制書蠲貸水旱耕四溟既天限九州皆壯丁內

而列臺省外亦極尉丞丈人匪躬節吐納震

春霆大受實夙望幹濟有舊經上荷

當寧憂下慰眾口繩念言率何道庶覩人士興

僊屏書屋初集年記卷之二十九

道光甲辰十一月奉

旨以六部員外郎用○陳伯游如此江山圖記

道光甲辰春司寇黃公遊於焦山參軍黃子  
文涵塲使德子林知事馬子書城並從方海  
時在真州公折柬招之未暇往也於是公偕  
三子盤桓旬日賦詩而歸黃子作圖錄詩貽  
方海俾為文以記時當庚子公嘗持節  
外之旨含蓄彌多因憶昔歲庚子公嘗持節  
過京口圖北固山屬記之矣是時海上初警  
京口濱鄰豫宜籌略故探公憂國之意具述  
於篇既而醜虜磐牙隳突江境陷京口踞三  
山久之乃去夫北固帶城巖險金焦湧江壁  
立眺重溟於闕外鬱形勝之奧區在昔孫盧  
劇賊乘亂來窺劉宋疆之若犬羊耳今

一	梅	波	心	馬	風	公	彼	巖	得	可	元	計	來	始	天
低	影	裏	間	竹	舞	雷	焦	穴	與	量	匪	將	故	為	子
侗	橫	扁	險	漁	之	止	生	無	焦	方	異	何	宜	疥	有
隔	籬	舟	夷	詩	中	周	安	可	先	海	人	施	屢	瘙	道
岸	出	放	一	欲	仍	覽	所	藏	之	栖	任	惟	脊	而	入
桃	松	月	聲	寫	是	休	託	身	徒	遲	三	公	風	卒	表
花	根	來	清	江	光	暢	乎	回	卷	半	子	翼	景	瘰	承
影	壓	帆	馨	山	天	輿	茲	思	舒	世	屈	宣	不	疽	風
相	石	疑	響	勝	之	輪	江	澤	自	老	枉	台	殊	也	西
看	栽	天	有	應	下	徐	氣	遁	適	將	下	曜	既	荒	異
無	摩	半	鶴	尋	方	動	方	蛟	要	至	僚	宏	其	類	何
限	抄	落	得	矣	海	賓	清	龍	知	矣	憑	濟	嘆	之	敢
情	壁	樽	句	於	雖	從	山	林	鋒	咏	藉	艱	矣	然	跳
坐	間	向	疑	是	未	無	容	空	鏞	歌	建	難	哉	梁	
來	字	鏡	仙	乎	追	聲	新	虎	擾	太	樹	鎮	公	而	
僧	先	中	佛	書	陪	悠	沐	豹	攘	平	亦	慰	今	至	
刹	後	開	何	拳	樂	然	名	嗟	卽	庶	未	黎	重		

靜話到客心清琴外閑飛鷺杯前喚好鶯海  
天空闊處指點快生平鐵甕雄如此濤聲北  
固聽譚兵人已醉弔古淚同零去欲尋匡黃  
阜歸還憶洞庭唾壺誰擊缺愁對竹西亭

子湘詩公瑾譚兵處餘皇十萬師海門操地  
利天塹絕人知不信飛能渡誰教險

丹堦傑閣題名在春颿兩度來空濛朝霧合冷

澹夕陽開僧老梅同瘦松孤竹並栽虛堂詩  
壁下拭目為遲徊海色來天地蒼茫萬里情

酒緣知已盡詩為故人清落落筵前月深  
夢裏鶯何來彈綠綺頓使壯心平風撼前山

雨潮聲竟日聽憑將詩紀別不覺涕先零歸  
夢隨江棹飛花滿驛庭由來征戰地愁絕短

長亭。天風吹月出來訪草堂師古逕無人  
識幽情空自知鳥飛江路闊雲在我心夷不

覺春潮漲朝來綠滿墀離江岸草人又踏  
青來舊日畱題剳桃花爛漫開危樓傍領出

初集年記二十九

古本入雲栽欲去渾無語帆行幾轉徊白鶴  
 不知處青山空復情千年松檜禿萬里海天  
 清且作眠沙鷺難為出谷鶯江淡畱片石冷  
 與暮潮平月中誰折柳玉笛醉時聽檻外青  
 山寂筵前白露零客心悲逝水春色  
 老空庭明日西冷去何如湖上亭  
**德研香**  
**詩** 江山圖畫裏勝蹟問漁師月落潛龍出雲  
 淡老鶴知潮聲吞北固海氣截東夷與話  
 年來事殘鐘度佛墀浩蕩煙波客丹霞杖底  
 來廚分香稻熟雲捲暮天開梅古不知歲僧  
 閑聊自栽別峯菴外路幾度共徘徊開筵無  
 俗韻草木亦詩情月影潭心冷僊歌雲外清  
 愁看當屋樹驚聽隔年鶯此日憑闌處春江  
 分外平山中春夢遠枕畔夜潮聽忽挂  
 去瀟瀟又雨零孤鏡來別嶼餘酒  
 澆空庭勝地畱新句名傳海月亭  
**范廉泉題**  
**圖詩** 奇絕江山處從遊自得師曠懷追往跡  
 雅契結心知雲岫看舒卷風濤閱險夷

此中聊信宿幽賞步階墀久抱匡時略非關  
 選勝來烽煙驅海去樓閣倚天開薜裼何年  
 護梅窗舊日栽東林欣小住水月其徘徊三  
 詔先生洞能增萬古情名山眞遠俗濁世有  
 餘清仰見昂霄鶴遙聞出谷鶯憂時頻看劍  
 何以報承平誰奏陽關曲離筵駐足聽丈夫  
 多感喟吾道豈飄零帆挂雲千里尊開月一  
 庭靈山還惜別 ○王海樓詩新秋奉侍樹齋  
 休問短長亭 ○王海樓詩先生及徐東松  
 學博言別東湖有作萍末動秋風飄零客意  
 中今宵尊酒別何地笑言同貴賤分愁鬢乾  
 坤一轉蓬文章與 ○郭羽可手札使至承寄  
 功業名德在修崇 ○郭羽可手札到屏文玉  
 如意並承年嫂夫人惠賜小孩紫金冠紅綠  
 綾疋拜登感謝展讀鴻文旨高而意眞氣疎  
 而味摯古雅深醇脫盡時俗頌禱之詞使老  
 可藉以不朽何幸如之壽泉先生大篆佳極  
 足稱雙絕使我世世子孫珍襲爲鎮家之寶



告

報稱何時且慚且感知尊事已彌補入  
甚慰若得稍緩行期切望高軒同壽泉先生

枉臨草堂為十日之聚至期敬懇先惠德音  
謹當掃榻以待子良明府誠真知已若得台

從過訪後借遊浮梁極心願百海秋逝矣吾  
輩氣類之孤實增傷感惟願天假十五年之

算吾兩人雖未必得常圖良晤但使閣下為  
龍東野為雲窮山相望十五年巾彼此以尺

素當見面亦大歡喜百順具薄儀數  
種聊申鄙悆不敢言謝伏希哂存 ○汪少

海手札 三月之杪接二十五日自石門舟次  
惠致手書敬悉種種迴念湖山佳處

侍隨台旆於荒厓叢莽中捫讀古來名蹟雖  
太史公上會稽探禹穴豪情逸興未肯多讓

惟杯酒論心相逢即別至今魂夢徒追逐於  
南屏煙雨之中悵何如也別後春如觀察以

有夷船來甬隨即東渡間佛郎機米利堅各  
駕兵舶直抵四明馬頭頗以土物饋送道府

似無惡意而嘆夷則水陸戒嚴將來蠻觸相  
爭勝者驕而負者忿沿海州郡信能安坐而  
作壁上觀耶夷事之興殆關劫數否則如前  
但嚴禁內地不嗜虛吸海上紛紜自可不敢  
而靖蓋奇貨無所售斯凶鋒莫由逞也在杭  
恩恩未暇論及卽以韻語記載者亦未送呈  
清覽良用慨然仲洋現荷浙撫夾片

奏畱衰年晚景志僅稍傅衣食去畱皆非所計  
也南屏摩崖碑艱於摹搨蓋厓壁陡絕紙接  
數丈字在凸凹漫漶之中須工匠逐字以手  
擎按雷雨時至又復歇工僅搨數幅又被好  
事分取仲洋與敝本家謹以重價爭之不能  
多得茲因偶值人便仲洋奉上  
摹搨兩分另有長句并奉法鑒 ○壽泉兄錢

### 玉潭畫卷題辭

舜舉畫多不署名此卷所畫

度迥非明以後人所能及中間坐大絳帳下  
設木榻擁皋比左琴右劍高冠博帶望之儼

五  
初集年記二十九

然爲馬扶風秀設橫木几三古籍彝鼎硯孟  
之屬一一精雅諸弟子晉謁侍立凡數十人  
有鞠躬俯伏者有肅指者有據案鋪紙執筆  
而書者執事者數人挈榼攜壺以進序次井  
井猶可想見漢時經師隆重之遺意焉帳後  
佳麗廿餘人鐘磬琴瑟箏笛琵琶雜然陳前  
所謂後堂女樂者是夏文彥圖繪寶鑑稱舜  
舉爲宋景定閒鄉貢進士善人物山水其青  
綠師趙千里花木翎毛師趙昌子嘗見舜舉  
所畫雪裏芭蕉一幅蕉葉淡綠中以墨筆鉤  
染白地作聚雪狀雪意隆然出縑素上攢簇  
可愛亦未署名益信其畫爲舜舉手製無疑  
惟後幅虞雍公集暨涵峯山人王守二跋乃  
染紙造作僞古色非真本也近時售書畫者  
往往以真書真畫而裝贗跋其後或以真跋  
而置贗書畫於前以圖漁利比比皆然此又  
望古者所不可不知而勿爲此輩所愚可耳  
樹齋之藏此當截去虞王二僞跋重付裝池

毋使薰蕕雜處豈非  
明窗一大快事乎哉



僊屏書屋初集年記卷之三十

道光乙巳○僧慧霖詩

敬和樹齋夫子春日漫興八首韻中流一柱漫

推移萬頃汪洋四海思樂聖樂賢太白酒憂  
民憂國少陵詩偶從佛院垂青眼好放春山  
展翠眉為怕疾風成患雨傾心曾捧日多時  
礙徑蓁蕪已翦除香温茶熟客來初事關經  
濟才誰展地到清嚴律有餘新月半鈎臨水  
挂遠山一角帶雲梳春秋佳日田園美與話  
當年舊耒耨名山事業難投老經國文章久  
著聞春水方生波浩淼天花如散雨續紛萬  
言放膽陳三策一劍酬恩勝六軍宏獎風流  
評月旦妍媸到眼便能分朝回不負豔陽辰  
花信忽忽幾暮春風日騁懷行杖履雲雷出  
手想經綸部分左右樓閒韻樽款東南閣上  
寘轉徧法輪扶大雅黃金端合鑄斯人力挽  
頽風見性情但籌國計為民生桑麻有補地

卷之三十

初集年記三十

一

多種桃李無言蹊自成錢好祇堪為世用筆

帝心簡在臣忠直靜夜焚香頌

聖明一竿偶下釣魚航詩法西江派屬黃滿載

琴書開玉府浪吟風月過金閨池塘夢好春

生草城郭花明日載陽湖上年年官種柳望

他新綠漸成行年來計不與時偕閱盡山涯

又水涯天朗氣清修禊會水流花放讀書齋

乘雲準擬為僊客煉石終須效女媧風雅有

人望提唱大江南北感吟懷何處湖山紀勝

遊絲生遙浦認歸舟曾經奉使隨青鳥肯信

忘機到白鷗徐孺風高下陳榻庾公興好上

南樓詩家衣鉢禪家○董秋漁詩乙巳上巳

悟可許分傳方外不○董秋漁詩樹齋少司

寇招集法雲堂看花卽席次韻招友看花學

雲紙遊人車騎如流水蘭亭觴詠今視昔上

巳良辰在乙巳最難風雨故人來會須一飲

三百杯主賓環列會僊數瓊筵坐對名花開

西江山谷壯吟魄詩成欲奪東坡席諫草曾  
 喧海外名皇華歷徧江南國經濟文章第一  
 流手筆合造千尋樓繩金登  
 塔俟他日許避先生出一頭  
 ○郭羽可寄懷  
 詩林白月初上煙昏禽未還名花開故緩好  
 友晤偏慳活水欲平沼寒雲難出山停琴  
 苔石竚惆又詩三徑草痕碧小園春意回研  
 悵髮雙斑又詩榛開筍道守鶴護梅胎寂境  
 足孤賞美人殊未來讀詩知遠抱桃李正栽  
 培豫章書忽到老好正思存舊雨沙同散名  
 山道益尊功名幻樵夢出颯總  
 君恩莫遂雲龍逐千秋共計論古稀今已過百  
 歲望殊奢天使償吾願心難與子遐嚴灘空  
 結夢鄭閣看生麻別意飛南浦神隨日下車  
 ○銘東屏手札敬稟內附呈義倉種木二示并  
 沙果朱李一箕熊太老師修金廿兩遣胥于  
 解錢糧之省之便恭寄豫章二十七日夜誦

愚學書畫

初集年記三十

二



夫子賜書得知已還珂里而前項所呈計時  
相左矣但未審夫子大人錦旋後書院尚有  
人畱住否豐邑五十四都山多田少民貧而  
淳相其地宜種樹爲便而向時鄉民雖近山  
居不肯封植者蓋官山旣多各不敢自私惟  
終年芟薙茅柴故雖松杉閒生萌蘖亦入芻  
蕘今禁其盜砍許以種植此令可行十年之  
利溥如矣至義倉一事城中已設一倉存穀  
僅出三千餘石且聞吳太史因修濠工費不敷  
平糶只許城廂附近人民來糶其遠處都圖  
概不准買食此一家言也其將來滋鬧之漸  
已伏於此夫一邑一長吏主之四境皆吾赤  
子若遇歉歲四境知義倉在縣豈有不紛紛  
就食之理彼時卽出示曉諭某都應糶某都  
不准恐聚數百千鳩形鵠面之民羣起而攘  
之矣此施之刦奪之教也若盡行令其來糶  
以二三千石之穀亦斷難贍數千百破荒之

民此門生下車之始日夜焦勞特訪紳民僉  
云慮遠故仿照城中建倉之式出示四鄉令  
其各都共建義倉此亦社倉法也惟准其捐  
貯以備荒年斷不准春借秋還以滋流弊此  
少別於宋法耳刻下各都自經示後強半都  
舞而城中紳士特約劉養雲太守以總各都  
之成故示外有公啟也伏查豐邑與吾師桑  
梓毗連田少山多情形自屬相同故前以二  
示附呈慈鑒可否亦照此邑章程斟酌參變  
以利羣黎事如可行想立之大令自當有所  
籌度也第門生僅有一邑之責淡為慮及不  
敢不畱一邑之事為家事若以此數事達之  
鄰封似不難辦特慮不辦者轉生議論故楊  
立之趣不能以此事相屬也更念此邑三面  
俱界本省一面界連建寧大盜雖少鼠竊仍  
多且近時教匪蔓延恐其入境潛遁現與紳  
耆共議俟為義倉一事各都紳民到齊即與  
酌議保甲夫保甲法良美行之不得其法百

弊皆生現酌簡易易行一法合十家為一牌  
 一牌僅寫一家長名姓下註戶口若干合十  
 牌共舉一鄉公正由縣與一戳記凡有匪類  
 潛蹤以及十牌中有不法之事暨聚賭私宰  
 許其蓋戳呈稟究治此可分地保包庇之權  
 而公正既舉於其鄉其不公正者可以問原  
 舉紳耆亦以杜濫舉之弊也此邑民氣既淳  
 詞訟極少經大堂收詞當堂批駁誣告以及  
 因小事而好訟者刻下每期所收新詞不過  
 五紙舊詞亦不過數十紙耳新案既准必審  
 刪去牽控多人僅存原被中証故案易傳也  
 案到即問或以數語結之或以千百語結之  
 自承乏以還已結大小積案五十餘起案既  
 不重故得以一堂便了也辰下整飭琴川書  
 院查書院每年租穀不滿六百千除山長修  
 俸薪水二百餘串諸生定額每年正課四十  
 名附課四十名而正課一歲所得不過四五  
 千每月官院兩課其近處尚可按月應課其

遠處寒儒多有一館豈能每月曠功數日跋  
涉作文以冀終年四五千之理故一經甄別  
後取入書院者往往每月倩人包課而包課  
之生或為同取書院者或為甄別不錄者或  
縣中代書之稍通制藝者夫課題亦有難易  
以同取之生課兼兩人若遇難題既難兼顧  
必致草率塞責手筆漸入輕滑一路其不錄  
之生以及代書斷無佳文呈卷此書院之積  
弊而士風于以不振本年甄別者生童五百  
六十餘人迨門生杜去傳遞之文實得卷三  
百三十餘本仍恐有冒濫內鎗等弊于考後  
署中添一覆試並傳示衣冠而來不雅露頂  
領卷以慎斯文日昨招覆無不衣冠濟楚循  
規蹈矩者此大有進境門生以其作文尚少  
代替故此大取百餘人并出示終年膏火  
按每月超特文字現發又捐典當陋規三百  
餘作為每月經費甄別文字其尤佳者代為  
手自點竄雖文事初興已有鼓舞歡欣之勢

至此邑大小紳士二千餘人向來有數十千  
預公事之紳門生并不峻絕往來而兩月之  
中實無爲詞訟請託者似傳聞之近訛也日  
長少事讀書之餘種花移竹花廳餘地闢成  
小圃大可遺寂官民既可相安想今年漕事  
或可一洗前弊也所賜探源兩種已酌定每  
十人分給一部俾其抄讀于課文時門生再  
詳爲講解之將蕤香遙燕如坐春風吾夫子  
嘉惠士林至深且渥凡此諸生應同拜賜但  
欲延一經師此間尙難其人耳至此邑上忙  
解款已列前稟間海樓又須入浙官運可謂  
磨竭矣縣城距軍峯可七十餘里峯頂廟神  
極著靈異本年係十年扮會酬神之歲聞合  
邑士民于十月之交香花臺閣舉國若狂向  
例逢此盛會官須親往彈壓而軍峯過嶺卽  
屬宜邑且閱縣志山水大佳如夫子欲往一  
遊門生願陪杖履以攬其勝並可載酒聯詩  
亦吾師生一大快樂也署中頗可安榻更乞

夫子文駕惠臨于彼時先作數日侍教然後  
由縣前詣軍峯實所心祝至進京之行此時  
未定如本年漕事平安  
○艾至堂詩札通承  
當有盡心以助台旆  
藉審道履佳勝為頌漫興詩高者追逐杜陵  
次亦在劉賓客之間真是絕倡勉占二首奉  
答另紙呈政閣別多載本擬即晤為快奈初  
秋酷熱異常衰體莫支準擬八月初旬即買  
權趨赴閣下儻有他行尚乞于秋前為愚  
少待並乞以此轉致東川觀察前由韻泉弟  
函內得奉接厚奠當即命小兒敬告先室靈  
几肅此奉謝○遙憐春色滿

皇都閒惜年華感故吾報  
國丹心懸日月懷人清夢渺江湖  
宮花  
御柳

朝天遠島燕柳鶯託地孤為掃芳愁憑健筆翻  
將幽緒觸潛夫燕市聯遊記昔年江亭上客

數誰先飛騰意氣餘長劍寂寞韶華付舊瓊  
 浪暝沼鱗翻潑潑風和階蝶舞娟娟白頭同  
 抱三春感絕調又札數年前在章門得聚晤旬日  
 終輸萬口傳又札數年前在章門得聚晤旬日  
 下精足神飽興趣橫飛尚如曩時以後勳業  
 更堪為一世倚重甚忻甚慰弟雖陟伏冷官  
 然未一日稍忘民世願與閣下更共勉之祖  
 遜溫嶠一輩人不難到也屬為大槩作序茲  
 已構就似覺到家非他手所及閣下以為何  
 如近作拙詩一帙祈批閱後即妥為寄還賤  
 體自省歸兩脛腫爛月廿一日小妾得舉一男  
 復別亦無他患本月廿一日小妾得舉一男  
 諸關綺注○龔歐可手札鍼以淺學得侍經  
 並敢附聞○龔歐可手札帷幸與諸山其間  
 至道每欲趨承左右又自阻畫昨復蹉跌兼  
 旬閉門雨足今始履地何其蹇也遙惟大人  
 樂育英才諱經藍慶為  
 國儲士以時詠吟又是菊花時候大富貴又壽

考公其占之鉞既處拙輯理江右時文二刻  
呈覽已久三刻亦成四刻亦即刻竣惟以梓  
匠需費屢屢停工擬將三刻刷印售人藉以  
集腋為四刻浮圖合尖非仗推愛有人要難  
賞音茲特送正一部可否代銷數部藉為四  
刻資斧功德匪淺擬有自序謹呈鑒削仰望  
鈞批示發俾  
○譚松門手札  
其付梓何如  
以四子書講究嘗云立身成業皆本於此稍  
長授儒先諸書命烈讀弱冠後二世父宦江  
右隨侍先君子來江右後先君子下世益惕  
惕焉恐庭訓之忽忘蓬心之不絕也又以家  
計茫如藉訓徒資館粥自知忝為人師也每  
讀先君子所授諸書有關於身心世道切近而  
可為法戒錄為課分編列目與老先生經訓  
書院條教似相暗合龔歐可詞丈促烈編就  
為呈丹鉛屬摳謁就正幸光霽下臨葑菲不  
棄且訓烈以小學為根本經學為立身史學



為繩尺指示切要恨烈親教澤之晚也往者  
 兩度秋風不獲出大賢門下今獲親炙何殊  
 出門下耶且慇懃以實學望多士昔宋儒設  
 經義治事兩齋不圖數百年來復興此風老  
 先生自倡此教不獨江右從此研究經史天  
 下聞斯風者準此訓式行見士習仕風蒸蒸  
 丕變昔范希文居憂晏殊延掌書院教人有  
 法學者多因而淳實老先生以之至烈所編  
 學識淺疏遺漏不少惟所謹錄多先儒格言  
 循良仁術老先生以世道人心為一已任未  
 識涓埃可補山海否幸老先生裁正玉成之  
 古人有言請自隗始烈將為老先生行道作  
 負弩之先驅也日昨軒車光賁未及趨迓承  
 賜翰章浣薇讀之仰見老先生經濟蘊藏江  
 湖心存  
 帝闕霖雨蒼生說命三篇行將敬獻再烈讀名  
 臣奏議三百餘卷進思之要備于其中惟卷  
 帙甚多因略其制度摘其體要編為十八卷

俟繕正  
後呈覽

庚辰年

初集年記三十



僊屏書屋初集年記卷之三十一

道光丙午○劉孟瞻詩

丙午立春日樹齋先生

清宮次韻奉呈江上東風初入律招邀佳客

訪孤寒衰顏暫藉壺觴渥溫語旋忘袒裼單

幸有人師來郭泰願為都養效兒寬卻慙虛

侍洪鐘側響巨方知莛叩難畫首倡佳篇白雪

高詞壇自昔擅風騷名公碩畫排終賈

聖代昌言繼禹皋已有雄文驚海濫重攜殘墨

賦江濤蒼生引領還

朝切未遂湖干買釣舸寰海巖疆重守邊隄防

深固仗名賢筆鋒可卻千人陣智府能儲萬

斛泉食德由來天下普張威可讓粵中偏

帝心應向民心轉早放將軍下瀨船忽賦驪駒

送遠歸繫維無計願常違飲醇不覺中心醉

揮塵頻教逸興飛漫撫歲華驚荏苒須知天

意惜芳菲阜財解溫今時急好佐虞琴理玉

初集年記三十一

徽羅茗香詩集唐郡人重得黃丞相銀燭金

好錦衣著盡布衣單未酬闕澤傭書債自識  
將軍禮數寬此卷玉清宮裏少陽春一曲和  
皆難柘枝聲引管絃高欲話趨時首重騷會  
脫素衣參幕客偶移弱質傍庭皋綠楊深入  
隋宮路紅日初生碧海濤正是江南好風景  
更乘逸興飛輕翅三春行樂在誰邊冠蓋聲  
華羨昔賢風急幾聞江上笛茶香時撥澗中  
泉煙含

紫禁花期近俸買青田鶴價偏他日徵還作霖

雨中流簫鼓振樓船楊柳橋邊人未歸暫時  
相賞莫相違甘棠城下客先醉金谷園中鶯  
亂飛贈我篇章苦雕刻羨公將事鬪芳菲小  
儒未座頻傾耳玉楊季子詩冰雪歷寒盡雲  
軫朱絃瑟瑟徽楊季子詩霞開景新綺谷  
粲吟緒玉壺陶上春窈窕仙人宮參差大雅  
輪風清動醅酌雪白裁湘紋無雙江夏譽有

託嚴陵綸蓬山舊詞翰矜式盛佩紳良宴視  
 此日遠策匪徒文側身望東南吳會多浮雲  
 魏剛已詩年來慣聽廣陵潮雅集羣賢詩興  
 全凋瑤華寂寂二分月香菲廿四橋小  
 步尋春城北寺好將魄礪一時消九日探梅  
 初作花追陪古觀境幽遐于今誰續東園記  
 自昔曾鳴西路笳胥浦波濤懷楚客玉鉤煙  
 月感隋家年年鑿火揚州道依舊湖山景色  
 華無邊春色綠波平璧社湖頭且濯纓煙浦  
 人家如舊識水田鷗鷺似前盟凌虛空有鶴  
 堪跨入夜何曾珠可擊楊柳隋隄千樹好嫩  
 條偏逐客愁生隱隱蕪城掛落暉當年韓守  
 駐驂駢堂題四并誇嘉瑞祠識三賢仰令薇  
 奇句生香梅畔得欵身騎馬醉中歸楊石卿  
 上公屢飲花陰下芍藥應開金帶圍  
 詩幸得後來邀末契追陪那覺怯春寒主持  
 大雅憑詩卷式宴嘉賓進酒單蓮社偶臨

卷屏書屋

初集年記三十一

二

禪榻靜吟壇高敞綺筵寬座中我亦蓬飄客  
 回首山河記應難一溪寒月玉輪高痛飲花  
 閒讀楚騷莫漫傷懷指北固有時長嘯挹東  
 臯氣排霄漢凌江閣筆走風雷挾海濤蒼狗  
 白衣任變幻含愁宜笑隱臚水漲虹橋落  
 日邊鶯花尊酒繼前賢共教石室搜金簡也  
 許山僧品玉泉一代文章知有數千秋議論  
 道無偏清風穆穆頻來去圖畫煙雲泛釣船  
 賓主綢繆盡醉歸及時吟賞未能違綠楊城  
 郭鐘初試芳草天涯雨不飛好藉壺觴聯雅  
 興佇看紅紫門餘菲風前譜朱臥雲詩西江  
 出陽春曲疑聽仙人弄玉徽  
 經三載鼓櫂東來正歲寒千里煙波搖客夢  
 一龕燈火借僧單有懷  
 宮闕星辰遠小榻湖山歲月寬若使謝安出山  
 去指揮兒輩復何難一代詞宗立幟高虛懷  
 宏獎擅風騷虹橋修禊聯和范鹿苑飛觴聚  
 馬臯酒氣凌雲吞海市詞源出峽湧江濤梅

花嶺上探梅去收拾奚囊駕短舸建策何人  
許議邊蒼生屬望在高賢淵明自愛看松菊  
羊祜何能戀石泉倚扇未應嗟氣短墨沙原  
不愧才偏從今再展摶風風翻破浪宜乘千里  
船十載蕪城尙未歸春風得侍幸無違此邦  
佳士如林立

帝

里爭教附翼飛莫負奇材收藥籠各抽綺繡  
鬪春菲獨隣靈運遊仙早慵向梅花拂素襖

薛介伯序竝詩

而夫嚴雲降而清鐘鳴東風至  
而湛酒溢物情感召則臭味

相投風雅主持則聲聞許叩行獵者人欣附  
蟻望峻者士競登龍壇玷秉衡山林增色昔  
聞其語今見其人維時春日載陽條風送律  
正玉局簪幡之日值少陵傳菜之辰先生返  
旆淮陰艤舟邗水爰差吉日博訪名流折東  
招邀飛觴投贈探珠採玉當年則珊瑚網頻搜  
範水模山此夕則風帆小住有愛才之許劭  
偕講易之嚴公舊雨聯盟長者既互相酬答



春風廣被賤子亦幸許追陪而乃緣事做裝  
 駕言就道津亭拜別未傾北海之樽水驛瀕  
 行已換江南之夢十年恨晚一夕偏遲良會  
 未膺芳辰已負矣茲則箋題廣布椽筆高扛  
 銓品倩殷登臨興逸試憶禪關晝靜尋思則  
 燕語鶯嘯遙知花鳴春深選韻則敲金戛玉  
 一唱百和洵賓主之俱歡六日七分正韶華  
 之伊始信乎此卷常留天地而同遊悉是神  
 仙也壽會叨親炙幸附末行芝宇載瞻燕詞  
 敢綴記此日花開官府快吟東閣之詩俟他  
 時春滿江城再續冶春之社云爾。春來準  
 擬開懷久共樂春臺那覺寒詩酒關情天作  
 主芳華屈指歲非單琅玕入座披襟做珠玉  
 聯輝放眼寬美景良辰兼樂事賞心誰說四  
 并難淮南爭識使星高蓋代奇才出雅騷名  
 世文章驚海甸執經弟子徧江皋出山早著  
 千秋業挂席曾觀八月濤泉石句雷清興遠  
 暫將煙水問漁舸攬勝來游蜀阜邊平山高

詠繼前賢追陪几席虛調茗管領湖山試品  
 泉風月流連芳信早琴尊酬答燭花偏冶春  
 一帶吹簫路試訪虹橋載酒船本擬趨承託  
 乘歸那知高會遠相違隔江煙雨離懷觸此  
 地鶯花墨采飛正好壺觴勞夢想卽看吟詠  
 助芳菲分明一曲陽春在疑聽崑崙碧玉窈  
 ○王句生手札翼鳳不敢忽略謹逐句逐字  
 細細對讀閱三日始過三本其中精奧美善  
 之故如江海含靈一任注者之取求各足  
 而已又如佛舍利光其青黃赤白隨學者分  
 量之高下淺深各見所見不容相假翼鳳亦  
 頗能心知其妙而不必一一名言也本中間  
 有一二騰錄之誤謹筆籤出又有一二字愚  
 見以爲可商者亦復自陳管蠶請吾夫子大  
 人鑒定狂謬出于至誠或原禮經事師無隱  
 之義不以爲罪耳今早同人公接河帥未值  
 聚於熙載齋中一日適蒙賜示新詩圍坐飽

讀咸有白雪陽春之歎明早買舟上溯不及  
 面謁謹將前三本先行封繳餘一本于後日  
 面繳○夫子大人昨雨回心抱不安今鎮北  
 來知尊體略有不爽處想未出門飯後當來  
 面叩一切大集一本謹斟過繳上并吳大僕  
 遺印冊題句呈上其十六至十八卷詩本定  
 于今日晚閒鑿下謹斟明早奉繳知返權西  
 江矣依戀之私彌深往復夫子大人詩雄放  
 處如金鵝擘海微妙處如香象渡河千秋萬  
 代有目共見卷中諸名公碩儒評語非不足  
 以發明蘊奧使後學有所依據然愚見究以  
 不刻為是

國初以來惟選本有此例亦恐有挂一漏萬  
 之患也即活字板先印若干亦不可有評○

倪府東詩  
暮春借黃子湘司李王郁齋饒佐  
 謝夢漁廣文子先世兄侍樹齋師

遊焦山宿自然庵師題所下榻處曰第一花  
 樓作歌紀事次韻奉呈積陰釀作連朝雨浮

雲四羃江干樹焦山上拜焦仙蜀國絃聲  
 倍酸楚寒食遲遲始見花梅影橫斜入絳紗  
 憑朱欄兮風冷倚修竹兮煙遮匡廬面隱若  
 見茫茫今古愁寂寂伊蒲宴昔年軍帳歌明  
 月今日征帆江上發安得曉來天地清金鰲  
 北固峯爭出三月春寒境似秋人共梅花住  
 一樓種梅僧老梅亦又題如此江山圖詩竟  
 老開花仍占百花頭又題如此江山圖詩竟  
 中流檝禪關謁隱師江山千古勝身世幾人  
 知舊約尋鷗鷺高風溯惠夷素梅相對好清  
 影徧階墀往事重回首之江仗劍來鼓擊軍  
 氣肅烽火陣雲開柳記陽關折桃從道觀栽  
 幸無蠻語諳帆席自低何十載春風面淒淒  
 別後情煙雲經萬變人月羨雙清寮懸鳴皋  
 鶴閒關出谷鶯會當馳蜀道消息問君平風  
 捲潮聲急深宵耐客聽歲華空荏苒蹤跡半  
 飄零懷古披書畫關心總謝夢漁詩獨有人  
 闕庭何時三弄笛邀月上閒亭

筆雄於十萬師舊遊飛鳥過新約野鷗知寺  
 古碑全蝕山空路竟夷梅花開未盡隨意步  
 階墀十載焦山別今春踏屐來地經仙客隱  
 尊為酒人開落綠從新掃松枯欲補栽無窮  
 憑弔意絕頂一佻侗江濤聲不斷枕上亦詩  
 情幽夢何時慙塵懷到此清姍姍花外鶴恰  
 恰柳邊鶯第一樓前立低頭宋廣平一曲江  
 干笛無端倚醉聽山川餘藻繪身世惜飄零  
 別思雲千里閒情月半庭 ○張詠仙詩 丙午  
 壁紗新詠在漫與唱旗亭 子先世兄胡若  
 晦前二日奉陪樹齋夫子同遊郡西山得五絕  
 卿蔣崧生汪嶺梅出郭遊郡西近山不見賀梅  
 十六首路出古橫塘春陰壓野長小嶙峋不  
 子翁雨打菰蔣青山初入眼鶴阜小嶙峋不  
 冠復不帶絕憶此中人注鉢碎走珠劈厓繡  
 立鐵恃有一線源涓涓滴不絕大賢溯鍾毓  
 笏林猶窳寵夷患古豈少一范懷臨風吾與  
 吾何與儒宗即佛宗精心參頓漸同鬯兩家

風激公吾里間退院此開山願勿訶生客葑  
 溪可往還卷裏聽鐘客歸然一老存三生彈  
 指頭猛省斷間根支劓坐于左天平立其右  
 淺絳閒深碧淋漓氣厚入功德池邊築此  
 一坏土尾尾看歸藏泣者在釜支公棲邁  
 軸養馬愛神駿安得司天閑鹽販脫困紉干  
 尺雪久傾亂泉走磴草篆石亦漫滅何處雷  
 鴻爪晦堂妙機鋒一鐙分在茲我奉四印箴  
 山谷乃本師法螺何所有虛堂貯礪響不斷  
 廣長舌老蛟騎合掌繼公此卓錫葉庵亦從  
 遊更期礪上翁往來餘風流太湖湖上山  
 到寺門齊林屋多靈宅因風好寄題天鏡閣  
 已圯祠門扇斜日繫纜  
 行春橋湖波莽蕭瑟  
 過吾與庵訪元根上人碧雲深處斂禪關修  
 竹千竿繞屋環趨侍緇帷揮塵尾續紛法雨  
 說開山皓髮華顛自古稀觀魚活潑總天機  
 祇因靜者心多妙謾謾松風澹夕暉傳家墨

初集年記三十一

六

寶藉雲函印得天心便不凡須識前身是山  
 谷待參妙法悟華嚴○西山歸懼紆道越城  
 奉陪樹齋夫子石湖晚眺斜陽波底泛輕檣  
 春遠蓬蓬湧似湖湖上數峯新雨霽螺鬟隱  
 約黛初描越溪舊隱跡旋稀亭外鷗盟久○  
 倦飛正是江南三月暮桃花浪暖鰕魚肥○  
 又詩 借張詠仙彭訥生敬邀樹齋夫子暨謝  
 蔚生汪嶺梅遊集拙政園良叔即席賦詩依  
 韻疊和登山臨水景潛搜欲覽名園更上樓  
 綠蔭千章同夏庇紫籐半架為春雷雨中承  
 蓋宜歌雅花下銜杯合解憂數杵曉鐘猶未  
 到風香差 陳良叔詩 詩句逢山著意搜南來  
 擬舞雩遊 乘興復登樓雜花叢樹  
 春還在疏雨芳園客盡留四海共思安石起  
 一樽且解杜陵憂蘇門往日吾曾及卻為從  
 公感 王子梅贈詩 誦詩知老學語語見真  
 舊遊 心豪氣尊前在隆名海

內欽幾行綠柳色一權白雲  
○鄒蓉閣詩年

清夢繞  
峯落拓憐吾故閨門話舊深

楓宸閒卻夔龍致  
主身籌

國能操天下計還  
朝爭識救時人名儒事業推康濟忠愛文章本  
性真物望韓歐中外繫未容常住貢江濱

○銘東屏手札  
春杪曾蒙賜示吾師大人欲

林以商行止寸心耿耿殊念此事敬聞慈駕  
錦旋想道體安善也翹企章雲無任依戀門

生因下鄉相驗時酷暑無點雲比及歸途陡  
遇風雨風暑所逼結滯胸膈化為溼痰誤被

庸醫投以涼劑遂魂遊墟墓者五有晝夜舉  
室環泣已無生望幸紳士將合邑醫生約來

共診始辨出寒痰俱在膈臆毀卻前方純用  
薑桂葯下投簧痰出傾鉢二便大通神氣頓



轉然經此一番劇疾而轉輾牀席者迄今二十有七日矣辰下飲食漸可惟四支委頓仍服補劑也幸此閒事簡民安稍可靜養數日便足下牀地方公事封殖已行義穀已勸出三萬石合之常平並豫豐二倉實存五萬石刻將申報此邑計以十年地無荒山家有宿積亦門生任事一年之心血以報吾師栽培之恩臺司提擢之惠也但此等舉動始難終易其法不再見于西江近獨行于河北蓋劉觀察昨有信來已照門生各示飭所屬照辦矣亦可慨也至結清積案三百餘件故上控者稀培植書院百有餘人故鬪漕者少第精神爲連年三次兵差受種風暑種種驚恐心氣旣傷筋力非昔故一年勾起積勞大覺不振刻下每當靜臥便起歸思雖在江十二豢不使家有餘財但添得數角人口歸田亦大不易耳作秀才時舌耕每得佳館歸去佳館或易特慮精力大減則教書之誤子弟與

作官之誤地方厥罪維均也俟大健時當熟  
思審處儻血氣終不如初必作歸田奉母之  
計斷不敢戀棧召過耳于靜中伏枕爲書手  
顛顛不可支所以必自爲此書者慮吾夫子  
知門生偶染沈疴時又札奉賜書敬問客歲  
蒙遠念也餘肅正稟雖黃山之游未果而江  
買權章門歸舟常玉涵春濤聲徹曉讀大  
天千里雪月一帆潭影涵春濤聲徹曉讀大  
觀亭放歌臺諸詩已足神選矣至若春燈照  
夢海月初飛關鳥畱人江雲乍起或則孤篷  
對酒東雪猶橫或則半榻分僧寒梅尙好乃  
知我夫子雅游所及在清淮廣陵間也若夫  
訪名勝于靈巖山連萬笏尋舊題于天竺嶺  
妙雙峯盼紅樹以引觴眷綠波而泛櫂帆光  
煙雨沙鳥忘機佛影蒼苔木魚寂響緬茲佳  
境得接名流畫宜倩乎倪迂詩早追夫蘇自  
讀平波臺雲棲寺諸聯又知自春徂夏我夫  
子酒殘吟筒往還于金閨武林爲最久也嗣

是錦颿激水蘭槩桐廬過子陵之隱居念君  
平之夙約當必泊舟釣臺有弔古懷友之詩  
此敢請拜觀于後者今僅卽賜書伏几三復  
是時沈疴少爽餘暑撲簾苦悶無聊終日仰  
屋及讀夫子之詩覺境界清涼頓開胷膈置  
身畫中矣古人謂詩能驅瘴未盡誣耳況夫  
春風歌詠字定籠紗舊雨逢迎人多載酒第  
恨風塵僕僕羈束微官值此勝遊不獲叨陪  
杖履也惟截金示句全璧未窺尚乞惠讀爲  
幸子幹二世兄幼承庭訓學有淵源文筆詩  
才久傳海內今讀新刻荷夫子賜以訓詞冠  
之篇首一家之學推而爲天下之公敢不拜  
南鍼之錫乎軍峯大好山水惟路盡蠶叢登  
臨匪易其上齊宮之蔬以書考之山有黃金  
泉上生薤爲齊宮之蔬以書考之山有黃金  
耳門生于病中得酌此水以碧玉泉題之以  
補道書之所不及昨又遣人挹注聞其已陟  
窮巔不見泉所而雲霧迷漫更迷歸逕作韓

昌黎大哭而反蓋齊公見其狀絕之  
下耳并以稟聞餘肅丹賤卽呈慈鑒  
○郭羽

可寄懷詩  
平生藥石共敷陳  
大度黃郎信偉  
人廊廟經綸餘醉淚  
江湖憂樂此

吟身交深未礙疏  
書寄心繫偏教入夢親  
羸得豫章壇坵貴  
無花老眼倍精神  
棗香百甕

勝荀荀返權閭門樂自陶  
一事輪君汪酒膽  
多情如子更詩豪  
春生畫舫花能語  
句滿江

天韻倍高見說  
○嚴問樵詩  
月

楓宸猶下問不應  
息影戀蓬蒿  
既望內子病絕而蘇  
時樹齋前輩在吳誤間

余已悼亡郵書致賻  
蘇何之餘寄謝以詩病  
骨難支夕照昏風淫內  
激氣奔豚若非羅隱

來題破那覓金丹與返  
魂傳聞奉倩劇神傷  
慰問殷勤遠寄將歎我  
餘生猶健在又教遺

誤到閨房二豎潛逃  
遽霍然星家謬許古稀  
年一函飛遞荆妻笑  
○應西垣題如此江山

厚賻先叨廿  
前  
年記三十一

第二圖詩

風濤閱盡大江東  
看到金焦百慮空  
立脚自超塵世外  
迴眸總在浪

花中縱經曠却神逾旺  
祇惜浮漚夢不胡心  
同一卷丹青雙妙絕  
此山原不負英雄

蓮詩

江山壯如此奇氣助吾師  
天地若為窄  
悲懽空自知甜歌驚海若  
狂浪失冰夷

無限憑欄意  
焚香告玉墀

蔣矩亭詩

多少愁難說  
傳摹穩心  
畫師生涯孤櫂穩心

一人知山色自今古  
波流化險夷  
江湖廊廟志

無夢不丹墀  
兩點金焦峙  
中流繫楫來  
丹心隨日湧  
青

眼為山開鶴老尋  
前夢松高隱  
舊栽一箇桑  
落酒相對幾徘徊  
此閒堪小住  
聊復寄幽情

北固山峯峻  
西江派清關  
心中澤雁翹  
首

上林鶯差喜  
鯨鯢靖澄波  
一鑑平數載  
東山臥  
蒼生側耳聽  
扁舟泊岸處  
老淚對江零  
客倚雲平檻  
僧分月半庭  
家園難獨樂  
漫染滄花

亭沈槐卿詩

匡時重經濟儒雅亦吾師獨抱  
關山威能酬天地知壯懷悲庚

信醒眼問希夷莫戀江湖臥承  
恩上玉墀忽憶滄桑事妖氛海上來樓船衝浪

駛礮火撥雲開塹有長江險營誰細柳栽金  
焦餘兩點憑眺幾徘徊報國文章在孤忠發

至情空聞天漏補猶見海波清伏櫪非無驥  
遷喬尚有鶯中宵還起舞豪氣暮雲平此日

高軒至清談洗耳聽畫圖尋汗漫劔珮接鏗  
零躡履餘鴻跡傳衣在鯉庭感懷原有淚不

灑別王節華詩獨得江山勝收來入畫圖風  
離亭雲懷北固煙雨夢東吳戀

關心常在吟詩興不孤風馮子良詩如此江山  
流入百載佳話紹髯蘇浩蕩中不

知海盡幾英雄干戈銷滅琴尊健來訪焦山  
一畝宮羣峯北顧水東流如此江山豈得休

拚擲金銀山兩座年年江上買離愁樓臺十  
二路三千憂樂茫茫到眼前如此江山勞亦

同	師	字	陽	事	船	墨	山	坐	此	深	恍	嫺	平	吟	浪	題	逸
一	才	並	湖	傳	煙	呼	頭	磬	瓶	秀	如	朱	人	人	張	贈	蘇
上	更	人	洪	風	螺	畫	望	石	成	隔	帶	欄	穩	大	大	想	公
此	雄	壓	聽	雅	兩	史	江	茲	物	絕	睡	碧	渡	庾	豪	笠	筵
山	偉	江	譚	已	點	指	更	山	外	凡	容	瓦	江	詩	襟	祖	生
一	哉	之	焦	繼	門	點	望	豈	適	籟	濛	濛	人	江	風	濤	怒
畱	司	東	山	坡	嬋	江	海	惟	竹	無	塵	煙	愛	住	浩	怒	處
戀	寇	江	遊	翁	娟	山	春	占	樓	塵	蹤	霧	遊	大	浩	魚	龍
翻	立	右	興	七	便	畫	然	水	松	樹	齋	草	金	江	挾	聽	山
愛	朝	傑	濃	百	將	如	清	雲	閣	樹	封	樹	山	無	山	去	龍
余	日	出	如	年	遊	此	肅	復	別	樹	其	一	山	盡	山	山	聽
師	高	黃	此	程	木	萬	天	關	峯	先生	中	枝	山	山	勢	如	門
題	風	江	江	庵	庵	頃	半	鎖	庵	理	蔚	夕	山	不	兀	此	仗
字	亮	夏	山	詩	詩	晴	間	鑰	徧	遊	然	照	如	孤	兀	江	墨
工	節	例	題	昔	昔	波	歸	倚	倚	疏	到	閒	笑	風	兀	山	林
摘	母	以	四	事	事	一	來	疏	疏	筇	分	焦	麗	正	勒	敢	轉
之	乃	予	字			葉	溪	分	分			山	且	潮			因

入詩助詩興公詩突過蘇長公聞公連番持  
 使節曾指北固尋遊蹤預籌捍防慮海寇城  
 倚鐵甕森金墉那堪夷氛遂集此矛戟宵白  
 烽畫紅濺花添灑感時淚嗷嗷豈僅憐哀鴻  
 未幾焦山復登眺螺鬟新沐嵐重重兩三僧  
 烹活水待誰撫綠綺誰種松焦先之宅不可  
 覓溼煙一路聞疏鐘回視前遊幾何日山乃  
 鎮靜如閩蓬聯吟任誇才子筆寄懷殊擅名  
 臣風玉茗主人爲作畫巖岫突兀雲玲瓏自  
 然庵中高位置抵玉帶鎮空門空王生朱生  
 亦妙繪不數北苑稱南宮更有鍼神推絕技  
 繡來能奪天人功並置行笈耐披覽時時邱  
 壑羅心胷攜入新安看雲海焦山飛墮黃山  
 中先就余齋寄高躅齋頭有鼓會署銅子師  
 昔年弄紙筆前後符節堪形容辱公示畫見  
 山色師題字處今儼逢讀畫轉悔執經晚師  
 遊山時予未從師遊此山雖未從知公故  
 鄉廬嶽五老峯定許從公徧覽金芙蓉  
 銘



東屏詩并識

勞白髮生鑱鑰控關嚴北固樓船壓海動南  
 征醉餘徙倚松間石都聽僧寮話太平眼底  
 孤城畫角哀自然庵畔重徘徊豪吟客欲呼  
 龍聽清興人疑跨鶴來醉月況當新釀熟問  
 花重見老梅開青山無恙江聲急破浪誰為  
 舟揖才又向山根繫短篷松陰交互逕深通  
 插差古塔銜宵月隔岸清鐘送遠風兩點嵐  
 光雲盡後千秋人物浪淘中憑闌為指丹陽  
 路擊檝當年氣亦雄江光浪疊千堆雪山色  
 煙含萬樹春瘞鶴昔聞雷墨寶騰蛟今復屬  
 詞臣十年招隱空塵夢半榻分僧亦夙因新  
 雨乍聯懷舊雨一回憑眺一愴神○吾師樹  
 齋先生借黃子湘馬竹漁德研香遊焦山宿  
 自然庵揭壁閒稚存先生所書如此江山四  
 字屬湯雨生將軍繪圖紀事時甲辰季春月  
 也越二年子相復從師遊因送圖菴中使僧

定峯藏之矣此第二圖前爲朱菊垞作後爲  
 王丹麓作詳略互觀允稱合璧了未首春出  
 此卷命題並書師詩付淨因閣 ○朱亮甫詩  
 女史繡之爲識其緣起如此  
 恭送夫子大人旋里卽步新安吟原韻作  
 疏震寰宇詞賦傳螭頭台星夜半黯無色青  
 冥咫尺浮雲愁西沿章貢流東撫金焦石偶  
 來長嘯斗杓亭魚鱗萬戶炊煙直東坡門下  
 陪張秦一磨幸此來相問奉袂再拜感離別  
 仰見白髮年來新檀輪之塵爲公洗願公再  
 爲蒼生起雪飛練水添朱蒙泉詩 峯雲霧生  
 怒濤青山已隱木蘭橈 峯頭雕鏤幽異待巨手生面未闢山靈愁先  
 生歛來遊落筆鏗金石名山所幸逢偉人長  
 卿文章長孺直千鈞筆力追先秦風霜滿紙  
 天下間揭來秀句播人口要與山色爭鮮新  
 雲水光中雙眼洗謝公會向東山起 ○孔宥  
 百川手障迴洪濤清風颯颯隨歸橈

五言詩卷五

初集年記三十一

二

051  
1

1997.09



21101000189648

佩房書目

函詩  
奉懷樹齋太夫子用陶公詠貧士詩韻

皇鳴天上四海間其音李康論命運窮達更

薄俗多浮欽沈真下  
九天誰識煙霞心

三